

BIBLIOTHECA
JUNIORUM

Sic est Libroce
pendere como sude
contener suplico
Aguien seco Alline
per messe
poesie
e Dux notino
Chancie datus
e in Poko studiu
sante ubia doc
menetek assin
Pabermi remane
nas. 1270 latobone
Planus Brix

БІЛКОВІЧКА
СУМОВИМ

J 48
E 1122

DIVI
HIERONYMI
STRIDONENSIS
EPISTOLÆ

ALIQUOT SELECTÆ,
In usum, & utilitatem ado-
lescentium, qui Latinæ
linguæ dant ope-
ram.

Nunc denuò ad exemplar Ma-
riani Victorii Reatini, Episcopi
Amerini, emendatæ, & in hac
ultima editione à quampluri-
mis mendis, quibus sca-
tebant, casti-
gatae.

Sumptibus D. JOSEPHI
PADRINO.

HISPALI: Ex Typographia sig-
natè Latina FRANCISCI SAN-
CHEZ RECENTE, Regiæ Me-
dicæ Societatis, & Bonarum Li-
terarum Regiæ Academiæ His-
palensis, Typographi in
vico Genuensi.

ГИЕРОНУМ
СВЯТОГО
ЕРИОЛА

СВЯТОГО ГЕОРГІЯ

Із землі відійшов
він до небес, але
заспав на землі
і відновив її

Місце, де снував
він, називається
Святою горою
і вважається
місцем, де відбулося
відновлення землі

Свята гора відома
як Свята гора
і вважається
місцем, де відбулося
відновлення землі

Свята гора відома
як Свята гора
і вважається
місцем, де відбулося
відновлення землі

Свята гора відома
як Свята гора
і вважається
місцем, де відбулося
відновлення землі

*CENSURA R. A. P. EM-
manuelis de la Peña, So-
cietatis Jesu.*

CUm viderim has D.
Hieronymi Epis-
tolas ex commissione D.
D. Vicarii Generalis, eas-
que cum aliis impressis
contulerim , reperi has
correctionibus exemplari-
bus conformes esse, ac-
proinde iterum prælo pos-
se mandari. Ita judico.
Hispali 27. Februarii
1722.

Emmanuel de la Peña.

LICENTIA ORDINARII.

NOs D. Carolus Josephus de Ossorio, Doctoris laureolâ decoratus, & in hac Hispalensi urbe, ejusque Diœcesi Provisor, ac Vicarius Generalis per Excmum. D. D. Philippum Gil Taboada, Dei gratiâ, & Apostolicæ Sedis benedictione prædictæ urbis Archiepiscopum, Regisque Catholicî Consiliis, &c. Tenore præsentium, & Ecclesiastica iurisdictione ordinaria facultatem concedimus, ut liber, cui titulus est: *Divi Hieronymi Stridonensis Epistola aliquot selectæ, typis mandetur, cùm ex commissione nostra judicium de eo fecerit R. A. P. Emmanuel de la Peña, Societas JESU, nihilque Catholicæ Fidei, ac probis moribus absconum in eo reperiisset; dummodo hæc nostra licentia, & prædicta Censura singulis exemplaribus initio libri apponatur.* Dat, Hispali die 7. mensis Martii, ann. Dñi. 1722.

*Doct. D. Carolus Josephus
de Ossorio.*

*De mandato D. Vicarii Generalis,
Franciscus Ramos,
Not.*

Li-

Licentia Prælorum Judicis.

Nos D. Franciscus de LEOZ
& Echalaz, Regius Consiliarius, ac in Regali hujus urbis
Audientia Criminis Fiscalis, Prælorumque, & Bibliothecarum Ju-
dex: Tenoie præsentium, & ex
commissione nobis facta facul-
tatem concedimus, ut liber:
*Epistolarum Selectarum D. Hiero-
nymi*, semel imprimatur, qui
anno 1712. Antuerpiæ impres-
sus fuit, de illoque judicium
dedit R. A. P. Emmanuel de la
Peña, Societatis JESU: hæc au-
tem editio cum prædicto exem-
plari conferenda est, cuius licen-
tia Didaco Lopez de Haro, Ty-
pographo Hispalensi, concedi-
tur, dummodò singulis exem-
plaribus initio libri apponatur.
Dat. Hispali die 13. mensis Mar-
tii ann. Dñi. 1722.

*D. Franciscus de LEOZ
& Echalaz.*

De ejus mandato

Joannes Franciscus Carrera,

DIVI HIERONYMI
VITA.

H^Ieronymus, Constantino Imperatore anno ab Orbe redempto, trecentesimo trigesimo primo, in oppido Stridone (quod est in Pannoniæ, Dalmatiæque confinio) Christianis Parenibus ortus, puer admodum Romam missus est liberalibus studiis erudiendus, ubi Donato in Grammaticis Præceptore, & (ut quidam volunt) Victorino in Rheticis usus Græcas, ac Latinas literas felicissimè didicit.

Cùm

Cùm autem ætate pro-
cessisset, Aristotelicam,
Platonicam, Stoicam, ac
cæterorum omnium Phi-
losophiam attigit. Gal-
liam deinde discendi gra-
tiâ perlustravit, unde Ro-
mam reversus est, atque
inde in Syriam profectus:
qua itidem magna ex par-
te discendi studio per-
agrata, in vastam ere-
mum, quæ Syros ab Aga-
renis disternat, seces-
sit. Ubi per quatuor an-
nos ab hominum frequen-
tia semotus, cum solo
Deo, librisque suis com-
merciū habens, adoles-
centiæ,

centiæ lapsus lachryma-
rum imbre diluebat, &
contractas per ætatis in-
curiam sordes, laborum
asperitate detergebat. In-
ediâ denique, ac vigiliis,
& incredibili austerritate
rebellantem carnem, &
subinde repullulantem
ætatis lasciviam coercens,
corpus spiritui servire
docebat. Visebatur ta-
men in ea solitudine non-
numquam ab amicis, &
vicinos Monachos ipse in-
visebat. Hebraici sermo-
nis difficultatem indefe-
so labore pervicit. Cujus
non solum intelligentiam,

sed


sed & peculiarem sonum,
ac vernaculum stridorem
est assecutus, usus ad eam
rem doctissimis Hebræo-
rum, quos ingenti mer-
cede conducebat, mar-
supium exhauiens, ut
pectus eruditione locuple-
taret. Nec his contentus,
Chaldaicam item lin-
guam est aggressus, quam
tamen hactenus modò se-
cutus est, ut intelligere
posset verius, quam sona-
re. Gregorium Nazianze-
num Præceptorem suum
ipse appellat, & hoc inter-
pretante, se sacras didi-
cisse literas testatur. Cùm
igit-

igitur ingenti jam doc-
trina, & sanctitate clarus
haberetur, Romam revo-
catus Presbyter factus est,
iterumque profectus Sy-
riam repetiit, & Bethle-
hem, juxta Præsepe, quod
Infantem Christum ex-
ceperat, venturæ senec-
tuti sedem delegit. Ubi
cum piis, doctisque vi-
ris in Monasterio, quod
Paula Matrona sancta
condiderat, sanctissimam
vitam multis egit annis.
Libros complures scrip-
sit. Vetus Testamentum
ad veritatem Hebraicam
transtulit. Novum au-
tem

tem reddidit Græcæ fidei.
Multæ præterea Greco-
rum opera Latinitate do-
navit. Tandem vitæ cur-
su sanctissimè peracto,
multis miraculis clarus,
in eodem oppido Bethle-
hem migravit ad Domi-
num , pridiè Kalendas
Octobris , anno Christi
nati 422. suæ verò æta-
tis 91. Hunc omnis se-
xus , omnis ætas discat ,
evolvat , imbibat , nul-
lum doctrinæ genus est ,
quod hinc non queat ad-
juvari : nullum vitæ in-
stitutum , quod hujus
præceptis non formetur:

so-

soli Hæretici Hierony-
mum horreant, & ode-
rint, quos ille solos
accerrimos hostes
habuit.



EPIS-

EPISTOLÆ DIVI HIERONYMI STRIDONENSIS

SELECTÆ,

In usum Gymnasiorum, ubi Latina lingua docetur, ut habeant adolescentes unde eloquentiam, simul & pietatem hauriant.

Ad Heliodorum de laude vita solitariae
Argumentum Epistolæ.

Cum D. Hieronymus eremum adiisset, Heliodorum sodalem charissimum, qui ipsum officii causâ fuerat prosequutus (ut alibi testatur) conatus est apud se retinere: quod cum non potuisset efficere, literis ad illius datis, hortatur ad solitariae vita societatem: refellens singula, quæ eum vel ab eremo deterrere, vel in urbibus remorari possent: ostendensque, quām non sit tutum Episcopi munus suscipere, & quām non facile tueri susceptum. Deinde, velut in peroratione, eremitica vita fœlicitatem decansat, ac supremi Judicii terrorem ob oculos ponit.

Quanto amore, & studio contendemus, ut pariter in eremo moraremur, conscientia mutuae charitatis peccatum agnoscit: quibus lamentis, quo dolore, quo gemitu te abeuntem prosequutus sim, istæ quoque literæ testes sunt, quas lachrymis cernis (*a*) interlitas.

A

Yc³

(*a*) Id est, passim deletas.

EPISTOLA

Verum tu, quasi parvulus delicatus, contemptum rogantis per blandimenta fovisti; & ego incautus, quid tunc agerem, nesciebam. Tacerem? Sed, quod ardenter volebam, moderatè dissimulare non poteram. Impensis obsecrarem? Sed audire nolebas, quia similiter non amabas. Quod unum potuit, spreta charitas fecit: quem praesentem retinere non valuit, querit absentem. Quoniam igitur, & tu ipse abiens postularas, ut posteà quam ad deserta migrasssem, invitatoria ad te scripta transmitterem, & ego ne facturum promiseram, invito jam, propera. Nolo pristinarum necessitudinum recorderis: nudos amat eremus. Nolo te longinquæ peregrinationis terreat difficultas. Qui in Christum credis, & ejus crede sermonibus. Quærite primum Regnum Dei, & hæc omnia apponentur vobis. Non pera tibi sumenda, non virga est. Assatim dives est, qui cum Christo pauper est. Sed quid ago? Rursus improvidus obsecro? Abeant preces, blandimenta discedant: debet amor Iæsus irasci. Qui roganter contempseras, forsitan audies objurgantem. Quid facis in paterna domo, delicate miles? Ubi vallum? Ubi fossa? Ubi hyems aëta sub pellibus? Ecce de Cœlo tuba canit: ecce cum nubibus debellatur orbem Imperator armatus egreditur. Ecce bis acutus gladius ex Regis ore procedens, obvia quæque metit: & tu mihi de cubiculo ad aciem, tu de umbra egrederis ad Solem? Corpus asperatum tunicis, loricæ onus non fert. Caput oper-

opertum linteo , galeam recusat : mollem
otio manum durus exasperat capulus. Audi
edictum Regis tui. Qui non est mecum,
contra me est : & qui mecum non colligit,
spargit. Recordare tyrocinii tui diem , quo
Christo in Baptismate consepultus , in Sa-
cramenti verba jurasti , pro nomine ejus non
te Patri parciturum esse , non Matri. Ecce
Adversarius in pectore tuo Christum cona-
tur occidere. Ecce donativum , quoJ mili-
taturus acceperas , hostilia castra suspirant.
Licet parvulus ex collo pendeat nepos : li-
cet sparsa crine , & scissis vestibus , ubera,
quibus te nutrieraat , Mater ostendat : licet
in limine Pater jaceat , per calcatum perge
Patrem : siccis oculis ad vexillum Crucis
evola. Solum pietatis genus est , in hac re
esse crudelem. Veniet , veniet postea dies
ille , quo vixor revertaris in patriam : quo
per Hierosolymam coelestem vir fortis co-
ronatus incedas. Tunc municipatum cum
Paulo capies : tunc & Parentibus tuis ejus-
dem civitatis jus petes : tunc & pro me ro-
gabis , qui te , ut vinceres , incitavi. Ne que
vero nescio , qua te dicas nunc compede
præpediri: non est nobis ferreum pectus , nec
dura præcordia : non ex silice natos Hirca-
næ nutriere tigrides : & nos per ista transfivi-
mus. Nunc tibi blandis vidua soror hæret
Iacertis : nunc illi , cum quibus adolevisti,
vernulae ajunt : Cui nos servituros relin-
quis ? Nunc & gerula quondam , jam anus ,
& nutricius , secundus , post naturalem pie-
tatem , Pater clamat : Morituros expecta

EPISTOLA

paulisper, & sepeli. Forsitan & laxis uberum pellibus Mater, arata rugis fronte, antiquum referens mammæ lallare, congerinet. Dicant, si volunt, & Grammatici: *In se omnis domus inclinata recumbit.* Facile rumpit hæc vincula amor Dei, & gehennæ timor. At contrà Scriptura præcipit, Parentibus obsequendum. Sed quicumque eos supra Christum amat, perdit animam suam. Gladium tenet hostis, ut me perimat, & ego de Matris lachrymis cogitabo? Propter Patrem militiam Christi deseram, cui sepulturam Christi causâ non debeo, quam etiam omnibus ejus causâ debeo? Domino passuro timidè Petrus consulens scandalum fuit, Paulus retinentibus se fratribus, nè Hierosolymam pergeret, respondit: *Quid facitis plorantes, & conturbantes cor meum?* Ego enim non solùm ligari; sed & mori in Hierusalem paratus sum pro nomine Domini Jesu-Christi. Aries (*a*) iste pietatis, quo fides quatitur, Euangelii retundendus est muro: Mater mea, & fratres mei sunt, quicumque faciunt voluntatem Patris mei, qui in Cœlis est. Si credunt in Christum, faveant mihi pro ejus nomine pugnatio; si non credunt, mortui sepeliant mortuos suos. Sed hoc, ais, in martyrio. Erras, frater, erras, si putas, unquam Christianum persequitionem non pati: tu ne maximè oppugnaris, si te oppugnari nescis. Adversarius noster,

(a) Bellicum instrumentum est, quo vi adacto, mœnia quatuntur.

noster , tanquam leo rugiens , aliquam devorare quærens , circumit ; & tu pacem putas ? Sedet in insidiis cum divitibus , ut in occultis interficiat innocentem : oculi ejus in pauperem respiciunt : insidiatur in occulto , sicut leo in spelunca sua : insidiatur , ut rapiat pauperem ; & tu frondosæ arboris tectus umbraculo , molles somnos , futurus præda , carpis ? Inde me persequitur Luxuria : inde avaritia conatur irrumpere : inde venter meus vult mihi Deus esse pro Christo : compellit libido , ut habitantem in me Spiritum Sanctum fugem , ut Templo ejus violem : persequitur (inquam) me hostis , cui nomina mille , mille nocendi artes : & ego infelix vietorem me putabo , dum capior ? Nolo , frater charissime , examinato pondere delictorum , minora credas idolatriæ criminè esse , quæ diximus : imò Apostoli disce sententiam , qui ait : Hoc enim scitote , intelligentes , quia omnis fornicator , aut immundus , aut avarus , aut fraudator , quod est idolorum servitus , non habet hereditatem in Regno Christi , & Dei . Et quamquam generaliter adversum Deum sapiat quicquid Diaboli est , & quod Diaboli est , idolatria sit , cui omnia idola mancipantur : tamen & in alio loco speciatim , nominatimque determinat , dicens : Mortificate membra vestra , quæ sunt super terram , deponentes fornicationem , immunditiam , libidinem , & concupiscentiam malam , & avaritiam ; quæ sunt idolorum servitus , propter quæ

venit ira Dei in filios diffidentiae. Non est tantum in eo servitus idoli, si quis duobus digitulis thura in bustum aræ jaciat, aut haustum pateræ poculo fundat merum. Neget, avaritiam esse idololatiæ, qui potest triginta argenteis Dominum venditum, appellare justitiam. Neget sacrilegium esse, qui in libidine sedet, qui membra Christi, & hostiam vivam placentem Deo, cum publicarum libidinum victimis nefaria colluvione violavit. Non fateatur, fraudem idolatriam esse; sed similis eorum, qui in Actibus Apostolorum ex patrimonio suo partem pretii reservantes, praesenti periore vindicta. Animadverte, frater, non tibi licet de tuis quicquam habere rebus. Omnis (inquit Dominus) qui non renunciaverit cunctis, quæ possidet, non potest meus esse discipulus. Cur timido animo Christianus es? Respice cum Petro relictum rete. Respice surgentem de Telonio Publicanum statim Apostolum. Filius hominis non habet, ubi caput reclinet, & tu amplas porticus, & ingentia tectorum spatia metiris? Hæreditatem expectans sæculi, cohaeres Christi esse non poteris. Interpretare vocabulum Monachi, hoc est nomen tuum. Quid facis in turba, qui solus es? Et hoc ego non integris rate, vel mercibus, nec quasi ignarus fluctuum, præmoneo; sed quasi nuper naufragio ejectus in littus, doctus nauta timida navigaturis voce denuncio. In illo æstu Carybdis luxuriaæ saltem vorat. Ibi ore virginæ, ad pudicitias per-

AD HELIODORUM.

77

perpetranda naufragia , Scylla , cœu reniens libido , blanditur. Hic barbarum littus , hic Diabolus pyrata; cum sociis portat vincula capiendis. Nolite credeſe , nolite esse ſecuri. Licet in modum stagni fuſum æquor arrideat : licet vix ſumma jacentis elementi ſpiritu terga criſpentur , magnos hic campus montes habet. Intus inclufum eſt periculum , intus eſt hoſtis. Expedite rudentes , vela ſuſpendite. Crux antennæ figatur in frontibus : tranquillitas iſta tempeſtas eſt. Sed forſitan diſturus eſt : Quid ergo? Qui cumque in civitate ſunt , Christiani non iunt? Non eſt tibi eadem cauſa , quæ cæteris. Dominum auſculta dicentem : Si viſ perfectus eſſe , vade , vende omnia tua , & da pauperibus ; & veni , ſequere me. Tu autem perfectum te fore pollicitus eſt: nam , cum derelictâ militiâ , te caſtrasti propter Regna Cœlorum , quid aliud quam perfectam fecutus eſt vitam? Perfectus autem ſervus Christi nihil preter Christum habet: aut , ſiquid preter Christum habet , perfectus non eſt : & , ſi perfectus non eſt , cum ſe perfectum fore Deo pollicitus fit ; ante Deum mentitus eſt : os autem , quod mentitur , occidit animam. Igitur , ut concludam , ſi perfectus eſt , cur bona paterna deſideras? Dominum ſefellisti , ſi perfectus non eſt. Divinis Euangeliū vocibus conſonat : Non potestis duobus dominis ſervire : & audet quiſquam mendacem Christum facere mammonæ , & Domino ſerviendo? Vociferatur ille ſep̄e: Si quis vult poſt

me venire , abneget semetipsum , & tollat
 Crucem suam , & sequatur me : & ego onus-
 tus auro arbitror , me Christum sequi ? Qui
 dicit , se in Christum credere , debet quo-
 modo ille ambulavit , & ipse ambulare .
 Quod si nihil habes (ut te responsurum
 scio) cur tam bene paratus ad bella , non
 militas ? Nisi forte in patria tua te arbitra-
 ris hoc facere , cum in sua Dominus signa
 non fecerit . Et cur id ? Cum authotitate su-
 me rationem : Nemo Propheta in patria sua
 honorem habet . Non quero , inquies , ho-
 norem : sufficit mihi conscientia mea . Ne-
 que Dominus quærebat , quippe qui , nè à
 turbis Rex constitueretur , aufugit . Sed ubi
 honor non est , ibi contemptus est : ubi
 contemptus , ibi frequens injuria : ubi au-
 tem injuria , ibi & indignatio : ubi indig-
 natio , ibi quies nulla : ubi quies non est ,
 ibi mens à proposito sæpè deducitur : ubi
 autem per inquietudinem aliquid aufertur
 de studio , minus fit ab eo , quod tollitur:
 & ubi minus est , perfectum non potest di-
 ci . Ex hac supputatione illa summa nasci-
 tur : Monachum perfectum in patria sua
 esse non posse : perfectum autem esse nolle ,
 delinquere est . Sed de hoc gradu pulsus
 provocabis ad Clericos . An de his aliquid
 audeam dicere , qui certè in suis urbibus
 commorantur ? Absit , ut de his quicquam
 sinistrum loquar , qui Apostolico gradu
 succedentes , Christi corpus sacro ore con-
 ficiunt , per quos & nos Christiani sumus
 qui claves Regni Cœlorum habentes ,

quod-

AD HELIODORUM.

9.

quodammodo ante judicii diem judicant: qui Sponsam Domini sobria castitate conservant. Sed alia (ut antè perstrinx) Monachorum est causa, alia Clericorum. Clerici pascunt oves: ego pascor: illi de Altari vivunt: mihi quasi infructuofæ arbore securis ponitur ad radicem, si munus ad Altare non defero. Nec possum obtendere paupertatem, cum in Evangelio anum viduam, duo (quæ sola sibi supererant) æra mittentem in gazophilacium laudaverit Dominus. Mihi ante Presbyterum sedere non licet: illi, si peccavero licet tradere me Sathanæ in interitum carnis, ut spiritus salvus sit in die Domini Iesu. Et in veteri quidem lege, quicumque Sacerdotibus non obtemperasset, aut extra castra positus lapidabatur à populo, aut gladio cervice subiecta, contemptum expiabat cruento. Nunc vero inobediens spirituali mucrone truncatur: aut ejectus de Ecclesia rabido Dæmonum ore discerpitur. Quòd si te quoque ad eundem ordinem pia fratrum blandimenta solicitant gaudebo de ascensu; sed timebo de lapsu. Qui Episcopatum desiderat, bonum opus desiderat. Scimus ista; sed junge, quod sequitur. Oportet autem hujusmodi irreprehensibilem esse; unius uxoris virum, sobrium, pudicum, prudentem, ornatum, hospitalem, docibilem, non vinolentum, non percussorem; sed modestum. Et cæteris, quæ de eo sequuntur, explicitis, non minorem in tertio gradu adhibuit diligentiam, dicens: Diaconos similiter

pudicos, non bilingues, non multo vino
deditos, non turpilucros, habentes mysterium Fidei in conscientia pura. Et hi autem probentur primum; & sic ministrent, nullum crimen habentes. Vae illi homini, qui vestem non habens nuptialem, ingreditur ad coenam! Nihil superest, nisi ut statim audiat: Amice, quomodo hac intrasti? Et illo obmutescente, dicatur ministris: Tollite illum ligatis manibus, & pedibus, & mittite eum in tenebras exteriores, ubi erit fletus, & stridor dentium. Vae illi, qui acceptum talentum in sudario ligans, ceteris lucra facientibus, id tantum, quod accepit, reservavit! Illicò indignantis Domini clamore ferietur: Serve nequam, quare non dedisti pecuniam meam ad mensam, ut & ego veniens cum usuris exegisssem eam? Id est, deposuisses ad Altare, quod ferre non poteras. Dum enim tu ignavus negotiator denarium tenes, alterius locum, qui pecuniam duplicare poterat, occupasti. Quamobrem sicuti, qui bene ministrat, bonum gradum sibi acquirit; ita, qui indignè ad calicem Domini accedit, reus erit Dominici Corporis, & Sanguinis. Non omnes Episcopi, Episcopi sunt. Attendis Petrum; sed & Judam considera. Stephanum suspicis; sed & Nicolaum respice: quem Dominus in Apocalypsi suâ damnat sententia. Qui tam turpia, & nefanda commetus est, ut Nicolitarum hæresis ex illa radice nascatur. Probet se unusquisque, & sic accedat. Non facit Ecclesiastica dignitas

Chris-


Christianum. Cornelius Centurio , adhuc ethnicus , dono Sancti Spiritus mundatur. Presbyteros Daniel puer judicat. Amos ruborum mora distinguens, repente Prophetæ effectus est. David pastor eligitur in Regem. Minimum discipulum amat JESUS plurimum. Inferius, frater , accumbe , ut, minore adveniente , sursum jubearis ascendere. Super quem Dominus requiescit, nisi super humilem , & quietum , & trementem verba sua ? Cui plus creditur , plus ab eo exigitur. Potentes potenter tormenta patientur. Nec sibi quisquam de corporis tantum mundi castitate supplaudat : cum omnne verbum otiosum , quodcumque loquuti fuerint homines , reddituri sint de eo rationem in die judicii : cum etiam convitium in fratrem homicidii sit reatus. Non est facile stare loco Pauli , tenere gradum Petri jam cum Christo regnantium : ne forte veniat Angelus , qui scindat velum templi tui , qui candelabrum tuum de loco moveat. Ædificaturus turrim, futuri operis sumptus supputa. Infatuatum sal ad nihil est utile, nisi ut projiciatur foras, & à porcis conculcetur. Monachus si ceciderit, rogavit pro eo Sacerdos: pro Sacerdotis lapsu quis regatus est? Sed quoniam è scopulosis locis enavigavit oratio, & inter canas spumeis fluctibus cautes, fragilis in altum cyniba processit, expandenda vela sunt ventis: & quæstionum scopulis transvadatis, lætantium more nautarum , epilogi cœleuma cantandum est. Q desertum Christi floribus vernans ! Q

solitudo , in qua illi nascuntur lapides , de quibus in Apocalypsi Civitas magni Regis extruitur ! O eremus familiarius Deo gaudens ! Quid agis , frater , in saeculo , qui major es Mundo ? Quamdiu te tectorum umbræ premunt ? Quamdiu fumosarum urbiuum carcer includit ? Crede mihi , nescio quid plus lucis aspicio . Libet , sarcinâ corporis abjectâ , ad purum ætheris evolare fulgorem . Paupertatem times ? Sed beatos Christus pauperes appellat . Labore terrenis ? At nemo athleta sine sudore coronatur . De cibo cogitas ? Sed fides famem non timet . Super nudam metuis humum exesa jejuniis membra collidere ? Sed Dominus tecum jacet . Squalidi capitis horret inulta cæsaries ? Sed caput tuum Christus est . Infinita eremi vastitas te terret ? Sed tu Paradisum mente deambula : quotiescumque illuc cogitatione conscenderis , toties in eremo non eris . Scabra sine balneis attrahitur cutis ; sed , qui in Christo semel lotus est , non illi necesse est iterum lavari . Et , ut breviter ad cuncta audias Apostolum respondentem : Non sunt (inquit) condignæ passiones hujus saeculi ad superventuram gloriam , quæ revelabitur in nobis . Delicatus es , frater , si & hic vis gaudere cum saeculo , & posteà regnare cum Christo . Veniet , veniet illa dies , qua corruptivum hoc , & mortale incorruptionem induat , & immortalitatem . Tunc beatus servus , quem Dominus invenerit vigilantem . Tunc ad vocem tubæ pavebit terra cum populis , &

tu gaudebis. Judicaturo Domino, lugubre Mundus immugiet, & Tribus ad Tribum pectora ferient. Potentissimi quondam Reges nudo latere palpitarunt. Exhibebitur cum prole sua Venus: tunc ignitus Jupiter adducetur, & cum suis stultus Plato discipulis: Aristotelis argumenta non proderunt. Tunc tu rusticanus, & pauper exultabis, & ridebis, & dices: Ecce Crucifixus Deus meus: ecce Judex, qui obvolutus pannis in præsepio vagiit. Hic est ille operarii, & quæstuariæ filius; hic, qui Matris gestatus sinu, hominem Deus fugit in Ægyptum: hic vestitus coccino: hic sentibus coronatus: hic Magus, Dæmonium habens, & Samarites. Cerne manus, Judæe, quas fixeras: cerne latus, Romane, quod foderas. Vide te corpus an idem sit, quod dicebatis clam nocte sustulisse discipulos. Di-

Iectio tua me compulit, ut hæc tibi, frater, dicerem: ut iis tunc interesse contingat, pro quibus nunc labor durus

est.



HIERONYMUS

Ad Nepotianum, de vita Clericorum, & Sacerdotum.

Argumentum Epistolæ.

Nepotiano, qui fuit Heliodori ex sorore nepos, præscribit vivendi formam, quam Clerici, & Episcopi sequi debeant, saluberrima quadam præcepta tradens de spernendis divitiis, & fugienda familiaritate sacerdrium, & prætipue fœminarum. De doctrina pietatis, & de aliis multis, quæ legenti facile patebunt.

Petis à me, Nepotiane charissime, literis transmarinis, & crebro petis, ut tibi brevi volumine digeram præcepta vivendi, & qua ratione is, qui sæculi militiâ derelictâ, vel Monachus cœperit esse, vel Clericus, rectum Christi tramitem teneat, nè ad diversa vitiorum diverticula rapiatur. Dum essem adolescens, immo penè puer, & primos impetus lascivientis ætatis, eremi duritiâ refrenarem, scripsi ad Avunculum tuum Sanctum Heliodorum exhortatoriam epistolam plenam lachrymis, querimoniiisque, & quæ deserti sodalis monstraret affectum.

Sed in illo opere pro ætate tunc lusimus, & calentibus adhuc Rhetorum studiis, ergoque doctrinis, quedam scholastico flore

flore depinximus. Nunc jam cano capite,
& arata rugis fronte, & instar boum pen-
dentibus à mento palearibus, *frigidus obsis-*
tit circum præcordia sanguis. Unde, & in
alio loco idem Poëta canit: *Omnia fer-
etas, animum quoque.* Et post modicum:
Nunc oblita mihi tot carmina, vox quoque
Mærin jam fugit ipsa. Quod nè de gentili-
tantùm literatura proferre videamur, Divi-
norum voluminum sacramenta cognosce.
David annos natus septuaginta, bellicosus
quondam vir senectute frigescente, non po-
terat calefieri; quæritur itaque puella de
universis finibus Israël, Abisag Sunami-
tis, quæ cum Rège dormiret, & senile
corpus calefaceret. Nonne tibi videtur, si
occidentem sequaris literam, vel figmen-
tum esse de Mimo, vel Attelanarum ludi-
cra? Frigidus senex obvolvitur vestimentis,
& nisi complexu adolescentulæ non tepeſ-
cit. Vivebat adhuc Bethsabée: supererat
Abigail, & reliquæ uxores ejus, & concu-
binæ, quas Scriptura commemorat. Om-
nes quasi frigidæ repudiantur, & in unius
tantum adolescentulæ grandævus calescit
amplexibus. Abraham multò David senior
fuit; & tamen, vivente Sara, aliam non
quaſivit uxorem. Isaac duplices David an-
nos habuit; & cum Rebecca jam vetula nun-
quam friguit. Taceo de prioribus ante di-
luvium viris, qui post annos nongentos, non
dico senilibus; sed penè jam cariosis artu-
bus, nequaquam puellares quaſiere ami-
plexus. Certè Moÿses, Dux Israëlitic⁹

Populi, centum & viginti annos habebat,
 & Sephoram non mutavit. Quæ est igitur
 ista Sunamitis uxor, & virgo tam fervens,
 ut frigidum calefaceret, tam sancta, ut
 calentem ad libidinem non provocaret?
 Exponat sapientissimus Salomon Patris
 sui delicias, & pacificus bellatoris viri
 narret amplexus. Posse sapientiam: Pos-
 side intelligentiam. Nè obliviscaris, & nè
 declinaveris à verbis oris mei. Neque dera-
 linquas illam, & apprehendet te: ama
 illam, & servabit te. Principium sapien-
 tiæ, posse sapientiam: & in omni pos-
 sessione tua, posse intelligentiam, cir-
 cumda illam, & exaltabit te, honora il-
 lam, & amplexabitur te: ut det capiti tuo
 coronam gratiarum. Corona quoque deli-
 ciarum proteget te. Omnes penè virtutes
 corporis mutantur in senibus, & crescente
 sola sapientia, decrescunt cætera: jejunia,
 vigiliæ, eleemosynæ, chameuniæ, huc, il-
 lucque discursus, peregrinorum suscep-
 tio, defensio pauperum, instantia orationum,
 perseverantia, visitatio languentium, la-
 bor manuum, unde præbeantur eleemosy-
 ne. Et (nè sermonem longius protraham)
 cuncta, quæ per corpus exercentur, frac-
 to corpore, minora fiunt. Nec hoc dico,
 quod in juvenibus, & adhuc solidioris æta-
 tis, his dumtaxat, qui labore, & arden-
 tissimo studio, vite quoque sanctimoniam,
 orationis ad Dominum JESUM frequentiam;
 scientiam consequuti sunt, frigeat sapientia,
 quæ in plerisque senibus ætate marcescit;

sed

sed quòd adolescentia multa corporis bella sustineat, & inter incentiva vitiorum, & carnis titillationes, quasi ignis in lignis viridibus suffocetur, ut suum non possit explicare fulgorem. Sene^ctus verò rursum eorum, qui adolescentiam suam honestis artibus instruxerunt, & in lege Domini meditati sunt die, ac nocte, ætate fit doctior; usu tritior, processu temporis sapientior, & veterum studiorum dulcissimos fructus metit. Unde & sapiens ille vir Græciæ Themistocles, cùm, expletis centum & septem annis, se mori cerneret, dixisse fertur, se dolere, quòd tunc egredieretur è vita, quando sapere cœpisset. Plato octogesimo primo anno scribens mortuus est. Et I^socrates, nonaginta & novem annos in docendi, scribendique labore complevit. Taceo cæteros Philosophos, Pythagoram, Democritum, Xenocratem, Zenonem, Cleantem, qui jam ætate longæva in sapientiæ studiis floruerunt. Ad Poëtas venio, Homerum, Hesiodum, Simonidem, Stesichorum: qui grandes natu, cygneum nescio quid, & solito dulcius, vicina morte cecinerunt. Sophocles, cùm propter nimiam senectutem, & rei familiaris negligentiam, à filiis accusaretur amentiæ, Oedipi fabulam, quam nuper scripsérat, recitavit judicibus: & tantum sapientiæ in ætate jam fracta specimen dedit, ut severitatem tribunalium in theatri favorem verteret. Nec mirum, cùm etiani Cato Censorius, Romani generis disertissimus.

sumus, jam & senex, Græcas literas dis-
 cere nec erubuerit, nec desperaverit. Cer-
 tè Homerus refert, quòd de lingua Nesto-
 ris jam vetuli, & penè decrepiti, dulcior
 melle oratio fluxerit. Sed & ipsius nominis
 Abisag Sacramentum, sapientiam senum
 indicat ampliorem: interpretatur enim,
 Pater meus superfluus, vel Patris mei ru-
 gitus. Verbum superfui ambiguum est;
 sed in præsenti loco virtutem sonat, quòd
 amplior sit in senibus, & redundans, ac
 larga sapientia. In alio autem loco super-
 fluus, quasi non necessarius ponitur. Abi-
 sag autem, id est, rugitus propriè nuncu-
 patur, quòd ut Maris fluctus resonat, &
 ut ita dicam, de pelago veniens fremitus
 auditur. Ex quo ostenditur, abundantissi-
 mum, & ultra humānam voce in Divini ser-
 monis in senibus tonitrum commorari.
 Porrò Sunamitis in lingua nostra coccinea
 dicitur, ut significet callere sapientiam, &
 Divina lectione fervere: quod, licet Do-
 minici Sanguinis indicet Sacramentum; ta-
 men & fervorem ostendit sapientiæ. Unde
 & obstetrix illa in Genesi coccinum ligat
 in manu Phares, qui ab eo, quòd parie-
 tem diviserat, duos autem populos separa-
 tem, divisoris, id est, Phares sortitus est
 nomen. Et Rahab meretrix, in typo Eccle-
 siæ resticulam mysterium sanguinis conti-
 nentem, ut, Jerico pereunte, domus ejus
 salvaretur, appendit in fenestra. Unde &
 in alio loco de viris Sanctis Scriptura
 commemorat: Hi sunt, qui venerunt de-

calore domus Patris Rechab. Et Dominus noster in Euanglio: Ignem (inquit) venni mittere in terram, & quid volo nisi ut ardeat? Qui in Discipulorum corda succensus, cogebat eos dicere: Nonne cor nostrum ardens erat in nobis, dum loqueretur in via, & aperiret nobis Scripturas? Quorsum hæc tam longo repetita principio? Nè à me quæras pueriles declamationes, sententiarum fiosculos, verborum lenocinia, & per fines capitulorum singulorum acuta quedam, breviterque conclusa, quæ plausus, & clamores excitent audientium. Amplexetur me modò sapientia: & Abisag nostra, quæ nunquam senescit, in meo requiescat sinu. Impolluta est, virginitatisque perpetuæ, & quæ in similitudinem MARIÆ, cùm quotidie generet, semperque parturiat, incorrupta est. Hinc reor dixisse & Apostolum: Spiritu ferventes. Et in Euanglio Dominum prædicasse, quod in fine Mundi, quando juxta Prophetam Zachariam, stultus pastor esse cœperit, sapientia decrescente, refrigerescet charitas multorum. Audi igitur (ut Beatus Cyprianus ait) non diserta; sed fortia. Audi fratrem Collegio, Patrem senio, qui te ab incunabulis fidei usque ad perfectam ducat ætatem, & per singulos gradus vivendi præcepta constituens, in te cæteros erudiat. Scio quidem, ab Avunculo tuo Beato Heliodoro, qui nunc Pontifex Christi est, te & didicisse, quæ sancta sunt, & quotidie discere normamque

vitæ

vitæ ejus exemplum habere virtutum. Sed & nostra , qualiacumque sunt , suscipe ; & libellum hunc libello illius copulato , ut cùm ille te Monachum erudiérit , hic Clericum doceat esse perfectum. Igitur Clericus , qui Christi servit Ecclesiæ , interpretetur primò vocabulum suum , & , nominis definitione prolatæ , nitatur esse , quod dicitur. Si enim *Cleros* Grecè , sors Latinè appellatur , propterea vocantur Clerici , vel quia de forte sunt Domini , vel quia ipse Dominus sors , id est , pars Clericorum est. Qui autem vel ipse pars Domini est , vel Dominum partem habet , talem se exhibere debet , ut & ipse possideat Dominum , & possideatur à Domino. Qui Dominum possidet , & cùm Propheta dicit : Pars mea Dominus : nihil extra Dominum habere potest. Quòd si quidpiam aliud habuerit præter Dominum , pars ejus non erit Dominus ; v. gr. si aurum , si argentum , si possessiones , si variam supellecti-lem , cum istis partibus Dominus pars ejus fieri non dignabitur. Si autem ego pars Domini sum , & funiculus hæreditatis ejus: nec accipio partem inter cæteras Tribus; sed quasi Levita , & Sacerdos vivo de decimis , & Altari serviens Altaris oblatione sustendor ; habens victum , & vestitum , his contentus ero , & nudam Crucem nudus sequar. Obscro itaque te , & repetens iterum , iterumque monebo , nè officium Clericatus genus antiquę militię putas: id est , nè lucra sçculi in Christi quæras mili-

militia: nè plus habeas, quām quando
Clericus esse cœpisti, & dicatur tibi: Cle-
ricorum opes non proderunt eis. Nonnulli
enim sunt ditiores Monachi, quām fue-
rant sacerdotes: & Clerici, qui possideant
opes sub Christo paupere, quas sub locu-
plete, & fallace Diabolo non habuerant,
ut suspireret eos Ecclesia divites, quos Mun-
dus tenuit antē mendicos. Mensulam tuam
pauperes, & peregrini, & cum illis Chris-
tus conviva noverit. Negotiatorem Cle-
ricum, & ex inope divitem, ex ignobili
gloriosum, quasi quandam pestem fage.
Corrumpunt mores bonos confabulationes
pessimæ. Tu aurum contemnis, aliis dili-
git: tu calcas opes, ille sectatur: tibi
cordi est silentium, mansuetudo, secre-
tum; illi verbositas, attrita frons, cui
nundinæ, fora placent, & plateæ, ac me-
diorum tabernæ. In tanta morum discor-
dia, quæ potest esse concordia? Hosptio-
lum tuum aut raro, aut nunquam mulie-
rum pedes terant. Omnes puellas, & vir-
gines Christi, aut æqualiter ignorâ, aut
equaliter dilige: nec sub eodem tecto man-
sites: nec in præterita castitate confidas.
Nec sanctior David, nec Sansone fortior,
nec Salomone potes esse sapientior. Me-
mento semper, quod Paradisi colonum de
possessione sua mulier ejecerit. Ægrotan-
ti tibi quilibet sanctus frater assistat, &
germana, vel Mater, aut probatæ quælibet
apud omnes fidei. Quod si hujuscem-
odi non facerint consanguinitatis, casti-
monię-

monixque personæ, multas annis nutrit Ecclesia, quæ & officium præbeant, & beneficium accipient ministrando: ut infirmitas quòque tua fructum habeat eleemosynæ. Scio, quosdam convaluisse corpore, & animo ægrotare cœpisse. Periculosè tibi ministrat, cuius vultum frequenter attendis. Si propter officium Clericatus, aut vidua à te visitatur, aut virgo, nunquam domum solus introcas. Tales habeto socios, quorum contubernio non infamēris. Si lector, si Acolytus, si Psaltes te sequitur, non ornentur veste; sed moribus. Nec calamistro crispent comas; sed pudicitiam habitu pollicentur. Solus cum sola secretò, & absque arbitro, vel teste, non sedeas. Si familiarius est aliquid loquendum, habet nutricem majorem domus, virginem, viduam, vel maritatem: non est tam inhumana, ut nullum præter te habeat, cui se audeat credere. Caveto omnes suspiciones: & quicquid probabiliter fingi potest, nè fingatur, antè devita. Cresbra munuscula, & fudariola, & fasciolas, & vestes ori applicitas, & oblatos, ac degustatos cibos blandisque, & dulces literulas, sanctus amor non habet. Mel meum, lumen meum, meum desiderium, omnes delicias, & lepores, & risu dignas urbanitates, & cæteras ineptias amatorum, in comœdiis erubescimus, in sæculi hominibus detestamur: quanto magis in Monachis, & in Clericis, quorum & Sacerdotium proposito, & propositum ornatur Sacerdotio? Nec hoc dico,

dico, quod aut in te, aut in sanctis viris ista formidem; sed, quod in omni proposito, in omni gradu, & sexu, & boni, & mali reperiantur, malorumque condemnatio laus bonorum sit. Pudet dicere: Sacerdotes idolorum, mimi, & aurigæ, & scorta, hæreditates capiunt: solis Clericis, & Monachis hoc lege prohibetur, & prohibetur non à persecutoribus; sed à Principibus Christianis. Nec de lege conqueror; sed doleo, cur meruerimus hanc legem. Cauterium bonum est; sed quod mihi vulnus, ut iadigeam cauterio? Provida, severaque legis cautio: & tamen nec sic refrenatur avaritia. Per fideicomissa legibus illudimus, & quasi majora sint Imperatorum scita, quam Christi, leges timemus: Euangelia contemnimus. Sit hæres; sed Mater filiorum, id est, regis sui Ecclesia, quæ illos genuit, nutrit, & pavit. Quid nos inferimus inter Matrem, & liberos? Gloria Episcopi est pauperem inopiam providere. Ignominia Sacerdotis est, propriis studere divitiis. Natus in paupere domo, & in tugurio rusticano, qui vix milio, & cibario pane rugientem saturare ventrem poteram, nunc similam, & mella fastidio. Novi & genera, & nomina piscium: in quo littore concha lecta sit, calleo: saporibus avium discerno Provincias, & ciborum me raritas, ac novissimè damna ipsa delectant. Audio præterea in senes, & anus absque liberis, quorumdam turpe servitum. Ipsi

Ipsi apponunt matulam , obsident lectum ,
 purulentiam stomachi , & flegmata pulmo-
 nis manu propria suscipiunt . Pavent ad in-
 troitum Medici : trementibusque labiis an-
 commodiūs habeant , sciscitantur : & , si
 paululum senex vegetior fuerit , periclitan-
 tur , simulatāque latitiā , mens intrinsecus
 avara torquetur : timent enim , nè perdant
 ministerium ; & vivacem senem Mathusa-
 lem annis comparant . O quanta apud
 Deum merces , si in præsenti pretium non
 sperarent ! Quantis sudoribus hereditas
 cassa expetitur ! Minori labore margari-
 tum Christi emi poterat . Divinas Scriptu-
 ras sæpius lege : imò tñnquam de manibus
 tuis sacra lectio deponatur . Disce , quod
 doceas : obtine eum , qui secundùm doc-
 trinam est , fidelicm sermonem , ut possis
 exhortari in doctrina sana , & contradicen-
 tes revincere . Permane in his , quæ didi-
 cisti , & credita sunt tibi , sciens à quo di-
 diceris : paratus semper ad satisfactionem
 omni poscenti te rationem de ea , quæ in
 te est , Spe , & Fide . Non confundant ope-
 ra tua sermonem tuum : nè , cùm in Eccle-
 sia loquaris , tacitus quilibet respondeat:
 cur ergo hæc , quæ dicis , ipse non facis ?
 Delicatus Magister est , qui pleno ventre
 de jejuniiis disputat . Accusare avaritiam &
 latro potest . Sacerdotis Christi os , mens ,
 manusque concordent . Esto subiectus Pon-
 tifici tuo , & quasi animæ Parentem suspi-
 cc . Amare filiorum ; timere servorum est .
 Si Pater sum (inquit) ubi est honor meus ?

Si Dominus ego sum, ubi est timor meus? Plura tibi in eodem viro observanda sunt nomina, Monachus, Pontifex, Avunculus tuus, qui te jam in omnibus, quæ sancta sunt, docuit. Illud etiam dico, quod Episcopi Sacerdotes se esse noverint, non dominos: honorent Clericos quasi Clericos, ut & ipsis à Clericis quasi Episcopis honor deferatur. Scitum illud est Oratoris Domitii: Cur ego te (inquit) habeam ut Principem, cum tu me non habeas ut Senatorem? Quod Aaron, & Filios ejus, hoc Episcopum, & Presbyteros esse, non verimus. Unus Dominus, unum Templum, unum sit etiam ministerium. Recordemur semper, quid Apostolus Petrus præcipiat Sacerdotibus: Pascite eum, qui in vobis est, gregem Domini, providentes non coacte; sed spontaneè, secundum Deum; neque turpis lucri gratia; sed voluntarie; neque ut dominantes in Clerum; sed forma facti gregis ex animo: ut, cum appaquerit Princeps Pastorum, percipiatis immarcescibilem Gloriæ coronam. Pessimæ consuetudinis est in quibusdam Ecclesiis, tacere Presbyteros, & præsentibus Episcopis non loqui, quasi aut invideant, aut non dignentur audire. Et, si alii (inquit Apostolus Paulus) fuerit revelatum sedenti, prior taceat. Potestis enim per singulos prophetare, ut omnes discant, & omnes consolentur: & spiritus Prophetarum Prophetis subiectus est. Non enim dissensionis Deus; sed pacis. Gloria Patris

est Filius sapiens. Gaudeat Episcopus iudicio suo . cùm tales Christo elegerit Sacerdotes. Docente in Ecclesia , non clamor populi ; sed gemitus fuscitetur. Lachrymæ auditorum laudes tuæ sint. Sermo Presbyteri Scripturarum lectione conditus sit. Nolo te declamatorem esse , & rabulam, garrulumque sinè ratione; sed mysteriorum peritum , & Sacramentorum Dei tui eruditissimum. Verba volvere, & celeritate dicendi apud imperitum vulgus admirationem sui facere, indoctorum hominum est. Attrita frons interpretatur fâpè , quod nescit : & cùm aliis persuaserit , sibi quoque usurpat scientiam. Praeceptor quondam meus Gregorius Nazianzenus, rogatus à me , ut exponeret , quid sibi vellet in Luca Sabbatum deuteroproton (a) eleganter lusit: Docebo te (inquiens) super hac re in Ecclesia , in qua mihi omni populo acclamante , cogîris invitus scire, quod nescis : aut certè si solus tacueris , solus ab omnibus stultitiae condemnaberis. Nihil tam facile , quam vilem plebeculam , & indoctam concionem linguae volubilitate decipere , quæ, quidquid non intelligit , plus miratur. Marcus Tullius (in quem pulcherrimum illud elogium est : Demosthenes tibi præcipuit , nè essem primus Orator , tu illi , nè solus , in oratione pro Quinto Gallio , quid de favore vulgi , & de imperitis concionatoribus loquatur ,

atten-

(a) Secundo primum,

attende, nè his fraudibus ludaris. Loquor enim, quæ sum ipse nuper expertus. Unus quidam Poëta, nominatus homo perlitteratus, cujus sunt illa colloquia Poëtarum, ac Philosophorum, cùm facit Euripidem, & Menandrum inter se; & alio loco Sociatem, atque Epicurum differentes, quorum ætates non annis; sed seculis scimus esse disjunctas, quantos is plausus, & clamores movet? Multos enim condiscipulos habet in theatro, qui simul literas non didicerant. Vestes pullas æquè devita, ut candidas. Ornatus, ut fordes, pari modo fagiendi sunt: quia alterum delitias, alterum gloriam redolet. Non absque amictu lineo incedere; sed pretium vestium linearum non habere, laudabile est: alioquin ridiculum, & plenum decoris est, referto marsupio, quod sudarium, orariumque non habeas, gloriari. Sunt qui pauperibus paulum tribuunt, ut amplius accipient, & sub praetextu eleemosynæ querunt divitias: quæ magis venatio appellanda est, quam eleemosynæ genus. Sic bestiæ, sic aves, sic capiuntur & pisces. Modica in hamo esca ponitur, ut matronarum in eo facili protrahantur. Sciat Episcopus, cui commissa est Ecclesia, quem dispensationi pauperum, curæque preficiat. Melius est non habere, quod tribuam, quam impudenter petere, quod recondam. Sed & genus arrogantiæ est, clementiorem te velle videri, quam Pontifex Christi est.

Non omnia possumus omnes. Alius in Ecclesia oculus est, alias lingua, alias manus, alias pes, auris, venter, & cætera. Lege Pauli Epistolam ad Corinthios, quomodo diversa membra unum corpus efficiunt. Nec rusticus tamen, & simplex frater, ideò se sanctum putet, si nihil noverit: nec peritus, & eloquens, lingua æstimet sanctitatem. Multoque melius est è duabus imperfectis, rusticatèm sanctam habere, quam eloquentiam peccatricem. Multi ædificant parietes, & columnas Ecclesiæ substruunt: marmora nitent: auro splendent laquearia: gemmis Altare distinguitur: & Ministrorum Christi nulla eleætio est. Neque verò mihi aliquis opponat dives in Judæa Templum, mensam, lucernas, thuribula, patellas, scyphos, mortariola, & cætera ex auro fabrefacta. Tunc hæc probabantur à Domino, quando Sacerdotes Hostias immolabant, & sanguis pecudum erat redemptio peccatorum. Quàmquam hæc omnia præcesserint in figura; scripta sunt autem propter nos, in quos fines sæculorum devenerunt. Nunc verò cum paupertatem domus suæ pauper Dominus dedicavit, cogitemus Crucem ejus, & divitias lutum putabimus. Quid miramur, quod Christus vocat iniquum mammona? Qui suspicimus, & amamus, quod Petrus se non habere gloriocè testatur? Alioquin si tantum literam sequimur, & in auro, atque divitiis simplex nos deleat historia,

cum

cum auro obseruemus & cetera. Ducant Pontifices Christi uxores virgines. Quāmvis bonę mentis sit, qui cicatricem habuerit, & deformis est, privetur Sacerdotio: lepra corporis animę vitiis præferatur. Crescamus, & multiplicemur, & repleamus terram: nec immolemus Agnum, nec mysticum Pascha celebremus: quia hęc absque Templo fieri lege prohibentur. Figamus septimo mense Tabernaculum, & solemne jejunium buccina concrepemus. Quodsi hęc omnia spiritualia spiritualibus comparantes, scientesque cum Paulo, quod lex spiritualis est, & David verba cantantes: Revela oculos meos, & considerabo mirabilia de lege tua: sic intelligimus, ut Dominus quoque noster intellexit, & interpretatus est Sabbatum; aut aurum repudiemus cum ceteris superstitionibus Judæorum, aut, si aurum placet, placeant & Judæi, quos cum auro probare nobis necessè est, aut damnare. Convivia tibi vitanda sunt sæcularium, & maximè eorum, qui honoribus tument: Turpe est, ante fores Sacerdotis Christi Crucifixi, & pauperis, & qui cibo quoque vescebat alieno, lictores Consalum, & milites excubare, Judicemque Provinciae melius apud te prandere, quām in Palatio. Quod si obtenderis, te facere hęc, ut roges promiseris, atque subjectis, Judex sæculi plus deferet Clerico continenti, quām diviti, & magis sanctitatem tuam venerabitur,

rabitur , quām opes . Aut , si talis est , qui non audiat Clericos pro quibuslibet tribulatis , nisi inter phialas , libenter carabo hujusmodi beneficio , & Christum rogabo pro Judice , qui magis , & citius subvenire potest , quām Judex . Melius enim est confidere in Domino , quām confidere in homine . Melius est sperare in Domino , quām sperare in Principibus . Nunquām vinum redoleas , nē audias illud Philosophi : Hoc non est osculum porrigerere ; sed vinum propinare . Vino-
lentos Sacerdotes & Apostolus damnat , & vetus Lex prohibet . Qui Altari de-
serviunt , vinum , & siceram non bibant . Sicera (Hebreo sermone) omnis potio nuncupatur , quę inebriare potest , sive illa , quę frumento conficitur , sive pomorum sacco , aut cùm favi decoquuntur in dulcem , & barbaram potionem , aut palmarum fructus exprimuntur in li-
quorem , cotisque frugibus aqua pin-
guior coloratur . Quidquid inebriat , & sta-
tum mentis evertit , fuge similiter ut vi-
num . Nec hoc dico , quòd Dei à no-
bis creatura damnetur : siquidem & Do-
minus vini potator est appellatus , &
Timotheo dolenti stomachum modica
vini sorbitio relaxata est : sed modum
pro ætatis , & valetudinis , & cor-
porum qualitate exigimus in potando .
Quòd si absque vino ardeo adoles-
centiâ , & inflammor calore sanguini-
nis , & succulento , validoque sum
corpore ,

corpore, libenter carebo poculo, in qua suspicio veneni est. Pulchre dicitur apud Græcos, & nescio, an apud nos æquè resonet: Pinguis venter non gignit mentem tenuem. Tantum tibi jejuniorum modum impone, quantum ferre potes: sint tibi pura, casta, simplicia, moderata, & non superstitionis jejunia. Quid prodest, oleo non vesci, & molestias quasdam, difficultatesque ciborum querere, caricas, piper, nuces, palmarum fructus, similam, mel, pistacia? Tota hortorum cultura vexatur, ut cibario non vescamur pane, & dum delicias sectamur à Regno Cœlorum retrahimur. Audio præterea, quosdam contra rerum, hominumque naturam, aquam non bibere, nec vesci panes sed forbitiunculas delicatas, & contrita olera, baccarumque succum non calice sorbere, sed concha. Proh pudor! Non erubescimus istiusmodi ineptiis: nec tædet superstitionis. Insuper etiam famam abstinentiæ in deliciis querimus. Fortissimum jejunium est aqua, & panis; sed quia gloriam non habet, & omnes pane, & aqua vivimus, quasi publicum, & commune jejunium non putatur. Cave, nè hominum rumusculos aucuperis: nè offendam Dei populorum laude commutes. Si adhuc (inquit Apostolus) hominibus placet, Christi servus non essem. Desit placere hominibus, & servus factus est Christi. Per bonam famam, & malam, à dextris, & à sinistris Christi miles

graditur, nec laude extollitur, nec vita-
peratione frangitur. Non divitiis tumet,
non contrahitur paupertate, & læta con-
temnit, & tristia. Per diem Sol non urit
eum, neque Luna per noctem. Nolo, te
orare in angulis platearum, nè rectum
iter precum tuarum frangat aura popu-
laris. Nolo, te dilatare fimbrias, &
ostentui habere phylacteria, & conscienc-
tia repugnante, Pharisaica ambitione
circumdari. Quantò melius erat hęc non
in corpore; sed in corde gestare, &
Deum habere fautorem, non aspectus ho-
minum? Inde pendet Euangelium; inde
Lex, & Prophetę, sive sacra, & Aposto-
lica doctrina. Melius est enim hęc om-
nia in mente portare, quam in corpore.
Fidelis tecum lector intelligis, quid
taceam, & quid magis tacendo loquar.
Tot te regulę, quot species gloriarum
percurrent. Vis scire, quales Dominus
quærat ornatus? Habeto prudentiam,
justitiam, temperantiam, fortitudinem:
his Cœli plagis includere: hęc te qua-
driga, velut aurigam Christi, ad metam
concita ferat. Nihil hoc monili pretiosius,
nihil hac gemmarum varietate distinctius.
Ex omni parte decoraris, cingeris, atque
protegeris: & ornamento tibi sunt, & tu-
camini: gemmæ vertuntur in scuta. Ca-
ve quoque, nè aut linguam, aut aures
habeas pruriētes, id est, nè aut ipse aliis
detrahias, aut alios audias detrahentes. Se-
dens (inquit) adversus fratrem tuum

loquebaris, & adversus filium Matris tuæ
ponebas scandalum: hęc fecisti, & tacui.
Existimasti iniquę, quod ero tui similis:
arguam te, & statuam contra faciem
tuam. Parce à detractione lingue: cus-
todi sermones tuos: & scito, quia per
cuncta, quę de aliis loqueris, tua con-
scientia judicaris, & in his ipse deprehen-
deris, quę in aliis arguebas. Neque ve-
rò illa justa est excusatio. Referentibus
aliis injuriam facere non possum. Nemo
invito auditori libenter refert. Sagitta in
lapidem nunquam figitur, interdum re-
siliens percutit dirigentem. Discat de-
tractor, dum te videt non libenter au-
dire, non facile detrahere. Cum detrac-
toribus (ait Salomon) nè miscearis, quo-
niam repente veniet perditio eorum, &
ruinam utriusque quis novit? Tam vi-
delicet ejus, qui detrahit, quam illius,
qui accommodat aurem detrahenti. Offi-
cii ergo tui est, visitare languentes, no-
se domos matronarum, ac liberos earum,
& nobilium virorum custodire secreta.
Officii tui est, non solum oculos castos
servare; sed & linguam. Nunquam de-
formis mulierum disputes, nec quid in
cujusdam alia domo agatur, alia per te
noverit. Hippocrates adjurat discipulos
suos, antequam doceat, & in verba sua
jurare compellit, extorquet sacramento
silentium, sermonem, incessum, habi-
tum, moresque prescribit. Quantò magis
quibus animarum cura commissa est,

omnium Christianorum domos debemus
 amare, quasi proprias? Consolatores po-
 tiū nos in mōroribus suis, quām con-
 vivas in prosperis noverint. Facilē con-
 temnitur Clericus, qui sāpē vocatus ad
 prandium, ire non recusat. Nunquām
 petentes, raro accipiamus rogati. Beatus
 enim est magis dare, quām accipere.
 Nescio enim quomodo etiam ipse, qui
 deprecatur, ut tribuat, cūm acceperis, vi-
 liorem te judicat: & mirum in modum si
 eum roganter contempseris, plus te pos-
 terius veneratur. Prædicator continentiae
 nuptias nē conciliet. Qui Apostolum legit
 dicentem: Supereft ut qui habent uxores,
 sic sint, quasi non habeant: cur virginem
 cogit ut nubat? Qui de monogamia Sa-
 credos est, quare viduam hortatur, ut bi-
 gama sit? Procuratores, & dispensatores
 domorum alienarum, atque villarum, quo-
 modo possunt esse Clerici, qui proprias
 jubentur contemnere facultates? Amico
 quidpiam rapere, furtum est: Ecclesiam
 fraudare, sacrilegium est. Accepisse quod
 pauperibus erogandum fit, & esfuriēti-
 bus plurimis, vel cautum esse velle, vel
 timidum, aut, quod apertissimi sceleris
 est, aliquid inde subtrahere, omnium præ-
 donum crudelitatem superat. Ego fame tor-
 queor, & tu judicas, quantum ventri meo
 satiis fit? Aut divide statim, quod accepe-
 ris, aut, si timidus dispensator es, dimitte
 largitorem, ut sua ipse distribuat. Nolo
 sub occasione mea sacculus tuus plenus fit.

Ne-

Nemo me melius mea servare potest. Optimus dispensator est, qui sibi nihil reservat. Coegisti me, Nepotiane charissime, lapidato jam virginitatis libello, quem Sanctæ Eustochio Romæ scripsiteram, post annos decem rursus Bethlehem ora rese-
rare, & confodiendum me linguis om-
nium prodere. Aut enim nihil scriben-
dum fuit, ne hominum judicium subire-
mus, quod tu facere prohibuisti; aut scri-
bentes noscere cunctorum adversum nos ma-
ledicorum tela esse torquenda. Quos ob-
secro, ut quiescant, & desinant maledi-
cere. Non enim ut Adversariis; sed ut
amicis scripsimus: nec inventi sumus in
eos, qui peccant; sed ne peccent monui-
mus. Neque in illos tantum; sed & in
nos ipsos severi judices suimus. Volen-
tesque festucam de oculo alterius tolle-
re, nostram primùm trabem ejecimus.
Nullum lèxi, nullius nomen meā scrip-
turā designatum est. Neminem specialiter
meus sermo pulsavit. Generalis de vi-
tiis disputatio est: qui mihi
irasci voluerit, ipse de
se, quod talis sit,
confitebi-
tur.



HIERONIMUS

*Rustico Monachorum vivendi formam
prescribit.*

Argumentum Epistolæ.

*Ruficum Gallum Monachum docet, quem-
admodum oporteat instituere vitam eo
dignam cognomine. Admonet in primis,
vitandum suspectarum mulierum con-
suetudinem: rutius esse, juvenem in Cœ-
nobio, quam in solitudine vitam agere;
et serò ad docendum, et scribendum li-
bros, esse veniendum. Tandem invehitur
in illos, qui sub praetextu, et titulo Mo-
nachi, suis indulgent vitiis.*

Nihil Christiano felicius, cui promit-
titur Regnum Cœlorum; nihil la-
boriosius, qui quotidie de vita periclitata-
tur, nihil fortius, qui vincit Diabolum;
nihil imbecillus, qui à carne superatur.
Utriusque rei exempla sunt plurima. La-
tro credit in Cruce, & statim meretur
audire: Amen dico tibi, hodie tecum
eris in Paradiso. Judas de Apostolatus fas-
tigio, in prodigionis tartarum labitur, &
nec familiaritate convivii, nec intinctio-
ne buccellæ, nec osculi gratia frangitur,
nè quasi hominem tradat, quem Filium
Dei noverat. Quid Samaritanâ vilius?
Non solum ipsa credidit, & post sex
viros,

viros, unum invenit Dominum, Messiamque cognovit ad fontem, quem in Templo Judæorum populus ignorabat: sed & auctor sit salutis multorum, & Apostolis ementibus cibos, esurientem reficit, lassumque sustentat. Quid Salomon sapientius? Attamen infatuatur amorous mulierum. Bonum est sal, nullumque sacrificium absque hujus aspersione suscipitur. Unde & Apostolus præcipit: Sermo vester semper in gratia sale sit conditus. Quòd si infatuatur, foras projicitur, ita tantumque perdit nominis dignitatem, ut nè in sterquilinum quidem utile sit, quo solent credentium arva condiri; & sterile animarum solum pinguefere. Hæc dicimus, ut primz te, fili Rustice, fronte doceamus, magna cœpisse, & excelsa sectari: & adolescentiæ, imò pubertatis incentiva calcantem, perfectæ quidem ætatis gradum scandere: sed lubricum iter esse, per quod ingrederis: nec tantum sequi gloriæ post victoriam, quantum ignominiaæ post ruinam. Non mihi nunc per virtutum prata ducendus est rivulus: nec laborandum, ut ostendam tibi variorum pulchritudinem florum: quid in se lilia habeant puritatis, quid rosa verecundiæ possideat, quid violæ purpura promittat in Regno, quid rutilantium spondeat pictura gemmarum. Jam enim, propitio Deo, stivam tenes: Jam tectum, atque solarium cum Petro Apolo concendi: qui esurias in Judæis,

Cor-

38. EPISTOLA

Cornelii saturatur fide, & famem incredulitatis eorum, gentium conversione restinguit; atque in vase Euangeliorum quadrangulo, quod de Cœlo descendit ad terram, docetur, & dicit, omnes homines posse salvare. Rursumque quod viderat in specie candidissimi linteaminis, in superna transfertur, & credentium turbam de terris ad Cœlum rapit, ut pollicitatio Domini compleatur: Beati mundo corde, quoniam ipse Deum videbunt. Totum, quod apprehensa manu insinuare tibi cupio, quod quasi doctus nauta, post multa naufragia, rudem conor instruere vectorem, illud est, ut in quo littore pudicitiae pirata sit, noveris: ubi Carybdis, & radix omnium malorum, avaritia: ubi Scyllæi obtrectorum canes, de quibus Apostolus loquitur: Nè mordentes invicem mutuo consumamini: quomodo in media tranquillitate securi, Lybicis interdum vitiorum Syrtibus obruamur: quid venenatorum animalium desertum hujus saeculi nutriat. Navigantes rubrum mare, in quo opandum nobis est, ut verus Pharaonum suo mergatur exercitu, multis difficultatibus, ac periculis ad urbem maximam perveniunt. Utroque in littore gentes vagæ, imò belluæ habitant ferocissimæ. Semper solliciti, semper armati, totius anni vehunt cibaria: latentibus saxis, vadisque durissimis plena sunt.

omnia; ita ut speculator doctus in summa
mali arbore sedeat, & inde regendæ, &
circumflectendæ navis dictata prædicet.
Felix cursus est, si post sex menses su-
pradietæ urbis portum teneant, à quo
se incipit aperire Oceanus, per quem
vix anno perpetuo ad Indiam perveni-
tur, & ad Gangem fluvium (quem Phi-
son Sancta Scriptura commemorat) qui
circumit totam terram Evilath, & mul-
ta genera pigmentorum de Paradisi di-
citur fonte devchere. Ubi nascitur car-
bunculus, & smaragdus, & margarita
candentia, & uniones, quibus nobis
fœminarum ardet ambitio: mon-
tesque aurei, quos adire propter gry-
phas, & dracones, & immensorum cor-
porum monstra, hominibus impossibile
est: ut ostendatur nobis, quales custo-
des habeat avaritia. Quorsum ista? Per-
spicuum est. Si negotiatores sæculi tan-
ta fustinent, ut ad incertas, peritura-
que divitias perveniant, & servent cum
animæ discrimine, que multis periculis
quæsierunt: quid Christi negotiatori fa-
ciendum est, qui, venditis omnibus,
quærit pretiosissimum margaritum? Qui
totis substantiæ suæ opibus emit agrum,
in quo reperiat thesaurum; quem nec
fur effodere, nec latro possit auferre?
Scio, me offensurum esse quamplarimos,
qui generalem de vitiis disputationem
in suam referunt contumeliam: & dum mi-
hi irascuntur, suam indicant conscientiam a
mul-

multòque pejus de se , quām de me judicant. Ego enim neminem nominabo : nec veteris comœdiae licentiâ certas personas eligam , atque perstringam. Prudentis viri est , ac prudentium fœminarum, dissimulare , imò emendare , quod in se intelligent , & indignari sibi magis , quām mihi , nec in monitorem maledicta congerere : qui , etsi iisdem teneatur criminibus , certè in eo melior est , quòd sua ei mala non placent. Audio , religiosam te habere Matrem , multorum annorum viduam , quæ aluit , quæ erudit infantem : ac post studia Galliarum , quæ vel florentissima sunt , misit Romam , non parcens sumptibus , & absentiam filii spe sustinens futurorum : ut ubertatem Gallici , nitoremque sermonis gravitas Romana condiret , nec calcaribus in te ; sed frænis uteretur : quod & in disertissimis viris Græciæ legimus , qui Asianum tumorem Attico siccabant sale , & luxuriantes flagellis vineas falcibus reprimebant , ut eloquentiæ torcularia , non verborum pampinis ; sed sensuum , quasi uvarum expressionibus redundarent. Hanc tu suspice ut Parentem ; ama ut nutricem : venerare ut Sanctam. Nec aliorum imiteris exemplum , qui relinquunt suas , & alienas appetunt : quorum dedecus in propatulo est , sub nominibus pietatis quærentium suspecta consortia. Novi ego quasdam , jam maturioris ætatis , libertini generis adolescentibus delectari , & filios quærere spirituales , paulatimque pudore

pudore superato , ficta Matrum nomina
erumpere in licentiam maritalem. Aliæ
forores virgines deserunt , & externis
viduis copulantur. Sunt quæ oderunt suos,
& non suorum palpantur affectu: qua-
rum impatientia , index animi , nullam
recipit excusationem , & cassa pudicitia
velamenta quasi aranearum fila disrumpit.
Videas , nonnullos accinctis renibus , pu-
llâ tunicâ , barbâ prolixâ , à mulieribus
non posse discedere , sub eodem manere
tecto , simul inire convivia : ancillas ju-
venes habere in ministerio , & præter vo-
cabulum nuptiarum , omnia esse matri-
monii. Nec hæc culpa est Christiani no-
minis , si simulator Religionis in vitio sit:
quinimo confusio Gentilium , cùm ea vi-
dent Ecclesiis displicere , quæ omnibus
bonis non placent. Tu verò , si Monachus
esse vis , non videri , habeto curam , non
rei familiaris , cui renuntiando , hoc esse
cœpisti ; sed animæ tuæ. Sordidæ vestes
candidæ mentis indicia sint : vilis tunica
contemptum sæculi probet ; ita dumta-
xat , nè animus tumeat , nè habitus , ser-
moque dissentiant. Balnearum fomenta
non quærat , qui calorem corporis , je-
juniorum cupit frigore extinguere. Quæ
& ipsa moderata sint , nè nimia debili-
tent stomachum , & majorem refectionem
poscentia , crumpant in crudita-
tem , quæ parens libidinum est. Modi-
cus , ac temperatus cibus , & carni , & animæ
utilis est. Matrem ita vide , nè per illam
alias

EPISTOLA.

alias videre cogaris, quarum vultus cor-
di tuo hæreant, & tacitum vivat sub pec-
tore vulnus. Ancillas, quæ illi in obse-
quio sunt, tibi scias esse in insidiis: quia
quantò vilior earum conditio, tantò fa-
cilior est ruina. Et Joannes Baptista sanc-
tam Matrem habuit, Pontificisque filius
erat: & tamen nec Matris affectu, nec
Patris opibus vincebatur, ut in domo
Parentum cum periculo viveret castitatis.
Vivebat in eremo, & oculis desideranti-
bus Christum, nihil aliud dignabatur as-
picere. Vestis aspera, zona pellicea, ci-
bus locustæ, melque sylvestre, omnia vir-
tuti, & continentiae præparata. Filii Pro-
phetarum (quos Monachos in veteri Tes-
tamento legimus) ædificabant sibi casulas
propter fluenta Jordanis, & turbis ur-
bium derelictis, pollentâ, & herbis agres-
tibus vicitabant. Quamdiu in patria tua
es, habeto cellulam pro Paradiso: varia
Scripturarum poma decerpe, his utere
delitiis, harum fruere complexu. Si scan-
dalizat te oculus, pes, manus, projice
ea. Nulli parcas, ut soli parcas animæ.
Qui viderit (inquit Dominus) mulierem
ad concupiscendum eam, jam mœchatus
est eam in corde suo. Quis gloriabi-
tur, castum se habere cor? Astra non
sunt munda in conspectu Domini: quan-
tò magis homines, quorum vita ten-
tatio est? Væ nobis, qui quoties con-
cupiscimus, toties fornicamur! Inebriatus
est (inquit) gladius meus in Cœlo, multò

amplius in terra, quæ spinas, & tribulos generat. Vas electionis, in cuius ore Christus resonabat, macerat corpus suum, & subjicit servituti: & tamen certnit, naturalem carnis ardorem suę repugnare sententię, ut quod non vult, hoc agere compellatur, & quasi vim patiens vociferatur, & dicit. Miser ego homo, quis me liberabit de corpore mortis hujus? Et tu te arbitraris absque lapsu, & vulnerre posse transire, nisi omni custodia servaveris cor tuum, & cum Salvatore dixeris: Mater mea, & fratres mei hi sunt, qui faciunt voluntatem Patris mei? Crudelitas ista, pietas est. Imò quid tam pium, quam Sanctę Matris Sanctum filium custodire? Optat & illa te vivere, & non videre ad tempus, ut semper cum Christo videat. Anna Samuelem, non sibi; sed Tabernaculo genuit. Filii Jonadab, qui vinum, & siaceroram non bibebant, qui habitant in tentoriis, & quas nox compulerat, sedes habebant, scribuntur in Psalmo, quod primi captivitatem sustinuerint, qui ab exercitu Chaldeorum vastante Judęam, urbes introire compulsi sunt. Viderint, quid alii sentiant: unusquisque enim suo sensu dicitur. Mihi oppidum carcer, & solitudo Paradisus est. Quid desideramus urbium frequentiam, qui de singularitate censemur? Moyses, ut præcesset populo Iudaorum, quadraginta annis eruditur in eremo: pastor ovium, hominum factus est pastor. Apostoli

de p̄ficatione lacūs Genezareth , ad p̄ficationem hominum transiērunt. Qui tunc habentes patrem, rete, naviculam sequuti Dominum , protinus omnia reliquerunt, portantes quotidie Crucem suam , & nè virgam quidem in manu habentes. Hæc dico , ut , etiamsi Clericatūs te titillat desiderium , discas, quod possis docere , & rationabilem hostiam offeras Christo , nè miles antequām tyro , nè priùs Magister sis , quām discipulus. Non est humilitatis mœx , neque mensuræ , judicare de Clericis , & de Ministris Ecclesiarum s̄nistrum quidpiam dicere. Habeant illi ordinem , & gradum suum , quem si tenueris , quomodo tibi in eo vivendum sit , editus ad Nepotianum liber docere te poterit. Nunc Monachi incunabula , moresque discutimus , & ejus Monachi , qui liberalibus studiis eruditus in adolescentia , jugum Christi collo suo imposuit. Primūmque tractandum est , utrum solus , an cum aliis in Monasterio vivere debeas ? Mihi quidem placet , ut habeas Sanctorum contubernium : nec ipse te doceas , & absque doctore ingrediaris viam , quam nunquām ingressus es : statimque tibi in partem alteram declinandum sit , & errori pateas : plusque , aut minus ambules , quām necessè est : nè aut currens lafferis , aut moram faciens , obdormias. In solitudine citò subrepit superbia : & , si parumper jejunaverit , hominemque non viderit , putat se ali.

alicujus esse momenti : oblitusque sui, unde, & quò venerit, intùs corde, lingua foris vagatur. Judicat, contra Apostoli voluntatem, alienos servos : quò gula voluerit, porrigit manum : dormit, quantum voluerit : nullum veretur facit, quod voluerit : omnes inferiores se putat : crebriusque in urbibus, quam in cellula est : & inter fratres simulat verecundiam, qui platearum turbis colliditur. Quid igitur ? Solitariam vitam reprehendimus ? Minime : quippe quam sèpè laudavimus : sed de ludo Monasteriorum, hujuscemodi volumus egredi milites, quos eremi dura rudentia non terreant : qui specimen conversationis suæ multo tempore dederint: qui omnium fuerint minimi, ut primi omnium fierent: quos nec esuries aliquando, nec saturitas superavit : qui paupertate latentur : quorum habitus, sermo, vultus, incessus, doctrina virtutum est: qui nesciunt, secundum quosdam ineptos homines, Dæmonam pugnantium contra se portenta confingere: ut apud imperitos, & vulgi homines, miraculum sui faciant, & exinde lucra sectentur. Vidi mus nuper, & planximus, Cræsi opes unius morte deprehensas, urbisque stipes, quasi in usus pauperum congregatas, stirpi, & posteris derelicas. Tunc ferrum, quod latebat in profundo, supernatavit aquæ : & inter palmarum arbores, myrræ amaritudo monstrata

monstrata est. Nec mirum: talem & soncium, & Magistrum habuit: qui egenitum famem, suas fecit esse divitias, & miseris detelicta in suam reservavit miseriam. Quoniam clamor tamen pervenit ad Cœlum, & patientissimas Dei vicit aures, ut missus Angelus pessimus Nabal Carmelo diceret: Stulte, hac nocte auferent animam tuam à te: quæ autem preparasti, cujus erunt? Volo ergo, te, & propter causas, quas suprà exposui, non habitare cum Matre, & præcipue, nè aut offerentem delicatos cibos, renuendo contristes: aut, si acceperis, oleum igni ad jicias, & inter frequentiam puellarum per diem videas, quod nocte cogites. Nunquam de manu, & oculis tuis recedat liber: discatur Psalterium ad verbum: oratio sine intermissione, vigil sensus sit, ne vanis cogitationibus patens. Corpus pariter, & animus tendatur ad Dominum. Iram viuce patientiâ: ama scientiam Scripturarum, & carnis vitia non amabis. Nec vacet mens tua variis perturbationibus: quæ si pectori insiderint, dominabuntur tui, & te deducent ad delictum maximum: facito aliquid operis, ut te semper Diabolus inventiat occupatum. Si Apostoli habentes potestatem de Euangilio vivere, laborabant manibus suis, nè quem gravarent, & aliis tribuebant refrigeria, quorum pro spirituilibus debebant metere carnalia: cur tu infusus tuos cessura non præpares? Vel fistellam texe junco, vel canistrum lentis pleste

plete viminibus: farriatur humus: areo-
læ a quo limite dividantur: in quibus
cū olerum jaeta fuerint semina, vel
plantæ per ordinem positæ, aquæ ducan-
tur irriguæ, ut pulcherrimorum versuum
spectator assistas.

*Ecce supercillio clivosi tramitis undam
Elicit: illa cadens raucum per levia mura-
mum
Saxa ciet, scatebrisque arentia temperat
arva.*

INSEANTUR infruetuosæ arbores, vel
gimmis, vel surculis: ut parvo pōst
tempore, laboris tui dulcia poma decer-
pas. Apum fabricare alvearia, ad quas
te mittunt Salomonis Proverbia: & Mo-
nastrorum ordinem, ac regiam disci-
plinam, in parvis disce corporibus. Te-
xantur & lina capiendis piscibus: scri-
bantur libri: ut & manus operetur ci-
bum, & animus lectione saturetur. In
desideriis est omnis otiosus. Ægyptio-
rum Monasteria hunc morem tenent, ut
nullum absque operis labore suscipiant,
non tam propter victus necessitatem,
quam propter animæ salutem: nè vase-
tur perniciosis cogitationibus mens, &
instar fornicantis Hierusalem, omni tran-
seungi divaricet pedes suos. Dum eissem
juvenis, & solitudinis me deserta val-
larent, incentiva vitiorum, ardoremque
naturæ ferre non poteram: quem cū
cre-

crebris jejuniis frangerem; mens tamen cogitationibus æstuabat: ad quam edemandam, cuidam fratri, qui ex Hebreis crediderat, me in disciplinam dedi, ut post Quintiliani acumina, Ciceronis fluvios, gravitatemque Frontonis, & lenitatem Plinii, alphabetum discerem, & stridentia, anhelantiaque verba meditarer. Quid ibi laboris insumpserim, quid sustinuerint difficultatis, quoties desperaverim, quotiesque cessaverim, & contentione descendendi rursus inceperim, testis est conscientia, tam mea, qui passus sum, quam eorum, qui mecum duxerunt vitam: & gratias ago Domino, quod de amaro semine literarum dulces fructus carpo. Dicam & aliud, quod in Ægypto viderim. Græcus adolescens erat in Cœnobio, qui nullâ abstinentiâ, nulla operis magnitudine flamمام poterat carnis extinguere. Hunc periclitantem Pater Monasterii hac arte servavit. Imperat cuidam viro gravi, ut jurgiis, atque convitiis insestaretur hominem, &, post irrogatam injuriam, primus veniret ad querimoniam. Vocati testes, pro eo loquebantur, qui contumeliam fecerat. Flere ille contra mendacium: nullus aliis credere veritati: solus Pater defensionem suam callidè opponere, nè abundantiori tristitia absorberetur frater. Quid multa? Ita annus ductus est: quo expleto, interrogatus adolescens super cogitationibus pristinis, an adhuc molestiæ aliquid sustin-

sustineret? Papę! (inquit) vivere mihi non licet, & fornicari libeat? Hic si solus fuisset, quo adjutore superāsse? Philosophi sacerduli solent amoreni veterem amore novo, quasi clavo clavum, expellere. Quod & Assuero Regi septem Principes fecrē Persarum, ut Vasthi Regine desiderium aliarum puellarum amore compescerent. Illi vitium vitio, peccatumque peccato medicantur: nos amore virtutum vitia superemus. Declina (ait) à malo, & fac bonum: quare pacem, & persequere eam. Nisi oderimus malum, bonum amare non possumus: quin potius faciendum est bonum, ut declinemus à malo. Pax querenda, ut bella fugiamus. Nec sufficit eam querere, nisi inventam, fugientemque omni studio persequamur; quae exuperat omnem sensum, in qua habitatio Dei est, dicente Propheta: Et factus est in pace locus ejus. Pulchrèque persequutio pacis dicitur, juxta illud Apostoli: Hospitalitatem persequentes: ut non levi, usitatoque sermone, & (ut ita loquar) summis labiis, hospites invitamus; sed toto mentis ardore teneamus, quasi offerentes se cum lucro nostro, atque compendio. Nulla ars absque Magistro discitur. Etiam muta animalia, & ferarum greges ductores sequuntur suos. In apibus Principes sunt. Grues unam sequuntur ordine literato. Imperator unus. Judex unus Provinciæ. Roma, ut condita est, duos fratres simul habere Reges non potuit, & parrici-

dio dedicatur. In Rebeccæ utero Esau, & Jacob bella gesserunt. Singuli Ecclesiarum Episcopi, singuli Archipresbyteri, singuli Archidiaconi, & omnis ordo Ecclesiasticus suis Rectoribus nititur. In navi unus Gubernator: in domo unus Dominus: in quovis grandi exercitu unius signum expectatur. Et nè plura replicando, fastidium legenti faciam, per hæc omnia ad illud tendit oratio, ut doccam te, non tuo arbitrio dimittendum, sed vivere debere in Monasterio, sub unius disciplina Patris, confortioque multorum: ut ab alio discas humilitatem, ab alio patientiam: hic te silentium, ille doceat mansuetudinem: non facias, quod vis: comedas, quod juberis: vestiare, quod acceperris: operis tui pensum persolvias: subjiciaris, cui non vis: lassus ad stratum venias, ambulansque dormites, & necdum expleto somno surgere compellaris. Dicas Psalmum in corde tuo, in quo non dulcedo vocis, sed mentis affectus quæritur, dicente Apostolo: Psallam spiritu, psallam & mente: Et: Cantantes in coribus vestris Domino: legerat enim esse præceptum: Psallite sapienter. Servias fratribus, hospitum laves pedes: passus injuriam taceas. Præpositum Monasterii timemas ut Dominum, diligas ut Parentem: credas tibi salutare, quidquid ille præceperit: nec de majorum sententia judices, cuius officii est obedire, & implere, quæ jussa sunt, dicente Moysè: Audi,

Israël, & tace. Tantis negotiis occupatus, nullis vacabis cogitationibus: &, dum ab alio transis ad aliud , opusque succedit operi , illud solum mente tenebis , quod agere compellaris. Vidi ego quosdam, qui postquam renuntiavere sāculo , vestimenti dumtaxat , & vocis professione , non rebus , nihil de pristina conversatione nātarunt. Res familiaris magis aucta , quām imminuta. Eadem ministeria servulorum , idem apparatus convivii. In vitro , & patella fistili aurum comeditur : & inter turbas , & examina ministrorum , nomen sibi vindicant solitarii. Qui verò pauperes sunt ; & tenui substantiola , videnturque sibi scoli , pomparum fereulis similes procedunt in publicum , ut canitam exerceant facundiam. Alii , sublati in altum humeris , & intra se nescio quid cornicantes , stupentibusque in terram oculis , tumentia verba trutinantur: ut, si præconem addideris , putes incedere præfecturam. Sunt , qui humore cellarum , immoderatisque jejuniiis , tædio solitudinis , ac nimia lectione , dum diebus , ac noctibus auribus suis personant , vertuntur in melancholiam , & Hippocratis magis fomentis , quām nostris monitis , indigent. Plerique artibus , & negotiationibus pristinis carere non possunt: mutatisque nominibus institorum, eadem exercent commercia , non victum, & vestitum, quod Apostolus præcipit, sed majora, quām sāculi homines, emolumenta sectantes. Et prius quidem

ab ædilibus, quos *agor anomous* Græci appelleant, vendencium coèrcebatur rabies, nec erat impunè peccatum: nunc autem sub Religionis titulo exercentur injusta compendia, & honor nominis Christiani fraudem magis facit, quam patitur: quodque pudet dicere; sed nec esse est, ut saltèm sic ad nostrum erubescamus dedecus, publicè extenderentes manus, pannis aurum tegimus; & contra omnium opinionem, plenis fæculis morimur divites, qui quasi pauperes viximus. Tibi, cùm in Monasterio fueris, hæc facere non licebit: & inolecente paulatim consuetudine, quod primum cogebaris, velle incipies, & delectabit te labor tuus: oblitusque præteriorum, semper priora seftaberis, ne quaquam considerans, quid alii mali faciant; sed quid boni tu facere debeas. Neque verò peccantium ducaris multitudine, & te pereuntium turba solicitet, ut tacitus cogites: Quid? Ergo omnes peribunt, qui in urbibus habitant? Ecce illi fruuntur suis rebus, ministrant Ecclesiis, adeunt balneas, unguenta non spernunt, & tamen in omnium ore versantur. Ad quod & antè respondi, & nunc breviter respondeo, me in præsenti opusculo non de Clericis disputare; sed Monachum instituere. Sancti sunt Clerici, & omnium vita laudabilis. Ita ergo age, & vive in Monasterio, ut Clericus esse merearis; ut adolescentiam tuam nulla forde commacules; ut ad Altare Christi, quasi de thalario vir-

go procedas , & habeas de foris bonum testimonium ; fœminæque nomen tuum noverint , & vultum tuum nesciant. Cùm ad perfectam ætatem veneris , si tamen vita comes fuerit , & te vel populus , vel Pontifex Civitatis in Clerum elegerit, agito, quæ Clerici sunt , & inter ipsos sectare meliores : quia in omni conditione , & gradu , optimis mixta sunt pessima. Nè ad scribendum citò prosilias , & levi ducaris insanias. Multo tempore disce , quod doceas. Nè credas laudatoribus tuis : imò irrisoribus aurem nè libenter accommodes: qui cùm te adulationibus foverint , & quodammodo impotem mentis effecerint , si subitò respexeris , aut ciconiarum apprehendes post te colla curvari , aut manu auriculas agitari afini , aut æstuantem canis protendi linguam. Nulli detrahas , nec in eo te sanctum putas , si cæteros laceres. Accusamus sæpè , quod facimus: & contra nosmetipos diserti , in nostra vitia invenimur , muti de eloquentibus judicantes. Testudineo Grunnius incedebat ad loquendum gradu , & per intervalla quædam vix pauca verba carpebat , ut eum putares singultire , non proloqui : & tamen , cùm mensâ positâ , librorum exposuit struem , adducto supercilio , contractisque naribus , ac fronte rugata , duobus digitulis concrepabat , hoc signo ad audiendum discipulos provocans. Tum nugas meras fundere , & adversum singulos declamare. Criticum dices esse Longinum , Censoremque

remque Romanæ facundiæ. Notare quem vellet, & de Senatu Doctorum excludere. Hic bene nummatus, plus placebat in prandiis. Nec mirum, si qui multos infarcire solitus erat, facto cuneo circumstrepentium garruloruui, procedebat in publicum, intus Nero, foris Cato, totus ambiguus: ut ex contrariis, diversisque naturis, unum monstrum, novamque bestiam diceret esse compactam, juxta illud Poëticum: *Prima Leo, postrema Draco, media ipsa Chimara.* Nunquam ergo tales videoas, nec hujusmodi hominibus appliceris; nec declines cor tuum in verba malitiæ, & audias; Sedens adversus fratrem tuum loquebaris, & adversus filium Matris tuæ ponebas scandalum. Et iterum: Filii hominum dentes eorum arma, & sagittæ. Et alibi: Molliti sunt sermones ejus super oleum, & ipsi sunt jacula. Et apertius in Ecclæsiaste: Sicut mordet serpens in silentio, sic qui fratri suo occultè detrahit. Sed dices: Ipse non detraho, aliis loquentibus quid facere possum? Ad excusandas excusationes in peccatis, ista prætendimus. Christus arte non illuditur. Nequam mea, sed Apostoli sententia est. Nolite errare: Deus non irridetur: ille in corde; nos videmus in facie. Salomon loquitur in Proverbiis: Ventus Aquilo dissipat nubes, & vultus tristis linguas detrahentium. Sicut enim sagitta, si mittatur contra duram materiam, nonnumquam in mittentem revertitur, & vulnerat vul-

vulnerantem , illudque compleetur : Facti sunt mihi in arcum pravum . Et alibi : Qui mittit in altum lapidem , recidet in caput ejus : Ita detractor , cum tristem faciem viderit audientis , imo ne audientis quidem ; sed obturantis aures suas , ne audiat judicium sanguinis , illico contumescit , pallit vultus , haerent labia , saliva siccatur . Unde idem vir sapiens : Cum detractoribus (inquit) ne miscearis : quoniam repente veniet perditio eorum , & ruinam utiusque quis novit ? Tam (scilicet) ejus , qui loquitur , quam illius , qui audit loquentem . Veritas angulos non amat , nec querit susurriones . Timotheo dicitur : Adversum Presbyterum accusationem citò ne receperis . Peccantem autem coram omnibus argue : ut & cæteri metum habeant . Non est facile de proiecta ætate credendum , quam & vita præterita defendit , & honorat vocabulum dignitatis . Verum , quia homines sumus , & interdum contra annorum maturitatem , puerorum vitiis labimur ; si me vis corriger delinquentem , aperte increpa , tantum ne occulte mordeas . Corripit me justus in misericordia , & increpabit . Oleum autem peccatoris non impinguet caput meum . Quem enim diligit Dominus corripit : castigat autem omnem filium , quem recipit . Et per Isaiam clamat Dominus : Populus meus , qui beatos vos dicunt , seducunt vos , & semitas pedum vestrorum supplantant . Quid enim mihi prodest , si aliis mala

referas mea? Si , me nesciente , peccatis meis , imò detractionibus tuis alium vulneres : & , cùm certatim omnibus narres , sic singulis loquaris , quasi nulli dixeris alteri? Hoc est , non me emendare ; sed vitio tuo satisfacere. Præcipit Dominus , peccantes in nos argui debere secretò , vel adhibito teste , & si audire noluerint , referri ad Ecclesiam : habendosque in malo pertinaces , sicut Ethnicos , & publicanos. Hæc expressiùs loquor , ut adolescentem meum , & linguæ , & aurium prurigine liberem : ut renatum in Christo , & sinè ruga , & macula , quasi pudicam virginem exhibeam , castam tam mente , quam corpore : nè solo nomine glorietur , & absque oleo bonorum operum extincta lampade , excludatur à sponso. Habes istic sanctum , doc- tissimumque Pontificem Proculum , qui viva , & præsenti voce nostras schedulas superet , quotidianisque tractatibus iter tuum dirigit : nec patiatur , te in partem alteram declinando , viam relinquere Regiam , per quam Israël ad terram Repromissionis properans , se transfiturum esse promittit. Atque utinam exaudiatur vox Ecclesiæ implorantis : Domine , pacem tuam da nobis : omnia enim dedisti nobis. Utinam quòd renuntiemus sæculo , voluntas sit , non necessitas , & paupertas habeat expetita gloriam , non illata cruciatum. Cæterum juxta miseras temporis , & ubique gladios fævientes , satis dives est , qui pane non indiget. Nimiùm potens est , qui servire

servire non cogitur. Sanctus Exuperius Toloſæ Episcopus, viduæ Sareptensis imitator, efuriens pafcit alios, & ore pallente jejuniis, fame torquetur aliena: omnemque substantiam Christi visceribus erogavit. Nihil illo ditius, qui Corpus Domini canistro vimineo, sanguinem portat in vitro: qui avaritiam ejecit è Templo: qui absque funiculo, & increpatione, Cathedras vendentium columbas, id est, dona Sancti Spiritus, mensa ſque subvertit mammonæ, & nummulatiorum æra dispersit: ut Domus Dei, domus vocetur orationis, & non latronum spelunca. Hujus tu è vicino ſectare vestigia, & cæterorum, qui virtutum illius similes sunt: quos Sacerdotium & humiliores facit, & pauperes. Aut ſi perfecta desideras, exi cum Abraham de patria, & cognatione tua, & perge, quò nescis. Si habes substantiam, vende, & da pauperibus, Si non habes, grandi onere liberatus es: nudum Christum nudus sequere. Durum, grande, difficile: sed magna ſunt præmia.



HIERONYMUS

Ad Florentium.

Argumentum Epistolæ.

*Familiaris Epistola est, nec eget aliquo argu-
mento: in qua ipsum Florentium, omnium
dilectione dignum ob virtutem charitatis,
D. Hieronymus commendat.*

Quantus beatitudinis tuæ rumor di-
versa populorum ora compleverit,
hinc poteris æstimare, quòd ego
te antè incipio amare, quàm nōfse. Ut
enim ait Apostolus: Quorumdam homi-
num peccata manifesta sunt, præcedentia
ad judicium: ita è contrario, tuæ dilec-
tionis fama dispergitur, ut non tam lau-
dandus sit ille, qui te amat, quàm sce-
lus putetur facere ille, qui non amat.
Prætermitto innumerabiles, in quibus
Christum sustentâsti, pavisti, vestisti, vi-
sitâsti. Heliodori fratrīs à te adjuta ne-
cessitas mutorum etiam potest ora laxa-
re. Quibus gratiis, quò ille præconio
peregrinationis incommoda à te fota re-
ferebat? Ita ut ego ille tardissimus, quem
intolerabilis languor vexat, pennatis (ut
ajunt) pedibus, certè charitate, & voto
te salutaverim, & etiam complexus sim.
Gratulor itaque tibi, & nascentem ami-
citiam, ut Dominus confederare dignetur,

pre-

precor. Et quia frater Ruffinus, qui cum sancta Melania ab Aegypto Jerosolymam venisse narratur, individua mihi germanitatis charitate connexus est, quæso, ut epistolam meam huic epistolæ tuæ copulatam ei reddere non graveris. Noli nos ejus æstimare virtutibus. In illo conspi- cies expressa sanctitatis vestigia: & ego cinis, & vilissima pars lutis, & jam fa- villa, dum vertor, satis habeo, si splen- dorem morum illius imbecillitas oculo- rum meorum ferre sustineat. Ille modò se lavit, & mundus est, & tanquam nix dealbatus: ego cunctis peccatorum fordibus inquinatus, diebus, ac noctibus operior cum tremore reddere novissimum quadrantem. Sed tamen, quia Dominus solvit compeditos, & super humilem, & trementem verba sua requiescit, forsitan & mihi in sepulchro scelerum jacenti dicat: Hieronyme, veni foras. Sanctus Pres- byter Evagrius plurimum te salutat: Mar- tinianum fratrem juncto salutamus obsequio: quem ego videre desiderans, catenâ languoris iu- nector.



HIERONYMUS

Ad Florentium.

Argumentum Epistolæ.

*E*pistola hæc familiaris est, nec eget argumento: in qua Florentium, sibi charissimum, adhortatur, ut nascentes amicitias, quæ Christi glutino cohæserunt, reciprocis epistolis ambo pariter utrumque fæderent.

IN ea mihi parte eremi commoranti, quæ juxta Syriam Saracenis jungitur, dilectionis tuæ scripta perlata sunt. Quibus lectis, ita reaccensus est animus Jerosolymam proficisci, ut penè nocuerit proposito, quod profuerat charitati. Nunc igitur, quomodo valeo, pro me tibi literas repræsento: et si corpore absens, amore tamen, & spiritu venio, impedio exposcens, nè nascentes amicitias, quæ Christi glutino cohæserunt, aut temporis, aut locorum magnitudo divellat: quin potius fæderemus eas reciprocis epistolis. Ille inter nos currant, illæ sibi obvient, illæ nobiscum loquantur. Non multum perditura erit charitas, si tali secum sermone fabuletur. Ruffinus autem frater, ut scribis, ne cum venit, & si venerit, non multum proderit desiderio meo, cùm eum jam visurus non sim. Ita enim & ille longo intervallo separatus est, ut huc non possit excurrere: & ego

ego arreptæ solitudinis terminis arceor, ut cœperit jam mihi non licere, quod volui. Ob hoc & ego obsecro, &, tu ut petas, plurimūm quæso, ut tibi beati Rheticii Augustudunensis Episcopi, Commentarios ad scribendum largiatur, in quibus Canticum Canticorum sublimiori sensu ille disseruit. Scripsit mihi & quidam de patria supradieti fratris Ruffini, Paulus senex, Tertaliani suum codicem apud eum esse, quem vehementer reposcit. Et ex hoc quæso, ut eos libros, quos me non habere brevis subditus edocebit, libraii manu in charta scribi jubeas. Interpretationem quoque Psalmorum Davidicorum, & prolixum valdè de Synodis librum Sancti Hilarii, quem ei apud Treviros manu mea ipse descripseram, æquè ut mihi transferas, peto. Nōsti, hoc esse Christianæ animæ pabulum, si in Lege Domini meditetur die, ac nocte. Cæteros hospitio recipis, solatio foves, sumptibus juvas. Mihi, si rogata præstiteris, cuncta largitus es. Et quoniam, largiente Domino, multis sacre Bibliothecæ codicibus abundamus, impera vicissim, & quocumque vis, mittam. Nec putes, mihi grave esse, si jubeas; habeo alumnos, qui antiquariæ arti serviunt. Neque verò beneficium pro eo, quod polliceor, postulo. Heliodorus frater mihi indicavit, te multa de Scripturis querere, nec sic invenire. Aut si omnia habes, incipit sibi plus charitas vindicare, plus petere. Magistrum autem pueri tui, de quo dignatus

es scribere, quem plagiatorem ejus esse non dubium est, s^ep^e Evagrius Presbyter, dum adhuc Antiochiæ essem, me præsente, corripuit. Cui ille respondit: Ego nihil timeo. Dicit, se à Domino suo fuisse dimisum: & si vobis placet, ecce hⁱc est, transmittite, quò vultis: in hoc arbitror me non peccare, si hominem vagum non sinam longius fugere. Quapropter, quia ego in hac solitudine constitutus, non possum agere, quod jussisti, rogavi charissimum mihi Evagrium, ut tam tui, quām mei causā, instanter negotium prosequatur.

HIERONYMUS

*Ad Latam de institutione filiæ.
Argumentum Epistolæ.*

Latam hortatur, ut filiam ab ipsis incunabulis ad pietatem Christi instituat, & statim, antequām ullis inficiatur vitiis, sanctas imbibat cantiones: ut & inter blanditias nutricum, & lusus puellares, Christi gustum hauriat. Deinde, de cultu, de victu, & quo modo jam adolescens sit à facultatum arcenda contagio: de studio Divina Scriptura, & fugiendis apocryphis, saluberrima tradit præcepta. Hortatur tandem, maturemittatur in Bethlehem, antequām ullâ maculâ contaminetur, ubi se & Magistrum, & nutritium fore, pollicetur.

Apostolus Paulus scribens ad Corinthios, & iudicem Christi Ecclesiam sacris instruens

instruens disciplinis , inter cætera manda-
ta, hoc quoque proposuit , dicens : Si qua
mulier habet virum infidelem , & hic con-
sentit habitare cum ea , non dimittat vi-
rum : sanctificatus est enim vir infidelis in
uxore fideli , & sanctificata est mulier infi-
delis in viro fideli . Alioqui filii vestri im-
mundi essent , nunc autem mundi sunt .
Sicui fortè haec tenus videbantur nimium
disciplinæ vincula laxata , & præceps in-
dulgentia Præceptoris , consideret domum
Patris tui , clarissimi quidem , & erudi-
tissimi viri ; sed adhuc ambulantis in tene-
bris : & intelliget , consilium Apostoli
illuc profecisse , ut radicis amaritudinem
dulcedo fructuum compensaret , & viles
virgulæ balsama pretiosa sudarent . Tu es
nata de impari matrimonio : & de te , &
Toxotio meo Paula generata es . Quis
hoc crederet , ut Albini Pontificis neptis
de re promissione Martyris nasceretur ? Ut
præsente , & gaudente Avo , parvulæ ad-
huc lingua balbutiens Christi alleluja re-
sonaret ? Ut Virginem Dei in suo gre-
mio nutriri et senex ? Et bene , feliciterque
expectabimus . Sancta , & fidelis domus
virum sanctificat infidelem . Jam candi-
datus est fidei , quem filiorum , & ne-
potum credens turba circumdat . Ego
puto , etiam ipsum Jovem , si ha-
buisset talem cognationem , potuisse in
Christum credere . Despuat licet , & irri-
deat epistolam meam , & me vel stul-
tum , vel insanum clamitet : hoc

& gener ejus faciebat , antequam crederet . Fiunt , non nascuntur Christiani . Auratum squalet Capitolium : fuligine , & aranearum tellis omnia Romę Templa coopta sunt : movetur Urbis sedibus suis , & inundans populus ante delubra semiruta , currit ad Martyrum tumulos . Si non extorquet fidem prudentia , extorqueat saltēm verecundia . Hoc , Læta , Religiosissima in Christo filia , dictum sit , ut non desperes Parentis salutem , & eadem fide , qua meruisti filiam , & Patrem recipias ; totiusque domus beatitudine perfruaris , sciens illud à Domino re promissum : Quæ apud homines impossibilia , apud Deum possibilia sunt . Nunquam est fera conver sio . Latio de Cruce transiit in Paradisum . Nabuchodonosor , Rex Babylonis , post efferationem corporis , & cordis , & belluarum in eremo convictum , mentem recipit humanam . Et ut omittam vetera , nè apud incredulos nimis fabulosa videantur : ante paucos annos propinquus vester Gracchus , nobilitatem Patriam sonans nomine , cùm præfecturam gereret Urbaniam , nonne specum Mithræ , & omnia portentosa simulachra , quibus Corax , Niphus , Miles , Leo , Perse , Hælios , Bromius pater iniciatur , subvertit , fregit , excusit , & his quasi obsidibus antè præmissis , impetravit Baptismum Christi ? Solitudinem patitur & in urbe Gentilitas . Dii quondam nationum cum bubonibus , & noctuis in solis culminibus remanferunt . Ve-

xilla militum, Crucis insignia sunt. Regum purpuræ, & ardentes diadematum gemmas, patibuli salutaris pictura condicorat. Jam & Ægyptius Serapis Christianus factus est. Marnas Gazæ luget inclusus, & eversionem templi jugiter pertremiscit. De India, Perside, Æthiopia Monachorum quotidie turmas suscipimus. Deposuit pharetras Armenius: Hunni discunt Psalterium: Scithiæ frigora fervent calore Fidei: Getarum rutilus, & flavus exercitus Ecclesiarum circumfert tentoria: & ideo forsitan contra nos æqua pugnant acie, quia pari Religione confidunt. Penè lapsus sum ad aliam materiam, & currente rota, dum urceum facere cogito, amphoram finxit manus. Propositorum enim mihi erat, Sanctæ Marcellæ, & tuis precibus invitatum, ad Matrem, id est, ad te sermonem dirigere, & docere, quomodo instituere Paulam nostram debeas, quæ prius Christo consecrata est, quam genita: quam antè votis, quam utero conceperisti. Vidimus aliquid temporibus nostris de Prophetalibus libris. Anna sterilitatem alvi fœcunditatem mutavit. Tu luctuosam fœcunditatem vitalibus liberis comutasti. Fidens loquor, accepturam te filios, quæ primum fœtum Domino reddidisti. Ista sunt primogenita, quæ offeruntur in lege. Sic natus est Samuel: sic ortus Samson est: sic Joannes Baptista ad introitum Mariæ exultavit, & lusit: audiebat enim verba Domini per os Virginis pertinantis;

nantis: & de utero Matris in occursum ejus gestiebat erumpere. Igitur, quæ de re promissione nata est, dignam habeat ortu suo institutionem Parentum. Samuel nutritur in Templo: Joannes in solitudine præparatur. Ille sacro crine venerabilis est, vinum, & siceram non bibit, adhuc parvulus cum Domino sermocinatur. Hic fugit urbes, zonâ pelliceâ cingitur, locutis alitur, ac melie sylvestri: & in typum pœnitentiæ prædicandæ, tortuosissimi animalis vestitur exuviis. Sic erudenda est anima, quæ futura est Templum Dei. Nihil aliud discat audire, nihil loqui, nisi quod ad timorem Dei pertinet. Turpia verba non intelligat: cantica Mundi ignoret. Adhuc tenera lingua Psalmis dulcibus imbuatur. Procul sit ætas lasciva puerorum: ipsæ puellæ, & pedissequæ à sæcularibus confortiis arceantur, ne quod malè didicerint, pejùs doceant. Fiant ei literæ, vel buxeæ, vel eburneæ, & suis nominibus appellantur: ludat in eis, ut & lusus ipse eruditio sit. Et non solum ordinem teneat literarum, ut memoria nomenum in canticum transeat; sed & ipse inter se crebrò ordo turbetur, & mediis ultima, primis media misceantur, ut eas non songo tantum; sed & visu noverit. Cùm verò cœperit trementi manu stylum in cera ducere, vel alterius superposita manu teneri regantur articuli, vel in tabella sculpantur clementa: ut per eosdem sulcos inclusa marginibus trahantur vestigia, ut foras non queant

queant evagari. Syllabas jungat ad præmium , & quibus illa ætas deliniri pot est, manusculis invitetur. Habeat & in descendendo socias , quibus invideat , quarum laudibus mordeatur. Non objurgunda est, si tardior sit ; sed laudibus excitandum est ingenium , ut & viciisse gaudeat , & victa dñelet. Cavendum in primis , nè oderit studia : nè amaritudo eorum præcepta in infantia , ultra rudes annos transeat. Ipsa nomina , per quæ confuescit paulatim verba contexere , non sint fortuita ; sed certa , & coacervata de industria : Prophetarum videlicet , atque Apostolorum : & omnis ab Adam Patriarcharum series de Matthæo , Lucaque descendat , at , dum aliud agit , futuræ memoriaræ præparetur. Magister probæ ætatis , & vite , atque eruditio nis est eligendus: nec puto erubescet vir doctus id facere in propinqua , vel nobili virgine , quod Aristoteles fecit in Philippi filio , ut ipse librariorum vilitate initia tra deret literarum. Non sunt contemnenda quasi parva , sinè quibus magna consistere non possunt. Ipse elementorum sonus , & prima institutio præceptorum aliter de erudito , aliter de rustico ore profertur. Unde & tibi est providendum , nè ineptis blanditiis fœminarum dimidiata dicere verba filia confuescat , & in auro , atque purpura ludere: quorum alterum linguæ , alterum moribus officit: nè discat in tenero , quod ei postea dedicendum est. Grachorum eloquentiæ multum ab infantia sermo Matris contulisse scribi-

scribitur. Hortensii oratio inter paternos
 finus coaluit. Difficulter eruditur, quod
 rudes animi perbiberunt. Lanarum con-
 chylia quis in pristinum candorem revo-
 cet? Recens testa diu & saporem retinet,
 & odorem, quo primum imbuta est. Græ-
 ca narrat historia, Alexandrum potentis-
 sum Regem, Orbisque domitorem, &
 in moribus, & in incessu, Leonidis peda-
 gogi sui non potuisse carere vitiis, quibus
 adhuc parvulus fuerat infectus. Proclivis
 est enim malorum æmulatio: & quorum
 virtutes assequi nequeas, citò imitaris vi-
 tia. Nutrix ipsa non sit temulenta, non
 lasciva, non garrula: habeat modestam
 gerulam; nutritum gravem. Cùm Avum
 viderit, in pectus ejus transiliat, de collo
 pendeat, nolenti alleluja decantet. Rapiat
 eam Avia, Patrem risibus agnoscat: sit om-
 nibus amabilis, & universa propinquitas
 rosam ex se natam gaudeat. Discat sta-
 tim, quam habeat & alteram Aviam, quam
 Amitam: cui Imperatori, cui exercitui
 tyruncula nutriatur. Illas desideret, ad
 illas tibi minitetur abscessum. Ipse habi-
 tus, & vestitus doceat eam, cui promis-
 sa sit. Cave, nè aures ejus perfores, nè
 cerussâ, & purpurisso consecrata Christo
 ora depingas: nec collum auro, & mar-
 garitis premas; nec caput gemmis oneres,
 nec capillum irruves, & ei aliquid de ge-
 hennæ ignibus auspiceris. Habeat alias
 margaritas, quibus posteà venditis, emptura
 est pretiosissimum margaritum. Prætextata,

nobilissima quondam fœmina, jubente vi-
ro Hymetio, qui Patruus Eustochii vir-
ginis fuit, habitum ejus, cultumque mu-
tavit, & neglectum crinem mundano mo-
re texuit, sibi vincere cupiens & virginis
propositum, & Matris desiderium: & ec-
ce tibi eadem nocte cernit in somnis, ve-
nisse ad se Angelum, terribili voce mini-
tantem pœnas, & hæc verba frangentem:
Tu nè ausa es viri imperium preferre Chris-
to? Tu caput Virginis Dei tuis sacrilegis
attrectare manibus? Quæ jam nunc ares-
cent, ut sentias excruciaata quid feceris,
& finito mense quinto, ad inferna duce-
ris. Sin autem perseveraveris in scelere, &
marito simul orbaberis, & filiis. Omnia
per ordinem expleta sunt, & seram misera-
ræ pœnitentiam velox signavit interitus.
Sic ulciscitur Christus violatores Templi
sui: sic gemmas, & pretiosissima orna-
menta defendit. Et hoc retuli, non quòd
insultare velim calamitatibus infelictum;
sed ut moneam, cum quanto metu, &
cautione servare debeas, quod Deo spo-
pondisti. Heli Sacerdos offendit Deum ob-
vitia liberorum. Episcopus fieri non po-
test, qui filios habuerit luxuriosos, non
subditos. At è contrario de muliere scri-
bitur, quòd salva fiet per filiorum gene-
rationem, si permanserit in fide, & cha-
ritate, & sanctificatione cum pudicitia.
Si perfecta ætas, & sui juris imputatur Pa-
tentibus, quanto magis lactens, & fragilis,
quæ juxta sententiam Domini, ignorat

dex-

dextram , & sinistram, id est, boni , & mali differentiam ? Si solicita provides , nè filia percutiatur à viperā ; cur non eadem curā provideas , nè feriatur à malleo universæ terræ ? Nè bibat de aureo calice Babylonis ? Ne egrediatur cum Dina , & velet videre filias Regionis alienæ ? Nè ludat pedibus ? Nè trahat tunicas ? Veneta non dantur , nisi melle circumlita : & via non decipiunt , nisi sub specie , umbraque virtutum . Et quomodo , inquies , peccata Patrum filii non redduntur , nec filiorum Parentibus ; sed anima , quæ peccaverit , ipsa morietur ? Hoc de his dicitur : qui possunt sapere , de quibus in Euangeliō scriptum est : Ætatem habet , loquatur pro se . Qui autem parvulus est , & sapit ut parvulus , donec ad annos sapientiæ veniat , & Pythagoræ litera Y , eum perducat ad bivium ; tam bona ejus , quam mala , Parentibus imputantur . Nisi fortè existimas , Christianorum filios , si Baptisma non receperint , ipsos tantum reos esse peccati , & non etiam scelus referri ad eos , qui dare noluerint , maximè eo tempore , quo contradicere non poterant , qui accepturi erant : sicut è regione salus infantium majorum lucrum est . Offerre , nec nè , filiam , potestatis tuæ fuit (quamquam alia sit tua conditio , quæ prius eam vovisti , quam conciperes :) ut autem oblatam non negligas , ad periculum tuum pertinet . Qui claudam , & mutilam , & qualibet sorde maculatam obtulerit

hostiam , sacrilegii reus est : quanto magis, qui partem corporis sui, & illibatae animæ puritatem Regis amplexibus parat , si negligens fuerit, punietur? Postquam grandiuscula esse cœperit, & in exemplum sponti sui crescere sapientiâ , ætate , & gratia apud Deum, & homines, pergit ad templum veri Patris cum Parentibus suis; sed cum illis non egrediatur è Templo. Quærant eam in itinere seculi inter turbas, & frequentiam propinquorum, & nusquam alibi reperiant, nisi in adyto Scripturarum , Prophetas , & Apostolos de spiritualibus nuptiis sciscitantem. Imitetur Mariam , quam Gabriel solam in cubiculo suo reperit: & ideo forsitan timore perterrita est, quia virum , quem non solebat , aspexit. Æmuletur eam, de qua dicitur: Omnis gloria ejus filiæ Regis ab intus. Loquatur & ipsa è lecto , charitatis jaculo vulnerata: Introduxit me Rex in cubiculum suum. Numquā exeat foras , nè inveniant eam , qui circumueunt Civitatem , nè percutiant , & vulnerent, & auferant theristrum pudicitiæ, & nudam in sanguine derelinquant ; quin potius, cum aliquis ostium ejus pulsaverit, dicat : Ego murus, & ubera mea turris : lavi pedes meos, non possum inquinare eos. Non vescatur in publico , id est , in Parentum convivio ; nè videat cibos, quos desideret. Et licet quidam putent , majoris esse virtutis , præsentem contemnere voluptatem ; tamen ego arbitror, secundoris continentiæ esse, nescire, quod queras.

Legi

Legi quondam in Scholis puer: Ægrè reprehendas, quod sinis consuescere. Discat jam nunc & vinum non bibere, in quo est luxuria. Ante annos robustæ ætatis periculosa est teneris gravis abstinentia: usque ad id tempus, si necessitas postulaverit, & balneas adeat, & vino utatur modiceo, propter stomachum, & carnium edulio sustentetur, nè priùs deficiant pedes, quām currere incipient. Et hoc dico juxta indulgentiam, non juxta imperium, timens debilitatem, non docens luxuriam. Alioqui, quod Judaica superstitione ex parte facit in refectione quorumdam animalium, atque escarum, quod & Indorum Brachmani, & Ægyptiorum Gymnosophistæ in polentæ, & orizæ, & pomorum solo observant cibo, cur Virgo Christi non faciat in toto? Si tanti vitrum; quare non majoris sit pretii margaritum? Quæ nata est ex promissione, sic vivat, ut illi vixerunt, qui de repromissione generati sunt. Æqua gratia æquum habeat & laborem. Surda sit ad organa: tibia, lyra, cithara, cur facta sint, nesciat. Reddat tibi pensum quotidie de Scripturarum floribus carptum. Ediscat Græcorum versuum numerum. Sequatur statim & Latina eruditio: quæ si non ab initio os tenerum composuerit, in peregrinum sonum lingua corrupitur, & externis vitiis sermo patrius sordidatur. Te habeat Magistrum, te rudis miretur infancia. Nihil in te, & in Patre suo videat, uo^d si fecerit, peccet. Mementote vos, Parentes

Vir-

virginis, magis eam exemplis doceri posse, quam voce. Citò flores pereunt: citò violas, & lilium, & crocam pestilens aura corruptit. Nusquam absque te procedat in publicum: Basilicas Martyrum, & Ecclesiás, sine Matre non adeat. Nullus ei juvenis, nullus cincinnatus arrideat. Vigiliarum dies, & solemnies pernoctationes, sic virguncula nostra celebret, ut ne transversum quidem unguem à Matre discedat. Nolo, de ancillulis suis aliquam plus diligit, cuius crebro auribus insusurret. Quidquid uni loquitur, hoc omnes sciant. Placeat ei comes non compta, neque formosa, atque lasciva, quæ liquido gutture carmen dulce moduletur; sed gravis, pallens, sordidata, subtristis. Præponatur ei probæ fidei, ac morum, & pudicitiae virgo veterana, quæ illam doceat, & assuefact exemplo ad orationes, & Psalmos nocte consurgere, manè Hymnos canere; Tertià, Sextâ, Nonâ horâ stare in acie quasi bellatricem Christi: accensaque lucernâ reddere sacrificium vespertinum. Sic dies transeat, sic nox inveniat laborantem: orationi lectio, lectioni succedat oratio. Breve videbitur tempus, quod tantis operum varietatibus occupatur. Discat & lanam facere, tenere colum, ponere in gremio calathum, rotare fusum, stamina pollice ducere. Spernat bombycum telas. Serum vellera, & aurum in fila lentescens. Tali vestimenta paret, quibus pellatur frigus, non quibus vestita corpora nudentur.

Cibus ejus olusculum sit , & simila, raro-
que pisciculi. Et, nè gulæ præcepta longius
traham , de quibus in alio loco pleniùs
sum locutus , sic comedat , ut semper
esuriat : ut statim post cibum possit lege-
re , orare , & pfallere. Displicent mihi ,
in teneris maximè ætatibus, longa , & im-
moderata jejunia , in quibus junguntur
hebdomades , oleum in cibo , ac poma ve-
tantur. Experimento didici , assellum in
via , cùm laffus fuerit , diverticula quæ-
rere. Faciant hoc cultores Ifidis , & Cy-
beles , qui gulosâ abstinentia phasides
aves , ac fumantes turtures vorant, nè , sci-
licet, Cerealia dona contaminent. Hoc in
perpetuo jejunio fit præceptum , ut lon-
go itineri vires perpetes superent , nè in
prima mansione currentes , in mediis cor-
ruanis. Cæterùm , ut antè scripsi , in
Quadragesima continentiae vela pandenda
sunt , & tota aurigæ retinacula equis la-
xanda properantibus. Quàmquam alia sit
conditio sæcularium , alia Virginum , &
Monachorum. Sæcularis honio in Qua-
dragesima ventris ingluviem decoquit , &
in cochlearum morem succo vietitans suo,
futuri dapibus , ac faginæ aqualiculum
parat. Virgo , & Monachus sic in Qua-
dragesima suos dimittant equos , ut sibi
meminerint semper esse curriendum. Fini-
tus labor major, infinitus moderatior est.
Ibi enim respiramus, hic perpetuò incedi-
mus. Si quando ad subuibana pergis, domi
filiam non relinquas , nesciat sine te , nec
pos-

possit vivere: & cùm sola fuerit, pertimescat. Non habeat colloquia sæcularium, & malarum virginum contubernia. Non interfit nuptiis servulorum, neque familiæ perstrepentis lusibus misceatur. Scio, præcepisse quosdam, nè Virgo Christi cum eunuchis lavet, nec cum maritatis fœminis: quia alii non deponant animos viorum, aliae tumentibus uteris præferant fœditatem. Mihi omnino in adulta virgine lavacra displicent, quæ seipsum debet erubescere, & nudam videre non posse. Si enim vigiliis, & jejunii macerat corpus suum, & in servitutem redigit, si flamnam libidinis, & incentiva ferventis ætatis extinguere cupit continentiae frigore, si appetitis foribus turpare festinat naturalem pulchritudinem, cur è contrario balnearum fomentis sopitos ignes suscitat? Pro gemmis, & serico, divinos codices amet, in quibus non auri, & pellis Babylonicae verniculata pictura, sed ad fidem placeat emenda, & crudita distinctio. Discat primò Psalterium: his se canticis avocet, & in Proverbiis Salomonis erudiatur ad vitam. In Ecclesiaste consuecat, quæ Mundi sunt, calcare. In Job, virtutis, & patientiæ exempla fecetur. Ad Euangelia transeat, nunquam ea positura de manibus: Apostolorum acta, & epistolas tota cordis imbibat voluntate. Cùmque pectoris sui cellarium his opibus locupletaverit, mandet memoriae Prophetas, Pentateuchum, & Regum, & Paralipomenon libros, Esdræ quoque, & Esther.

Volumina. Ad ultimum, sive periculo dis-
cat Canticum Canticorum : ne, si in exor-
dio legerit, sub carnalibus verbis spiritua-
lium nuptiarum epithalamium non intel-
ligens, vulneretur. Caveat omnia apocry-
pha; & si quando ea non ad dogmatum
veritatem, sed ad signorum reverentiam le-
gere voluerit, sciat, non eorum esse, quo-
rum titulis prænotantur, multaque his
admixta vitiosa, & grandis esse pruden-
tia, aurum in luto quærere. Cypriani
opuscula semper in manu teneat, Athanasii
epistolas, & Hilarii libros inoffenso de-
currat pede. Illorum tractatibus, illorum
delectetur ingeniis, in quorum libris pie-
tas fidei non vacillet. Cæteros sic legat, ut
magis judicet, quam sequatur. Respon-
debis: quomodo hæc omnia mulier sacer-
ularis, in tanta frequentia hominum, Ro-
mæ custodire potero? Noli ergo subire
onus, quod ferre non potes: sed postquam
ablaetaveris eam cum Isaac, & vestieris cum
Sancteuele, mitte Aviæ, & Amitæ. Redde pre-
ciosissimam geminam cubiculo Mariæ, &
cunis Jesu vagientis impone. Nutriatur
in Monasterio, sit inter virginum choros,
jurare non discat, mentiri sacrilegium pu-
tet, nesciat sæculum, vivat Angelicè, sit
in carne sive carne: omne hominum ge-
nus sui simile putet. Et, ut cætera taceam,
certè te liberet servandi difficultate, &
custodiæ periculo. Melius tibi est, deside-
rare absentem, quam pavere ad singula,
quid loquatur, cum quo loquatur, cui
annuat,

annuat, quem libenter aspiciat. Trade Eustochio parvulam, cuius nunc & ipse vagitus pro te oratio est. Trade comitem sanctitatis, futuram hæredem. Illam videat, illam amet, illam primis miretur ab annis, cuius & sermo, & incessus, & habitus doctrina virtutum est. Sit in gremio Avicæ, quæ repetat in nepte, quidquid præmisit in filia: quæ longo usu didicit nutritre, servare, docere virgines: in cujus coronam centenarii quotidie numeri castitas texitur. Felix Virgo, felix Paula Toxotii; quæ per Avicæ, Amitæque virtutes nobilior est sanctitate, quam genere. O si tibi continget videre socrum, & cognatam tuam, & in parvis corpusculis ingentes animos intueri! Pro insita tibi pudicitia non ambigerem, quin præcederes filiam, & primam Dei sententiam secunda Euangelii lege mutares. Nec tu parvi penderes aliorum desideria liberorum; sed te ipsam magis offerres Deo. Sed quia tempus est amplexandi, & tempus longè fieri à complexibus, & uxor non habet potestatem corporis sui, & unusquisque, in qua vocatione vocatus est, in ea permaneat in Domino: & qui sub jugo est, ita debet currere, nè in luto comitem derelinquat: totum redde in sobole, quod in te interim distulisti Anna filium, quem Deo uoverat, postquam obtulit in Tabernaculo, nunquam recepit; indecens arbitrata, ut futurus Propheta in ejus domo cresceret, quæ adhuc alios filios habere cupiebat.

Denique, postquam concepit, & peperit, non est ausa ad Templum accedere, & vacua apparere coram Domino, nisi prius redderet, quod debebat: talique immolato sacrificio, reversa domum, quinque liberos sibi genuit, quia primogenitum Deo pepererat. Miraris felicitate sancte mulieris? Imitare fidem. Ipse, si Paulam miseris, & Magistrum me, & nutritum spondeo. Gestabo humeris, balbutientia senex verba formabo, multò gloriosior Mundi Philosopho, qui non Regem Macedoniae, Babylonio periturum veneno; sed ancillam, & sponsam Christi eruditam, Regnis Cœlestibus offerendam.

HIERONYMUS

Ad Gaudentium.

Argumentum Epistolæ.

Ad preces amici Gaudentii docet, quibus rudimentis imbuenda sit rudes etas puellæ, virginitati destinatae, antequam boni, & mali discrimen noverit.

CAUSA difficilis parvulae scribere, quæ non intelligit, quid loquaris: cuius animum nescias: de cuius voluntate periculose promittas, ut secundum præclari Oratoris exordium (a) spes in ea magis laudanda sit, quam res. Quid enim horteris ad

con-

(a) Id est, sententiam.

continentiam, quæ placentas desiderat, quæ
in sinu Matris garrula voce balbutit; cui
dulciora sunt mella, quām verba? Audiat
profunda Apostoli, quæ anilibus magis fabu-
lis delectatur? Prophetarū enigmata sentiat,
quam tristior gerulē vultus exagitat? Euān-
gelii intelligat majestatem, ad cujus fulgura
omnis mortalium sensus hebetatur? Ut
Parenti subjiciatur, horter, quæ manu tene-
ra ridentem verberat Matrem? Itaque Paca-
tula nostra hoc epistolium pōst lectura sus-
cipiat. Interim, modò literarum elementa
cognoscat, jungat syllabas, discat nomi-
nā, verba consociet: atque ut voce tinnu-
la ista meditetur, proponantur ei crustula,
multa prēmia, & quidquid gustu suave est:
quod vernat in floribus, quod rutilat in
gemmais, quod blanditur in pupis, accep-
tura festinet. Interim & tenero tentet polli-
ce fila ducere, rumpat sāpē stamina, ut ali-
quando non rumpat. Post laborem lusibus
gestiat, de Matris pendeat collo, rapiat
oscula propinquarum, Psalmos mercede
decantet. Amet, quod cogitur discere, ut
non opus sit, sed delectatio; non ne-
cessitas; sed voluntas. Solent quādam,
cūm futuram virginem spōnderint,
pullā tunicā eam induere, & furvo ope-
sire pallio; auferre linteamina, nihil in
collo, nihil in capite auri finere: re ve-
ra bono consilio, nē habere discat in
tenero, quod posteā ponere compellatur.
Aliis verò è contrā videtur: Quid enim
(ajunt) si ipsa non habuerit, habentes alias

non videbit? *Philocosmon* (a) genus fæmineum est: multasque etiam insignis pudicitie, quāmvis nulli virorum, tamen sibi scimus libenter ornari. Quin potius habendo satietur, & cernat laudari alias, quæ ista non habeant: meliusque est, ut faciata contemnat, quām non habendo, habere desideret. Tale verò quid & Israēlitico fecisse vides populo Dominum, ut cupientibus Ægyptias carnes, usque ad nauseam, & vomitum præberet examina coturnicum: multosque sœculi reperies homines facilius carere experta corporis voluptate, quām eos, qui à pueritia libidinem nesciant. Ab aliis enim nota calèari, ab aliis ignota appetti. Illos vitare pœnitendo suavitatis insidias, quas fugerunt: hos carnis illecebras, dulci titillatione corporis blandientes, dum mella putant, venena noxia reperire. Mel enim distilare labia meretricis, quod ad tempus impinguat vescentium fauces, & postea felle amarius invenitur. Unde & in Domini sacrificiis mel non offerunt: ceraque contempta, quæ mellis hospitium est, oleum accenditur in Templo Dei, quod de amaritudine exprimitur olivarum. Pascha quoque cum amaritudinibus comedì in azimis sinceritatis, & veritatis jubetur, quas qui habuerit in sœculo, persecutionem sustinebit. Unde & Propheta mysticè cantat: Sedebam solus, quia amaritudine repletus sum. Quid igitur? Lu-

xuriandum est in adolescentia, ut postea luxuria fortius contemnatur? Absit verò, inquiunt: unusquisque enim, in qua vocatione vocatus est, in ea permaneat. Circumcisus quis, id est, virgo vocatus est, non adducat præputium, hoc est, non querat pelliceas tunicas nuptiarum, quibus Adam, ejectus de Paradiſo virginitatis, indutus est. In præputio quis vocatus est, hoc est, habens uxorem, & matrimonii pelle circumdatus, non querat virginitatis, & æternæ pudicitię nuditatem, quam semel habere desivit: sed utatur vase suo in sanctificatione, & pudicitia, bibatque de fontibus suis, & non querat cisternas luparum dissipatas, que purissimas aquas pudicitiae continere non possunt. Unde & idem Paulus in eodem capitulo, de virginitate, & nuptiis disputans, servos carnis vocat in matrimonio constitutos, liberos eos, qui absque jugo nuptiarum tota Domino serviunt libertate. Quod loquimur, non in universum loquimur; sed in parte tractamus, nec de omnibus; sed de quibusdam dicimus. Ad utrumque enim sexum, non solum ad vas infirmum, noster sermo dirigitur. Virgo es, quid te mulieris delectat societas? Qui fragilem, & subtilem ratem magnis committis fluctibus, & grande periculum navigationis incertę securus ascendis? Nescis quid desideres, & tamen sic ei jungeris, quasi aut antè desideraveris, aut (ut levissime dicam) postea desideratus sis. Sed ad ministerium

nisterium iste sexus est aptior. Elige ergo
anum deformem: elige probatae in Domi-
no continentiae. Quid te adolescentula,
quid pulchra, quid luxuriosa delectat? Ute-
ris balneis, cute nitida, rubicundis genis
incedis; carnibus vesceris, affluis divitiis,
pretiosa veste circumdaris, & juxta serpen-
tem mortiferum securè dormire te credis?
At non habitas in eodem hospitio. In noc-
te dumtaxat: cæterum totos dies in hujus
confabulatione consumis. Quare solus cum
sola, & non cum arbitris sedes, ut cum ip-
se non pecces, aliis peccare videaris, ut
exemplò sis miseris, qui nominis tui auc-
toritate delinquent? Tu quoque, virgo,
vel vidua, cur tam longo sermone viri re-
tineris? Cur cum solo relicta non metuis?
Saltèm alvi te, & vescæ cogat necessitas,
ut excas foras, ut deseras in hac re eum,
cum quo licentiūs, quam cum germano,
multò inverecundiūs, quam cum marito
egisti. Sed de Scripturis sanctis aliquid in-
terrogas? Interroga publicè, audiant pe-
dissequæ, audiant comites tuae. Omne, quod
manifestatur, lux est. Bonus sermo secreta
non querit: quin potius delectatur laudi-
bus suis, & testimonio plurimorum. Ma-
gister egregius contemnit viros, despicit
fratres, & in unius mulierculæ secreta eru-
ditione defudat. Declinavi parumper de
mea disputatione aliorum occasione, &
dum infantem Pacatulam instituo, imò &
nutrio, multarum subitò mihi male Pa-
catarum bella suscepi. Revertar ad proposi-
tum,

tuni. Sexus fœmineus suo jungatur sexui & nesciat, imò timeat cum pueris ludere. Nullum impudicum verbum noverit. Et, si fortè in tumultu familiae discurrentis aliquid audiat, non intelligat. Matri natum pro verbis, ac monitis, & pro imperio habeat. Amet ut Parentem, subjiciatur ut Dominæ, timeat ut Magistram. Cum autem virgunculam rudem, & edentulam septimus ætatis annus exceperit, & cœperit erubescere, scire quid taceat, dubitare quid dicat: discat memoriter Psalterium, & usque ad annos pubertatis libros Salomonis, Euangelia, Apostolos, & Prophetas sui cordis thesaurum faciat. Nec liberiùs procedat ad publicum, nec semper Ecclesiarum quærat celebritatem. In cubiculo suo totas delicias habeat. Nunquam juvenculos, nunquam cincinnatos videat: & vocis dulcedines per aurem animam vulnerantes, puellarumque lasciviâ repellantur: quæ quantò licentiūs adeunt, tantò difficiliūs evitantur: & quod didicerunt, secretò docent, inclusamque Danaen vulgi sermonibus violant. Sit ei Magistra comes, pedagoga custos, non multo vino dedita, non, juxta Apostolum, otiosa, atque verbosa, sed sobria, gravis, lanifica, & ea tantum loquens, quæ animum puellarem ad virtutem instuant. Ut enim aqua in areola digitum sequitur præcedentem; ita ætas mollis, & tenera in utramque partem flexibilis est, & quocumque duxeris, trahitur.

magnus, nec ultra vestigia ejus ignis procedere ausus est. Moysi loquitur Deus: Dimitte me, & delebo populum istum. Quando dicit: Dimitte me, ostendit, se teneri posse, nè faciat, quod minatus est. Dei enim potentiam servi preces impediabant. Quis putas ille sub Cœlo est, qui nunc iræ Dei possit occurrere? Qui obviare flammis? Et cum Apostolo dicere: Optabam ego anathema esse pro fratribus meis? Pereunt cum pastoribus greges: quia sicut populus, sic Sacerdos. Moyses compassionis loquebatur affectu: Si dimittis populo huic, dimitte: si autem, dele me de libro tuo. Vult perire cum pereuntibus, nec propria salute contentus est. Gloria quippe Regis, multitudo populi. His Pacatula nostra nata est temporibus. Inter hæc crepundia primam carpit ætatem, ante lachrymas scitura, quam risum: prius fletum sensura, quam gaudium. Necdum introitus, jam exitus, Talem semper putet fuisse Mundum. Nescia præterita, fugiat præsentia, futura desideret. Hæc ut tumultuari sermone dictarem, & post necesse amicorum, luctumque perpetuum, infanti senex longo postliminio scriberem, tua, Gaudienti frater, impulit charitas; maluique parum, quam nihil omnino poscenti dare: quia in altero voluntas oppresa luctu, in altero amicitia

dissimulatio

est.

HIE-

HIERONYMUS

Ad Paulinum de institutione Monachi.

Argumentum Epistolæ.

*Paulinus juvenis eloquens, & Monachus, ut
tunc erant Monachi, Hieronymum literis
commendarat, in eo præcipuo, quod senex
sanctis ageret locis. Misericordia librum,
quem in defensionem Theodosii Imperato-
ris scripserat: rogans, ut sibi scriberet,
quam vita formam potissimum sequi de-
beat. Hunc igitur collaudatum ob insignem
eloquentiam, hortatur, ut arcanarum li-
terarum scientiam adjungat.*

Bonus homo de bono cordis thesauro
profert ea, quæ bona sunt, & ex fruc-
tibus arbor cognoscitur. Meritis nos vir-
tutibus tuis, & parvos magnus extollis,
ultimamque partem convivii occupas,
ut Patrisfamilias judicio proveharis. Quid
enim in nobis, aut quantulum est, ut
doctæ vocis mereamur preconium? Ut
illo ore, quo Religiosissimus Princeps
defenditur, humiles nos, modicique lau-
demur? Noli igitur, frater charissime, an-
norum nos estimare numero; nec sapien-
tiam canos reputes; sed canos sapientiam:
Salomone testante: Cani hominis pruden-
tia ejus. Nam & Moyses septuaginta Pres-
byteros jubetur cligere, quos ipse sciret
esse.

esse Presbyteros, utique non evo; sed prudenter judicandos. Et Daniel adhuc puer longævos judicat, atque impudicos senes ætas lasciva condemnat. Noli, inquam, fidem pensare temporibus: nec me idcirco meliorem putas, quod prior in Christi exercitu cœperim militare. Paulus Apostolus, & Vas electionis, de pesequutore mutatus, novissimus in ordine, primus in meritis est: quia, extremus licet, plus omnibus laboravit. Judas, qui quoandam audiérat: Tu autem homo, qui simul mecum dulces capiebas cibos, Dux meus, & notus meus, in domo Dei ambulavimus cum consensu; proditor amici, & Magistri, Salvatoris arguitur voce, & *Nodus informis lethi trabe necdit ab alta.* E contrario, Iatro Crucem mutat Paradiso, & facit homicidii pœnam martyrium. Quanti hodie diu vivendo portant funera sua, & quasi sepulchra dealbata plena sunt ossibus mortuorum? Subitus calor longum vincit tempore. Denique & tu audita sententiâ Salvatoris: Si vis perfectus esse, vade, & vende omnia, quæ habes, & da pauperibus, & veni sequere me; verba vertis in opera, & nudam Crucem nudus sequens, expeditior, & levior scandis scalam Jacob. Tunicam mutas cum animo, nec pleno marsupio gloriosas fordes appetis; sed puris manibus, & candido pectore, pauperem te & spiritu, & operibus gloriaris. Nihil est enim grande, tristi, & lurida facie, vel simulare, vel ostentare jejunia,

possessionum redditibus abundare, & vile
jactare palliolum. Crates ille Thebanus,
homo quendam ditissimus, cum ad phi-
losophandum Athenas pergeret, magnum
auri pondus abjecit, nec putavit, se simul
posse & virtutes, & divitias possidere. Nos
suffarcinati auro, Christum pauperem sequi-
mur, & sub praetextu eleemosynæ pristinis
opibus incumbantes, quomodo possimus
aliena fideliter distribuere, qui nostra timi-
de reservamus? Plenus venter facile de jeju-
niis disputat. Non Jerosolymis fuisse; sed
Jerosolymis bene vixisse, laudandum est. Illa
expetenda est civitas, non quæ occidit Pro-
phetas, & Christi Sanguinem fudit; sed
quam fluminis impetus lætitificat, quæ in
monte sita celari non potest: quam Ma-
trem Sanctorum Apostolus clamitat, in qua
se municipatum cum justis lætatur habere.
Neque vero hoc dicens, memetipsum in-
constantiae redarguo, damnoque, quod fa-
cio, ut frustra videar ad exemplum Abra-
ham, & meos, & patriam reliquisse: sed non
audeo Dei omnipotentiam angusto fine
concludere, & coarctare parvo terræ loco,
quem non capit Cœlum. Singuli quique cre-
dentiū, non locorum diversitatibus; sed fa-
dei merito ponderantur. Et veri adoratores,
neque Jerosolymis, neque in monte Gaza-
rim adorant Patrem: quia Deus Spiritus
est, & adoratores ejus in spiritu, & veri-
tate adorare oportet. Spiritus autem spi-
rat, ubi vult: & Domini est terra, & plen-
udo ejus. Postquam siccato Judæ vellere,
uni-

universus Orbis Cœlesti rore perfusus est,
& multi de Oriente, & Occidente venien-
tes, recubuerunt in sinu Abrahæ, desiit
notus esse tantum in Judæa Deus, & in
Israël magnum nomen ejus: sed in om-
nem terram exivit sonus Apostolorum, & in
fines Orbis terræ verba eorum. Salvator ad
Discipulos loquens, cùm esset in Templo:
Surgite (inquit) abeamus hinc. Et ad Ju-
dæos: Relinquetur vobis domus vestra
deserta. Si Cœlum, & terra transibunt, uti-
que transibunt omnia, quæ terrena sunt.
Crucis igitur, & Resurrectionis loca pro-
sunt his, qui portant Crucem suam, &
cum Christo resurgunt quotidie, qui dig-
nos se tanto exhibent habitaculo. Cæte-
rū qui dicunt: Templum Domini, Tem-
plum Domini, audiant ab Apostolo: Vos
estis Templum Domini, Spiritus Sanctus
habitat in vobis. Et de Jerosolymis, & de
Britannia similiter patet aula Cœlestis:
Regnum enim Domini intra vos est. Anto-
nius, & cuncta Ægypti, & Mesopota-
miæ, Ponti, Cappadociæ, & Armeniae
examina Monachorum, non videre Jero-
solymam, & patet illis absque hac urbe
Paradisi janua. Beatus Hilarion, cùm
Palæstinus esset, & in Palæstina viveret,
uno tantum die vidit Jerosolymam, ut
nec contemnere loca sancta propter vi-
cinam, nec rursus Dominum loco clau-
dere videretur. Ab Adriani temporibus,
usque ad Imperium Constantini, per an-
nos circiter centum octoginta, in loco

Resurrectionis simulachrum Jovis, in Crucis rupe statua ex marmore Veneris à gentibus posita colebatur, existimantibus persequutionis auctoribus, quod tollerent nobis fidem Resurrectionis, & Crucis, si loca sancta per Idola polluissent. Bethlehem nunc nostram, & angustissimum Orbis locum, de quo Psalmista canit: Veritas de terra orta est, lucus inumbrabat Thanius, id est, Adonidis: & in specu, ubi quondam Christus parvulus vagiit, Veneris amasius plangebatur. Quorsum (inquieres) haec tam longo repetita principio? Vide licet, ne quidquam fidei tuae decesse putas; quia Jerosolymam non vidisti: nec nos idcirco meliores existimes, quod hujus loci habitaculo fruimur: sed sive hic, sive alibi, cqualem te pro operibus tuis apud Dominum nostrum habere mercedem. Revera, ut simpliciter motus mentis meae fatear, considerans & propositum tuum, & ardorem, quo saeculo renunciasti, differentias in locis arbitror, si urbibus, & frequentiâ urbium derelictâ, in agello habites, & Christum queras in solitudine, & ores solis in monte cum Jesu, Sanctorumque tantum locorum vicinitatibus perfruaris, id est, ut & urbe careas, & propositum Monachi non amittas. Quod loquor, non de Episcopis, non de Presbyteris, non de Clericis loquor, quorum aliud officium est; sed de Monacho, & Monacho quondam apud saeculum nobili, qui idcirco pretium possessionum suarum

ad pedes Apostolorum posuit, docens , pecuniam esse calcandam , ut humiliter , & secretò victitans , semper contemnat , quod semel contempsit. Si Crucis , & Resurrectionis loca non essent in urbe celeberrima , in qua curia , in qua aula militum , in qua scorta, mimi, scurræ, & omnia sunt , quæ solent esse in cæteris urbibus , vel si Monachorum turbis solummodo frequentaretur , expetendum revera hujuscemodi cunctis Monachis esset habitaculum. Nunc verò summæ stultitiæ est, renuntiare sæculo , dimittere patriam , urbes deserere , Monachum profiteri , & inter maiores populos periculosius vivere , quam eras victurus in patria. De toto huc orbe concurritur : plena est Civitas universi generis hominum : & tanta utriusque sexus constipatio , ut, quod alibi ex parte fugiebas , hic totum sustinere cogaris. Quia igitur fraternè interrogas , per quam viam incedere debeas , revelata tecum facie loquar. Si officium vis exercere Presbyteri , si Episcopatū te vel opus , vel honor fortè delestat , vive in urbibus , & castellis , & aliorum salutem fac lucrum animæ tuæ. Sin autem cupis esse , quod diceris Monachus , id est , solus ; quid facis in urbibus , quæ utique non sunt solorū habitacula , sed multorum ? Habet unumquodque propositum Principes suos . Romani Duces imitetur Camillos , Fabricios , Regulos , Scipiones : Philosophi proponat sibi Pythagorā , Socratem , Platonem , Aristotelem : Poëtæ emulentur

Homerum, Virgilium, Menandrum, Terentium: Historici Thucydidem, Sallustium, Herodotum, Livium: Oratores Lysiam, Gracchos, Demosthenem, Tullium. Et, ut ad nostra veniamus, Episcopi, & Presbyteri habeant in exemplum Apostolos, & Apostolicos viros, quoram honorem possidentes, habere nitantur & meritum. Nos autem habeamus propositi nostri Principes, Paulos, Antonios, Julianos, Hilariones, Macarios. Et, ut ad Scripturarum auctoritatem redeam, nostri Princeps Elias, noster Eliaeus, nostri Duces filii Prophetarum, qui habitabant in agris, & solitudinibus, & faciebant sibi tabernacula propè fluenta Jordanis. De his sunt & illi filii Rechab: qui vinum, & siceram non bibebant, qui morabantur in tentoriis, qui Dei per Jeremiam voce laudantur, & promittitur eis, quod non deficiat de stirpe eorum vir stans coram Domino. Hoc reor & septuagesimi Psalmi titulum significare: Filiorum Jonadab, & eorum, qui primi in captivitatem ducti sunt. Iste est Jonadab filius Rechab, qui in Regum libro scribitur, currum ascendisse cum Hieu. Et hujus filii sunt, qui in tabernaculis semper habitantes, ad extremum propter irruptionem Chaldaici exercitus, Hierosolymam intrare compulsi, hanc primi captivitatem sustinuisse dicuntur, quod post solitudinis libertatem, urbe, quasi carcere sunt reclusi. Obscero itaque te, ut, quoniam sanctæ sororis tue

Igatus es vinculo, & non penitus expedito pergis gradu, sive hic, sive ibi, multitudines hominum, & officia, & salutationes, & convivia, veluti quasdam catenas fugias voluptatum. Sit vilis, & vespertinus cibus, olera, & legumina: interdumque pisciculos pro summis ducas deliciis. Qui Christum desiderat, & illo pane vescitur, non querat magnoperè, de quām pretiosis cibis stereus conficiat. Quidquid post gulam non sentitur, idem tibi sit, quod panis, & legumina. Habes adversus Jovinianum libros de contemptu ventris, & gutturis pleniùs differentes. Semper in manu tua sacra sit lectio. Frequenter orandum, & flexo corpore mens erigenda ad Dominum. Crebræ vigiliæ, & ventre vacuo sæpiùs dormiendum. Ruminulos, & gloriolas, & palpantes adulatores, quasi hostes, fuge. Pauperibus, & fratribus refrigeria sumptuum manu propria distribue. Rara est in hominibus fides. Non credis, verum esse, quod dico? Cogita Judæ loculos. Humilitatem vestium tumenti animo non appetas. Sæcularium, & maximè Potentium consortium devita. Quid tibi necessè est, ea videre crebrius, quorum contemptu Monachus esse cœpisti? Soror præcipue tua matronarum declinet consortia: nè inter sericas vestes, & gemmas circumfidentium fœminarum se folidatam, aut doleat, aut miretur: quia alterum propositi poenitentia, alterum jastantiæ seminarium est. Cave, nè quæsi fidelis,

fidelis, & famosus tuorum quondam dispensator, alienam pecuniam distribuendam accipias. Intelligis quid loquar: reddit enim tibi Dominus in omnibus intellectum. Habeto simplicitatem columbae, ne cuiquam machineris dolos: & serpentis astutiam, ne aliorum supplanteris insidiis. Non multum distat in vitio, vel decipere posse, vel decipi Christianum. Quem senseris tibi, aut semper, aut crebro de nummis loquentem; exceptâ eleemosynâ, quæ indifferenter omnibus patet, institutorum potius habeto, quam Monachum. Præter viatum, & vestitum, & manifestas necessitates, nihil cuiquam tribuas, ne filiorum panem canes comedant. Verum Christi Templum anima credentis est: illam exorna, illam vesti, illi offer donaria, in illa Christum suscipe. Quæ utilitas est, parietes fulgere gemmis, & Christum in paupere fame periclitari? Jam non sunt tua, quæ possides; sed dispensatio tibi credita est. Memento Ananiæ, & Saphiræ: illi sua timide servaverunt, tu considera, ne Christi substantiam imprudenter effundas, id est, ne immoderato judicio rem pauperum tribuas non pauperibus, & secundum dictum prudentissimi viii, liberalitate liberalitas pereat. Noli respicere ad phaleras, & nomina vana Catonum. Ego tè (inquit) intus, & in cute novi. Esse Christianum, grande est, non videri. Et nescio quomodo plus placent Mundo, qui Christo displicant. Hec non, sicut ajunt, Sus Miner-
vam;

vam; sed ingredientem pelagus, amicus amicum monui, malens, à te facultatem meam requiri, quām voluntatem: ut, in quo ego lapsus sum, tu firmo pergeres gradu. Librum tuum, quem pro Theodo-
sio Principe prudenter, ornatèque com-
positum transmisisti, libenter legi, & præ-
cipue mihi in eo subdivisio placuit. Cùm-
que in primis partibus vincas alios, in pe-
nultimis te ipsum superas. Sed & ipsum ge-
nus eloquii preffum est, & nitidum, &, cùm Tulliana luceat puritate, crebrum
est in sententiis. Jacet enim (ut ait qui-
dam) oratio, in qua tantum verba laudan-
tur. Piætatem magna est rerum consequen-
tia, & alterum pendet ex altero. Quidquid
assumpseris, vel finis superiorum, vel ini-
tium sequentium est. Felix Theodosius,
qui à tali Christi oratore defenditur! Il-
lustrasti purpuras ejus, & utilitatem le-
gum futuris sœculis consecrasti. Maëte vir-
tute, qui talia habes rudimenta, qualis exer-
citatus miles eris! O si mihi liceret istius-
modi ingenium non per Aonios montes, &
Heliconis vertices, ut Poëtæ canunt; sed per
Sion, & Itabyrium, & Sina excelsa ducere! Si
contingeret docere, quæ didici, & quasi per
manus mysteria tradere Scripturarum, na-
ceretur nobis aliquid, quod docta Græcia
non haberet. Audi ergo, mi conserve, amice,
germane, ausculta paulisper, quo in scrip-
turis Sanctis calle gradiaris. Totum, quod
legimus in Divinis Libris, nitet quidem,
& fulget etiam in cortice; sed dulcius in
me.

medulla est. Qui edere vult nucleum, frangat nucem. 'Revela (inquit David) oculos meos , & considerabo mirabilia de lege tua. Si tantus Propheta tenebras ignorantiae confitetur, qua nos putas parvulos, & penè lactentes, inscitiae nocte circumdari ? Hoc autem velamen non solum in facie Moysi ; sed & in Euangelistis, & in Apostolis positum est. Tunc Salvator in Parabolis loquebatur, & contestans, mysticum esse, quod dicebatur, ajebat : Qui habet aures audiendi , audiat. Nisi aperta fuerint universa, quæ scripta sunt, ab eo, qui habeat clavem David : qui aperit, & nemo claudit; claudit, & nemo aperit; nullo alio reserante, pandentur. Si haberetis hoc fundamentum, imò, si quasi extrema manus operi tuo induceretur, nihil pulchrius, nihil doctius, nihil dulcius, nihilque Latinus tuis haberemus volumibus. Tertullianus creber est in sententiis, sed difficilis in loquendo. Beatus Cyprianus instar fontis purissimi, dulcis incedit, & placidus; & cùm totus sit in exercitatione virtutum occupatus, persecutionum angustiis, de Scripturis Divinis nequaquam differuit. Inclito Victorinus Martyrio coronatus, quod intelligit, eloqui non potest. Lactantius, quasi quidam fluvius eloquentiæ Tullianæ, utinam tam nostra confirmare potuisset, quam facile aliena destruxit. Amobius inæqualis, & nimius est, & absque operis sui partitio-ne confusus, Sanctus Hilarius Gallicano

cothurno attollitur, & cùm Græciæ floribus adornetur, longis interdum periodis involvitur, & à lectione simpliciorum fratribus procul est. Taceo de cæteris, vel defunctis, vel etiam adhuc viventibus, super quibus in utramque partem post nos alii judicabunt. Ad te ipsum veniam Symmysten, sodalem meum, & amicum, amicum (inquam) nreum, antequam notum: & precabor, nè assentationem in necessitudine suspiceris: quin potius vel errare me existimato, vel tamore labi, quam amicum adulacione decipere. Magnum habes ingenium, & infinitam sermonis supelleciliem, & facile loqueris, & purè, facilitas que ipsa, & puritas mixta prudentiæ est: capite quippe sano, omnes sensus vigent. Huic prudentiæ, & eloquentiæ si accederet vel studium, vel intelligentia Scripturarum, viderem, te brevi arcem tenere nostrorum, & ascendentem cum Jacob tecta Sion, canere in dogmatibus, quod in cubilibus cognovisses. Accingere (quæso te) accingere. Nihil sine magno labore vita dedit mortalibus. Nobilem te Ecclesia habeat, ut prius Senatus habuit. Præpara tibi divitias, quas quotidie eroges, & nunquam deficiant, dum viget ætas, dum nondum canis spargitur caput, antequam subeant morbi, tristisque senectus: Et labor, & diræ rapiat inclemens mortis. Nihil in te mediocre esse contentus sum: totum summum, totum perfectum desidero, Sanctum Vigilantium Presbyterum

qua aviditate suscepimus, melius est, ut ipsius verbis, quam meis discas literis: qui cur tam citò à nobis profectus sit, & nos reliquerit, non possum dicere, nè lādere quempiam videar. Tamen quasi prætereuntem, & festinantem paululum retinui, & gustum ei nostræ amicitiæ dedi, ut per eum discas, quid in nobis non desideres. Sanctam Conservam tuam, tecum Domino militantem, per te salutari volo.

HIERONYMUS

*Ad Marcellam de Laudibus
Assella.*

Argumentum Epistolæ.

Pater Assella somniārat, se in vitrea phiala videre puellam virgunculam. Eam natam, & ante annos pubertatis, Virginitati consecravit flammeo Virginali tectam. Quæ post duodecimum annum Monachæ vitam arripuit, ac Roma perinde, ac in eremo vixit. Hujus laudes ad Marcellam ejus familiarem scribit, nè videretur assentari, quod viventem adhuc tantoper laudares.

Nemo reprehendat, quod in epistolis aliquos, aut laudamus, aut carpimus: cùm & in coarguendis malis, sit correctio cæterorum: & in optimis prædicandis, bonorum ad virtutem studia concitentur. Nudiustertiūs de beatæ memorie

moriæ Lea aliqua dixeramus. Illico pugit animum, & mihi venit in mentem, non debere nos tacere de Virgine, qui de secundo ordine castitatis loquuti sumus. Igitur Astellæ nostræ vita breviter explicanda est, cui quæso, nè hanc epistolam legas; gravatur quippe laudibus suis; sed his potius, quæ adolescentulæ sunt, legere dignare, ut ad exemplum ejus se instituentes, conversationem illius, perfectæ vitæ normam arbitrentur. Prætermitto, quod in Matris utero benedicitur ei, antequam nascatur, quod in phiala nitentis vitri, & omni speculo purioris, Patri virgo traditur per quietem: quod adhuc infantię involuta pannis, & vix annum decimum etatis excedens, honore futuræ Beatitudinis consecratur. Sit gratiæ omne, quod antè laborum fuit; licet Deus præscius futurorum, & Jeremiam sanctificet in utero, & Joannem in alvo Matris faciat exultare, & Paulum ante constitutionem Mundi separet in Euangelium Filii sui. Ad ea venio, quæ post duodecimum annum sudore proprio elegit, arripuit, tenuit, cœpit, implevit. Unius cellulæ clausa angustiis, latitudine Paradisi fruebatur. Idem terriæ solum, & orationis locus extitit, & quietis. Jejunium pro ludo habuit, inediā pro refectione. Et, cum eam non vescendi desiderium; sed humana consecratio ad cibum traheret, pane, & sale, & aquâ frigidâ concitabat magis esuriem, quam restinguebat.

Et, quia penè oblitus sum, quod in principio debui dicere, cùm primum hoc propositum arripuit, aurum colli sui, quod quidem murenum vulgus vocat, quod scilicet metallo in virgulas lenteſcente, quadam ordinis flexuosi catena contexitur, absque Parentibus vendidit, & tunicam fusciorē, quam à Matre impetrare non poterat, induit, pio negotiationis auspicio se repente Domino consecravit: ut intelligeret universa cognatio, non posse aliud ei extorqueri, quæ jam saeculum damnasset in vestibus. Sed (ut dicere cooperamus) ita se semper moderatè habuit, & intra cubiculi sui secreta custodivit, ut nunquām pedem proferret in publicum: nunquām viri nōſſe alloquiū. Et, quod magis sit admirandum, fororem Virginem amaret potius, quam videret. Operabatur manibus suis, sciens scriptum esse: Qui non operatur, non manducat. Sponſo aut orans loquebatur, aut psallens. Ad Martyrum limina penè invisa properabat. Et, cùm gauderet proposito suo, in eo vehementius exultabat, quod se nullus cognosceret. Cùmque per omnem annum iugi jejunio pasceretur, biduo, triduoque sic permanens; tum verò in Quadragesima navigij sui vela tenebat, omnes penè hebdomadas vultu lætante conjungens. Et, quod impossibile forsitan est hominibus ad credendum, D^o— autem prestante, possibile est; ita ad quinquagenariam pervenit ætatem, ut non do-

doleret stomachus, non viscium cruciaretur injuriâ, non sicca humus jacentia membra confringeret, non sacco asperata cutis fœtorem aliquem, situmque contraheret; sed sana corpore, animâ sanior, solitudinem putaret esse delicias, & in urbe turbida inveniret eremum Monachorum. Et hæc quidem tu melius nōsti, à qua pauca didicimus, & cujus oculis durities de genibus camelorum in illo sancto corpusculo præ orandi frequentia obcaluisse, perspecta est. Nos, quod scire possumus, explicamus. Nihil illius severitate jucundius, nihil suavitate tristius, nihil tristitiâ suavius. Ita pallor in facie est, ut, cùm continentiam indicet, non redoleat ostentationem. Sermo silens, silentium loquens. Nec citus, nec tardus incessus. Idem semper habitus. Neglecta mundities, & inculta vestis, cultus ipse sine cultu. Sola vitæ suæ æqualitate promeruit, ut in urbe pompæ, lasciviæ, deliciarum, in qua humilem esse miseria est, & boni eam prædicent, & mali detrahere non audeant. Viduæ eam imitentur, & Virgines, Maritatae collant, noxiæ timeant, suspiciant Sacerdotes.



HIERONYMUS

Affell&.

Argumentum Epistolæ.

Ingens apud Romanos odium sibi conflaverat Hieronymus, quod Paulam, & Eustochium, primarias fœminas, traxisset ad Monachorum institutum, neque curuit suspicione, quod Paulam adamaret. Hujusmodi obtrectatorum obloquiis respondet, ac deplorat hominum malevolentiam.

Si tibi putem gratias à me referri posse, non sapiam. Potens est Deus super persona mea sanctæ animæ tuæ restituere, quod meretur: ego enim indignus, nec æstimare umquam potui, nec optare, ut mihi tantum in Christo largireris affectionem. Et licet me sceleratum quidam putent, & omnibus flagitiis obrutum, & pro peccatis meis etiam hæc parva sint; tamen tu benefacis, quod ex tua mente etiam malos bonos putas. Periculosem quippe est, de servo alterius judicare, & non facilis venia, prava dixisse de rectis. Veniet, veniet illa dies, in qua & mecum dolebis ardere non paucos. Ego probrosus, ego versipellis, & lubricus, ego mendax, & Sathanæ arte decipiens. Quid enim est tutius, hæc vel credidisse, vel finxisse de insolentibus; etiam de noxiis credere nouisse? Osculabantur mihi manus quidam, & ore vipersæ detrahebant, & dolabant

Iabiis, corde gandebant. Videbat Dominus, & subsannabat illos, & miserum me ser-
vum suum futuro cum eis judicio reser-
bat. Alius incessum meum calumniaba-
tur, & risum: & ille vultui detrahebat,
hic in simplicitate aliud suspicabatur. Pe-
nè certè triennium cum eis vixi. Multa me
Virginum crebrò turba circumdedit. Di-
vinos libros, ut potui, nonnullis sçpè dis-
rui. Lectio assiduitatem, assiduitas fami-
iliaritatem, familiaritas fiduciam fecerat.
Dicant, quid umquam in me aliter sen-
serint, quām Christianum decebat? Pe-
cuniam cujusquam accepi? Munera, vel
parva, vel magna non sprevi? In manu
mea æs alicujus insonuit? Obliquus ser-
mo, oculus petulans fuit? Nihil mihi
aliud objicitur, nisi sexus meus, & hoc
nunquām objicitur, nisi cùm Jerosoly-
mam Paula, & Melania proficiscuntur.
Esto: crediderunt mentienti, cur non credunt
neganti? Idem est homo ipse, qui fuerat:
fatetur insontem, qui dudum noxiū lo-
quebatur. Et certè veritatem magis expri-
munt tormenta, quām risus: nisi quod fa-
cilius creditur, quod aut fictum libenter
auditur, aut non fictum, ut fingatur, im-
pellitur. Antequām domum sanctæ Paulæ
nossem, totius in me Urbis studia conso-
nabant. Omnia penè judicio dignus sum-
mo Sacerdotio decernebar. Beatæ memo-
riæ Damafus meus sermo erat: dicebar sanc-
tus, dicebar humilis, & disertus. Numquid
domum alicujus lascivioris ingressus sum?

Numquid me vestes sericæ, nitentes gemmæ, piæta facies, auri rapuit ambitio? Nulla fuit alia Romæ matronarum, quæ meam posset edomare mentem, nisi lugens, atque jejunans, squallens sordibus, fletibus penè excaecata, quam continuis noctibus misericordiam Domini deprecantem Sol sæpè deprehendit, cujus canticum Psalmi, sermo Euangeliū, deliciæ continentia, vita jejunium: Nulla me potuit alia delectare, nisi illa, quam manducantem nunquam vidi? Sed postquam eam pro suæ merito castitatis venerari, coleie, suspicere corpori, omnes me illicò deseruere virtutes. O invidia primù m mordax tui! O Sathanæ calliditas, semper sancta persequens! Nullæ aliæ Romanæ ubi fabulam p̄ebuerunt, nisi Paula, & Melania, quæ, contemptis facultatibus, pignoribusque desertis, Crucem Domini, quasi quoddam pietatis levavere vexillum. Si balneas peterent, unguenta eligerent, dignias, & viduitatem haberent materiam luxuriæ, & libertatis, Dominae vocarentur, & sanctæ. Nunc in sacco, & cinere formosæ volunt videri, & in gehennam ignis cum jejunis, & pædore descendere: videlicet, non licet eis applaudente populo perire cum turbis. Si Gentiles hanc vitam carperent, si Judæi, haberent solatum non placendi eis, quibus displicet Christus. Nunc verò (proh nefas!) homines Christiani, prætermissâ domorum suarum curâ, & proprii oculi trabe neglecta, in alieno

oculo

oculo festucam quærunt. Lacerant sanctum propositum, & remedium pœnæ suæ arbitrantur, si nemo sit Sanctus, si omnibus detrahatur, si turba sit pereuntium, si multitudo peccantium. Tibi placet lavare quotidie; alius has mundities fordes putat. Tu attagenem ruetas, & de comesto accipensere gloriariſ; ego faba ventrem impleo. Te deleſtat cachinnantium greges; me Paula, Melaniaque plangentes. Tu aliena desideras; illæ contemnunt sua. Te delibuta melle vina deleſtant; illæ potant aquam frigidam suaviorem. Tu te perdere existimas, quidquid in præſenti non habueris, comederiſ, devoraveriſ; illæ futura desiderant, & credunt, vera esse, quæ ſcripta ſunt. Esto, ineptè, & inaniter, quibus reſurrecțio corporum perſuafit: quid ad te? Nobis è contrario tua vita diſplicet. Bono tuo craſſuſ ſiſ; me mācies deleſtat, & pallor. Tu tales miſeros arbitraris; nos te miſerabiliorem putamus. Par pari refertur, & invicem nobis videmur iſfanire. Hęc, domina mea Asſella, cùm jam navem conſcenderem, raptim flens, dolensque conſcriphi: & gratias ago Deo meo, quòd dignus ſim, quem Mundus oderit. Ora autem, ut de Babylone Hierofolymam regrediar, nè mihi dominetur Nabuchodonosor, ſed Jesus filius Jofedech: veniat Eſdras, qui interpretatur adjutor, & reducat me in patriam meam. Stultus ego, qui volebam cantare canticum Domini in terra aliena, & deferto monte

monte Sina, Ægypti auxilium flagitabam. Non recordabar Euangelii, quia, qui de Hierusalem egreditur, statim incidit in latrones, spoliatur, vulneratur, occiditur. Sed, licet Sacerdos despiciat, atque Levites; Samaritanus ille misericors est: cui cum diceretur: Samaritanus es, & Dæmonium habes: Dæmonium renuens, Samaritem se non negavit: Quia, quem nos Custodem, Hebræi Samaritem vocant. Maleficum quidam me garriunt titulum fidei servus agnosco. Magnum vocant Iudæi Dominum meum. Seductor & Apostolus dictus est. Tentatio me non apprehendat, nisi humana. Quotam partem angustiarum perpeccus sum, qui Cruci milito? Infamiam falsi criminis imputarunt. Sed scio, per bonam, & malam famam perveniri ad Regna Cœlorum. Saluta Paulam, & Eustochium, velit, nolit Mundus, in Christo meas. Saluta Matrem Albinam, sororemque Marcellam, Marcellinam quoque, & sanctam Felicitatem, & dic eis: ante Tribunal Christi simul stabimus, ibi apparebit, qua mente quis vixerit. Memento mei, exemplum pudicitiae, & virginitatis insigne, fluctusque

Maris tuis precibus

mitiga.



HIERONYMUS

*Ad Principiam Virginem, Marcella
vidua Epitaphium.*

Argumentum Epistolæ.

*Marcella prima nobilitatis puella septimo à
nuptiis mense fuerat orbata marito. Postea
Cerealem Consulem, illius nuptias ambien-
tem, pertinaciter rejecit: decreta deinceps
viduali castimonia, Monacha vitam pri-
ma nobilium fœminarum ausa est Roma
profiteri, ac multas ad idem institutum
perstraxit. A. D. Hieronymo Divinas lite-
ras diligentissimè didicit, cum esset Roma,
absenti sapè scripsit, & eum opibus suis
adjuvit. Hujus operā mulieris, Origenis-
tarum Hierosolymis orta factio extincta est.
Dirupta à Gotis Roma, feliciter obiit. Scri-
bit ad Principiam Marcella quondam con-
tubernalem, ac discipulam.*

SÆpè, & multùm flagitas, Virgo Christi
Principia, ut memoriam sanctæ fœmi-
ne Marcellæ literis recolam, & bonum, quo
diu fruiti sumus, etiam ceteris noscen-
dum, imitandumque describam. Satis do-
leo, quòd hortaris sponte currentem, &
me arbitraris indigere precibus, qui ne tibi
quidem in ejus dilectione concedam: mul-
tòq plus accipiam, quàm tribuam beneficij,

tantarum recordatione virtutum. Nam, ut hucusque reticerem, & biennium præterirem silentio, non fuit dissimulationis, ut malè existimas; sed trifitiæ incredibilis, quæ ita meum oppressit animum, ut melius judicarem tacere impræsentiarum, quām nihil dignum illius laudibus dicere. Neque verò Marcellam tuam, imò meam, &c, ut verius loquar, nostram, omniumque Sanctorum, & propriè Romanæ Urbis inclytum decus, institutis Rhetorum prædicabo, ut exponam illustrem familiam, alti sanguinis decus, & stemmata per Proconsules, & Præfectos Prætorio decurrentia. Nihil in illa laudabo, nisi quod proprium est, & eò nobilius, quod opibus, & nobilitate contempta, facta est paupertate, & humilitate nobilior. Orba Patris morte, viro quoque post nuptias septimo mense privata est. Cùmque eam Cerialis, cuius clarum inter Consules nomen est, propter ætatem, & antiquitatem familię, & insignem (quod maximè viris placere consuevit) decorem corporis, ac morum temperantiam, ambitiosius petret, suaque longævus polliceretur divitias, & non quasi in uxorem; sed quasi in filiam vellet donationem transfundere: Albinaque Mater tam clarum præsidium viduatæ domus ultrò appeteret: illa respondit: Si vellem nubere, & non æternæ me cuperem pudicitiæ dedicare, utique maritum quærerem, non hæreditatem. Illoque mandante, posse & senes diù vivere, & juvenes citò

citò mori , eleganter lusit: Juvenis quidem potest citò mori ; sed senex diù vivere non potest. Qua sententia repudiatus , exemplo cæteris fuit , ut ejus nuptias desperarent. Legimus In Evangelio secundūm Lucam : Et erat Anna Prophetissa filia Phanuelis de Tribu Affer. Et hæc provectione ætatis in diebus plurimis. Vixeratque cum viro suo annis septem à virginitate sua , & erat vidua annis octoginta quatuor , nec recedebat de Templo , jejuniis , & observationibus Domino serviens die , ac nocte. Nec mirum , si videre meruit Salvatorem , quem tanto labore quærebat. Conferamus septem annos septem mensibus , sperare Christum , & tenere , natum confiteri , & in Crucifixum credere , parvulum non negare , & virum gaudere regnantem. Non facio ullam inter sanctas fœminas differentiam (quod nonnulli inter sanctos viros , & Ecclesiarum Principes stultè facere consueverunt) sed illò tendit assertio , ut quarum unus est labor : unum & præmium sit. Difficile est , in maledica civitate , & in urbe , in qua orbis quondam populus fuit , palmaque vitiorum , si honestis detraherent , & pura , ac munda macularent , non aliquam sinistri rumoris fabulam contrahere. Unde quasi rem difficillimam , & penè impossibilem , optat Propheta potius , quam præsumit , dicens : Beati immaculati in via , qui ambulant in lege Domini. Immaculatos in via hujus sæculi appellat , quos nulla obscœni rumoris aura

maculârit, qui opprobrium non acceperint
adversus proximos suos, de quibus & Sal-
vator in Evangelio: Esto (inquit) bene-
volus, sive bene sentiens de adversario tuo,
dum es in via cum illo. Quis umquam de
hac muliere, quod displiceret, audivit, ut
crederet? Quis credidit, ut non magis se
ipsum malignitatis, & infamie condemna-
ret? Ab hac primùm confusa Gentilitas
est, cùm omnibus patuit, quæ esset vidui-
tas Christiana, quam & conscientia, &
habitu promittebat. Illæ enim solent pur-
purisso, & cerussâ ora depingere, sericis
pitere vestibus, splendere gemmis, aurum
portare cervicibus, & auribus perforatis,
rubri maris pretiosissima graia suspende-
re, fragrare musco mure, maritos ita plan-
gere, ut tandem dominatu eorum se ca-
ruisse lœtentur, quærantque alios, non
quibus juxta Dei sententiam serviant; sed
quibus imperent. Unde & pauperes eli-
gunt, ut nomen tantum virorum habere
videantur, qui patienter rivales sustineant,
si missitaverint, illicò projiciendi. Nostra
Vidua talibus usa est vestibus, quibus ar-
ceret frigus, non membra nudaret: aurum
usque ad annuli signaculum repudians, &
magis in ventribus egenorum, quam in
marsupiis recondens. Nusquam sine Ma-
tre: nullum Clericorum, aut Monacho-
rum (quod ample domus interdum exige-
bat necessitas) vidi absque arbitris. Sem-
per in comitatu suo Virgines, ac Vidoras,
& ipsas graves fœminas habuit, sciens ex

lascivia puellarum sèpè de dominarum moribus judicari, & qualis queque sit, talium confortio delectari. Divinarum Scripturarum ardor erat incredibilis. Semperque cantabat: In corde meo abscondi eloquia tua, ut non peccem tibi. Et illud de perfecto viro: Et in lege Domini voluntas ejus, & in lege ejus meditabitur die, ac nocte. Meditationem legis, non in replicando, quæ scripta sunt, ut Judæorum existimant Pharisi; sed in opere intelligens, iuxta illud Apostolicum: Sive comeditis, sive bibitis, sive quid agitis, omnia in gloriam Domini facientes. Et Prophetæ verba dicentis: A mandatis tuis intellexi: ut postquam mandata complefset, tunc se sciret mereri intelligentiam Scripturarum. Quod & alibi legimus: Quia cœpit Jesus facere, & docere. Erubescit enim, quamvis preclara, doctrina, quam propria reprehendit conscientia. Frustraque ejus lingua predicat paupertatem & docet eleemosynas, qui Crœsi divitiis tumet, viliique opertus pallio, pugnat contra tineas vestium sericarum. Illi erant moderata jejunia, carnium abstinentia, vini odor magis, quam gustus, propter stomachum; & frequentes infirmitates. Raro procedebat in publicum: & maximè nobilium matronarum vitabat domos, nè cogeretur videre, quod contempserat: Apostolorum, & Martyrum Basilicas secessis celebrans orationibus, & quæ populorum frequentiam declinarent: Matri intantum obediens, ut interdum ficeret, quod

nolebat. Nam, cùm illa suum diligeret sanguinem, & absque filiis, & nepotibus, vellet in fratribus liberos universa conferre, ista pauperes eligebat; & tamen Matri contrarie non poterat; monilia, & quidquid supellestilis fuit, dīvitibus peritura concedens; magisque volens pecuniam perdere, quām Parentis animum contristare. Nulla eo tempore nobilium fœminarum noverrat Romæ Propositum Monachorum, nec audiebat propter rei novitatem, ignominiosum, ut tunc putabatur, & vile in populis nomen assumere. Hæc ab Alexandrinis priùs Sacerdotibus, Papaque Athanasio, & posteä Petro, qui persecutionem Arianæ hæreseos declinantes, quasi ad tutissimum communionis suę portum, Romanam confugerant, vitam beati Antonii, adhuc tunc viventis, Monasteriorumque in Thebaide Pachumii, & Virginum, ac viduarum didicit disciplinam. Nec erubuit profiteri, quod Christo placere cognoverat. Hanc multos post annos imitata est Sophronia, & aliæ, quibus rectissimè illud Ennianum aptari potest: *Utinam nè in nemore Pelio.* Hujus amicitiis fructa est Paula venerabilis: in hujus cubiculo nutrita Eustochium virginitatis decus: ut facilis æstimatio sit, qualis Magistra, ubi tales discipulæ. Rideat forsitan infidelis lector, me in mulierularum laudibus immorari: qui, si recordetur sanctas fœminas comites Domini Salvatois, quæ ministrabant ei de sua substantia, & tres

Marias stantes ante Crucem, Mariamqne propriè Magdalena, quæ ob sedulitatem, & ardorem Fidei, Turritæ nomen accepit, & prima ante Apostolos, Christum videre meruit resurgentem; se potius superbię, quām nos condemnabit ineptiarum, qui virtutes non sexu; sed animo judicamus, contemptaque nobilitatis, ac divitiarum majorem gloriam ducimus. Unde & Jesus Joannem Euangelistam amabat plurimum: qui propter generis nobilitatem erat notus Pontifici, & Judæorum insidias non timebat, in tantum, ut Petrum introduceret in atrium, & staret solus Apostolorum ante Crucem, Matremque Salvatoris in suam reciperet ut hæreditatem Virginis Domini, Virginem Matrem Filius Virgo susciperet. Annis igitur plurimis sic suam transegit ætatem, ut antè se vetulam cerneret, quām adolescentulam fuisse meminisset, laudans illud Platonicum, qui Philosophiam meditationem mortis esse dixit. Unde & noster Apostolus: Quotidie, inquit, morior propter vestram salutem. Et Dominus juxta antiqua exemplaria: Nisi quis tulerit Crucem suam quotidie, & sequutus fuerit me, non potest meus esse discipulus. Multoque antè per Prophetam Spiritus Sanctus: Propter te mortificamur tota die, æstinati sumus ut oves occisionis. Et post multas ætates illa sententia: *Memento semper diem mortis, & nunquam peccabis.* Disertissimique præceptum Satyrici: *Vive memor lethi: fugit hora,*
hoc

hoc, quod loquor, inde est. Sic ergo (ut dicere cœperamus) etatem duxit, & vixit, ut semper se crederet esse morituram. Sic induita est vestibus, ut meminisset sepulchri, offerens se hostiam rationabilem, vivam, placentem Deo. Denique, cum & me Romam cum Sanctis Pontificibus Paulino, & Epiphanio, Ecclesiastica traxisset necessitas, quorum alter Antiochenam Syrię, alter Salaminiam Cypri rexerat Ecclesiam, & verecundè nobilium fœminarum oculos declinarem: ita egit secundūm Apostolum imporrūnē, opportunē, ut pudorem meum sua superaret industria. Et, quia alicujus tunc nominis esse existimabat super studio Scripturarum, nunquam convenit, quin de Scripturis aliquid interrogaret: nec ut statim acquiesceret; sed moveret è contrario quæstiones: non, ut contenderet; sed, ut quarendo disceret carum solutiones, quas opponi posse intelligebat. Quid in illa virtutum, quid ingenii, quid sanctitatis, quid punitatis invenerim, vereor dicere, nè fidem credulitatis excedam, & tibi majorem dolorem incutiam, recordanti quanto bono carueris. Hoc solum dicam, quod quidquid in nobis longo fuit studio congregatum, & meditatione diurna, quasi in naturam versum, hoc illa libavit, didicit, atque possedit: ita ut post profecitionem nostram, si in aliquo testimonio Scripturarum esset oborta contentio, ad illam judicem pergeretur. Et, quia valde prudens erat, & noverat illud, quod appellat

Iant Philosophi, Topreton, id est, dicero quod facias, sic ad interrogata respondebat, ut etiam sua non sua diceret; sed vel mea, vel cuiuslibet alterius: ut in eo ipso, quod decebat, se discipulam fatetur. Sciebat enim dictum ab Apostolo: Docere autem mulieri non permitto: nè virili sexui, & interdum Sacerdotibus, de obscuris, & ambiguis sciscitantibus facere videretur injuriam. In nostrum locum statim audivimus, te illius adhæsisse confortio, & nunquam ab illa ne transversum quidem unguem, ut dicitur, recessisse: eadem domo, eodem cubiculo usam, ut omnibus in Urbe clarissima notum fieret, & te Matrem, & illam filiam reperisse. Suburbanus ager vobis pro Monasterio fuit, & rus electum pro solitudine: multoque ita vixistis tempore, ut ex imitatione vestri, & conversione multarum, gauderemus Romam factam Hierosolymam. Crebra Virginum Monasteria, Monachorum innumerabilis multitudo, ut pro frequentia servientium Deo, quod prius ignominię fuerat, esset postea gloriæ. Interim absentiam nostri mutuis solabamur alloquiis: & quod carne non poteramus, spiritu reddebamus. Semper obviare epistolis, superare officiis, salutationibus prævenire. Non multum perdebat absentia, que jugibus sibi literis jungebatur. In hac tranquillitate, & Dñi. servitute, heretica in his Provinciis exorta tēpestas cuncta turbavit, & in tantam rabiem concitata est, ut nec sibi, nec ulli bonorū parceret.

Et quasi parum esset, hic universa movisse, navem plenam blasphemiarum Romano intulit portui. Invenitque protinus patella operculum, & Romanę Fidei purissimum fontem cæno lutosa permiscuere vestigia. Nec mirum, si in plateis, & in foro rerum venalium fictus ariolus stultorum verberet nares, & obtorto fuste dentes mordentium quatiat: cum venenata, spurcaque doctrina Romæ invenerit, quos induceret. Tunc librorum *Periarchon*
 (a) infamis interpretatio, tunc discipulus *Olbios*, (b) & verè nominis sui, si in talem Magistrum non impegisset. Tunc nostrorum *Didacticōn* (c) contradic̄tio, & Pharisæorum turbata est Schola. Tunc Sancta Marcella, quæ diu se cohibuerat, nè per æmulationem quidpiam facere videretur, postquam sensit, Fidem Apostolico ore laudatam, in plerisque violari, ita ut Sacerdotes quoque, & nonnullos Monachorum, maximeque sæculi homines, in assensum sui traheret, ac simplicitati illuderet Episcopi, qui de suo ingenio cæteros æstimabant, publicè restitit, malens Deo placere, quam hominibus. Laudat Salvator in Evangelio villicum iniquitatis, quod contra Dominum quidem fraudulenter, attamen pro se prudenter fecerit. Cernentes hæretici, de parvâ scintilla maxima incendia concitari, & suppositam dudam flamمام, jam ad culmina pervenisse, nec posse latere,

quod

(a) *De Principiis*. (b) *Beatus*. (c) *Donorum ad docendum*.

quod multos deceperat, petunt, & impe-
trant Ecclesiasticas epistolas, ut communica-
entes Ecclesie, discessisse viderentur. Non
multum tempus in medio, succedit in
Pontificatum vir insignis Anastasius, quem
diu Roma habere non meruit, ne Orbis
Caput sub tali Episcopo truncaretur. Imo
idecirco raptus, atque translatus est, ne se-
mel latam sententiam precibus suis fleste-
re conaretur: dicente Domino ad Hiero-
miam: Nè oraveris pro populo isto, neque
depreceris in bonum: quia si jejunaverint,
non exaudiā preces eorum: & si holocausta,
& viātīmas obtulerint, non suscipiam
eas. In gladio enim, & fame, & pestilen-
tia ego consumam eos. Dicas: Quid hæc
ad laudem Marcellę? Damnationis hære-
ticorum hæc fuit principium, dum addu-
cit testes, qui prius ab eis eruditı, &
postea ab hæretico fuerant errore correpti:
dum ostendit multitudinem decepto-
rum: dum impia *Periarchon* ingerit vo-
lūmina, quæ emendata manu scorpii mon-
strabantur: dum acciti frequentibus literis
hæretici, ut se defenderent, venire non
sunt ausi: tantaque vis conscientiæ fuit, ut
absentes damnati, quam præsentes coar-
gui maluerint. Hujus tam gloriōsæ vic-
toriæ origo Marcella est: tuque caput
lorum, & causa bonorum, scis me vera
narrare, quem nōsti vix de multis pauca
dicere, ne legenti fastidivm faciat odiōsa
replicatio, & videar apud malevolos sub oc-
casione laudibus alterius, stomachum meum
dige-

digerere. Pergam ad reliqua. De occidentis partibus ad Orientem turbo transgressus, minitabatur plurimis magna naufragia. Tunc impletum est: Putas, veniens Filius hominis, Fidem inveniet super terram? Refrigerata charitate multorum, pauci, qui amabant Fidei veritatem, nostro lateri jungabantur, quorum publicè petebatur caput, contra quos opes omnes parabantur, ita ut Barnabas quòque duceretur in illā simulationem, imò apertum parricidium, quod non viribus; sed voluntate commisit. Et ecce universa tempestas, Domino flante, delecta est, expletumque vaticinium Prophetale: Auferes spiritum eorum, & deficiunt, & in pulverem suum revertentur. In illa die peribunt omnes cogitationes eorum: Et illud Euangelicum: Stulte, hac nocte auferetur anima tua à te: quæ autem præparasti, cujus erunt? Dum hæc aguntur in Jebus, terribilis de Occidente rumor affertur, obsideri Romam, & auro salutem civium redimi, spoliatosque rursus circumdari: ut post substantiam, vitam quòque perderent. Hæret vox, & singultus intercipiunt verba dictantis. Capitur Urbs, quæ totum cepit Orbem: imò fame perit, antequam gladio, & vix pauci, qui caperentur, inventi sunt. Ad nefandos cibos erupit esus, rientium rabies, & sua invicem membra laniarunt, dum Mater non parcit lactenti infanti, & suo recipit utero, quem paulò ante effuderat. Nocte Moab capta est, nocte cecidit murus ejus. Deus, venerunt gentes in

in hæreditatem tuam, polluerunt Templum sanctum tuum, posuerunt Hierusalem in pomorum custodiam, posuerunt cadavera Sanctorum tuorum escas volatilibus cœli, carnes Sanctorum tuorum bestiis terræ. Effuderunt sanguinem eorum (sicut aquam) in circuitu Hierusalem, & non erat, qui sepeliret.

*Quis cladem illius noctis, quis funera fando
Explicit? Aut possit lachrymis aquare dolorem?*

Urbs antiqua ruit multos dominata per annos,

*Plurima perq' vias sparguntur inertia passim
Corpora, perque domos, & plurima mortis
imago.*

Cum interim, ut in tanta confusione rerum Marcellæ quoque domum cruentus victor ingreditur: sit mihi fas audita loqui, imò à Sanctis viris visa narrare, qui interfuerent præsentes, qui te dicunt in periculo quoque ei fuisse sociatam: intrepido vultu excepisse dicitur introgressos. Cumque posceretur aurum, & defossas opes vili excusaret tunica, non tamen fecit fidem voluntariæ paupertatis: cæsam fustibus, flagellisque ajunt non sensisse tormenta: sed hoc lachrymis, hoc pedibus eorum postratam egisse, nè te à suo consortio separarent, nè sustineret adolescentia, quod senilis ætas timere non poterat. Christus dura corda mollivit, & inter cruentos gladios invenit locum pietas.

Cum,

Cumque & illam, & te ad Beati Apostoli Pauli Basilicam barbari deduxissent, ut vel salutem vobis ostenderent, vel sepulchrum: in tantam letitiam dicitur eruuisse, ut gratias ageret Deo, quod te integrum sibi reservasset, quod pauperem illam non fecisset captivitas; sed invenisset, quod egeret quotidiano cibo, quod saturata Christo non sentiret esuriem, quod & voce, & opere loqueretur? Nuda exivi de utero Matris meae, nuda & redeam. Sicut Domino visum est, ita & factum est; sit nomen Domini benedictum. Post aliquot dies sano, integro, vegetoque corpusculo obdormivit in Domino, & te paupertatulæ suæ, immo per te pauperes reliquit haeredes, claudens oculos in manibus tuis, reddens spiritum in tuis oculis, cum inter lachrymas tuas illa rideret conscientia vitæ bonæ, & premiis futurorum. Hec tibi, Marcellia venerabilis, & tibi, Principia filia, unâ, & brevi lucubratione dictavi, non eloquii venustate; sed voluntate in vos animi gratissimi, & Deo, & legentibus placere desiderans.

HIERONYMUS

Marcellam invitat ad rus Bethlehemiticum.
Argumentum Epistolæ.

Marcellam viduam, jam Monachorum institutum sequentem, hortatur, ut, Romà relicta, Bethlehem se conferat: per contentionem ostendens, & quantum habeat Roma molestiarum, & quantum commodatum habeat rus Bethlehemiticum.

Ambrosius (quo chartas, sumptus, notarios ministrante, tam innumerabiles libros verè Adamantius, & Chalcenerus noster explicavit) in quadam epistola, quam ad eundem de Athenis scriperat, refert, nunquam se cibum (Origine præsente) sinè lectione sumpsisse, nunquam iniisse somnum, nisi unus è fratribus sacris literis personaret. Hoc diebus egisse, & noctibus, ut & lectio orationem exciperet, & oratio lectionem. Quid nos, ventris animalia, tale umquam fecimus? Quos si vel secunda hora legentes invenerit, oscitamus, manu faciem defricantes, continemus stomachum, & quasi post multum labore, mundalibus ruisum negotiis occupamur. Prætermitto prandia, quibus mens onerata premitur. Pudet dicere frequentiam salutandi, qua aut ipsi quotidie ad alios pergimus, aut ad nos venientes, ceteros expectamus. Deinceps itur in verba, sermo teritur, lacerantur absentes,

vita aliena describitur, & mordentes in in-
vicem consumimur ab invicem. Talis nos
cibus occupat, & dimittit. Cùm verò ami-
ci recesserint, ratiocinia supputamus. Nunc
ira personam leonis nobis imponit, nunc
cura superflua in annos plurimos dura-
tura præcogitat. Nec recordamur Euau-
gelii dicenteis: Stulte, hac nocte auferent
animam tuam à te; quæ autem præparaſ-
ti, cujus erunt? Vester non ad usus tan-
tum, sed ad delicias conquiruntur. Ubi-
cumque compendium est, velocior pes, ci-
tus sermo, auris attentior. Si damnum
(ut ſepè in re familiari accidere folet) fue-
rit nuntiatum, vultus mœrore deprimitur:
lætamur ad nummum, amiffo obolo con-
tristamur. Unde, cùm in uno homine ani-
morum tam diversa sit facies, Propheta
Dominum deprecatur, dicens: Domine,
in Civitate tua imaginem eorum dissipa.
Cùm enim ad imaginem, & similitudi-
nem Dei conditi ſimus, ex vitio nostro
personas nobis plurimas superinducimus.
Et quomodo in theatralibus ſcenis unus,
atque idem hiftrio, nunc Herculem robus-
tus ostendit, nunc mollis in Venerem fran-
gitur, nunc tremulus in Cybelem: ita
& nos (qui ſi de Mundo non eſſemus, odi-
remur à Mundo) tot habemus personarum
ſimilitudines, quot peccata. Quapropter,
quia multa jam vitæ ſpatia transmisimus
fluctuando, & navis noſtra nunc procella-
rum concuſſa turbine, nunc scopulorum
illuſionibus periturbata eſt, cùm pŕimū
licet,

licet, quasi portum quemdam, secreta ru-
ris intremus. Ibi cibarius panis, & olus
nostris manibus irrigatum, & lac deliciæ
rusticanæ, viles quidem, sed innocentes ci-
bos præbent. Ita viventes non ab oratione
fomnus, nec saturitas à lectione revoca-
bit. Si æstas est, secretum arboris umbra
præbebit: si autumnus, ipsa aëris tempe-
ries, & strata subter folia, locum quietis
ostendunt. Vere ager floribus pingitur, &
inter querulas aves Psalmi dulcius canta-
buntur. Si frigus fuerit, & brumales nives,
ligna non coëmam, & calidiùs vigilabo,
vel dormiam. Certè, quod sciam, vilius
non algebo. Habeat sibi Roma suos tu-
multus, arena fæviat, circus insaniat, thea-
tra luxurient, & quia de nostris dicendum
est, matronarum quotidie visitetur sena-
tus. Nobis adhærere Domino bonum est,
& ponere in Domino Deo spem nostram:
ut, cùm paupertatem istam Cœlorum reg-
na mutaverint, erumpamus in vocem:
Quid enim mihi est in Cœlo, & à te quid
volui super terram? Quò scilicet, cùm
tanta reperiamus in Cœlo, parva, & caduca
quæfisse nos doleamus in terra. Verùm, ut
ad villam, & ad Mariæ diversorium venia-
mus (plùs laudat enim unusquisque, quod
possidet) quo sermone, qua voce tibi spe-
luncam Salvatoris exponam? Et illud Præse-
pe, in quo Infantulus vagiit, silentio magis,
quam infimo sermone honorandum est. Ubi
sunt late poticus? Ubi aurata laquearia? Ubi
domus misericordum pœnis, & damnatorum

Jabore vestitæ? Ubi instar Palatii privato-
rum extructæ basilicæ, ut vile corpuscu-
lum hominis pretiosius inambulet, & qua-
si mundo quidquam possit esse ornatius,
recta sua magis velit a spicere, quam Cœ-
lum? Bethlehem ecce in hoc parvo terræ
foramine Cœlorum Conditor natus est. Hic
involutus pannis, hic visus à Pastoribus,
hic demonstratus à stella, hic adoratus
à Magis: & puto, sanctior locus est ru-
pe Tarpeja, quæ de cœlo sepius fulmi-
nata, ostendit, quod Deo displiceat. Est
quidem ibi Sancta Ecclesia, sunt trophæa
Apostolorum, & Martyrum, est Christi
vera confessio, est Apostolorum prædicata
Fides, & Gentilitate calcata, in sublime
quotidie erigitur vocabulum Christianum.
Sed ambitio, potentia, magnitudo Ur-
bis, videri, & videre, salutari, & salu-
tare, laudare, & detrahere, vel audire,
vel proloqui, & tantani hominum fre-
quentiam videre, & à proposito Mona-
chorum, & à quiete aliena sunt. Aut enim
videmus ad nos venientes, & silentium
perdimus, aut si non videmus, superbiæ
arguimur. Ipter dum ut visitantibus red-
damus vicem, ad superbas fores pergimus,
inter linguas rodentium ministrorum, pos-
tes ingredimur deauratos. In Christi ergo
villa (ut suprà diximus) tota rusticitas est;
extra Psalmos silentium est. Quocumque
te verteris, arator stivam tenens alleluja
decantat; sudans messor Psalmis se avocat: &
curvâ attondens vites falce vinitor aliquod

Davidicum canit. Hæc sunt in hac Provincia carmina, hæc, ut vulgò dicitur, amatoriæ cantiones. Vale.

HIERONYMUS

Ad Eustochium, de acceptis ab ea munusculis.

Argumentum: Epistolæ.

Eustochium in natali D. Petri xenia quædam misit ad D. Hieronymum. Ea mystica interpretatione trahit ad morum institutionem.

PArva specie, sed charitate sunt magna, munera accepisse à Virgine, armillas, epistolam, & columbas. Et quoniam mel in Dei Sacrificiis non offertur: nimia dulcedo arte mutata est, & quadam (ut ita dicam) piperis austeritate condita. Apud Deum enim nihil voluptuosum, nihil tam suave placet, nisi quod in se habet mordacis aliquid veritatis. Pascha Christi cum amaritudinibus manducatur. Festus est dies, & natalis Beati Petri: festivius est solito condiendus: ita tamen, ut Scripturarum cardinem jocularis sermo non fuggiat, nec à præscripto palestræ nostræ longius evagemur. Armillis in Ezechiele ornatur Jerusalem. Baruch epistolas accipit ab Jeremia. In collumbæ specie Spiritus Sanctus allabitur. Itaque, ut te aliquid & piperis mordeat, & pristini libelli etiam nunc recorderis, cave, nè operis ornamenta dimittas, quæ veræ armillæ sunt brachiorum: nè epistolam pectoris tui scindas, quam à Baruch traditam novacula Rex prophanus indicit: nè ad similitudinem Ephraim,

Ephraim, per Oseam audias: Facta es insipiens, ut columba. Nimiūm, respondebis, austere, & quod festo non convenit diei. Talibus ipsa muneribus provocasti, dum dulcibus amara sociata sunt, & à nobis paria recipies: laudem amaritudo comitabitur. Verum ne videar dona minuisse, accepimus & canistrum cerasis refertum, talibus, & tam virginali verecundia rubentibus, ut ea nunc à Lucullo delata existimārim: siquidem hoc genus pomi, Ponto, & Armenia subjugatis, de Cerasunto primus Romam pertulit: unde & de patria arbor nomen accepit. Igitur, quia in Scripturis canistrum ficis plenum legimus; cerasa verò non invenimus, in eo, quod allatum est, id, quod allatum non est, prædicamus: optamusque, te de illis pomis fieri, de quibus Deus dicit: Quia bona, bona valde. Nihil quippe Salvator medium amat. Et sicuti frigidum non refugiens, calidis delectatur, ita tepidos in Apocalypsi evomere se velle loquitur. Unde nobis sollicitè providendum est, ut solemnem diem, non tam ciborum abundantiam, quam spiritus exultatione celebremus. Quia valde absurdum est, nimia satiitate veille honorare Martyrem, quem scias Deo placuisse jejuniis. Ita tibi semper comedendum est, ut cibum & oratio sequatur, & lectio. Quod, si aliquibus displicet, Apostoli verba cantato: Si adhuc hominibus placerem, Christi ancilla non essem.

HIERONYMUS

Ad Marcellam, de acceptis munusculis.

Argumentum Epistolæ.

Xeniola missa à Marcella sibi, & Paula, filiaque hujus, per jocum interpretatur allegorice.

UT absentiam corporum spiritūs confabulatione solemur, facit unusquisque, quod prævalet. Vos dona transmittitis: nos epistolas remittimus gratiarum. Ita tamen, ut, quia velatarum Virginum munus est, aliqua in ipsis munusculis esse mysteria monstremus. Saccus orationis signum, atque jejunii est. Sella, ut foras pedes Virgo nō moveat: Cerei, ut accenso lumine, sponsi expectetur adventus. Calices mortificationem carnis ostendūt, & semper animū ad Martyrium præparatum. Calix quippe Dñi. inebrians, quam præclarus est! Quòd autem & matronis offertis muscaria parva, parvis animalibus eventilandi, elegans significatio est, debere luxuriam citò extinguere, quia muscæ morituræ olei suavitatem exterminant. Hic typus sit Virginum, hæc figura Matronarum. Nobis autem, licet in perversum, munera vestra convenient. Sedere aptum est otiosis: in sacco jacere, pœnitentiibus: calices habere, potentibus. Licet & propter nocturnos metus, & animos semper malo conscientiæ formidantes, cereos quoque accendi se sit gratum.

HIERONYMUS

Ad Paulum Concordiensem.

Argumentum Epistolæ.

*Paulum Concordiensem centesimum agentem
annum, & tamen adhuc integro, viren-
tique corpore, laudat, & libros aliquot ab
eo petit commodato. Est & festivis, nec
minus sanctis, Epistola hac plena jocis.*

HUmanæ vitæ brevitas, damnatio delici-
torum est: & in ipso sàpè lucis exor-
dio, mors sequuta naſcentem, labentia
quotidie in vitium fæcula profitetur. Nam,
cùm primum Paradisi colonum, viperinis
nexibus præpeditum, coluber deduxisset ad
terras, æternitas mortalitate mutata, in
nongentos, & eo amplius annos, secunda
quodammodo immortalitate maledicti ho-
minis distulerat elegium. Exinde paulatim
recrudescente peccato, totius Oibis naufra-
gium Gigantum adduxit impietas. Post il-
lud (ut ita dixerim) purgati Baptisma Mundi,
in breve tempus hominum vita contracta
est. Hoc quòque spatium, sceleribus nostris
semper contia Divina pugnantibus, penè
perdidimus. Quotus enim quisque, aut
centenariam transgreditur ætatem, aut non
ad eam sic pervenit, ut pervenisse pœnitcat?
Secundùm quod in libro Psalmorum Scrip-
tura testatur: Dies vitæ nostræ septuaginta
anni,

anni, si autem multum, octoginta: quid-
quid reliquum est, labor, & dolor. Quor-
sum (ais) ista tam alto repetita principio,
& ita procul cœpta, ut meritò quis Horatiano de nobis possit sale ludere: *Et gemi-
no bellum Trojanum orditur ab ovo?* Vide-
licet, ut senectutem tuam, & caput ad
Christi similitudinem candidum, dignis
vocibus prædicemus. Ecce jam centenus
atatis circulus volvitur, & tu semper præ-
cepta Domini custodiens, futuræ beatitudi-
nem vitæ per præsentia exempla meditaris.
Oculi puro lumine vigent, pedes impri-
munt certa vestigia, auditus penetrabilis,
dentes candidi, vox sonora, corpus soli-
dum, & succi plenum, cani cum rubore
discrepant, vires cum ætate dissentunt.
Non memorix tenacitatem, ut in pleris-
que cernimus, antiquior senecta dissolvit.
Non calidi acumen ingenii frigidus san-
guis obtundit. Non contractam rugis fa-
ciem arata frons exasperat. Non denique
tremula manus per curvos cerae tramites
errantem stylum ducit. Future nobis resur-
rectionis vigorem in te Dominus ostendit;
ut peccati sciamus esse, quod cæteri ad-
huc viventes præmoriuntur in carne; justi-
tiæ, quod tu adolescentiam in aliena ætate
mentiris. Et quamquam multis istam cor-
poris sanitatem, etiam peccatoribus, eveni-
re videamus; tamen illis hoc Diabolus mi-
nistrat, ut peccent, tibi Dominus præstat,
ut gaudeas. Doctissimi quique Græcorum,
de quibus pro Flacco agens, Iuculenter

Tullius

Tullius ait: Ingenita levitas, & erudita vanitas, Regum suorum, ac Principum laudes, accepta mercede, dicebant. Hoc ego nunc faciens, pretium posco pro laudibus. Et nè putes, modica esse, quæ deprecor, margaritum de Euangelio postularis. Eloquia Demini, eloquia casta, argentum igne examinatum, probatum terræ, purgatum septuplum: scilicet commentarios Fortunatiani, & propter notitiam persecutionum, Aurelii Victoris historiam, simulque epistolas Novatiani, ut, dum schismatici hominis venena cognoscimus, libentiū Sancti Martyris Cypriani bibamus antidotum. Misimus interim te tibi, id est, Paulo seni Paulum seniorem: in quo propter simpliciores quosque multum in dejiciendo sermone laboravimus. Sed nescio quomodo, etiam si aquâ plena sit; tamen eundem odorem lagenia servat, quo, dum rūdis esset, imbuta est. Si hoc munusculum placuerit, habemus etiam alia condita, quæ cum pluimis Orientalibus mercibus ad te (si Spiritus Sanctus afflaverit) navigabunt.



HIERONYMUS

Ad Marcellum, de agrotatione Blas. lla.

Argumentum Epistolæ.

Blesilla Paula filia, mortuo marito, admonita valida febri, totam se ad Christum convertit, & Monacham profiteri cœpit, non sine magna invidia, & oblatracione cognatorum, quorum obtrectationibus hic respondet D. Hieronymus.

Abraham tentatur in filio, & fidelior invenitur. Joseph in Ægyptum venditur, ut Patrem pascat, & fratres. Ezechias vicina morte terretur, & fusus in lachrymas, quindecim annorum spatio protelatur ad vitam. Petrus Apostolus Domini passione concutitur, & amarè flens, audit: Pasce oves meas. Paulus lupus rapax, & Benjamin adolescentior, in extasi cœcatur, ut videat, & repentina tenebrarum horrore circumdatus, Dñum. vocat, quem dudum, ut hominem persequebatur. Ita & nunc, mea Marcella, Blesillam uostram vidimus ardore febrium per triginta fermè dies jugiter æstuasse, ut sciret, rejiciendas delicias corporis, quod paulò post vermibus exarandum sit. Venit & ad hanc Dominus Jesus, tetigitque manum ejus, & ecce surgens ministrat ei. Redolebat aliquid negligentia, & divitarum fasciis colligata, in sœculi jacebat sepulchro. Sed infremuit Jesus, & conturbatus in spiritu, clamavit dicensy

Bla.

Blaſilla, veni foras: quę vocata surrexit, & egressa cum Deo vescitur. Judei minentur, & tumeant, quærant occidere fuscitatam, soli Apostoli glorientur. Scit, se vitam suam ei debere, qui reddidit. Scit, se ejus amplexari pedes, cujus paulò antè judicium pertimescebat. Corpus penè jacebat exanimē, & anhelos artus mors vicina quatiebat. Ubi tunc erant auxilia propinquorum? Ubi verba omni inaniora fumo? Nihil tibi debet, ò ingrata cognatio, quę Mundo periit, & Christo revixit. Qui Christianus est, gaudeat; qui irascitur, non se esse indicat Christianum. Vidua, quę soluta est vinculo maritali, nihil necessè habet, nisi perseverare. At scandalizat quempiam vestis fuscion? Scandalizet Joannes, quo inter natos mulierum major nullus fuit: qui Angelus dictus, ipsum quęque Dominum baptizavit: qui camelorum vestitus tegmine, zonā pelliceā cingebatur. Cibi displicant viliores? Nihil vilius est locustis. Illæ Christianos oculos scandalizent potius, quę purpurisso, & quibusdam fucis ora, oculosque depingunt: quarum facies gypseæ, & nimio candore deformes, idola mentiuntur. Quibus si fortè improvidis lachrymarum stilla erupit, sulco defuit: quas nec numerus annorum potest docere, quod vetulæ sint: quę capillis alienis verticem strount, & præteritam juventutem in rugis anilibus poliunt: quę denique ante nepotum gregem trementes, virgunculę componuntur. Erubescat mulier

Christiana,

Christiana, si naturæ cogit decorem, si carnis curam facit ad concupiscentiam, in qua, qui sunt secundum Apostolum, Christo placere non possunt. Vidua nostra antè morosius ornabatur, & die tota quid sibi decesset, quærebat ad speculum. Nunc loquitur confidenter: Nos autem omnes revelata facie gloriam Domini speculan-tes, in eandem imaginem transformamur, à gloria in gloriam, quasi à Domini spi-ritu. Tunc crines ancillulæ disponebant, & mitellis crispantibus vertex arctabatur innoxius. Nunc neglectum caput scit sibi tantum sufficere, quod velatur. Illo tem-pore plumarum quoque dura mollities videbatur, & in struetis thoris jacere vix poterat. Nunc ad orandum festina consur-git, & tinnula voce cæteris alleluja præ-ripiens, prior incipit laudare Dominum suum. Fleuntur genua supra nudam hu-mum, & crebris lachrymis facies psim-mythio (*a*) antè folidata purgatur. Post orationem Psalmi concrepant, & laxa cer-vix, poplites vacillantes, in somnumque vergentes oculi, nimio mentis ardore vix impetrant, ut quiescant. Pulla tuni-ca minus, cum humili jacuerit, folidatur. Soccus vilior, auratorum pretium calceorum egentibus largitur. Cingulum non auro, gemmisque distinctum est; sed laneum, & tota simplicitate purissimum, & quod possit magis astringere vestimen-ta, quam cingere. Si huic proposito in-videt scorpius, & scamone blando de-

vetita rursum arbore comedere persuadet,
 illidatur ei pro solea anathema, & in suo
 morienti pulvere dicatur: Vade retro, Sa-
 thana, quod interpretatur adverse. Adver-
 sarius quippe Christi est, & Antichristus,
 cui precepta displicent Christi. Oro te,
 quid tale umquam, quale Apostoli, fe-
 cimus, ut meritò scandalizeatur? Patrem
 senem cum navicula, & reti dimittunt.
 Publicanus à teloneo surgit, & sequitur
 Salvatorem: volens Discipulus reverti do-
 mum, & suis antè renuntiare, Magistri
 voce prohibetur. Sepultura non datur Pa-
 tri, & pietatis genus est, impium esse
 pro Domino. Nos quia serica veste non
 utimur, Monachi judicamur; quia ebrii
 non sumus, nec cachino ora dissolvi-
 mus; continentes vocamur, & tristes. Si
 tunica non canduerit, statim illud è
 trivio: Impostor, & Græcus est, Cavil-
 lentur vafriora licet, & pingui aqualicu-
 lo fertos circumferant homines: Blæsilla
 nostra ridebit, nec dedignabitur loqua-
 cium ranarum audire convicia,
 cum Dominus ejus dictus
 sit Beelzebub.



HIERONYMUS

Ad Paulam super obitu Blasilla filie.

Argumentum Epistolæ.

Paula primogenita filia, septimo post nuptias mense maritum amisit, deinde periit & ipso nomine Blasilla, materna Avia vocabulum referens. Hujus obitum intemperantius, ac sine fine plorantem Paulam Hieronymus consolatur, atque etiam acriter objurgat, ostendens, non esse Christianorum tantoper deflere bene vita funeris. In ipsius autem epitaphio Paula, vitium hoc illi tribuit Hieronymus, quod impensisimè dilexerit filios suos.

Quis dabit capiti meo aquam, & oculis meis fontem lachrymarum, & plorabo, non ut Jeremias ait, vulneratos populi mei, nec ut Jesus, miseriam Jerusalem: sed plorabo, sanctitatem, misericordiam, innocentiam, castitatem, plorabo, omnes pariter in unius morte defecisse virtutes. Non quod lugenda sit illa, quæ abiit, sed quod nobis impatientius sit dolendum, quia talem videre desivimus. Quis enim siccis oculis recordetur, viginti annorum adolescentulam tam ardenti fide Crucis levasse vexillum, ut magis amissam virginitatem, quam mariti doloret interitum? Quis sine singultibus transeat orandi instantiam, nitorem lingue, memorię tenacitatem, acumen ingenii? Si Græce loquentē audisses,

Latinè eam nescire putares. Si in Romanum sonum lingua se verteret, nihil omnino peregrini sermo redolebat. Jam verò quod in Origene quòdque illo Græcia tota miratur, in paucis, non dicam mensibus, sed diebus, ita Hebrææ linguae vicerat difficultates, ut in discendis, canendisque Psalmis cum Matre contenderet. Humilitas vestium, non (ut in plerisque solet) tumentes animos arguebat; sed cum interiori mente dejecerat, inter ancillarum virginum cultum, dominamque nihil medium, nisi quod in eo facilius dignoscetur, quod negleñtius incedebat. Vacillabant ægrotatione gressus, & pallentem, ac trementem faciem vix collum tenue sustinebat; & tamen aut Prophetam, aut Euangeliū semper in manib[us] tenebat. Lachrymis ora complentur, singultus occupat vocem, & hærentem linguam, viscera commota non laxant. Cùm sanctum corpusculum febrium ardor extorqueret, & semianimis lectulum vallaret circulus propinquorum, hæc in extremo verba mandabat: Orate Dominum Jesum, ut mihi ignoscat, quia implere non potui, quod volebam. Secura esto, mi Blæsilla, confidimus, probas vera, quæ dicimus. Nunquam est sera conversio. Vox hæc primum dedicata est in Latrone: Amen dico tibi, hodie tecum eris in Paradiſo. Postquam autem sarcinâ carnis abjectâ, ad suum anima revolavit Auctorem, & in antiquam possessionem diu peregrinata concendit;

ex more parantur exequiæ, & mobilium
 ordine præcunte, aureum feretro velamen
 obtenditur. Videbatur mihi tunc clamare
 de Cœlo: Non agnosco vestes, amictus if-
 te non est meus, hic ornatus alienus est.
 Sed quid agimus? Matris prohibituri la-
 crhymas, ipsi plangimus? Confiteor affec-
 tus meos: totus hic liber fletibus scribitur.
 Flevit & Jesus Lazarum, quia amabat il-
 lum. Non est optimus consolator, quem
 proprii vincunt gemitus, cujus visceribus
 emollitis fracta in lachrymis verba desu-
 dant. Testor, mi Paula, Jesum, quem Blæ-
 filla nunc sequitur: testor Sanctos Ange-
 los, quorum confortio fruitur, eadem
 me dolorum perpeti tormenta, quæ pate-
 ris: Patrem esse spiritu, nutritium chari-
 tate, & interdum dicere: Pereat dies illa,
 in qua natus sum. Et: Hei mihi Mater, ut
 quid genuisti me virum, qui dicerer discri-
 men omni terræ? Et illud: Justus es, Do-
 mine, verùm tamen justa loquar ad te.
 Quid est, quòd viç peccatorum prosperan-
 tur? Et: Mei quoque penè moti sunt
 pedes, penè effusi sunt gressus mei. Quia
 zelavi in peccatoribus, pacem peccato-
 rum videns. Et dixi: Quomodo cognovit
 Deus, & si est scientia in excelso? Ecce
 ipsi peccatores, & abundantes in sæculo,
 obtinuerunt divitias. Sed rursus illud oc-
 currit: Si narravero sic, ecce generatio-
 nem filiorum tuorum prævaricatus sum.
 Numquid & in meam mentem non hic
 sæpius fluctus illiditur? Quarè senes impi*sæ-*

sæculi divitiis perfruuntur? Quare adolescentia rudis, & sine peccato pueritia, immaturo flore metitur? Quid causæ est, ut sæpè bimuli, trimulique, & ubera materna lactentes à Dæmonio corripiantur, repleantur lepri, moiboregio devorentur? Et è contraio impii, adulteri, homicidæ, sacrilegi, vegeti, atque securi de sua sanitate, in Deum blasphemant? Præsertim cùm injustitia Patris non redundet ad filium, & anima, quæ peccaverit, ipsa moriatur? Aut, si manet vetus illa sententia, peccata Patrum in filios oportere restitui, iniquum sit, longævi Patris innumera delicta in innocentem infantiam repensare. Et dixi: Ergo sine causa justificavi cor meum, & lavi inter innocentes manus meas, & factus sum flagellatus tota die. Sed cùm hæc cogitarem, statim didici cum Propheta: Et suscepi, ut cognoscerem, hic labor est in conspectu meo, donec ingrediar Sanctuarium Dei, & intelligam in novissima eorum. Judicia enim Domini, abysmus multa. Et: O profundum divitarum sapientiæ, & scientiæ Dei, quæ inscrutabilia sunt judicia ejus, & investigabiles viæ ejus! Bonus est Deus, & omnia, quæ bonus facit, bona sint, necessè est. Mariti orbitas irrogatur: plango, quod accidit; sed quia sic placet Domino, æquo animo sustinebo. Unicus raptus est filius: durum quidem, sed tolerabile, quia sustulit ille, qui dederat. Si cæcus fuero, amici me lectio consolabitur. Si auditum quæque sur-

furdæ aures negaverint, vacabo à vitiis: nihil aliud nisi Dominum cogitabo. Imminabit super hæc & dura pauperies, frigus, languor, & nuditas: extremam expectabo mortem, & breve putabo malum, quod finis melior subsequatur. Consideremus quid ethicus ille Psalmus sonet: Justus es, Domine, & rectum judicium tuum. Hoc non potest dicere, nisi ille, qui ad universa, quæ patitur, magnificat Dominum, & suo merito imputans, in adversis de ejus clementia gloriatur. Exultaverunt enim filii Iudei in omnibus judiciis Domini. Si Iuda confessio interpretatur, confitens autem omnipotenti anima credentis est, necesse est, ut, qui se credere dicit in Christo, in omnibus Christi judiciis gaudeat. Sanus sum: gratias resero. Creatori. Langueo: & in hoc Domini laudo voluntatem. Quando enim infirmor, tunc fortis sum, & virtus spiritus in carnis infirmitate perficitur. Patitur & Apostolus aliquid, quod non vult, pro quo ter Dominum deprecatur. Sed dicitur ei: Sufficit tibi gratia mea, quia virtus in infirmitate perficitur: & ad revelationum humiliandam superbiam, monitor quidam humanæ imbecillitatis apponitur, in similitudinem triumphantium, quibus in curru retro comes adhærebat, per singulas acclamations civium, dicens: hominem te esse memento. Cur autem durū sit, quod quandoq; patiendū est? Et cur dolemus quēquam mortuū? Ad hæc enim nati sumus; ut maneat natus ēterni? Abraham, Moyses, Isaias, Petrus,

Jacobus, Joannes, Paulus electionis vas, & super omnia Filius Dei moritur, & nos indignamur, aliquem exire de corpore, qui ad hoc forsitan raptus est, nè malitia mutaret intellectum ejus? Placita enim erat Deo anima ejus. Propter hoc prope ravit educere eam de media iniquitate, nè longo vitæ itinere deviis oberraret anfractibus. Lugeatur mortuus; sed ille, quem Gehenna suscipit, quem Tartarus devorat, in cuius pœnam æternus ignis æstuat. Nos, quorum exitum Angelorum turba comitatur, quibus obviam Christus occurrat, gravemur magis, si diuini in tabernaculo isto mortis habitemus. Quia quādiu hic moramur, peregrinanur à Domino. Illa, illa nos cupido teneat: Heimihi, quia peregrinatio mea prolongata est à me, habitavi cum habitantibus Cedar, multum peregrinata est anima mea! Si Cedar tenebræ sunt, & Mundus iste sunt tenebræ, quia lux lucet in tenebris, & tenebræ eam non comprehendenterunt: favamus Blæfillæ nostræ, quæ de tenebris migravit ad lucem, & inter Fidei incipientis ardore, consummati operis percepit coronam. Revera, si sæculare desiderium, & (quod Deus à suis avertat) delicias vitæ hujus cogitantem, mors immatura rapuisset, plangenda erat, & omni lachrymarum fonte ploranda. Nunc verò cùm propitio Christo, ante quatuor fermè menses, secundo quodammodo propositi se Baptismo laverit, & ita deinceps vixe.

vixerit, ut calcato Mundo, semper Monasterium cogitârit; non vereris, nè tibi Salvator dicat: Iraasperis, Paula, quia tua filia mea facta est filia? Indignaris de iudicio meo, & rebellibus lachrymis facis injuriam possidenti? Scis enim quid de te, quid de cæteris tuis cogitem? Cibum tibi denegas, non jejuniorum studio; sed doloris? Non amo frugalitatem istam: jejunia ista adversarii mei sunt: nullam animam recipio, quæ, me nolente, separatur à corpore. Tales stulta Philosophia habeat Martyres: habeat Zenonem, Cleombrotum, vel Catonem. Super nullum requiescit spiritus meus, nisi super humilem, & quietum, & trementem verba mea. Hoc est, quod mihi in Monasterio promittebas? Quòd, habitu à matronis cæteris separato, tibi quasi religiosior videbaris? Mens ista, quæ plangit, sericarum vestium est. Interciperis, & amoveris, & quasi non in meas manus ventura sis, crudelem judicem fugis. Fugerat quondam & Jonas, animosus Propheta; sed in profundo Maris meus fuit. Si viventem crederes filiam, nunquam plangetes ad meliora migrâsse. Hoc est quod per Apostolum meum jussoram, nè pro dormientibus, in similitudinem Gentium, tristare minui. Erubesce: Ethnicæ comparatione superaris. Melior Diaboli ancilla, quam mea est. Illa infidelium maritum translatum fingit in Cœlum; tu mecum tuam filiam commorantem, aut non credis, aut non vis. Sed dicis: Quomodo lugere me prohibes,

cùm

cum & Jacob Joseph in facco flevet, congregatisque ad se omnibus propinquis, noluerit consolari, dicens: Descendam ad filium meum lugens in Infernum? Et David Absalon cooperto capite planxerit, repetens: Filius meus Absalon, Absalon filius meus, quis dabit, ut moriar pro te, filius meus Absalon? Moysi quoque, & Aaron, cæterisque Sanctorum solemnis sit luctus exhibitus? Perfacilis ad ista responso est. Luxisse Jacob filium, quem putabat occisum, ad quem & ipse erat ad inferos descensurus, dicens: Descendam ad filium meum lugens in Infernum: quia necdum Paradisi januam Christus effregerat, necdum flammeam illam rhombphaem, & vertiginem praesidentium Cherubim sanguis ejus extinxerat. Unde & Abraham, licet in loco refrigerii, tamen apud inferos cum Lazaro fuisse scribitur. Et David iuste flevisse filium parcidam, qui alium parvulum, postquam, ut viveret, impetrare non potuit, quia sciebat, non pecasse, non flevit. De Moysè vero, & Aaron, quod eis ex veteri more sit planetus exhibitus, non mirandum est, cum & in actis Apostolorum, iam Euangelio coruscante, Stephano fecerint Ierosolymæ Fratres planetum magnum. Et utique planetus magnus, non in plangentium exanimatione, ut tu putas, sed in pompa funeris, & exequiarum frequentia intelligendus sit. Denique de Jacob Scriptura sic loquitur: Et ascendit Joseph sepelire Patrem suum, & ascenderunt cum

eo omnes pueri Pharaonis , & seniores domus ejus , & seniores omnis terræ Ægypti , & omnis domus Joseph , & fratres ejus. Et post paululum. Et ascenderunt cum eo quadrigæ , & equites , & facta sunt castra grandia nimis. Ac deinde : Et planxerunt eum planetu magno , & forti nimis. Planetus iste solemnis non longas Ægyptiis imperat lachrymas , sed funeris monstrat ornatum. Juxta quem modum Aaron quodque , & Moysen fletos esse manifestum est. Nequeo satis Scriptutæ laudare mysteria , & Divinum sensum in verbis , licet simplicibus , admirari: quid sibi velit , quod Moyses plangitur , & Jesus Nave vir sanctus sepultus resertur , & tamen fletus esse non scribitur ? Nempe illud , quod in Moysè , id est , in lege veteri , sub peccato Adam omnes tenebantur elogio , & ad inferos descendentes , consequenter lachrymæ proferebantur , secundum Apostolum , qui ait : Et regnavit mors ab Adam usque ad Moysen , etiam super eos , qui non peccaverunt. In Jesu vero , id est , in Evangelio , per quem Paradisus est apertus , mortem gaudia prosequuntur , flentesque hodie Judæi , & nudatis pedibus in cinere voluntati , facco incubant. Ac ne quid defit superstitioni , ex ritu vanissimo Pharisaorum , primum cibum lentis accipiunt , videlicet , ostendentes , quali edulio primogenita perdiderint. Sed merito , quia in Resurrectionem Domini non credentes , Antichristi preparantur adventui. Nos vero ,

qui

qui Christum induimus, & facti sumus, juxta Apostolum, genus Regium, & Sacerdotale, non debemus super mortuos contristari. Et dixit (inquit) Moyses ad Aaron, & Eleazar, & Ithamar filios ejus, qui relieti erant: Caput vestrum non denudabis, & vestimenta vestra non scindetis, nè moriamini, & super omnem Synagogam veniat ira. Nolite (inquit) scindere vestimenta vestra, & luctum exhibere Gentilem, nè moriamini. Mors nostra peccatum est. Et quod forsitan crudele alicui videatur, sed Fidei necessarium est, in eodem Levitico scribitur, quo modo Sacerdos magnus ad Patrem, Matrem, fratres, vel liberos mortuos prohibeatur accedere: nè videlicet anima Dei sacrificiis vacans, & tota in illius mysteriis occupata, aliquo impediatur affectu. Nonne aliis verbis id ipsum in Euangelio præcipitur, ut non renunciet domui Discipulus? Ut mortuo Patri non exhibeat sepulturam? Et de Sanctis (inquit) non exiet, & non contaminabitur Sanctificatio Dei ejus, quia sanctum oleum unctionis à Deo super eum est. Certè postquam credimus in Christum, & oleo unctionis ejus accepto, illum portamus in nobis, non debemus exire de Templo, id est, de proposito Christiano: non foras egredi, incredulitati videlicet Gentilium commisceri, sed semper intrinsecus, id est, voluntati Domini ministrare. Hæc idcirco dicimus, nè ignorantia Scripturarum auctoritatem tibi præberet in

Iuctu, & videreris rationabiliter errare. Et adhuc sic loquutus sum, quasi unam de turbis convenerim Christianam. Nunc vero cum te sciam toti renuntiasse mundo, & abjectis, calcatisque deliciis saeculi, orationi, jejuniis, lectio[n]i vacare quotidie; cum ad exemplum Abraham cupias exire de terra tua, & de cognatione tua, ut & Caldæis, & Mesopotamia derelictis, terram re promissionis introcas: cum omnem substantiolam, aut pauperibus dilargitas, aut filiis, ante mortem Mundo mortua, dederis: miror, te ea facere, quæ si facerent cæteræ, reprehensione dignæ viderentur. Redit tibi in memoriam confabulatio ejus, blanditiæ, sermo, consortium, & quod his careas, pati non potes. Ignoscimus Matris lachrymis, sed modum querimus in dolore. Si Parentem cogito, non reprehendo, quod plangis. Si Christianam, & Monacham, illis nominibus Mater excluditur. Recens vulnus est, & tratus iste, quo blandior, non tam curat, quam exasperat. Attamen, quod tempore mitigandum est, cur ratione non vincitur? Nam & Noëmi, famem fugiens in terra Moab, & maritum perdidit, & filios. Ecce cum suorum auxilio esset destituta, Ruth alienigena ab ejus latere non recedit. Vide quanti meriti sit desertæ præstitisse solatium: ex ejus semine Christus oritur. Respice Job quanta sustinuit, & videbis tecum nimium delicatam: illum, erexit in Cœlum oculis inter ruinas domus, pœnas ulceris,


innumeras orbitates, & ad extremum uxoris insidias, invictam tenuisse patientiam. Scio quid responsura sis: hoc illi quasi justo ad probationem evenisse. Et tu è duabus elige, quod velis: aut Sancta es, & probaris: aut peccati ix, & injustè quereris minora sustinens, quàm mereris. Quid vetera replicem? Præsentia exempla sectare. Sancta Melania nostri temporis inter Christianos vera nobilitas (cum quilibet Dominus, mihiique concedat in die sua habere partem) calente adhuc mariti corpusculo, & necdum humato, duos simul perdidit filios. Rem sum dicturus incredibilem, sed teste Christo, non falsam. Quis illam tunc non putaret, more lymphatico, sparsis crinibus, veste concissa, lacerum pectus invadere? Lachrymæ gutta non fluxit, stetit immobilis, & ad pedes advoluta Christi, quasi ipsum teneret, arrisit. Expeditius (inquit) tibi servitura sum, Domine, quia tanto me onere liberasti. Sed forsitan superatur in cæteris. Quinimò qua illos mente contempserit, in unico postea filio probat, cui omni, quam habebat, possessione concessa, ingruente iam hyeme Jerosolymam navigavit. Parce, quæso, tibi, parce filiæ cum Christo iam pregnanti, parce saltē Eustochio tuæ, cuius parva adhuc ætas, & rudis penè infantia, te magistrante, dirigitur. Sævit nunc Diabolus, & quia unam cernit de tuis liberis triumphantem, obtritum se esse condolens, quærit in remanente victoriam,

quam

quam in præente jam perdidit. Grandis in suos pietas impietas in Deum est. Abraham unicum filium latus interficit, & tu unam de pluribus quereris coronatam? Non possum sine gemitu eloqui, quod dicturus sum. Cùm de media pompa funeris te exanimem referrent, hoc inter se populus mussitabat: Nonne illud est, quod s̄epiū dicebamus? Dolet filiam jejuniis interfestam, quòd non vel de secundo ejus matrimonio tenuerit nepotes. quousque genus detestabile Monachorum non Urbe pellitur? Non lapidibus obruitur? Non præcipitatur in fluctus? Matronam miserabilem seduxerunt, quæ quia Monacha esse noluerit, hinc probatur, quòd nulla Gentilium ita suos unquam fleverit filios. Qualem putas ad istas voces Christum habuisse tristitiam? Quomodo exultasse Sathanam, qui nunc tuam animam eripe: festinans, & pii tibi proponens doloris illecebram, dum ante oculos tuos filiæ semper imago versatur, cupid Matrem simul necare vietricis, & solitudinem sororis invadere relictæ. Non ut terream loquar; sed, ut mihi testis est Dominus, quasi ante tribunal ejus assisteris, in hęc te verba convenio: Detestandæ sunt istæ lachrymæ, plenæ sacrilegio, incredulitatis plenissimæ, quæ non habent modum, quæ usque ad viciniam mortis accedunt. Ullas, & exclamas, & quasi quibusdam factibus accensa, quantum in te est, tui semper homicida es. Sed ad talem clemens ingreditur Jesus, & dicit: Quid ploras? Non est

mortua puella, sed dormit. Irrideant circumstantes: ista infidelitas Judæorum est. Te quoque, si ad sepulchrum filiæ volueris voluntari, Angelus increpabit: Quid quæris viventem cum mortuis? Quod quia Maria fecerat Magdalene, postquam vocem Domini se clamantis agnovit, ad eū pro voluta pedes, audit: Nè tetigeris me, nequid enim ascendi ad Patrem meum, id est: Non mereris tangere resurrectem, quem mortuum existimas in sepulchro. Quas nunc existimas Blæfillam nostram pati crucis, quæ ferre tormenta, quòd tibi Christum videat subiratum? Clamat nunc illa lugenti. Si umquam me amâsti, Mater, si tua ubera fuxi, si tuis institutæ sum monitis, nè invideas gloriam meæ, neque hoc agas, ut à nobis in perpetuum separaremur. Putas esse me solam? Habeo protè Mariam Matrem Domini. Multas hic video, quas antè nesciebam, O quanto melior est iste comitatus! Habeo Annam quondam in Evangelio prophetantem: & quò magis gaudeas, tantorum annorum labores ego in tribus mensibus consequuta sum. Unam palmam castitatis accepimus. Misereris mei, quia Mundum reliqui? At ego vestri sortem doleo, quos adhuc sœculi carcer includit, quos quotidie in acie præliantes, nunc ira, nunc avaritia, nunc libido, nunc variorum intentiva vitiorum pertrahunt ad ruinam. Si vis, ut Mater misera sis, cura placere Christo. Non agnoleo

nosco Matrem meo Domino displicen-
 tem. Loquitur illa & alia multa , quæ ta-
 ceo , & pro te Dominum rogat , mihique ,
 ut de ejus mente securus sim , veniam im-
 petrat peccatorum , quòd monui , quòd
 hortatus sum , quòd invidiam propinquo-
 rum , ut salva esset , excepti . Itaque , dum
 spiritus hos artus regit , dum vitæ hujus
 fruimur commeatu , spondeo , promitto ,
 polliceor , illam mea lingua resonabit ,
 illi mei dedicabuntur labores , illi meum
 sudabit ingenium , nulla erit pagina ,
 quæ non Blæsillam sonet : quòcumque
 sermonis nostri monumenta pervenerint ,
 illa cum meis opusculis peregrinabitur .
 Hanc in mea mente defixam legent Vir-
 gines , Viduæ , Monachi , Sacerdotes .
 Brevis vitæ spatium eterna memoria com-
 pensabit . Quę cum Christo vivit in Cœlis ,
 in hominum quòque ore victura est . Transt-
 ibit & præsens ætas , sequentur sæcula
 pbit fatura , quæ sinè invidia judicabunt .
 Inter Paulæ , Eustochiique , nomen media
 ponetur : numquām in meis moritura est
 libris . Audiet me semper lo-
 quentem cum forore ,
 cum Matre .



HIERONYMUS

Ad Marcellam, de exitu Leæ.

Argumentum Epistolæ.

Leæ, quæ Virginum Monasterio præfuerat, mortem cum Consulis designati, sub idem ferè tempus defuncti, morte componit: ostendens, quantum intersit inter exitum Sanctorum, & interitum eorum, quos hic Mardonius ut fœlices adorat.

Cum horâ fermè tertiâ hodiernæ diei, septuagesimum secundum Psalmum, id est, tertii libri principium, legere cœpissimus, & docere cogeremur, tituli ipsius partem ad finem secundi libri, partem ad principium tertii libri, pertinere; quò (scilicet) defecerunt Hymni David, filii Jesse, finis esset prioris; Psalmus verò Asaph, principium sequentis: &c usque ad eum locum pervenissemus, in quo justus loquitur: Dicebam: Si narrabo sic, ecce generationem filiorum tuorum prævaricatus sum; quod in Latinis codicibus non ita habemus expressum: repente nobis nunciatum est, Sanctissimam Leam exisse de corpore, ibique ita te palluisse conspexi, ut verè, aut pauca, aut nulla sit anima, quæ, fracto vase testaceo, non tristis erumpat: Et tu quidem, non quod futuri incerta es, dolebas; sed quod triste funeri obse-

obsequium non dedisses. Denique in mes-
diis fabulis rursum didicimus, reliquias
ejus jam Ostiam fuisse delatas. Quæras,
quò pertineat ista replicatio? Respondebo
tibi verbis Apostoli: multum per omnem
modum. Primum, quòd universorum gau-
diis prosequenda sit, quæ calcato Diabo-
lo, coronam jam securitatis accepit. Se-
cundò, ut ejus vita breviter explicetur.
Tertiò, ut designatum Consulem de sui
sæculis detrahentem, esse doceamus in Tar-
taro. Et quidem conversationem Læx nos-
træ quis possit digno allevare præconio?
Ita eam totam ad Dominum fuisse con-
versam, ut Monasterii princeps, Mater
Virginum fieret, post mollitiem vestium,
facco membra trivisse: insomnes orationi-
bus duxisse noætes, & comites suas plus
exemplo docuisse, quam verbis. Humili-
tatis fuit tantæ, tamque subiectæ, ut quon-
dam domina plurimorum, ancilla omnium
putaretur: nisi quòd eò Christi magis esset
ancilla, dum domina hominum non puta-
tur. Iuculta vestis, vilos cibus, neglectum
caput: ita tamen, ut cum omnia faceret,
ostentationem fugeret singulorum, nè re-
ciperet in præsenti sæculo mercedem suam.
Nunc igitur pro brevi labore æterna
beatitudine fruitur, excipitur Angelorum
choris, Abrahæ sinibus confovetur, & cum
paupere quondam Lazaro divitem purpu-
ratum, & non palmatum Consulem; sed
atratum, stillam digitæ minoris cernit
inquirere. O quanta rerum mutatio!

Ille, quem ante paucos dies dignitatum omnium culmina præcedebant, qui quasi de subiectis hostibus triumpharet, Capitolineas ascendit arces, quem plausu quodam, & tripudio Populus Romanus exceperit, ad cuius interitum Urbs universa commota est: nunc desolatus, & nudus, non in lacteo Cœli Palatio, ut uxor mentitur infelix; sed in fordentibus tenebris continetur. Hæc verò, quam unius cubiculi secreta vallabant, quæ pauper videbatur, & tenuis: cuius vita putabatur amentia, Christum sequitur, & dicit: Quicumque audivimus, ita & vidimus in Civitate Dei nostri, & reliqua. Quapropter moneo, & flens, gemensque contestor, ut, dum hujus Mundi viam currimus, non duabus tunicis, id est, duplice vestiamur Fide. Non calceamentorum pellibus, mortuis videlicet operibus prægravemur. Non divitarum nos pera ad terram premat. Non virgæ, id est, potentiae sæcularis queratur auxilium, non pariter & Christum velimus habere, & sæculum: sed pro brevibus, & caducis æterna succedant, & cum quotidie (secundum corpus loquor) præmoriāmur, in cæteris non nos perpetuos existimemus, ut possimus esse perpetui.



HIERONYMUS

*Ad Pammachium, consolatio super obitum
Paulinae uxoris.*

Argumentum Epistolæ.

Paulina Paulæ filia, post Blæsillam natu-
maxima, nuperat Pammachio juveni-
docto, & nobili. Hac defuncta, Monachi
propositum suscepit, opes suas in pauperum
subsidiū elargiens. Laudat Hieronymus
uxorem defunctam, adhortans maritum,
ut in sancto proposito perget; verecundè
significans, ut in Bethlehem se conferat,
angustia rei familiaris laborantem, &
Paulæ socrui, Eustochioque cognata sese
ad jungat.

Sanato vulneri, & in cicatricem super-
ductæ cuti, si medicina colorem red-
dere voluerit, dum pulchritudinem corpo-
ris querit, plague dolorem instaurat. Ita &
ego serus consolator, qui importunè per
biennium tacui, vereor, nè nunc importu-
niùs loquar, & attrectans vulnus pectoris
tui, quod tempore, & ratione curatum est,
commemoratione exulcerem. Quæ enim
aures tam duræ, quæ de silice excisa præ-
cordia, & Hyrcanarum tigrium lacte nu-
trita, possunt sine lachrymis Paulinæ tuæ
audire nomen? Quis parturientem rosam,
& papillatum corymbum, antequam in
calas-

54. EPISTOLA

in calathum fundatur orbis, & tota subiectum foliorum pandatur ambitione, immaturè demessum, & quis oculis marcescere videat? Fractum est pretiosissimum marginatum. Virens smaragdi gemma contrita est. Quid boni habeat sanitas, languor ostendit. Plus sensimus, quod habuimus, postquam habere desivimus. In agro terræ bonæ tres fructus legimus, centesimum, sexagesimum, & trigesimum: In tribus mulieribus & sanguine, & virtute conjunctis, tria Christi præmia recognosco. Eustochium Virginitatis flores metit. Paula laboriosam viduitatis aream terit. Paulina castum Matrimonii cubile servat. Tali filiarum Mater fulta comitatu, totum sibi in terris vindicat, quod Christus promisit in Cœlo. Et ut quadrigam domus una emitteret sanctitatis, & foeminarum virtutibus respondearent viri, additur comes Pammachius, verum Ezechielis Cherubim, cognatus, gener, maritus, imò frater amantissimus, quia sancta confortia spiritus vocabula non tenent nuptiarum. Huic quadrigæ Jesus præsidet. De his equis & Abacuch canit: Ascende super equos tuos, & equitatio tua salus. Impari cursu, pari animo ad palmam tenditur. Discolores equi, sed voluntate concordes, unum aurigæ jugum trahunt, non expectantes flagelli verbera, sed ad vocis hortamenta ferventes. Dicamus aliquid & de Philosophis. Quatuor virtutes describunt Stoici, ita sibi invicem nexas, & mutuo coherentes, ut qui unam non

habuerit, omnibus careat; Prudentiam, Justitiam, Fortitudinem, Temperantiam. Has omnes sic habetis singuli, ut tamen emineatis in singulis. Prudentia in te, in Matre Justitia, in virgine Fortitudo, in nupta Temperantia prædicatur. Quid enim eo sapientius, qui, contempta Mundi stultitiâ, Christum sequutus est, Dei virtutem, & Dei sapientiam? Quid Matre justius, quæ inter liberos opibus distributis, docuit divitias contemnendo, quid filii amare deberent? Quid Eustochio fortius, quæ nobilitatis portas, & arrogantiæ generis Consularis Virginali proposito fregerit, & in Uibe prima, primum genus subjugaverit pudicitia? Quid Paulina temperantius? Quæ legens illud Apostoli: Honorabiles nuptiæ, & cubile immaculatum, nec sororis felicitatem, nec Matris continentiam ausa appetere, maluit in humilioribus tuta pergere, quam pendulo gradu in sublimioribus fluctuare? Quamquam illa semel inito matrimonio, nihil aliud diebus, ac noctibus cogitaverit, nisi ut reddito fructu nuptiarum, secundum castioniæ gradum arriperet, & tanti dux fœmina facti, virum proposito suo jungeret, non relinquens salutis comitem, sed expectans. Dumque crebris abortiis, & experta fœcunditate conceputum, non desperat liberos, & socrûs avitatem, maritique tristitiam præponit imbecillitati suæ, passa est aliquid de Rachelis exemplo: Pro filio doloris, ac dexteræ, virum

desiderii sui peperit hæredem. Certisque auctoribus didici, illam non primæ sententiæ Dei: Crescite, & multiplicamini, & replete terram; nec officio conjugali servire voluisse, sed ad hoc optasse filios, ut Christo Virgines pareret. Legimus & uxorem Sacerdotis Phinees, audita captivitate Arcæ Domini, subito uteri dolore coruptam, edidisse filium Ichabob, & inter manus, & officia fœminarum animam emisisse cum prole. De prima Benjamin, hoc est, filius virtutis, ac dexteræ; de secunda inclytus Sacerdos Dei ex Arcæ cognomine nascitur. Nobis post dormitionem, solumque Paulinæ, Pammachium Monachum, Ecclesia peperit posthumum, & Patris, & conjugis nobilitate Patritium, eleemosynis divitem, humilitate sublimem. Apostolus scribit ad Corinthios: Videte, fratres, vocationem vestram, quia non multi sapientes, non multi nobiles. Hoc nascentis Ecclesiæ rudimenta poscebant, ut granum sinapis paulatim in arborem cresceret, ut sensim Euangelii fermentum totam Ecclesiæ massam altius eleveret. nostris temporibus Roma possidet, quod Mundus antè nescivit. Tunc rari sapientes, potentes, nobiles, Christiani; nunc multi Monachi, sapientes, potentes, nobiles. Quibus cunctis Panimachius meus sapientior, potentior, nobilior, magnus in magnis, primus in primis, *archistrategus* Monachorum. Tales paulina morte sua nobis liberos dedit, quos vivens cupive-

rat possidere. Lætare sterilis, quæ non paris: erumpe, & clama, quæ non parturis; quoniam quot Romæ sunt pauperes, tot filios repente genuisti. Ardentes gemmæ, quibus antè collum, & facies ornatabant, egentium ventres saturant. Vests sericæ, aurum in fila lentescens, in mollia lanarum vestimenta mutata sunt, quibus repellatur frigus, non quibus nudetur ambitio. Deliciarum quondam supellestilem virtus insumit. Ille cœcus extendens manus, & saepe, ubi nemo est, clamitans, hæres Paulinæ, cohæres Pammachii est. Illum truncum pedibus, & toto corpore se trahentem, teneræ puellæ sustentat manus. Fores, quæ prius salutantium turbas vomebant, nunc à misericordia obſidentur. Alius tumenti aqualiculo mortem parturit: alius elinguis, & mutus, & ne hoc quidem habens, unde roget, magis rogat, dum rogare non potest. Hic debilitatus à parvo, non sibi mendicat stipem. Ille putrefactus morbo regio, supervivit cadaveri suo.

Non mihi si lingua centum sint, oraque centum.

Omnia pœnarum percurrere nomina possim.

Hoc exercitu comitatus incedit, in his Christum confovet, horum fardibus dealbatur. Munerarius pauperum, & egentium candidatus, sic festinat ad Cœlum: Cæteri mariti super tumulos conjugum spargunt violas, rosas, lilia, floresque purpureos,

& dolorem pectoris his officiis consolatur, Pammachius noster sanctam Favillam, ossaque veneranda eleemosynę balsamis rigat. His pigmentis, atque odoribus foveat cineres quiescentes, sciens scriptum: Sicut aqua extinguit ignem, ita eleemosyna peccatum. Quantas vires habeat misericordia, & quibus donanda sit premiis, beatus Cyprianus grandi volumine prosequitur, & Danielis consilium probat; qui Regem impiissimum, si se audire voluisse, scit pauperum sustentatione salvandum. Gaudet hujuscemodi filiae Mater hæc. Non dolet, opes ad alium pervenisse, quas cernit iisdem, quibus ipsa voluerat, erogari. Quin potius gratulatur absque labore suo sua vota compleri. Non enim substantiae diminutio; sed operarii commutatio est. Quis enim hoc crederet, ut Consulum pronepos, & Furiani germinalis decus, inter purpuratas Senatorum, furvâ tunicâ pullatus incederet, & non erubesceret oculos sodalium, ut deridentes se derideret? Est confusio, quæ ducit ad mortem, & est confusio, quæ duicit ad vitam. Prima virtus est Monachi, contemnere hominum judicia, & semper Apostoli recordari, dicentis: Si adhuc hominibus placere vellem, Christi servus non essem. Tadie quid & Dominus loquitur ad Prophetas, quod posuerit faciem eorum, quasi urbem æneam, & lapidem adamantineum, & columnam ferream, ne paverent ad injurias Populi; sed impudentiam subsannantium,

frontis rigore contererent. Ingenia libera & liter educata facilius verecundia, quam metus superat; & quos tormenta non vincunt, interdum vincit pudor. Non est parum, virum nobilem, virum disertum, virum locupletem, potentium in plateis vitare comitatum, miscere se turbis, adhaerere pauperibus, rusticis copulari, de Principe vulgum fieri: sed quanto humilior, tanto sublimior est. Lucet marginatum in sordibus, & fulgor gemmarum purissimae etiam in luto radiat. Hoc est, quod Dominus repromisit: Glorificantes me glorificabo. Alii hoc intelligant de futuro, quando mœror vertetur in gaudium, & transeunte Mundo, Sanctorum corona non transit. Ego & impræsentiarum video, Sanctorum promissa compleri. Antequam Christo tota mente serviret, notus erat in Senatu, sed multi alii habebant infulas Proconsulares; totus orbis hujuscemodi honoribus plenus est. Primus erat; sed inter primos: præcedebat alios dignitate, sed alios sequebatur. Quamvis clarus honor, vilescit in turba, & apud viros bonos indignior fit ipsa dignitas, quam multi indigni possident. Unde egrediè de Cesare Tullius, cum quosdam, ait, ornare voluit, non illos honestavit; sed ornamenta ipsa turpavit. At nunc omnes Christi Ecclesiæ Pammachium loquuntur. Miratur Orbis pauperem, quem hucusque divitem nesciebat. Quid Consulatu illustrius? Annuus honor est, &

post.

postquam aliis successerit, prior definit. Latent in multitudine laureæ, & triumphi interdum triumphantium soldibus polluentur. Quod antè per manus Patricias tradebatur, & sola nobilitas possidebat, quo Consul Marius vicit Numidiæ, & Teutonum, atque Cymbrorum, ob ignobilitatem familiæ putabatur indignus, quod Scipio ultra annos pro virtute meruit, nunc sola militia possidet, & agrestia dudum corpora fulgens palma circumdat. Plus ergo accepimus, quam dedimus: parva dimisimus, & grandia possidemus. Centuplicato fœnore Christi promissa redduntur. In tali & Isaac quondam agro severat, qui paratus ad mortem, ante Euangelium Euangelicam portavit Crucem. Si vis (inquit) perfectus esse, vade, & vende omnia, quæ habes, & da pauperibus, & sequere me. Si vis perfectus esse. Semper grandia in audientium ponuntur arbitrio. Et ideo virginitatem Apostolus non imperat, quia Dominus disputans de Eunuchis, qui se castrâssent propter Regna Cœlorum, ad extrellum intulit: Qui potest capere, capiat: non est enim volentis, neque currentis; sed misericordis Dei. Si vis perfectus esse, non tibi imponitur necessitas, ut voluntas præmium consequatur. Si vis ergo esse perfectus, & desideras esse, quod Prophetæ, quod Apostoli, quod Christus est, vende, non partem substantiæ, nè timor penuriæ infidelitatis occasio fit, & cum Anania, & Saphira pereas; sed universa,

quæ

quæ possides: cùmque vendideris, da pauperibus, non locupletibus, non superbis. Da, quo necessitas sustentetur, non quo augeantur opes. Cùmque legeris illud Apostoli: Bovi trituranti os non alligabis. Et: Dignus est operarius mercede sua. Et: Qui Altari ministrant, de Altari participantur. Memento quòque hujus sententiæ: Habentes viðtum, & vestitum, his contenti simus. Ubi videris fumare patinas, & Phasides aves lentis vaporibus decoqui, ubi argenti pondus, ubi ferventes Buricos mannos, comatulos pueros, pretiosas vestes, picta tapetia, ibi ditior est largitore, cui largiendum est. Pars sacrilegii est, rem pauperum dare non pauperibus. Et tamen non est satis perfecto, & consummato viro, opes contemnere, pecuniam dissipare, & projicere quod in momento, & perdi, & inveniri potest. Fecit hoc Crates Thebanus, fecit Antisthenes, fecerunt plurimi, quos vitiosissimos legimus. Plus debet Christi discipulus prestare, quam Mundi Philosophus, gloriæ animal, & popularis auræ, atque rumorum venale mancipium. Tibi non sufficit opes contemnere, nisi Christum sequaris. Christum autem sequitur, qui peccata dimittit, & virtutum comes est. Christum scimus sapientiam. Hic thesaurus in agro Scripturarum nascitur, hæc gemma multis emitur margaritis. Sin autem adamaveris captivam mulierem, id est, sapientiam sæcularem, & ejus pulchritudine captus fueris: decalva eam, &

ille.

illecebras crinum , atque ornamenta vestrum cum emortuis unguibus seca. Lava eam Prophetali nitro , & tunc requiescens cum illa , dicio : Sinistra ejus sub capite meo , & dextera illius anplexabitur me ; & multos tibi foetus captiva dabit , ac de Moabitide efficietur Israëlitis. Christus sanctificatio est , sicut qua nemo videbit faciem Dei. Christus redemptio , idem Redemptor , & pretium. Christus omnia , ut qui omnia propter Christum dimiserit , unum inveniat pro omnibus , & possit liberè proclamare : Pars mea Dominus. Sentio , te divinis ardere doctrinis , nec temeritate quorumdam docere , quod nescias , sed antè discere , quod docturus sis. Simplices epistolæ tuæ olent Prophetas , Apostolos sapiunt. Non cothurnatam affectas eloquentiam , nec more puerorum argutas sententiolas in clausulis struis. Citò turgens spuma dilabitur , & quamvis grandis tumor , contrarius sanitati est. Scitum est illud quoque Catonis : Sat citò , si sat bene. Quod nos quondam adolescentuli , cum à perfecto Oratore in præfatiuncula diceretur , risimus. Meminisse te puto erroris mutui , quando omne Atheneum Scholasticorum vocibus consonabat : Sat citò , si sat bene. Fœlices (inquit Fabius) essent artes , si de illis soli artifices judicarent. Poëtam non potest nosse , nisi qui versum potest struere , Philosophos non intelligit , nisi qui scit dogmatum veritates. Manufacta , & oculis patentia magis

probant artifices. Nostra quād dura sit necessitas, hinc potes animadvertere, quod vulgi standum est judicio, & ille in turba metuendus, quem, cūm videris solum, despicias. Hoc præteriens tetigi, ut eruditis contentus auribus, non magnopere cures, quid imperitorum de ingenio tuo rumusculi jaçtent, sed Prophetarum quotidie medullas bibas. Christi mystes, Patriarcharum symmystes. Sive legas, sive scribas, sive vigiles, sive dormias, Amos tibi semper buccina in auribus sonet. Hic lituus excitet animam tuam, hoc amore furibundus, quære in lectulo tuo, quem desiderat anima tua, & loquere confidenter: Ego dormio, & cor meum vigilat. Cūmque inveneris eum, & tenueris, nè dimittas. Et, si paucillum dormitanti elapsus fuerit è manibus, noli protinus desperare; egredere in plateas, adjura filias Hierusalem, reperies cum cubantem in meridie, lafium, ebrium, noctis rore mafactum, inter greges fœdarium, in aromatum varietatibus, inter poma Paradisi. Ibi ei da mammillas tuas, sugat de crudito pectore, requiescat inter medios clerros, penæ columbæ deargentatæ, & interiora ejus in fulgore auri. Parvulus ille, & puer, qui butyro, & mielle saginatur, qui inter caseatos nutritus est montes, citò crescit in juvenem, velociter in te hostes spoliat, maturè prædatur Damascum, & Regem vincit Assyrium. Audio, te Xenodochium in portu fecisse Romano, & virgam de arbore Abraham

in Ausonio plantasse littore. Quasi Æneas
nova castra metaris, & super undam Tibe-
ris, ubi illi, cogente quondam penuria,
crustis fatalibus, & quadris patulis non
pepercit, tu viculum nostrum, id est, do-
mum panis edificas, & diuturnam famem
repentina saturitate compensas. Euge, nos-
tra initia transgrederis, statum summum
tenes, de radice pervenis ad cacumen: pri-
mus inter Monachos, in prima urbe pri-
mum sequeris Patriarcham. Loth, qui in-
terpretatur, declinans, campestria eligat,
& juxta Pithagoræ literam, facilia magis,
ac sinistra segetur. Tu in arduis, & saxo-
sis cum Sara tibi monumentum para. Juxta
sit civitas literarum: deletisque giganti-
bus, filiis Enachin, hereditatem tuam gau-
dium, & risus excipiat. Dives erat Abra-
ham auro, argento, pecore, possessione,
vestibus: tantam habebat familiam, ut ad
subitos nuncios, juvenibus electis, arma-
re posset exercitum, & quatuor Reges,
quos quinque Reges fugerant, in Dan
consequutus, occideret: & tamen post
tam crebra hospitalitatis officia, dum non
refutat homines, suscipere meruit Deum.
Non servis, & ancillis imperabat, ut mi-
nistrarent hospitibus, nec bonum, quod
exercebat, per alios minuit, sed quasi re-
pertâ prædâ, cum Sara sua humanitati so-
lus incubuit. Ipse pedes lavit, ipse pin-
guem vitulum portavit humeris de armen-
to. Stetit ut servus, peregrinis prandentibus,
& Saræ manibus coctos cibos jejunaturus

apposuit. Hæc moneo, frater charissime, pietate, qua te diligo, ut non solum pecuniam, sed te ipsum Christo offeras hostiam vivam, sanctam, placentem Deo, rationabile obsequium tuum: & imiteris Filium hominis, qui non venit ministrari, sed ministrare. Et quod Patriarcha alienis, hoc discipulis, & servis Magister exhibuit, & Dominus. Corium pro corio, & omnia, quæ homo possidet, dare potest pro anima sua. Sed tænge (inquit Diabolus) carnes ejus, nisi in faciem benedixerit tibi. Scit hostis antiquus, majus continentia, quam nummorum esse certamen. Facile abjicitur, quod hæret extrinsecus: intestinum bellum periculosius est. Coniuncta disglutinamus, unita dissuimus. Zachæus dives erat, Apostoli pauperes. Reddidit ille quadruplum, quod rapuerat; divisitque pauperibus medietatem substantiæ suæ, quæ remanserat: suscepit Christum hospitem, salus facta est domui ejus: & tamen, quia parvulus erat, & Apostolicæ proceritati se non poterat extendere, non fuit in duodecim numero Apostolorum. Apostoli autem quantum ad divitias nihil, quantum ad voluntatem, totum Mundum pariter reliquerunt. Si offeramus Christo opes cum anima nostra, libenter suscipiet. Si autem, quæ foris sunt, Deo, quæ intus sunt, Diabolo damus, non est æqua partitio, & dicitur nobis: Nonne si rectè offeras, & non rectè dividas, peccasti? Quod Patrii generis primus inter primos Monachus esse

cōpisti, non tibi sit tumoris; sed humili-
tatis occasio, scienti Filium Dei factum fi-
lium hominis. Quantumcumque te dejec-
ris, humilior Christo non eris. Estò ince-
das nudis pedibus, fulcâ tunicâ vestiaris,
æquēris pauperibus, inopum cellulas dig-
nanter introcas: cæcorum oculus sis, manus
debilium, pes claudorum, ipse aquam por-
tes, ligna concidas, focum extruas: Ubi
vincula? Ubi alapæ? Ubi sputa? Ubi fla-
gella? Ubi patibulum? Ubi mors? Et,
cùm omnia, quæ dixi, feceris, ab Eusto-
chio tua, Paulaque vinceris, si non opere,
certè sexu. Ego quidem Romæ non eram,
& tunc me tenebat eremus, atque utinam
pertenuisset, quando, focero tuo vivente
Toxotio, sæculo serviebam. Sed tamen au-
dio, quæ immundicias platearum ferre non
poterant, quæ Eunuchorum manibus por-
tabantur, & inæquale solum molestiūs
transcendebant, quibus, serica vestis oneri
erat, & Solis calor incendium, nunc folidida-
tæ, & lugubres, & sui comparatione forticu-
læ, vel lucernas concinnant, vel succendunt
focum, pavimenta verrunt, mundant le-
gumina, olerum fasciculos in ferventem
ollam dejiciunt, apponunt mensas, calices
porrigunt, effundunt cibos, hoc, illucque
discurrunt. Et certè magnus Virginum cho-
rus cum illis habitat. Num hujuscemodi
ministeria aliis imperare non poterant? Sed
nolunt vinci ab his labore corporum, quas
ipse superant virtute animi. Hæc dico, non
quod de ardore mentis tuæ quidquam
dubi-

dubitem ; sed quo currentem impellam , &
acriter dimicanti fervorem augeam. Nos in
ista Provincia ædificato Monasterio , & di-
versorio proptèr extructo , nè fortè & modò
JOSEPH cum MARIA in Bethlehem ve-
niens , non inveniat hospitium , tantis de-
toto Orbe confluentibus turbis obruimur
Monachorum , ut nec cœptum opus dese-
rere , nec supra vires ferre valeamus. Unde ,
quia penè nobis illud de Euangelio conti-
git , ut futuræ turris non antè computare-
mus expensas , compulsi sumus , fratrem Pau-
lianum ad patriam mittere , ut semirutas
villulas , quæ barbarorum effugesant ma-
nus , & Parentū communium census ven-
deret , nè cœptum sanctorum ministerium
deserentes , risum maledicis , & æmulis pre-
beamus. In calce epistolæ recordatus sum
quadrigæ vestræ , & proposito quintam de-
esse Blæfillam : penè oblitus de ea loqui ,
quæ prima de vobis præcesserit ad Domi-
num. Verè nunc quinque in tres , ac duæ
videmus esse divisas : illa cum sorore

Paulina dulci somno fruitur; tu
duarum medius ad Chrif-
tum leviùs sub-
volabis.

HIERONYMUS

*Ad Theodoram. Epithaphium Lucini*is*
Bætici.*

Argumentum Epistolæ.

*Theodoram Hispanam viduam consolatur de
morte Lucinii Bætici mariti; sed quem
fratris habuerit loco.*

Lugubri nuntio confernatus super san-
cti, & venerabilis mihi dormitione
Lucinii, vix brevem Epistolam dictare po-
tui. Non quod ejus vicem doleam, quem
scio ad meliora transisse, dicente Moyle:
Transiens video visionem hanc magnam;
sed quod torquear desiderio, non meruisse
me ejus viri videre faciem, quem in brevi
tempore hoc venturum esse credebam. Ve-
rum est illud super necessitate mortis Pro-
phetale vaticinium, quod fratres dividat,
& charissima inter se nomina crudelis, &
dura dissociet. Sed habemus consolatio-
nem, quia Domini voce jugulatur, per
quem ad eam dicitur: Ero mors tua, o
mors, ero morsus tuus, inferne. Et in
consequentibus: Adducet urentem ven-
tum Dominus de deserto descendenter,
qui siccabit omnes venas ejus, & desolabit
fontem illius: exivit enim virga de radice
Jesè, & flos de virginali frutice pullulavit.
Qui loquitur in Cantico Canticorum: Ego
flos

flos campi , & lily convallium , Flos noster mortis interitus : ideoque , & mortuus est , ut mors illius morte moreretur . Quod autem de deserto dicitur adducendus , Virginalis uterus demonstratur , qui absque coitu , & semine viri Deum nobis fudit infantem : qui calore Spiritus Sancti exsiccaret fontes libidinum , & caneret in Psalmo : In terra deserta , & invia , & inaqua , sic in sancto apparui tibi . Adversum ergo mortis duritiam , & crudelissimam necessitatem hoc solatio erigimur , quod brevi visuri sumus eos , quos dolemus absentes . Neque enim mors , sed dormitio , & somnus appellatur . Unde & Beatus Apostolus vetat de dormientibus contristari ; ut , quos dormire novimus , suscitari posse credamus , & post digestum soporem vigilare cum Sanctis , & cum Angelis dicere : Gloria in excelsis Deo , & in terra pax hominibus bonae voluntatis . In Cœlo , ubi non est peccatum , gloria est , & perpetua laus , & indefessa præconia . In terra autem , ubi seditio , bella , atque discordiae , pax imprecanda est , & pax non in omnibus , sed in his , qui bonæ voluntatis sunt , & salutationem audiunt Apostolicam : Gratia vobis , & pax à Deo Patre , & Domino nostro Jesu-Christo multiplicetur : ut in pace sit locus ejus , & habitatio ejus in Sion , id est , in specula sublimitate dogmatum , atque virtutum in anima creditis : cuius quotidie Angelus videt faciem Dei , & revelato vult .

gloriam Dei contemplatur. Unde obsecro te , & currentem (ut ajunt) impello , ut Lucinium tuum desideres quidem ut fratrem , sed gaudeas regnare cum Christo , quia raptus est , nè malitia immutaret mentem ejus : placita enim erat Deo anima illius , & in brevi spatio tempora multa complevit. Nos dolendi magis , qui quotidie stamus in prælio , peccatorum vitiis sordidamur , accipimus vulnera , & de otioso verbo reddituri sumus rationem. Ille jam securus , & victor te aspicit de excelso , & favet laboranti , & juxta se locum præparat ; eodem amore , & eadem charitate , qua oblitus officii conjugalis , in terra quoque fororem te habere cœperat ; imò tu illum fratrem : quia casta conjunctio sexum non habet nuptialem. Etsi adhac in carne positi , & renati in Christo , non sumus Græcus , & Barbarus , servus , & liber , masculus , & fœmina ; sed omnes in eo unum sumus : quanto magis cum corruptivum hoc induerit incorruptionem , & mortale hoc induerit immortalitatem , non nubent , neque nubentur , sed erunt sicut Angeli in Cœlis ? Quando dicit : Non nubent , neque nubentur , sed erunt sicut Angeli in Cœlis , non natura , & substantia corporum tollitur , sed gloriæ magnitudo monstratur. Neque enim scripsit est : Erunt Angeli , sed sicut Angeli : ubi situdo promittitur , veritas denegatur. Erunt (inquit) sicut Angeli Dei , id est , similis Angelorum : ergo homines esse non desinent.

uent. Incliti quidem, & Angelico splendore decorati, sed tamen homines, ut Apostolus, Apostolus sit ; & Maria, Maria: & confundatur hæresis, quæ ideo incerta, & magna promittit, ut quæ certa, & moderata sunt, auferat. Et quia hærefoes semel fecimus mentionem, qua Lucinius noster dignè eloquentiæ tuba prædicari potest, qui spurcissima per Hispanias Basilidis hæresi sæviente, & instar pestis, & morbi totas inter Pyrenæum, & Oceanum vastante Provincias, Fidei Ecclesiasticæ tenuit puritatem, ne quāquam suscipiens Armagil, Barbelon, Abraxas, Bellsamum, & ridiculum Leufiboram; ceteraque magis portenta, quām nomina, quæ ad imperitorum, & muliercularum animos concitandos, quasi de Hebraicis fontibus hauriunt, barbaro simplices quoque terrentes sono, ut, quod non intelligunt, plūs misentur. Refert Irenæus, vir Apostolicorum temporum, & Papiæ auditoris Euangelistæ Joannis Discipulus, Episcopus Ecclesiæ Lugdunensis, quod Marcus quidam de Basilidis gnosti ci stirpe descendens, primùm ad Gallias venerit, & eas partes, per quas Rhodanus, & Gaiumna fluunt, suâ doctrinâ maculaverit: maximèque nobiles fœminas, quædam in occulto mysteria repromittens, hoc errore feduxerit, magicis artibus, & secreta corporum voluptate, amorem sui concilians. Inde Pyrenæum transiens. Hispanias occuparit: & hoc studii habuerit, ut divitium domos, & in ipsis fœminas maximè

appeteret, quæ ducuntur variis desideriis, semper discentes, & nunquam ad scientiam veritatis pervenientes. Hoc ille scripsit ante annos circiter trecentos. Et scripsit in iis libris, quos adversus omnes hereses doctissimo, & eloquentissimo sermone composuit: Ex quo perpendat prudenter tua, qua Lucinius noster laude sit dignus, qui clausit aurem, ne audiret judicium sanguinis, & omnem substantiam suam dispersit, & dedit pauperibus, ut justitia ejus maneret in æternum. Nec patriæ suæ largitate contentus, misit Jerosolymorum, & Alexandrinæ Ecclesiæ tantum auri, quanto multorum possit inopiae subveniri. Quod cum multi mirentur, & prædicent, ego in illo magis laudabo fervorem, & studium Scripturarum. Quo ille desiderio opuscula nostra flagitavit, & missis sex noctariis (quia in hac Provincia Latini sermonis, scriptorumque, penuria est) descripsit fecit quæcumque ab adolescentia usque in præsens tempus dictavimus! Non nos honoravit, qui parvuli, & minimi Christianorum omnium sumus, & ob conscientiam peccatorum Bethleemitici ruris faxa incolimus: sed Christum, qui honoratur in servis suis, & Apostolis repromittit, dicens: Qui vos recipiunt, me recipiunt, & qui me recipiunt, recipiunt eum, qui me misit. Itaque, charissima filia, hanc epistolam amoris mei in illum habeto epitaphium: & quidquid posse me scieris in opere spirituali, audacter impera:

ut sciant sæcula pòst futura, cum, qui dicit in Isaia: Posuit me ut sagittam elec tam, in pharetra sua abscondit me, duos viros, tantis Maris, atque terrarum inter se spatiis separatos, suo acumine vulnerasse; ut, cùm mutuò in carne se nesciant, amore spiritus copulentur. *Subscriptio*: Sanctam te corpore, & spiritu servet ille Samarites, id est, servator, & custos, de quo in Psalmo scribitur: Non dormitabit, ne que dormiet, qui custodit Israël: ut Hir, qui interpretatur vigil, qui descendit ad Danielem, ad te quòque veniat, & possis dicere: Ego dormio, & cor meum vigilat.

HIERONYMUS

Ad Lucinium.

Argumentum Epistolæ.

Hic Lucinius, natione Bæticus, destinarat adire Bethlehem, & opibus suis juverat Hieronymi gregem: sanctum illius propositum collaudat, hortans. ut perget, quò cœpit, ad perfectam virtutem, & respondeat ad quædam, de quibus scripserat Lucinius.

Nec opinanti mihi, subitò literæ tuæ redditæ sunt, quæ quantò insperatae, tantò gaudiorum plenæ quiescentem animam suscitarunt, ut statim amore com-

completerer, quem oculis ignorabant, & illud mecum tacitus missitare: Quis dabit mihi pennas sicut columbae, & volabo, & requiescam, ut inveniam, quem diligit anima mea? Verè nunc in te sermo Dominicus completus est: Multi ab Oriente, & Occidente, venient, & recumbent in sinu Abrahæ. Cornelius Centurio cohortis Italicæ, jam tunc Lucinii mei prefigurabat fidem. Apostolus Paulus scribens ad Romanos: Cùm (inquit) in Hispaniam proficiisci cœpero, spero, quòd præteriens videam vos, & à vobis deducar illuc: tantis fluctibus approbavit, quid de illa Provincia quæreret. In brevi tempore ab Ierosolymis usque ad Illyricum Euangelii jaciens fundamenta, Romam vincitus ingreditur, ut vincos superstitionis erroribus liberos faciat. Manet in hospitio conducto per biennium, ut nobis utriusque instrumenti æternam reddat domum. Piscator hominum, misso rete Apostolico, te quoque quasi pulcherrimum Auratam. inter innumera piscium genera traxit ad littus. Reliquisti amaros fluctus, falsos gurgites, scisuras montium, & Leviathan regnante in aquis, cum Jesu deserta expetens, contempsti, ut possis illud Propheticum canere: In terra deserta, & invia, & inaquosa, sic in sancto apparui tibi. Et iterum: Ecce elongavi fugiens, & mansi in solitudine. Expestatbam eum, qui salvum me fecit à pusilla punitate spiritus, & tempestate. Obscoero ergo

ergo te, & moneo Parentis affectu, ut,
 qui Sodomam reliquisti, ad montana fes-
 tinans, post tergum nè respicias, nè ara-
 tri stivam, nè simbriam Salvatoris, nè cin-
 cinnos ejus noctis rore madefactos, quos
 semel tenere cœpisti, aliquando dimittas:
 nè de tecto virtutum, pristina quæsiturus
 vestimenta, descendas: nè de agro reverta-
 ris domum: nè campestria cum Loth, &
 amœna hortorum diligas: quæ non irri-
 gantur de Cœlo, ut terra sancta; sed de
 turbido fiumine Jordanis, postquam dul-
 ces aquas Maris mortui commixtione mu-
 tavit. Cœpisse multorum est, ad culmen
 pervenisse paucorum. Qui in stadio cur-
 runt, omnes quidem currunt, sed unus
 accipit bravium. At contrà de nobis dici-
 tur: Sic currite ut apprehendatis. Non est
 invidus Agnotheta noster, nec alterius pal-
 ma alteri parat ignominiam: omnes athle-
 tas suos desiderat coronari. Gaudet anima
 mea, & magnitudine lætitiae rem mœroris
 patior. Ruth in lachrymas verba prorum-
 punt. Zachæus publicanus ad unius horæ
 conversionem, hospitem habere meruit Sal-
 vatorem. Martha, & Maria convivio præ-
 parato Dñum, suscepere. Meretrix lavat fle-
 tibus pedes, & unguentis bonorum operum
 Dominici corporis dedicat sepulturam. Si-
 mon leprosus invitat Magistrum cum dis-
 cipulis, & non contemnitur. Abrahæ di-
 citur: Fgredere de terra tua, & de cogna-
 tione tua, & domo Patris tui, & vade in
 terram, quam monstravero tibi. Relinquit

Caldæam, relinquit Mesopotamiam: quærit, quod nescit, nè perdat, quod invenerat. Non enim arbitratus est, simul se habere posse & patriam, & Dominum: sed jam tunc illud Prophetæ David opere complebat: Advena ego sum apud te, & peregrinus, sicut omnes Patres mei. Hebræus, id est, perotes, atque transitor, dum non est præsenti virtute contentus, sed præteriorum obliviscens, in futurum se extendet, & scit illud: Ibunt de virtute in virtutem; mysticum fortitus est nomen, & viam tibi aperuit, quomodo non quæras ea, quæ tua sunt, sed quæ aliena: & illos putas Parentes, fratres, affines, atque cognatos, qui tibi in Christo copulati sunt. Mater (inquit) mea, & fratres mei sunt hi, qui faciunt voluntatem Patris mei. Habest tecum, priùs in carne, nunc in spiritu sociam, de conjuge germanam, de fœmina virum, de subiecta parem, quæ sub eodem jugo ad Cœlestia simul Regna festinat. Cauta rei familiaris dispensatio, & ad calculos rediens, non citò deponitur. Joseph cum tunica Ægyptiam effugere non potuit. Adolescens ille, qui operitus sindone sequebatur Jesum, quia tentus fuerat à ministris, terrenum abjiciens experimentum, nudus evasit. Elias igneo curru raptus ad Cœlum, (a) melotem reliquit in terris. Eliseus boves, & juga prioris operis verit in vota. Loquitur sapientissimus vir: Qui tangit picem, inquinabitur

ab

(a) Pellem ovinam.

ab ea. Quandiu versamur in rebus sœculi,
& anima nostra possessionum, ac reddituum^r procura^tione devincta est, de Deo li-
berè cogitare non possumus. Quæ enim
participatio justitiae cum iniquitate? Aut
quæ societas lucis ad tenebras? Qui con-
sensus Christi ad Belial? Quæ pars fidelis
cum infideli? Non potestis (inquit Do-
minus) Deo servire, & mammonæ. Au-
rum deponere incipientium est, non per-
fectorum. Fecit hoc Cratres Thebanus, fe-
cit Antisthenes. Se ipsum offerre Deo, pro-
priè Christianorum est, & Apostolorum,
qui duo cum vidua paupertatis suæ in Ga-
zophylacium æra mittentes, totum cen-
sum, quem habuerunt, Domino tradide-
runt, & merentur audire: Sedebitis su-
per duodecim solia, judicantes duodecim
tribus Israël. Hęc & ipse intelligis, quo
animo replicem, & quo sub aliis verbis
te ad Sanctorum locorum invitē habi-
taculum. Abundantia tua multorum ino-
piam sustentavit, ut & horum divitiæ in
tuam indigentiam redundarent. Fecisti ti-
bi amicos de iniquo mammona, qui te
reciperent in æterna tabernacula. Laudan-
da res, & Apostolicorum temporum virtu-
tibus coequanda; quando venditis posse-
sionibus suis, credentes afferebant pecu-
nias, atque fundebant ante pedes Apos-
tolorum, ostendentes, avaritiam esse cal-
candam. Sed Dominus magis querit ani-
mas creditum, quam opes. Legimus: Re-
demptio animæ viri, propriæ divitiæ.

Posse-

Possimus quidem divitias proprias intelligere , quæ non de alieno , non de rapinis sunt , juxta illud : Honora Deum de tuis justis laboribus . Sed melior est intelligentia , ut divitias proprias cognoscamus thesauros absconditos , quos nec fur possit suffodere , nec latro violentus eripere . Opuscula mea , quæ non sui merito , sed tua bonitate desiderare te dicis , ad describendum hominibus tuis dedi , & descripta vidi in chartaceis codicibus , ac frequenter monui , ut conferrent diligentius , & emendarent : ego enim tanta volumina præ frequentia commeantum , & peregrinorum turbis , relegere non potui : & ut ipsi probavere præsentes , longo tentus incommodo: vix diebus Quadragesimæ , quibus ipsi proficisciabantur , respirare cœpi . Unde si paragrammata repereris , vel minus aliqua descripta sunt , quæ sensum legentis impedian , non mihi debes imputare , sed tuis , & imperitiæ notariorum , librariorumque incuriæ ; qui scribunt , non quod inventiunt , sed quod intelligunt ; & dum alienos errores emandare nituntur , ostendunt suos . Porrò Josephi libros , & sanctorum Papia , & Polycarpi volumina falsus ad te rumor pertulit , à me esse translata : quia nec otii mei , nec virium est , tantas res eadem in alteram Lingua exprimere venustate . Origenis , & sancti Dydimi pauca transtulimus , volentes nostris ex parte ostendere , quid Græca doctrina retineret . Canonem Hebraicæ veritatis , excepto Oœtateucho , quem nunc in manibus

bus habeo, pueris tuis, & notariis dedi describendum. Septuaginta Interpretum editionem, & te habere non dubito, & ante annos plurimos diligentissimè emendatam, studiosis tradidi: novum testamentum Græcæ reddidi auctoritati. Ut enim veterum librorum fides de Hebræis voluminibus examinanda est, ita novorum Græci sermonis normam desiderat. De Sabbatho quod quæris, utrum jejunandum sit; & de Eucharistia, an accipienda quotidie, quod Romanæ Ecclesiæ, & Hispaniæ observare perhibentur; scripsit quidem & Hippolytus vir disertissimus, & carptim diversi Scriptores è variis Auctòribus edidere. Sed ego illud te breviter admonendum puto, traditiones Ecclesiasticas (præsertim quæ fidei non officiant) ita observandas, ut à majoribus traditæ sunt: nec aliorum consuetudinem aliorum contrario more subverti. Atque utinam omni tempore jejunare possimus: quod in aëtibus Apostolorum diebus Pentecostes, & die Dominico Apostolum Paulum, & cum eo credentes fecisse legimus: nec tamen Manichæi hæreseos accusandi sunt, cùm carnalis cibus præferri non debuerit spirituali. Eucharistiam quoque absque condemnatione nostri, & pungente conscientia, semper accipere, & Psalmistam audire dicentem: Gustate, & videte, quoniam suavis est Dominus; & cum eo canere: Eruavit cor meum verbum bonum. Nec hoc dico, quod Dominicis diebus jejunandum putem,

& contextas quinquaginta diebus ferias auferam: sed unaquaque Provincia abundet in sensu suo, & præcepta majorum, leges Apostolicas arbitretur. Duo pallio-
la, & amphimallum de tuis usibus, vel utenda, vel sanctis danda suscepi. Ego insignia paupertatis, & quotidianæ sym-
bola pœnitentiæ, tibi, & forori tuæ
misi, quatuor ciliciola apta proposito,
& usibus vestris, & codicem, hoc est,
visiones Isaiæ obscurissimas, quas nu-
per historica explanatione differui, ut
quotiescumque mea opuscula videris,
toties amici dulcissimi recordatus, na-
vigationem, quam parumper distuleras,
pares. Et quia non est in homine via ejus,
& à Domino gressus hominis dirigun-
tur, si fortè (quod procul absit) ali-
quid fuerit impedimenti, quæso, ut
quos charitas jungit, terrarum longi-
tudo non separet, & absentem Luci-
nium nostrum, semper præsentem litera-
rum vicissitudine sentiamus.

HIERONYMUS

Ad Theophilum.

Argumentum Epistolæ.

Excusat se Theophilo Papæ Alexandrino, quod librum illius Paschalem, eruditum pariter, & eloquentem, seriùs verterit, impeditus partim obitu Paulæ, partim suo morbo.

EX eo tempore, quo Beatitudinis tuæ accepi epistolas, juncto Paschali libro; usque in præsentem diem, ita & mœrore luc,

Iustus, & solicitudine, ac diversis super statu Ecclesiæ hinc, inde rumoribus exagatus sum, ut vix volumen tuum potuerim in Latinum sermonem vertere: optimè enim nōsti, juxta veterem sententiam, non esse tristem eloquentiam, maximè si ad ægritudinem animi accedit corporis ægritudo. Et hanc ipsam epistolam febre æstuans, & quintum jam diem decumbens lectulo, nūnia festinatione dictavi, breviter indicans Beatitudini tuę, magnum me laborem sustinuisse in translatione ejus, ut omnes sententias pari venustate transferrem, & Græcæ eloquentiæ Latinum aliqua ex parte responderet eloquium. In principio philosopharis, & generaliter agens, dum omnes erudis, unum jugulas: in reliquis autem, quod vel difficillimum est, Rheticæ eloquentię jungis Philosophos, & Demosthenem, atque Platonem nobis confocias. O quanta dicuntur in luxuriam: quantis præconiis extollitur continentia: & de intimis sapientiæ disciplinis, diei, ac noctis, Lunæ cursus, ac Solis ratio, & Mundi istius natura describitur! Et hanc ipsam disputationem ad Scripturarum refers autoritatem, nè in Paschali libro videaris de sacerdotalibus quidquam fontibus mutuatus. Quid plura? In his laudare te vereor, nè assentandi crimen incurram. Optimus liber est & in Philosophis, & agens suscepit causam absq[ue] invidia personarum. Unde obsecro te, ignoscas tarditati meæ: ita enim sanctæ, & venerabilis Paulæ confessus sum dormitione,

tione, ut absque translatione hujus libri, usque impræsentiarum, nihil aliud Divini operis scripserim. Perdidimus enim, ut ipse nōsti, repente solatum, quod, ut conscientiæ nostræ testis est Dominus, non ad proprias ducimus necessitates; sed ad Sanc- torum refrigeria, quibus illa solicite ser- vicebat. Sancta, & venerabilis te, filia tua Eustochium, quæ nullam pro Matris ab- sentia recipit consolationem, te universa fraternitas suppliciter salutat. Libros, quos dudum scripsisse te nuntiasti, vel legendos nobis, vel vertendos transmitte. Vale in Christo.

HIERONYMUS

Ad Abigaum.

Argumentum Epistolæ:

Abigao Presbytero Hispano excusat se, quod non scripserit. Eundem consolatur, ne modestè ferat cæcitatem corporis, cum cernat animo. Hujus integritatem laudat.

QUANVIS mihi multorum sim conscius peccatorum, & quotidie in oratione flexis genibus loquar: Delicta juventutis meæ, & ignorantias meas nè mcmineris; tamen sciens, scriptum esse ab Apostolo: Nè inflatus superbiâ incidat in judicium Diaboli: Et in alio loco scriptum: Superbis Deus resistit; humilibus autem dat gratiam; nihil ita à pueritia conatus sum vita-

vitare, quām tumentem animum, & cera-
vicem erētam Dei contra se odium pro-
vocantem. Novi enim Magistrum, & Do-
minum, & Deum meum in carnis humi-
litate dixisse: Discite à me, quia mitis
sum, & humilis corde. Et antè per os
David cecinisse: memento, Domine, David,
& omnis mansuetudinis ejus. Et in alio
loco legimus: Ante gloriam humiliabitur
cor viri, & ante ruinam elevabitur. Itaque
obsecro te, nè me putas sumptis literis
tuis antè tacuisse, & aliorum, vel infide-
litatem, vel negligentiam in me referas.
Quid enim causæ erat, ut provocatus of-
ficio tacerem, & amicitias tuas meo silen-
tio repellerem, qui ultrò soleo honorum
appetere necessitudinem, & me eorum
jungere charitati? Quia meliores sunt
duo, quām unus: & si alter ceciderit, ab
altero fulcietur. Funiculus triplex non fa-
cile rumpitur, & frater fratrem adjuvans
exaltabitur. Scribe igitur audacter, & ab-
sentiam corporum crebro vince sermone.
Nec doleas, si hoc non habeas, quod for-
miculæ, & muscæ, & serpentes habent, id
est, carnis oculos; sed illum te oculum
habere, de quo in Cantico dicitur Canti-
corum: Vu'nerasti me, foror mea sponsa,
uno de oculis tuis, quo Deus videtur; de
quo à Moysè dicitur: Transiens videbo vi-
sionem hanc magnam. Denique quosdam
etiam Mundi Philosophos legimus, ut to-
tam cogitationē ad mentis cogerent purita-
tē, sibi oculos eruisse. Et à Prophetā dicitur:

Intravit mors per fenestras nostras. Et Apostoli audiunt: Qui viderit mulierem ad concupiscendam eam, & reliqua. Unde precipitur eis, ut levent oculos, & videant segetes candidas, quæ preparatae sunt ad metendum. Quod autem precaris, ut nostris monitis Nabuchodonosor, & Rapsaces, & Nabuzardam, & Holofernes in te occiduntur: nunquam nostra auxilia postulares, si in te viverent. Sed quia illi in te mortui sunt, & cum Zorobabel, & cum Jesu filio Josedech Sacerdote magno, cum Esdra quoque, & Neemia ruinas Jerusalem ædificare cœpisti, nec mittis mercedem in pertusum faculum; sed thesauros tibi in Cœlestibus paras; idcirco nostras appetis amicitias, quos Christi famulos arbitraris. Sanctam filiam meam Theodoram, sororem beatæ memoriae Lucinii, per se commendatam, meo sermone commendo, ut in cœpto itinere non lassetur, ut ad terram sanctam multo per erenum labore perveniat, ut non putet, perfectam esse virtutem exisse de Ægypto, sed per innumerabiles infidias ad montem Nabor, & ad Jordanem fluvium pervenire; ut accipiat secundam in Galgala circumcisionem, ut illi muri Jericho corruant, sacerdotium tubarum subversi clangoribus, ut juguletur Adonicedec, ut Hai, & Azor, pulcherrimæ quondam, corruant civitates. Fratres, qui nobiscum in Monasteriolo sunt, te salutant. Sanctos, qui nos diligere dignantur, per te oppidò salutamus.

HIERONYMUS

Ad Castrutium.

Argumentum Epistolæ.

Castrutium Pannonium consolatur de caciitate oculorum, docens, eam aliquoties à Deo propitio immitti.

Sanctus filius meus Heraclius Diaconus mihi retulit, quod cupiditate nostri Cissam usque venisse, & homo Pannonius, id est, terrenum animal non timueris Adriatici maris aestus, & Ægæi, atque Jonii subire discrimina: & nisi te pius fratum retinuissest affectus, voluntatem operare compleret. Habeo itaque gratias, & in acceptum refero: in amicis enim nou res queritur, sed voluntas: quia alterum ab inimicis sepè prebetur, alterum sola charitas tribuit. Simulque obsecro, ne imbecillitatem corporis, quam sustines, de peccato tibi existimes evenisse. Quod quidem & Apostoli suspicentes de eo, qui natus erat cæcus ex utero, interrogantesque Dominum Salvatorem: Iste peccavit, an Parentes ejus, ut cœcus nasceretur? Audiunt: Neque hic peccavit, nec Parentes ejus; sed ut manifestentur opera Dei in illo. Quantos enim cernimus Ethnicos, atque Judæos, Hereticos, atque diversorum dogmatum homines, volutari in cœno libidinum, madere

dere sanguine , feritate lupos , rapacitatem
milvos vincere : & nihilominus flagellum
non appropinquare tabernaculis eorum ,
nec eos cum hominibus verberari , & id
circo superbire contra Deum , & transire
usque ad Cœlum os eorum ? Cùm Sanc-
tos è contrariò viros, sciamus ægotationi-
bus, miseriis, & egestate torqueri, qui for-
sitan dicunt : Ergo frustrà sanctificavi ani-
mam meam, & lavi inter innocentes ma-
nus meas. Et statim se reprehendentes ,
ajunt : Si narravero sic , ecce nationem fi-
liorum tuorum reprobavi. Si cœcitatis cau-
sam putas esse peccatum , & id Dei infer-
re iram, quod crebrò Medici remediantur :
insimulabis Isaac , qui in tantum lucis is-
tius expers fuit , ut etiam cui nollet , erro-
re deceptus, benediceret. Referes crimen
in Jacob, cuius caligaverat acies : & cùm
interioribus oculis, & spiritu Prophetali
longè futura prospiceret , & Christum
cerneret de stirpe Regia esse venturum ,
Ephraim, & Manassem videre non poterat.
Quid inter Reges Josiâ sanctius ? Ægyptio
mucrone imperfectus est. Quid Petro ,
quid Paulo sublimius ? Heronianum glau-
dium cruentarunt. Et (ut de hominibus ta-
ceam) Dei Filius sustinuit ignominiam
Crucis : & tu putas beatos , qui fœlicitate
istius sæculi , & deliciis perfruuntur ?
Magna ira est , quando peccantibus non
irascitur Deus. Unde in Ezechiele ad Je-
rusalem : Jam (inquit) non irascar tibi ,
zelus meus recessit à te. Quem enim
dili-

diligit Dominus; corripit, & castigat omnem filium, quem recipit. Non erudit Pater, nisi quem amat: non corrigit Magister discipulum, nisi quem ardenter cernit ingenii. Medicus, si cessaverit curare, desperat. Quod si responderis: quomodo Lazarus recepit mala in vita sua: libenter nunc tormenta patiar, ut futura mihi gloria reservetur: non enim vindicavit Dominus bis in id ipsum. Job, vir sanctus, & immaculatus, & justus in generatione sua, cur tanta perpessus sit, ipsius volumine continetur. Et ne veteres replicando historias, longum faciam, & excedam mensuram epistolæ, brevem tibi fabulam referam, quæ infantiæ meæ temporibus accidit. Beatus Antonius, cum à sancto Athanasio Alexandriæ Episcopo, propter cōfutationem Hæreticorum in urbem Alexandrinam esset accitus, & issuet ad eum Dydimus, vir eruditissimus, captus oculis: inter ceteras sermocinationes, quas de Scripturis Sanctis habebant, cum ejus admiraretur ingenium, & acumen animi collaudaret, sciscitans ait: Num tristis es, quod oculis carnis cereas? Cum ille pudore reticeret, secundò, tertioque interrogans, tandem elicuit, ut mœrorem animi simpli citer fateretur. Cui Antonius: Miror, ait, prudentem virum ejus rei dolere damno, quam formicæ, & muscæ, & culices habent; & non luctari illius possessione, quam sancti soli, & Apostoli meruerunt. Ex quo per vides, quod multò melius sit spiritu videre,

quam

quàm carne , & illos oculos possidere , in quos peccati festuca non possit incidere. Nos, licet hoc anno non veneris; tamen non desperamus adventum tuum. Quòd si sanctus Diaconus portitor literarum , tuis amplexibus fuerit irretitus , & illo comitante huc veneris , libenter suscipiam dispensationis moram magnitudine fœnoris duplcatam.

HIERONYMUS

Ad Julianum.

Argumentum Epistolæ.

Julianus dives , & potens , intra paucos dies amisit duas filias, & uxorem. Mox incurvantibus barbaris, bonam possessionum partem perdidit. Hunc comparatione Job consolatur , & exemplo Pammachii , Paulinique abhortatur ad perfectam vitam , hoc est, absolutum Mundi contemptum, videlicet hoc vocante etiam ipsa fortuna.

Filius meus , frater tuus , Ausonius , in ipso jam profectionis articulo cùm mihi præsentiam suam tardè dedisset , & citò abstulisset , atque in punto temporis salve pariter , valeque dixisset , vacuum se redire arbitratus est , nisi mearum aliquid ad te nugarum tumultuario sermone portaret. Jam demisso synthemate , equus publicus sternebatur , & nobilem juvenem pulicæ

niceâ indutum tunicâ baltheus ambiebat: & tamen ille apposito notario cogebat loqui, quæ velociter edita velox consequetur manus: & linguæ celeritatem prenderent signa verborum. Itaque non scribentis diligentia, sed dictantis temeritate, longum ad te silentium rumpo, offerens tibi nudam officii voluntatem. Extemporalis est Epistola, absque ordine sensuum, sinè lenocinio, & compositione verborum: ut totum in illa amicum, nihil de Oratore reperias. In procinctu effusam putas, & abire cupienti ingestum viaticum. Divina Scriptura loquitur: Musica in luctu intempestiva narratio. Unde & nos leporem artis Rheticæ contemnentes, & puerilis, atque plausibilis eloquii venustatem, ad sanctorum Scripturarum gravitatem confugimns, ubi vera vulnerum medicina est, ubi dolorum certa remedia: in quibus recipit unicum filium Mater inferetro: ubi turba dicitur circunstanti: Non est mortua puella; sed dormit: ubi & quadruanus mortuus ad vocem inclamantis Domini ligatus egreditur. Audio, te in brevi tempore duas virgunculas filias junctis penè extulisse funeribus: & pudicissimam, ac fidissimam conjugem tuam Faustinam, imò fidei calore germanam, in qua sola post amissos liberos acquiescebas, subita tibi dormitione subtractam, quasi naufragus in littore latrones reperiatur, & juxta eloquia Prophetarum, fugiens ursum, incidat in leonem; extendensque manum

manum ad parietem, à colubro mordetur. Consequuta rei familiaris damna vastationem totius barbaro hoste Provinciæ, & in communi depopulatione privatas possessionum tuarum ruinas, abactos armentorum, ac pecorum greges, vincitos, occisosque servulos, & in unica filia, quam tibi tam crebræ orbitates fecerant chariorem, electum nobilissimum generum; ex quo, ut omnia taceam, plus mœroris, quam gaudii suscepisti. Hic est cathalogus temptationum tuarum: hæc cum Juliano Tyrunculo Christi pugna hostis antiqui. Quæ si ad te respicias, grandia sunt, si ad bellatorem fortissimum, ludus, & umbra certaminis. Beato Job, post malorum examina, uxor pessima reservata est, ut per eam disceret blasphemare. Tibi sublata est optima, ut miseriarii solatium perderes. Aliud est autem sustinere quam nolis, aliud desiderare quam diligas. Ille in tot mortibus filiorum, domus suæ ruinam, unum habuit sepulchrum, & scissis vestibus, ut Parentis monstraret affectum, procidens in terram adoravit, & dixit: Nudus exi vi de utero Matris meæ, nudus, & redeam. Dominus dedit, Dominus abstulit: sicut Domino placuit, ita factum est: sit nomen Domini benedictum. Tu, ut parcissimè dicam, inter multorum officia propinquorum, & consolantes amicos, tuorum exequias prosecutus es. Perdidit ille simul omnes divitias, & succedentibus sibi
malo-

malorum nuntiis, ad singulas plagas ferrebatur immobilis, complens in se illud de sapiente præconium: Si fractus illabatur orbis, impavidum ferient ruinæ. Tibi major pars derelicta substantiæ, ut tantum tenteris, quantuni ferre potes: nec dum enim ad eum pervenisti gradum, ut totis adversum te cuneis dimicetur. Dives quondam dominus, & ditior Pater, subitô orbus, & nudus est. Cùmque in omnibus his, quæ contigerant ei, non peccâisset coram Domino, nec quidquàm locutus esset insipiens; exultans Dominus in victoria famuli sui, & illius patientiam suum ducens triumphum; dixit ad Diabolum: Animadvertisisti famulum meum Job, quia non est quisquam ei similis super terram? Homo innocens, verus Dei cultor, abstinens se ab omni malo, & adhuc perseverans in innocentia: Pulchritè addidit: Et adhuc perseverans in innocentia: quia difficile est, pressam malis innocentiam non dolere, & in hoc ipso fidem non periclitari, quòd se videat iniuste sustinere, quod patitur. Ad quæ respondens Diabolus, Dño. ait: Corium pro corio, & omnia, quæ habuerit homo, dabit pro anima sua: sed extende manum tuam, & tange ossa, & carnes ejus, nisi in faciem benedixerit tibi. Callidissimus Adversarius, & inveteratus dierum malorum, novit alia esse, quæ extrinsecus sunt, & à Philosophis quòque Mundi *Adiaphora*, hoc est, indifferentia, nominantur, in eorumque amissione, atq; contemptu perfectam non esse virtutem:

Illa,

illa, quæ intrinsecus, & desiderata cogant dolere perdentem. Unde audacter Dei renuit prædicationem, & dicit, nequaquam eum debere laudari, qui nihil de se, sed totum extra se dederit, qui pro corio suo coria obtulerit filiorum, & deposuerit marsupium, ut fruatur corporis sanitatem. Unde intelligat prudentia tua, usque ad hunc terminum pervenisse tentationes tuas & dedisse te corium pro corio, pellem propelle, omniaque, quæ debes, parum effidare pro anima tua, necdum autem extensam in te manum Dei, nec tactas carnes, nec ossa confracta: ad quorum dolorem difficile est, non ingemiscere, & in faciem Deo benedicere, pro eo quod est maledicere. Unde & Naboth in Regum libris dicitur benedixisse Deum, & Regem, & ideo circum lapidatur a populo. Sciens autem Dominus athletam suum, immo virum fortissimum, etiam in isto extremo, perfectoque certamine non posse superari: Ecce (inquit) tradid illum tibi, tantum animam illius custodi. Caro viri sancti datur in Diaboli potestatem, & animæ sanitas reservatur: nè, si illud percusisset, in quo sensus est, mentisque judicium, non esset culpa peccantis, sed ejus, qui statum mentis everterat. Laudent ergo te alii, & tuas contra Diabolum victorias panegyricis prosequantur: quod læto vultu mortes tuleris filiarum: quod in quadragesimo die dormitionis earum lugubrem vestem mutaveris, & dedicatio ossium Martyris candida tibi vestimenta reddi-

reddiderit; ut non sentires dolorem orbis tui, quem civitas universa sentiret, sed ad triumphum Martyris exultares: quod sanctissimam conjugem tuam, non quasi mortuam; sed quasi proficiscentem deduxeris. Ego te nequamquam adulatio decipiam, nec lubrica laude supplantabo, loquar illud potius, quod tibi audire conductum: Fili, accedens ad servitutem Dei, preparato animam tuam ad temptationem, & cum omnia feceris, dico: Servus iniustus sum: feci, quod facere debui: tulisti liberos, quos ipse dederas; recepisti ancillam, quam mihi ob breve solatium commodaveras: non contristor, quod receperisti; sed ago gratias, quod dedisti. Quondam dives adolescens omnia, quae in lege pracepta sunt, se impluisse jaetabat; ad quem Dominus in Euangelio: Unum (inquit) adhuc tibi deest: Si vis perfectus esse, vade, vende omnia, quae habes, & da pauperibus, & veni sequere me. Qui omnia se fecisse dicebat, in primo certamine divitias vincere non potest. Unde & difficilè intrant divites in Regna Cœlorum, quae expeditos, & alarum levitate subnixos habitatores desiderant. Vade (inquit) & vende, non partem substantiae; sed universa, que possides: & da, non amicis, non consanguineis, non propinquis, non uxori, non liberis. Plus aliquid addam: Nihil tibi ex omnibus metu inopiae reservans, ne cum Anania damneris, & Saphira: sed da cuncta pauperibus, & fac tibi amicos de iniquo

mammona, qui te recipiant in æterna tabernacula: ut me sequaris, ut Dominum Mundi possessionem habeas, ut possis canere cum Propheta: Pars mea Dominus: & ut verus Levita, nihil de terrena hæreditate possideas. Et hoc hortor: Si vis esse perfectus, si Apostolicæ dignitatis culmen cupis, si sublata Cruce Christum sequi, si apprehenso aratro non respicere post tergum, si in sublimi tecto positus, pristina vestimenta contemnis, & ut evadas Ægyptiam dominam, sæculi pallium derelinquis. Unde & Elias ad Cœlorum Regna festinans, non potest ire cum pallio, sed Mundo immundo vestimenta dimittit. Sed hoc, ait, Apostolicæ dignitatis est, & ejus, qui velit esse perfectus. Cur autem & tu nolis esse perfectus? Cur, qui in sæculo primus es, non in Christi familia primus sis? An, quia uxorem habueris? Habuit & Petrus: & tamen cum reti eam, & naviculam dereliquit. Providentissimus Dominus, & omnium salutem desiderans, malensque pœnitentiam peccatoris, quam mortem, abstulit etiam tibi hanc excusationem, ut non illa te retrahat ad terras, sed tu eam sequaris ad Paradisi Regna trahentem. Bona liberis pares, qui te ad Dominum præcesserunt: ut partes eorum non in divitias sorori proficiant, sed in redemptionem animæ tuæ, atque alimenta miserorum. Hæc monilia filiæ tuæ à te expetunt, his gemmis ornari capita sua volunt. Quod peritum erat in serico, vilibus pauperum tunicis reservetur.

Repetunt à te partes suas: junctæ sponsi
nolunt videri pauperes, & ignobiles: pro-
pria ornamenta desiderant. Nec est, quod
te excuses nobilitate, & divitiarum pen-
dere. Respice Sanctum virum Pamma-
chium, & ferventissimum fidei Paulinum
Presbyterum, qui non solum divitias; sed
se ipsos Dominū obtulerunt: qui contra
Diaboli tergiversationem, nequaque pell-
lem pro pelle, sed carnes, & ossa, &
anima suā Domino consecrarunt: quite &
exemplo, & eloquio, id est, & opere, &
lingua possunt ad majora perducere. No-
bilis es, & illi; sed in Christo nobiliores.
Dives, & honoratus, & illi: immo ex di-
tibus, & honoratis pauperes, & inglo-
rii, & idcirco ditiores, & magis incliti,
quia pro Christo pauperes, & inhonora-
ti. Et tu quidem benefacis, quod Sanctorum
diceris usibus ministrare, fovere Mo-
nachos, Ecclesiis offerre quamplurima.
Sed haec rudimenta sunt militia tue. Coa-
temnis aurum: contempserunt & multi
Philosophi: è quibus (*a*) unus, ut cæte-
ros fileam, multarum possessionum pre-
mium projecit in pelagus: Abite (dicens)
in profundum, malæ cupiditates: ego
vos mergam, nè ipse mergar à vobis.
Philosophus gloria animal, & popularis
auræ vile principium, totam simul
farcinam depositus, & tu te putas in
virtutum culmine constitutum, si partem
ex toto offeras? Te ipsum vult Dominus

hostiam vivam, placentem Deo; te inquam, non tua. Et ideo variis temptationibus commonet, quia multis plagis, & doloribus cruditur Israël: & quem diligit Dominus, corripit, flagellat autem omnem filium, quem recipit. Paupercula vidua duo ætra minuta misit in gazophilacium: & quia totum obtulit, quod habebat, omnes dicitur in oblatione munera Dei superæsse locupletes, que non pondere sui; sed offerentium voluntate pensatur. Ut multis erogaveris censum tuum, & quidem tua gaudeant liberalitate; tamen multò plures sunt, quibus nihil dedisti. Neque enim Darii opes, & Crœsi divitiæ valent explere pauperes Mundi. Quod si te ipsum Domino dederis, & Apostolica virtute perfectus, sequi cœperis Salvatorem, tunc intelliges, ubi fueris, & in exercitu Christi quam extremum tenueris locum. Non planxisti filias mortuas, & paternæ in genis lachrymæ Christi timore siccatae sunt. Quantò major Abraham, qui unicum filium voluntate jugulavit: & quem hæredem Mundi futurum audierat, non desperat etiam post mortem esse vicatum. Jephœ obtulit virginem filiam, & idcirco in enumeratione Sanctorum ab Apostolo ponitur: Nolo tantum ea offeras Domino, quæ potest fur rapere, hostis invadere, proscriptio tollere: quæ & accedere possunt, & recedere, & instar undarum, ac fluctuum, à succendentibus sibi dominis occupantur, atque, ut uno cuncta ser-

sermone comprehendam, quæ velis, nolis,
 in morte dimissurus es. Illud offer: quod
 tibi nullus hostis possit auferre, nullus
 eripere tyrannus: quod tecum perget ad
 inferos, imò ad Regna Cœlorum, & ad
 Paradisi delicias. Extruis Monasteria, &
 multus à te per insulas Dalmatiæ Sancto-
 rum numerus sustentatur: sed melius fa-
 ceres, si & ipse Sanctus inter Santos vive-
 res. Sancti estote, quoniam ego Sanctus
 sum, dicit Dominus. Apostoli gloriantur,
 quòd omnia dimiserint, & secuti sint Sal-
 vatorem; & certè præter retia, & navem,
 nihil legimus eos dimisisse; & tamen tes-
 timonio futuri Judicis coronantur, quia
 se offerentes, totum dimiserant, quod ha-
 bebant. Hæc loquor, non in fugillationem
 operum tuorum, vel quòd extenuem libe-
 ralitatem, & eleemosynas tuas: sed quòd
 te nolim inter sacerdotes esse Monachum,
 & inter Monachos sacerdotalem, totumque
 à te expetam, cuius audio mentem divi-
 no cultui deditam. Si huic consilio nostro,
 vel amicus, vel affæcta, vel propinquus
 renititur, & te ad delicias splendentis
 mensæ revocat; intelligito, eum non de
 tua anima, sed de suo ventre cogitare, &
 omnes opes, lautaque convivia subita
 morte finiri. Octo, & sex annorum, intra
 viginti dies, duas filias amisisti, & arbi-
 traris, senem diu posse vivere? Cujus æt-
 atas longa tendatur, audi & David: Dies vi-
 ta nostræ septuaginta anni: si autem am-
 plius, octoginta, & quidquid superest, labor,

& dolor est. Fœlix & omni dignus beatitudine, quem senectus Christo occupat servientem, quem extrema dies Salvatori invenerit militantem, qui non confundetur, cum loquetur inimicis suis in porta: cui in introitu Paradisi dicetur: Recepisti mala in vita tua; nunc autem hic lætare: nec enim ulciscetur bis Dominus in eadem re. Divitem purpuratum gehennæ flamma suscepit: Lazarus pauper, & ulceribus plenus, cujus carnes putridas lambebant canes, & vix de micis mensæ locupletis miserabilem sustentabat animam, in siue Abrahæ recipitur, & tanto Patriarcha parente lætatur. Difficile, immo impossibile est, ut & præsentibus quis, & futuris fruatur bonis: ut & hic ventrem, & ibi mentem impleat: ut de deliciis transseat ad delicias: ut in utroque sæculo primus sit: ut in Cœlo, & in terra apparcat gloriosus. Quod si tibi tacita cogitatio scrupulum moverit, cur monitor ipse non talis sim, qualem te esse desidero, & non nullos videris in medio itinere corruisse: illud breviter respondebo, non mea esse, quæ dico; sed Domini Salvatoris: non monere, quod ipse possum; sed quid debeat velle, qui servus futurus est Christi. Et athletæ suis incitatoribus fortiores sunt: & tamen monet debilior, ut pugnet ille, qui fortior est. Noli respicere Judam negantem; sed Paulum respice confitentem. Jacob ditissimi Patris filius, solus, & nudus in baculo pergit Mesopotamiam, jacet lassus in

itinere, & qui delicatissimè à Rebecca Matre fuerat educatus, lapide ad caput pro pulvillo utitur. Vedit scalam de terra usque ad Cœlum , & ascendentēs per eam Angelos, & descendentes, & desuper innitentem Dominum, ut lassis manū porrigeret , ut ascendentēs suo ad laborem provocaret appetu. Unde & vocatur locus iste Bethel, id est, domus Dei , in qua quotidie ascendit, atque descendit. Et Sancti enim corruunt, si fuerint negligentes : & peccatores pristinum recipiunt gradum, si sordes fletibus laverint. Hoc ideo dixi, ut non te terreant descendentes; sed provocent ascendentēs. Nunquam exemplum à malis sumitur: etiam in sæculi rebus semper à meliore parte incitamenta virtutum sunt. Oblitus propositi, & epistolaris brevitatis, plura dictere cupiebam: ad materiæ quippe dignitatem, & ad meritum personæ tuę, parum est omne, quod dicitur: & ecce tibi noster Aoustonius cœpit schedulas flagitare, urgere notarios, & hinnitu ferventis equi, ingeniali mei festinus arguere tarditatem. Memento igitur nostri, & cura, ut in Christo valeas: atque, ut cætera faceam, domesti-
ca Sanctæ (a) Veræ exempla seftare, quæ verè sequita Christum, peregrinationis mo-
lestias sustinet, & sit tibi tanti dux fœmina
facti. Tribuat tibi Christus, ut audias,
ut taceas, ut intelligas, & sic
loquaris. Amen.

HIERONYMUS

Ad Exuperantium, Hortatoria.

Argumentum Epistolæ.

Exuperantium adhortatur, ut relictâ militiâ Imperiali, conferat se ad perfectam Christiani vitam, unâque cum fratre suo Quintiliano Bethlehem migret.

Inter omnia, quæ mihi sancti fratris Quintiliani amicitiæ præstiterunt, hoc vel maximum est, quod te mihi ignotum corpore, mente sociavit. Quis enim non diligit eum, qui sub paludamento, & habitu militari agat opera Prophetarum, & exteriorem hominem, aliud promittentem, vincat interiori homine, qui formatus est ad imaginem Creatoris? Unde & prior ad officium provoco literarum, & precor, ut mihi occasionem tribuas sæpiùs rescribendi, quod de cætero scribam audaciùs. Illud autem prudentiæ tuæ breviter significâsse sufficiat, ut memineris Apostolicæ sententiæ: *Vinctus es uxori, nè queras solutionem: solutus es, nè queras uxorem, id est, alligationem, quæ solutioni contraria est.* Qui igitur servit officio conjugali, vinctus est: qui vinctus est, servus est. Qui autem solutus est, liber est. Cùm ergo Christi gaudeas libertate, & aliud agas, aliud repromittas, ac

pro-

propemodum in dogmate constitutus sis, non debes ad tollendam tunicam è te^{cto} descendere, nec respicere post tergum, nec aratri semel arrepti stivam dimittere: sed, si fieri potest, imitare Joseph, & Ægyptiæ dominæ pallium relinque, ut nudus sequaris Dominum Salvatorem, qui dicit in Euangeliō: Nisi quis dimiserit omnia, & tulerit Crucem suam, & secutus me fuerit, non potest meus esse discipulus. Projice sarcinam sœuli, nec quæras divitias, quæ camellorum pravitatibus comparantur. Nudus, & levis ad Cœlum evoia, nè alas virtutum tuarum auri deprimant pondera. Hęc autem dico, non quòd te avaram didicerim; sed quòd intelligam, idcirco adhuc te militiæ operam dare, ut impleas faccum, quem evacuare Dominus præcepit. Si igitur, qui habent possessiōnem, & divitias, jubentur omnia vendere, & dare pauperibus, & sic sequi Salvatorem: dignatio tua, aut dives est, & debet facere, quod præceptum est, aut adhuc tenuis, & non debet quærere, quod erogatura est. Certè Christus pro animi voluntate omnia in acceptum refert. Nemo Apostolis pauperior fuit, & nemo tantum pro Domino dereliquit. Vidua illa in Euangeliō paupercula, quæ duo minutæ misit in gazophilacium, cunctis præfertur divitibus, quia totuni, quod habuit, dedit. Et tu igitur eroganda non quæras, sed quæsita jam tribue, ut fortissimum tyrunculum suum Christus agnoscat, ut

Iætus tibi de longissima regione venienti
occurrat Pater, ut stolam tribuat, ut do-
net annulum, ut immolet pro te vitulum
faginatum: ut expeditum cum sancto fra-
tre Quintiliano ad nos citò faciat nava-
re. Pulsavi amicitarum fores: si aperue-
ris, nos crebro habebis hospites.

HIERONYMUS

Ad Castorinam materteram.

Argumentum Epistolæ.

Cum hac Castorina matertera apparet Div.
Hieronymo fuisse nescio quid dissidii. Hanc
rogat, ut tandem secum redeat in gra-
tiam.

Joannes, idem Apostolus, & Euangelista,
in epistola sua ait: Quicumque odit
fratrem suum, homicida est. Et rectè: cùm
enim homicidium ex odio sèpè nascatur,
quicumque odit, etiamsi necdum gladio
percusslerit; animo tamen homicida est. Cur
(ais) tale principium? Scilicet, ut vete-
ri rancore deposito, mundum pectoris Deo
paremus habitaculum. Irascimini (inquit
David) & nolite peccare. Hoc quid velit
intelligi, Apostolus pleniùs interpretatur:
Sol non occidat super iracundiam vestram.
Quid agemus nos in die judicii, super
quorum iram, non unius diei; sed tan-
torum annorum Sol testis occubuit? Do-
minus

minus loquitur in Euangelio: Si offlers
 munus tuum ad Altare, ibique recorda-
 tus fueris, quia frater tuus habet aliquid
 adversum te, relinque ibi munus tuum
 ante Altare, & vade reconciliari prius
 fratri tuo, & tunc veniens offeres munus
 tuum ad Altare. Væ mihi misero, nè di-
 cam & tibi, qui tanto tempore, aut non
 obtuli munus ad Altare, aut ira perma-
 nente, sine causa obtuli! Quomodo in
 quotidiana prece unquam diximus: Di-
 mitte nobis debita nostra, sicut & nos
 dimittimus debitoribus nostris, animo
 discrepante cum verbis, oratione dissi-
 dente cum factis? Precor itaque, quod
 & ante annum prioribus literis rogave-
 ram, ut pacem, quam nobis reliquit Do-
 minus, habeamus, & meum desiderium,
 & tuam mentem Christus intueatur. In
 brevi ante tribunal ejus reconciliata, seu
 scissa concordia, aut præmium recupera-
 bit, aut poenam. Quòd si tu (quod procul
 absit) nolueris, ego liber ero: epistola
 me hæc mea, cùm lecta fuerit,
 absolvet,



HIERONYMUS

Ad Julianum Diaconum.

Argumentum Epistolæ.

Hanc scripsit D. Hieronymus juvenis ex eremo, cùm primùm relicta patria, eò adiit, Heliodoro comite. Familiaris est epistola, & ex parte jocosa.

Antiquus sermo est: Mendaces faciunt, ut nec vera dicentibus credatur. Quod mihi, à te ego objurgatus de silentio literarum, accidisse video. Dicam: Sæpè scripsi, sed negligentia bajulorum fuit? Respondebis: Omnia non scribentium vetus ista excusatio est. Dicam: Non reperi, qui epistolas ferret? Dices: Hinc istuc esse quā plurimos. Contendam, me etiam his dedisse: At illi, quia non reddiderunt, negabunt; & erit inter absentes incerta cognitio. Quid igitur faciam? Si nè culpa veniam postulabo, rectius arbitrans pacem loco motum petere, quām æquo gradu certamina concitare: quām quam ita me jugis tam corporis ægrotatio, quām animæ ægritudo consumpsit, ut morte imminentे, nec mei penè mei oruerim. Quod nè falsum putas, oratorio more post argumenta testes vocabo. Sanctus frater Heliodorus hic adfuit, qui, cùm mecum eremum vellet incolere, meis sce-

sceleribus fugatus abscessit. Verum omnem culpam presens verbositas excusabit: nam ut ait Flaccus in Satyra: *Omnibus hoc vitium est cantoribus, inter amicos rogati ut nunquam cantent, injussi nunquam desistant.* Ita te deinceps fascibus obruam literarum, ut è contrario incipias rogare, nec scribam. Sororem meam, filiam in Christo tuam, gaudeo, te primum nuntiante, in eo permanere, quod cœperat. Hic enim, ubi nunc sum: non solum quid agatur in patria; sed an ipsa patria perstet, ignoro. Et licet me sinistro (a) Hibera excetta ore dilaniet, non timebo hominum judicium, habiturus judicem meum, juxta illud, quod quidam ait: Si fractus illabatur Orbis, impavidum ferient ruinæ. Quapropter quæso, ut Apostolici memor præcepti, quo docet, opus nostrum permanere debere, & tibi à Domino præmium in illius salute pares, & me de communi in Christo gloria crebris reddas sermonibus lætiorem.

(a) Significat obtrectatorem aliquem virulentum Hispanum.



HIERONYMUS

Ad Theodosium.

Argumentum Epistolæ.

*Adiens D. Hieronymus eremum, in Syria
solitudinibus incommodè vitam agens, nec
manere valens, ob vexationem regionis,
nec reverti, quod jam aggressus esset hoc
vita genus, ad Theodosium, & ceteros
Anachoretas hanc scribit, seipsumque in
eorum orationibus commendari petit.*

QUAM vellem nunc vestro interesse con-
ventui, & admirandum confortium
(licet isti oculi non mereantur aspi-
cere) tota cum exultatione complesti !
Spectarem desertum omni amoenius civi-
tate : viderem desolata ab accolis loca,
quasi ad quoddam Paradisi instar, Sanc-
torum cœtibus obsideri. Verum quia hoc
mea faciunt delicta, ne consortio bea-
torum inferatur obsessum omni criminis
caput, idcirco obsecro (quia vos impe-
trare posse non ambigo) ut me ex istius
tenebris sæculi vestro liberetis oratu. Et
ut antè dixeram præsens, & nunc per li-
teras votum indicare non cessio, quod
mens mea omni ad id studium cupidita-
te rapiatur. Nunc vestrum est, ut volunta-
tem sequatur effectus ; meum est, ut velim:
obsecrationum vestrarum est, ut quod ve-
lim, & possim. Ego ita sum, quasi à
cuncto

cuncto grege morbida aberrans ovis. Quod nisi me bonus Pastor ad sua stabula humeris impositum reportarit, lababunt gressus, & in ipso conamine vestigia concident aſurgentis. Ego sum ille prodigus filius, qui omni, quam mihi Pater crediderat, portione profusa, neandum me ad genitoris genua submisi, neendum cœpi prioris à me luxuriæ blandimenta depellere. Et quia paululum, non tam desivi à vitiis, quam cœpi velle desinere, nunc me novis Diabolus ligat retibus: nunc nova impedimenta proponens, maria undique circundat, & undique pontum: nunc in medio constitutus elemento, nec regredi valeo, nec progredi possum. Supereft, ut oratu vestro Sancti Spiritus aura me provehat, & ad portum optati littoris proſequatur.

HIERONYMUS

Ad Virgines Hermonenses.

Argumentum Epistolæ.

D. Hieronymus fuit humaniter exceptus à Virginibus quibusdam habitantibus in monte Hermon. His nunc gratias agit, quod ipsa sancta se peccatorem non contemperunt.

Chartę exiguitas indicium solitudinis est: & idcirco longum sermonem brevi spatio coarctavi, quia & vobiscum volebam pro-

prolixius loqui; & angustia schedulæ coge-
 bat tacere: nunc igitur ingenio est viæ
 pauperies: minutæ quidem literæ, sed con-
 fabulatio longa est. Et tamen in hoc neces-
 sitatis articulo animadvertisite charitatem,
 cum nec penuria scriptionis valuerit prohibe-
 re nè scriberem. Vos autem ignoscite ob-
 secro dolenti: dico enim Iæsus, dico la-
 chrymans, ne unum quidem apicem, toties
 vobis tribuent officium, præstitiss. Scio,
 quia nulla communio luci, & tenebris est,
 nulla cum ancillis Dei peccatori societas.
 Attamen & me etrix Domino pedes lachry-
 mis lavit, & de dominorum micis canes
 edunt, & ipse Salvator non venit justos
 vocare, sed peccatores: non enim egent
 sani medico, & magis vult pœniten-
 tiā peccatoris, quam mortem: & er-
 rantem oviculam suis humeris refert: &
 prodigum filium revertentem excipit læ-
 tus Pater. Quin potius Apostolus ait: No-
 lite judicare ante tempus: tu enim qui
 es, qui alienum servum judices? Suo
 Domino stat, aut cadit: & qui stat,
 videat nè cadat. Et: Invicem onera vestra
 portate. Aliter, sorores charissimæ, ho-
 minum livor, aliter Christus judicat. Non
 eadem est sententia tribunalis ejus, & an-
 guli susurrenum. Multæ hominibus viæ
 videntur justæ, quæ posteà reperientur pra-
 yæ. Et in testaceis vasculis thesaurus sæpè
 reconditur. Petrum ter negantem amaræ
 in saum locum restituere lachrymæ. Cui
 plus dimittitur, plus amat. De toto grege
 file.

Siletur, & ob unius morbidæ pecudis salutem Angeli lætantur in Cœlo. Quod si cui videtur indignum, audiat à Domino: Amice, si ego bonus sum, quare oculus tuus nequam est?

HIERONYMUS

Ad Ruffinum.

Argumentum Epistolæ.

Innocentio febri pereunte, & Heliodoro ab eremo in Patriam reverso, solius Evangelii, & Hila contubernio D. Hieronymus sublevatur: nam Bonosus ab ipso ad Monachi propositum inflammatus, in insula quadam horrida sanctam agebat vitam. Intelligens D. Hieronymus, Ruffinum suum studiorum sacrorum sodalem, in Ægyptum concessisse, illum ad se invitat, & de suo statu, atque Bonosi sodalis sui vita reddit certiorem.

PLus Deum tribuere, quam rogatur, & ea sèpè concedere, que nec oculus vidit, nec auris audivit, nec in cor hominis ascenderunt, licet ex sacrorum ministerio voluminum antè cognoverim; tamen in causa propria nunc probavi, Ruffine charissime. Ego enim, qui audaci fieri sat's voto credebam, si vicissitudine literarum imaginem nobis præsentia mentiremur, audio, te Ægypti secreta

penetrare, Monachorum invisere choros,
& Cœlestem in terris circumire familiam.
O si mihi nunc Dominus Jesus-Christus,
vel Philippi ad Eunuchum, vel Haba-
cuc ad Danielem translationem repente con-
cederet, quām ego nunc tua arctis strin-
gerem colla complexibus, quām illud os,
quod mecum, vel erravit aliquando, vel
sapuit, impressis figerem labiis! Verūm,
quia non tam te sic ad me venire, quām ad
te sic ire non mereor; & invalidum, etiam
cūm sanum est, corpusculum crebri fregē-
re morbi, has meis vicarias, & tibi obvias
mitto, quæ te copulâ amoris innexum, ad
me usque perducant. Prima inopinati gau-
dii ab Heliodoro fratre mihi est nuntiata
fælicitas: non credebam certum, quod cer-
tum esse cupiebam, præsentim cūm & ille
ab alio se audisse diceret, & rei novitas fi-
dem sermonis auferret. Rursum suspensam
voto nutante mentem, quidam Alexandri-
nus Monachus, qui ad Ægyptios Confes-
sores, & voluntate jam Martyres, pio ple-
bis jam dudum fuerat transmissus obse-
quio, manifestus ad credulitatem nuntiū
auctor impulerat. Fateor & in hoc meam
labâsse sententiam: nam cūm & patriam
tuam ignoraret, & nomen, in eo tamen
plūs videbatur afferre, quod eadem affe-
rebat, quæ jam aliis indicaverat. Tan-
dem plenum veritatis pondus erupit: Ruf-
finum enim Nitriæ esse, & ad beatum
perrexisse Macarium, crebra commenantum
multitudō referebat. Hic vero tota cre-
du-

dulitatis fræna laxavi, & tunc verè egrotum esse me dolui: & nisi me attenuati corporis vires quadam compede præpedissent, nec mediæ fervor æstatis, nec navigantibus semper incertum mare, pia cum festinatione gradienti valuisse obsistere. Credas mihi, frater, non sic tempestate jactatus portum nauta prospestat, non sic cœfidentia imbres arva desiderant, non sic curvo assidens littori anxia filium Mater expectat. Postquam me à tuo latere subitus turbo convulsi, postquam glutino charitatis hærentem impia distraxit avulsio, tunc mihi cœruleus supra caput astitit imber: tunc maria undique, & undique Cœlum. Tandem in incerto peregrinationis erranti, cùm me Thracia, Pontus, atque Bithynia, totumque Galatię, & Cappadocię iter, & servido Cilicum terra fregisset æstu; Syria mihi velut fidissimus naufrago portus occurrit: ubi ego quidquid mōrborum esse poterat, expertus, ex duobus oculis (*a*) unum perdidi: Innocentium enim, partem animæ meæ, repentinus febrinum ardor abstraxit. Nunc uno, & toto mihi lumine, Evagrio nostro fruor, cui ego semper infirmus ad laborum cumulum accessi. Erat nobiscum & Hyllas, sancti Melanii famulus, qui puritate morum maculam servitutis abluerat, & hic neandum obductam rescidit cicatricem. Verum quia de dormientibus contristari Apostoli voce prohibemur, &

(a) Charum amicum oculum vocab.

mimia vis mœroris læto superveniente
nuuntio temperata est: indicamus hæc ti-
bi, ut si nescis discas: si antè cognovis-
ti, pariter gaudeamus. Bonosus tuus,
imò meus, & ut verius dicam noster, sca-
lam præfagatam, Jacob somniente, jam
scandit, portat crucem suam, nec de cras-
tino cogitat, nec post tergum respicit: se-
minat in lachrymis, ut in gaudio metat:
& sacramento Moysi serpentem in eremo
suspendit. Cedant huic veritati tam Græ-
co, quām Romano stylo mendaciis ficta
miracula. Ecce puer honestis sæculi nobis-
cum artibus institutus, cui opes affatim,
dignitas apprimè inter cquals erat, con-
tempta Matre, sororibus, & charissimo
sibi germano, insulam pelago circumso-
nante naufragam, cui asperæ cautes, &
nuda saxa, & solitudo terrori est, quasi
quidam novus paradisi colonus incedit.
Nullus ibi agricolarum, nullus Monacho-
rum, ne parvulus quidem (quem nosti) One-
simus, quo velut fratre in osculo fruebatur,
in tanta vastitate adhæret lateri comes. So-
lus ibi, imò, jam Christo comitante, non
solus, videt gloriam Dei, quam etiam
Apostoli, nisi in deserto, non viderant. Non
quidem conspicit turritas urbes, sed in no-
væ civitatis censu dedit nomen suum. Hor-
rent sacco membra deformi: sed sic melius
obviam Christo rapietur in nubibus. Nulla
riparum amœnitate perfruitur: sed de la-
tere Domini aquam vitæ bibet. Propone
tibi ante oculos, amice dulcissime, & in

præsentiam rei totius animo, ac mente con-
veitere. Tunc poteris laudare victoriam,
eum laborem præstantis agnoveris. Totam
circa insulam fremit insanum Mare, & si-
nuosis montibus illisum scopulis æquor re-
clamat. Nullo terra germinæ viret, nullis
vernans campus densatur umbraculis: ab-
ruptæ rupes quasi quemdam horroris carce-
rem claudunt. Ille securus, intrepidus, &
totus de Apostolo armatus, nunc Deum
audit, dum divina relegit: nunc cum Deo
loquitur, cum Dominum roget: & fortas-
se ad exemplum Joannis aliquid videt, dum
in insula commoratur. Quas nunc diabo-
lum nectere credis tricas? Quas parare ar-
bitraris insidias? Forsitan antiquæ fraudis
memor, famem suadere tentabit: sed jam
illi responsum est: Non in solo pane vivit
homo. Opes forsitan, gloriamque propo-
net; sed dicetur illi: Qui cupiunt divites
fieri, incident in muscipulam, & tentatio-
nes. Et: Mihi omnis gloriatio in Christo
est. Fessa membra jejuniis morbo grava-
nte concutiet: sed Apostoli repercutietur
eloquio: Quando enim infirmor, tunc for-
tior sum, & virtus in infirmitate perficitur.
Minabitur mortem, sed audiet: Cupio dis-
solvi, & esse cum Christo. Ignita jacula vi-
brabit, sed excipientur scuto fidei. Et nè
multa replicem, impugnabit Satanás, sed
tutabitur Christus. Gratias tibi, Domine Je-
su, quod in die tua habeo, qui pro me te pos-
fit rogare. Scis ipse (tibi enim patent pec-
tora singulorum, qui cordis arcana rimaris,
qui

qui tantæ bestiæ alvo inclusum Prophetam
 in profundo vides) ut ego, & ille pariter à
 tenera infantia ad florentem usque adole-
 verimus ætatem: ut iidem nos nutricum
 sinis, iidem amplexus foverint bajulorum:
 & cùm post Romana studia ad Rheni semi-
 barbaras ripas, eodem cibo, pari fruere-
 mur hospitio, ut ego primus cœperim vel-
 le te colere: memento quæso, hunc bella-
 torem tuum mecum quondam fuisse tyro-
 nem. Habeo promissum majestatis tuę. Qui
 docuerit, & non fecerit, minimus vocabi-
 tur in Regno Cœlorum: qui autem do-
 cuerit, & fecerit, maximus vocabitur in
 Regno Cœlorum. Fruatur ille virtutis co-
 ronâ, & ob quotidiana martyria, stolatus
 Agnum sequatur. Multæ enim sunt man-
 siones apud Patrem: Et: Stella à stella dif-
 fert in claritate. Mihi concede, ut inter
 Sanctorum calcanea capit possim levare:
 ut cùm ego voluerim, ille perficerit, mi-
 hi ignoscas, quia implere non potui: illi
 tribuas præmium, quod meretur. Plura
 foitâsse, quam epistolæ brevitas patieba-
 tur, longo sermone protraxerim: quod mi-
 hi semper accidere consuevit, quando ali-
 quid de Bonis nostri laude dicendum fuit.
 Sed ut ad illud redeam, unde discesseram,
 obsecro te, nè amicum (qui diu quæritur,
 vix invenitur, difficilè servatur) pariter
 cum oculis mens amittat. Fulgeat quilibet
 auro, & pompticis fereulis corusca ex far-
 cinis metalla radient. Charitas non potest
 comparari: dilectio pretium non habet: ami-
 citia,

citia, quæ desinere potest, vera nunquam
fuit. Vale in Christo.

HIERONYMUS

Ad Nitiam.

Argumentum Epistolæ.

Cum Nitia, quondam sodali deliciatum, &
peregrinationum comite, quod nihil scribat,
velut immemor recentis amici, D. Hierony-
mus expostulat; illud Chromatii, & Eu-
sebii exemplo adhortans, ut aliquando
scribat.

TUrpilius Comicus, tractans de vicissi-
tudine literarum: Sola (inquit) res
est, quæ homines absentes præsentes facit.
Nec falsam dedit, quamquam in re non
vera, sententiam. Quid enim est (ut ita
dicam) tam præsens inter absentes, quam
per epistolas, & alloqui, & audire, quos di-
ligas? Nam & rudes illi Italiæ homines,
quos Cascos Ennius appellat, qui sibi (ut
in Rheticis Cicero ait) ritu ferino victimum
querebant, ante chartæ, & membranarum
ufum, aut in dedolatis è ligno codicillis,
aut in corticibus arborum mutuo epistola-
rum alloquia missitabantur: unde & portatores
earum tabellarios, & scriptores à libris ar-
borū librarios vocavere. Quantò magis igi-
tur nos, ex polito jam artibus Mundo, id non
debemus omittere, quod illi sibi præstite-
runt, apud quos erat cruda rusticitas, &
qui

qui humanitatem quodammodo nesciebant? Ecce beatus Chromatius cum sancto Eusebio, non plus naturâ, quam morum equalitate germano, literario me provocavit officio: tu modò à nobis abiens recentem amicitiam scindis potius, quam diffuis: quod prudenter apud Ciceronem Lelius vetat. Nisi fortè ita tibi exofus est Oriens, ut literas quoque tuas huc venire formides. Expergiscere, expergiscere, evigila de somno, presta unam chartę schedulam charitati. Inter delicias patriæ, & communes, quas habuimus, peregrinationes, aliquando suspira. Si amas, scribe obsecranti: si irasceri, iratus licet, scribe. Magnum & hoc desiderii solamen habeo, si amici literas vel indignantis accipiam.

HIERONYMUS

Ad Chromatium.

Argumentum Epistolæ.

Chromatius, & Eusebius fratres unâ cum Joviniano amico, & Matre, necnon sororibus virginibus, eadem in domo sancte vivebant. His omnibus unâ epistolâ satisfacit Hieronymus, comprobat laudes Bonosi, de quo scripserant: sororem suam illis commendat, & sanctum illorum contubernium laudibus vehit.

Non debet charta dividere, quos amor mutuus copulavit: nec per singulos officia mei sunt partienda sermonis, cum

sic invicem vos ametis, ut non minus tres
 Charitas jungat, quam duos natura socia-
 vit: quin potius, si rei conditio pateretur,
 sub uno literulae apice nomina indivisa
 concluderem, vestris quoque ita me literis
 provocantibus, ut & in uno tres; & in tri-
 bus unum putarem. Nam postquam, sanc-
 to Evagrio transmittente, in ea ad me ere-
 mi parte delatae sunt, quae inter Syros, &
 Saracenos vastum limitem dicit, sic ga-
 visus sum, ut illum diem Romanæ fœlici-
 tatis, quo primum Marcelli apud Nolam
 prælio, post Cannensem pugnam, Anni-
 balis agmina conciderunt, ego vicerim.
 Et licet supradictus frater sèpè me visitet,
 atque me ita ut sua in Christo viscera fo-
 veat: tamen longo à me spatio sejunctus,
 non minus mihi dereliquit abeundo des-
 derium, quam attulerit veniendo lætitiam.
 Nunc cum vestris literis fabulor, illas am-
 plector: illæ mecum loquuntur, illæ hic
 tantum Latinè sciunt: hic enim, aut bar-
 barus semisermo dicendus est, aut tacen-
 dum: Quotiescumque charissimos mihi
 vultus notæ manus referunt impressa vesti-
 gia, toties aut ego hic non sum, aut vos
 hic estis. Credite amori vera dicenti: & cùm
 has scriberem, vos videbam. De quibus hoc
 primum queror, cur, tot interjacentibus
 spatiis maris, atque terrarum, tam parvam
 epistolam miseritis; nisi quod ita merui, qui
 vobis (ut scribitis) antè non scripsi. Char-
 tam defuisse non puto Ægypto ministran-
 te commercia. Et si alicui Ptolomæus maria

clausisset; tamen Rex Attalus membram à Pergamo miserat, ut penuria chaitæ peribus pensaretur: unde & Pergamenarum nomen ad hunc usque diem, tradente sibi invicem posteritate, servatum est. Qui igitur Arbitrus, bajulum festinasse? Quāmvis longæ epistolæ una nox sufficit. An vero aliqua occupatione detentos? Nulla necessitas major est charitate. Restant duce ut aut vos piguerit, aut ego non meruerim; è quibus malo vos inculpare tarditatis, quām me condempnare non meritum: facilius enim negligentia emendari potest quām amor nasci. Bonosus (ut scribitis quasi filius Ichthys, id est, piscis, aquosus petit: nos, pristina cogitatione foderates, quasi regali, & scorpiones,arentis quæque se etiamur. Ille jam calcat super colubri caput: nos serpenti, terram ex Divina sententia comedenti, adhuc cibus sumus: ille jam potest summum graduum Psalmum scandere: nobis, adhuc in primo ascensu flentibus, nescio an dicere aliquando contingat: Levavi oculos meos in montes, unde veniet auxilium mihi. Ille inter minaces sæculi fluctus, in tuto insulae, hoc est, Ecclesiæ gremio sedens, ad exemplum Joannis, librum forte jam devorat: ego in scelerum meorum sepulchro jacens, & peccatorum vinculis colligatus, Dominicum de Euangelio expecto clamorem: Hieronyme, veni foras. Bonosus, inquam (quia secundum Prophetam, omnis Diaboli virtus in lumbis est) trans-

Euphratem tulit lumbare suum: ubi illud in foramine petræ abscondens, & postea ascissam reperiens, cecinit: Domine, tu posledisti renes meos, dirupisti vincula mea, tibi sacrificabo hostiam laudis. Me verò Nabuchodonosor ad Babylonem, id est, confusionem mentis meæ, catenatum duxit: ibi mihi captivitatis jugum imposuit: ibi ferri circulum naribus meis innectens, de canticis Sion cantare præcepit. Cui ego dixi: Dominus solvit compeditos: Dominus illuminat cœcos. Et ut breviter cœptam dissimilitudinem siniam: ego veniam deprecor, ille exspectat coronam. Soror mea, Sancti Juliani in Christo fructus est. Ille plantavit, vos rigate: Dominus incrementum dabit. Hanc mihi Jesus pro eo vulnere, quod Diabolus inflixerat, præstítit, vivam reddendo pro mortua. Huic (ut ait Gentilis Poëta) omnia etiam tuta timeo. Scitis ipsi lubricum adolescentiæ iter, in quo & ego lapsus sum, & vos non sine timore transistis. Hęc illa nunc maximè ingrediens, omnium est fulcienda præceptis, omnium est sustentanda solatiis, id est, crebris vestræ Sanctitudinis epistolis roboranda. Et quia charitas omnia sustinet, obsecro, ut etiam à Papa Valeriano, ad eam confortandam, literas exigatis. Nostis, puellares animos his rebus plerūmque solidari, si se intelligant curæ esse majoribus. In mea enim patria rusticitatis vernacula, Deus venter est, & in diem vivitur:

& sanctior est ille , qui ditior est. Accessit
huic patellæ (juxta tritum populi sermonem
proverbium) dignum operculum : Lupi-
nus Sacerdos , secundum illud quòque , di-
quo semel in vita Crassum ait risisse Luci-
lius : Similem habent labra lactucam , aſi-
no carduos comedente : videlicet , ut per-
foratam navem debilis gubernator regat , &
cæcus cœcos ducat in foveam ; talisque sit
rector , quales illi , qui reguntur. Matrem
communem , quæ cum vobis sanctitate so-
cietur , in eo vos prævenit , quia tales ge-
nuit , cuius verè venter aureus potest dici ,
eo salutamus honore , quo nōstis: una quò-
que suspiciendas cunctas sorores , quæ se-
xum vicere cum sacerculo , quæ oleo ad lam-
padas largiter præparato , sponsi operiuntur
adventum. O beata Domus , in qua moran-
tur Anna vidua , Virgines Prophetissæ , ge-
minus Samuel nutritus in Templo! O tecta
fælicia , in quibus cernimus Machabæorum
Martyrum coronis cinctam Martyrem Ma-
trem ! Nam , licet quotidie Christum confi-
teamini , dum ejus præcepta servatis ; tamen
ad privatam gloriam publica hæc accessit
vobis , & aperta confessio , quod per vos ab
urbe vestra Ariani quondam dogmatis virus
exclusum est. Et miramini forsitan , quod in
fine jam epistolæ rursum exorsus sim. Quid
faciam ? Vocem peccatori negare non valeo:
epistolæ brevitas compellit tacere ; deside-
rium vestri cogit loqui ; præpopulus sermo:
confusa turbatur oratio ; amor ordi-
nem nescit .

HIERONYMUS

Ad Chrysogonum Monachum.

Argumentum Epistolæ.

Expostulat cum Chrysogono Aquileja Monacho, quod nihil scribens, oblitus videatur absentis amici, idque tam citò, & ejus, quem nuper amicum habere cœperit.

Qui circa te affectus meus sit, charissimus ambobus Heliodorus tibi potuit fideliter nuntiare, qui non minore te diligit amore, quam ego diligo: ut semper in ore meo nomen tuum sonet, ut ad primam quamque confabulationem jucundissimi mihi confortii tui recorderet, ut humilitatem admireret, virtutem efferam, prædicem charitatem. Verum tu, quod naturâ lynxes insitum habent, nè post tergum respicientes, meminerint priorum, & mens perdat, quod oculi videre desierint; ita nostræ es necessitudinis penitus oblitus, ut illam epistolam, quam in corde Christianorum scriptam Apostolus refert, non parvâ liturâ; sed imis (ut ajunt) ceris eratensis. Et illæ quidem (quas diximus) feræ, sub frondente captantes arboris ramo fugaces capreas, aut timidum cervum animal comprehendunt, currentemque frustâ prædam, dum hostem suum secum vebit, rabido de super ore dilaniant, & tamdiu

meminere prædandi, quandiu venter vacuus siccum fame guttur exasperat: ubi verò sanguine pasta feritas viscera distenta compleverit, cum saturitate sucedit oblivio, tamdiu nescitura quid capiat, donec memoriam revocaverit esuries. Tu, necdum satiatus è nobis, cur finem jungis exordio? Cur amittis, antequam teneas? Nisi fortè negligentiae semper excusatione locia, afferas, te non habuisse, quod scriberes: cùm hoc ipsum debueris scribere, te non habuisse, quod scriberes.

HIERONYMUS

Ad Antonium, de modestia.

Argumentum Epistolæ.

Hanc D. Hieronymus de modestia adhortatur, & conqueritur, quod nihil rescripsit, cùm tot ab ipso scriptas D. Hieronymus epistolas miserit.

Dominus noster, humilitatis Magister, disceptantibus de dignitate Discipulis, unum apprehendit de parvulis, dicens: Quicumque vestrum non fuerit conversus sicut infans, non potest introire in Regnum Cœlorum. Quod nè tantum docere, nec facere videretur, implevit exemplo, dum Discipulorum pedes lavat, dum traditorem osculo excipit, dum loquitur cùm Samaritanæ, dum ad pedes sibi sedente

Marij,

Maria, de Cœlorum disputat Regno: dum ab inferis resurgens, pium mu-
lherculis apparet. Satanas autem ex Archangeli-
co fastigio, non aliam ob causam, nisi
ob contrariam humilitati superbiam, ruit.
Et Judaicus populus primas sibi cathedras,
& salutationes in foro vendicans, depu-
tato antea in stillam situlæ Gentium po-
pulo succedente, deletus est. Contra so-
phistas quoque sæculi, & sapientes Mun-
di, Petrus, & Jacobus piscatores mit-
tuntur: cuius rei causa Scriptura ait: Su-
perbis Deus resistit, humilibus autem dat
gratiam. Vide, frater, quale malum sit,
quod Adversarium habet Deum. Ob quod
in Euangelio & Phariseus arrogans sper-
nitur, & humiliis Publicanus auditur.
Decem jam (nisi fallor) epistolas plenas
tam officii, quam precum, misi; cum tu
ne nutum quidem facere dignaris: & Do-
mino loquente cum servis, frater cum
fratre non loqueris. Nimis, inquires, con-
tumeliosè. Crede mihi, nisi stylî verecun-
dia prohiberet, tanta Iesus ingererem, ut
inciperes mihi rescribere vel iratus. Sed
quoniam & irasci hominis est, & injuriam
non facere Christiani, ad antiquum mo-
rem revertens, rursus precor, ut & di-
ligentem te diligas, & ut conservo ser-
monem conservus impartias.

Vale in Domino.



HIERONYMUS

Damaso.

Argumentum Epistolæ.

Antiochena Ecclesia sepius jactata, videbatur adhuc Arianam heresim sapere, & tri hypostases ab omnibus exigebat. Habitans D. Hieronymus in eremo iuxta Antiochiam, hujusmodi professionem suspectam habens, consulit Damasum Romanæ urbis Episcopum, ut suis literis significet, num eam sequi debeat? Pramonens illum, venenum latere in verbis, nè Campanis id ambientibus assentiatur.

Quoniam vestuto Oriens inter se populorum furore collitus, indiscissam Domini tunicam, & desuper testam, minutatim per frusta discerpit, & Christi vineam exterminant vulpes, ut inter lacus contritos, qui aquam non habent, difficilè, ubi sors signatus, & heretus ille conclusus sit, possit intelligi: idc mihi Cathedram Petri, & fidem Apostlico ore laudatam, censi consulendam, inde nunc meæ animæ postulaus cibum, unde olim Christi vestimenta suscepi. Neque vero tanta vastitas elementi liquentis, & interjacens longitudo terrarum me à pretiosis margaritæ potuit inquisient prohibere. Ubicumque fuerit corpus, illuc

CON-

congregabuntur & aquilæ. Profligato à sole mala patrimonio, apud vos solos incorupta Patrum servatur hereditas. Ibi cespite terra secundo. Dominici feminis paritatem centeno fructu refert: hic obruta fulcis frumenta in lolium, avenasque degenerant. Nunc in Occidente Sol justitiae oritur: in Oriente autem Lucifer ille, qui occiderat, supra sidera posuit thronum suum. Vos estis lux Mundi, vos sal terre, vos aurea vasa, & argentea: hic testacea vasa, vel lignea, virgam ferream, & æternum operiuntur incendium. Quamquam igitur tui me terreat magnitudo, invitat tamen humanitas. A Sacerdote victimam salutis, à Pastore præsidium ovis flagito. Facest invidia: Romanî culminis recedat ambitio: cum successore Piscatoris, & discipulo Crucis loquor. Ego nullum primum, nisi Christum sequens, Beatitudini tuæ, id est, Cathedræ Petri communione consocior: super illam petram ædificatam Ecclesiam scio: quicumque extra hanc domum Agnum comederit, profanus est. Si quis in arca Noè non fuerit, peribit, regnante diluvio. Et quia pro meis facinoribus, ad eam solitudinem commigravi, quæ Syriam juncto Barbaria fine determinat, nec possum sanctum Domini, tot interjacentibus spatiis, à Sanctimonia tua semper expetere, ideo hic collegas tuos, Ægyptios Confessores, sequor, & sub onerariis navibus parva navicula delitesco. Non novi Vitalem, Meletium respuo, ignoro Paulinum. Quicumque tecum non colligit,

spar-

spargit : hoc est, qui Christi non est, Antichristi est. Nunc igitur (proh dolor !) post Nicenam fidem, post Alexandrinum, juncto pariter Occidentale, decretum, trium hypostaseon ab Arianorum Præfule, & Campensibus, novellum à me homine Romano nomen exigitur. Qui, quæso, ista Apostoli prodidere ? Quis novus Magister Gentium Paulus hæc docuit ? Intetrogamus, quid tres hypostases posse arbitrentur intelligi ? Tres personas subsistentes, ajunt. Respondemus, nos ita credere. Non sufficit sensus, ipsum nomen efflagitant, quia nescio, quid veneni in syllabis latet. Clamamus : Si quis tres hypostases, aut tria enypostata, hoc est, tres subsistentes personas, non confitetur, anathema sit ; & quia vocabula non ediscimus, hæretici judicamur. Si quis autem hypostasim usiam intelligens, non in tribus personis unam hypostasim dicit, alienus à Christo est. Et sub hac confessione vobiscum pariter cauterio unionis inurimur. Discernite, si placet, obsecro : non timebo tres hypostases dicere, si jubetis ; condatur nova, post Nicenam fides, & similibus verbis, cum Arianis confiteamur Orthodoxi. Tota sæcularium literarum schola nihil aliud hypostasim, nisi usiam novit : & quis, rogo, ore sacrilego, tres substantias prædicabit ? Una est Dei, & sola natura, quæ verè est : id enim, quod subsistit, non habet aliunde; sed suum est : cætera, quæ creata sunt, etiam si videntur

tur esse, non sunt, quia aliquando non fuerunt, & potest rursum non esse, quod non fuit. Deus solus, qui eternus est, hoc est, qui exordium non habet, essentiæ nomen verè tenet: idcirco & ad Moysen de rubo loquitur: Ego sum, qui sum. Et rursus: Qui est, me misit. Erant utique tunc Angeli, Cœlura, terra, maria: & quomodo commune nomen essentiæ propriè sibi vendicat Deus? Sed quia illa sola natura est perfecta, & in tribus personis Deitas una subsistit, quæ est verè, & una natura est: quisquis tria esse, hoc est, tres esse hypostases; id est, usias dicit, sub nomine pietatis tres naturas conatur afferere. Etsi ita est, cur ab Ario parietibus separantur, perfidia copulati? Jungatur cum Beatitudine tua Ursinus, cum Ambrosio societur Auxentius. Absit hoc à Romana fide: sacrilegium tantum religiosa populorum corda non hauriant. Sufficiat nobis dicere, unam substantiam, tres personas subsistentes, perfectas, æquales, coæternas. Taceatur tres hypostases, si placet, & una teneatur. Non bona suspicionis est, cum in eodem sensu verba dissentiant. Sufficiat nobis memorata credulitas. Aut si rectum putatis, tres hypostases cum suis interpretationibus debere nos dicere, non negamus. Sed mihi credite, venenum sub melle latet, transfiguravit se Angelus Satanae in Angelum lucis: Bene interpretantur hypostasim; & cum id, quod ipsi exponunt, habere me dicam, hereticus judicor. Quid tam anxiè unum verbū tenent?

Quid

Quid sub ambiguo sermone latitant? Si sic credunt, ut interpretantur, non damno quod retinent. Si sic credo, ut ipsi sentire se simulant; permittant & mihi meis verbis suum sensum loqui. Quamobrem, obtestor Beatitudinem tuam per Crucifixum, Mundi salutem, per homousion Trinitatem, ut mihi epistolis tuis sive tacendarum, sive dicendarum hypostaseon detur auctoritas. Et ne forte obscuritas loci, in quo dego, te fallat, per bajulos literarum ad Evagrium Presbyterum, quem optimè nosti, dignare scripta transmittere, simul etiam, cui apud Antiochiam debeam communicare, significes: quia Campenses cum Tharcensibus hereticis copulati, nihil aliud ambiunt, quam ut auctoritate communionis vestrae fulti tres hypostases cum antiquo sensu praedicent.

HIERONYMUS

Damaso.

Argumentum Epistolæ.

Cum vehementer vexaretur Hieronymus, & Damasus non responderet, de eadem re iterum interpellat blanditiis, & obtestationibus, admittens, ut impetrat responsum.

Importuna in Euangilio mulier, tandem meruit audiri: & clauso cū servis ostio, media licet nocte, ab amico panes amicus ac-

accipit. Deus ipse, qui nullis contra se viribus superari potest, Publicani precibus vincitur. Ninive civitas, que peccato periit, fletibus stetit. Quorsum ista tam longo repetita principio? Videlicet, ut parvum magnus aspicias: ut dives Pastor moribundum non contemnas ovem. Christus in Paradisum de Cruce Latronem intulit: & ne quis aliquando seram conversionem putaret, fecit homicidii poenam martyrium. Christus, inquam, prodigum filium revertentem letus amplectitur, & non igitur novem pecudibus derelictis, una ovicula, quæ remanserat, humeris boni Pastoris advehitur. Paulus ex persecutore fit Prædicator, oculis carnalibus excæcatur, ut mente plus videat: & qui vincetos Christi famulos ducebat ad Concilium Judeorum, ipse poste à etiam de Christi vinculis gloriatur. Ego igitur, ut antè jam sc. ipsi, Christi vestem in Romana urbe suscipiens, nunc barbaro Syriæ limite teneor. Et nè putes alterius hanc de me fuisse sententiam, quid mererer ipse constitui. Verum, ut ait Gentilis Poëta: *Cœlum, non animum mutat, qui trans mare currit;* ita me incessabilis inimicus post tergum secutus est, ut majora in solitudine bella nunc patiar. Hinc enim presidiis fulta Munili Ariana rabies fremit: hinc in tres partes scissa Ecclesia ad se rapere me festinat. Monachorum circa manentium antiqua in me surgit auctoritas. Ego interim clamito: *Siquis Cathedræ Petri jungitur meus est.* Meletius,

Vitalis, atque Paulinus, tibi hærere se dicunt; possem credere, si hoc unus assereret: nunc, aut duo mentiuntur, aut omnes. Idcirco obtestor Beatitudinem tuam, per Crucem Domini, per necessarium fidei nostræ decus, per passionem Christi, ut qui Apostolos honore sequeris, sequaris & merito. Ita in solio cum duodecim judicaturus sedeas: ita te alias senem cum Petro cingat: ita municipium Cœli cum Paulo consequaris, ut mihi literis tuis, apud quem in Syria debeam communicare, significes.

Noli despicere animam, pro qua Christus mortuus est,

HIERONYMUS

Marcella.

Argumentum Epistolæ.

Excusat se, quod paucis scripsit, nimium occupatus in conferendis Hebraorum voluminibus cum editione Aquila,


UT tam parvam epistolam scriberem, causæ duplicitis fuit; quod & tabellarius festinabat; & ego alio opere detentus, hoc quasi (*a*) parergo me occupare nolui. Quæris, quidnam illud sit tam grande, tam necessarium, quo epistolicæ confabulationis munus exclusum sit? Jam pridem

cum

(a) Extraordinaria.

cum voluminibus Hebreorum editionem
 Aquilæ cōfero, nè quid forsitan, propter odium Christi, Synagoga mutaverit:
 & ut amicę menti fatear, quæ ad nostram
 fidem pertineant roborandam, plura re-
 perio. Nunc à Prophetis, Salomone, Psal-
 terio, Regnorumque libris ex amissim
 recensitis, Exodus teneo, quem illi (b)
 Elesemoth vocant, ad Leviticum transi-
 turus. Vides igitur, quòd nullum offi-
 cium huic operi præponendum est. Atta-
 men, nè Currentius noster fortè frustrà
 eucurrerit, duas epistolas, quas ad so-
 rorem tuam Paulam, ejusque pignus
 Eustochium miseram, huic sermunculo
 annexui: ut dum illas legeris, & in his
 aliquid doctrinæ pariter, ac leporis inve-
 neris, putas tibi quòque scripta esse, quæ
 illis scripta sunt. Albinam communem
 Matrem valere cupio: de corpore lo-
 quor, ut spiritu valeat, non ignorans.
 Eamque per te salutari obsecro, & du-
 plici pietatis officio focillari, quòd
 in una, atque eadem Christia-
 na simul diligatur,
 & Mater.

(b) *Id est, hæc nomina.*



HIERONYMUS
Alipio, & Augustino.

Argumentum Epistolæ.

Augustino gratulatur, cuius operâ Celestia-
na hæresis à Celestio Pelagii sectatore orta,
sit extincta. Excusat se, quod nondum
scripsit adversus libros Aniani Diaconi,
qui & ipse Celestii discipulus fuit.

Sanctus Innocentius Presbyter, qui hu-
jus sermonis est portitor, anno præte-
rito, quasi nequàquam in Africam rever-
sus, mea ad Dignationem vestram scrip-
ta non sumpfit. Tamen Deo gratias agi-
mus, quod ita evenit, ut nostrum silentium
vestris epistolis vicerit. Mibi enim omnis
occasio gratissima est, per quam scribo ves-
træ Reverentie: testem invocans Deum,
quod si posset fieri, assumptis alis colum-
bæ, vestris amplexibus implicarer, sem-
per quidem pro meito virtutum vestra-
rum, sed hunc maximè, quia cooperatori-
bus, & auctoribus verbis, hæresis Celestia-
na jugulata est: quæ ita infecit corda mul-
torum, ut cùm superatos, damnatosque
esse se sentiant; tamen venena mentium
non omittant, & quod solùm possunt,
nos oderint, per quos purant libertatem
se docendæ hæreseos perdidisse. Quod au-
tem queritis, utrum referipserim contra li-
bros Aniani Pseudodiaconi Celedensis, qui
copiosissimè pascitur, ut alienæ blasphemiae
verba

verba frivola subministret: sciatis, me ipsos
libros in schedulis missos à sancto fratre
nostro Eusebio Presbytero suscepisse non
ante multum temporis, & exinde, vel in-
gruentibus morbis, vel dormitione sanctæ,
& venerabilis filiæ vestræ Eustochii, ita do-
luisse, ut propemodum contemnendos pu-
tarem: in eodem enim luto hæsitat, & ex-
ceptis verbis tinnulis, atque emendicatis,
nihil aliud loquitur. Tamen multum egi-
mus, ut dum epistolæ meæ respondere co-
natur, apertius se proderet, & blasphemias
suas omnibus patefaceret. Quidquid enim
in illa miserabili Synodo Diopolitana di-
xisse se denegat, in hoc opere confitetur.
Nec grande est, ineptissimis næniis respon-
dere. Si autem Dominus vitam tribuerit, &
notariorum habuerimus copiam, paucis lu-
cubatiunculis respondebimus: non ut con-
vincamus hæresim mortuam, sed ut imperi-
tiam, atque blasphemiam ejus nostris ser-
monibus confutemus. Meliusque hoc face-
ret Sanctitas vestra, nè compellamur contra
hæreticum nostra laudare, Sancti filii com-
munes, Albinus, Apinianus, & Melania plu-
rimū vos salutant. Has literas de sancta
Bethlehem sancto Presbytero Innocentio
& dedi perferendas. Neptis vestra Paula miser-
abiliter deprecatur, ut memores ejus sitis,
& multum vos salutat. Incolumes vos, &
memores mei Domini nostri Jesu-Christi
tueatur clementia, Domini sancti verè, at-
que omnium affectione venera-
biles Patres,

HIERONYMUS

Augustino.

Argumentum Epistolæ.

Gratulatur ejus industria, per quam Hæreticorum factiones extinctæ sint, & extinguantur, qua quidem in re suum quòque studium testificatur.

OMNI quidem tempore Beatitudinem tuam eo, quo decet, honore veneratus sum, & habitantem in te dilexi Dominum Salvatorem: & nunc, si fieri potest, cumulo aliquid addimus, & plenè complemus, ut absque tui nominis mentione, ne unam quidem horam præterire patiamur, qui contra flantes ventos ardore fidei perstitisti: maluisti, quantum in te fuit, solus liberari de Sodomis, quam cum perreuntibus commorari. Scit, quid dicam, prudentia tua. Magis virtute, in oībe celebraris: Catholici te conditorem antiquæ rursum fidei venerantur, atque suspiciunt, & quod signum majoris gloriae est, omnes hæretici detestantur, & me pari persequuntur odio: ut quos gladiis nequeunt, votio interficiant. Incolumem, & mei memorem te Christi Domini clementia tueatur, Domine venerande, & Beatisime Papa.


HIERONFMUS

Augustino.

Argumentum Epistolæ.

*Significat, palam extinctas, ac damnatas
hereses clam, & obliquè adhuc moliri,
Episcopum Ierosolymitanum dissimulan-
ter favere Arianis.*

MUlti utroque claudicant pede, & ne
fractis quidem cervicibus inclinan-
tur, habentes effectum erroris pristini,
cum prædicandi eandem non habeant li-
bertatem. Sancti fratres, qui cum nostra
sunt parvitate, præcipue sanctæ, ac vene-
rabiles filiæ tuæ, suppliciter te salutant.
Fratres tuos, dominum meum Alipium,
& dominum meum Evodium, ut meo
nomine salutes, precor Coronam tuam.
Capta Jerusalem tenetur à Nabuchodo-
nosor, nec Jeremiæ vult audire consi-
lium: quin potius Ægyptum desiderat,
ut moriatur in Taphnes, & ibi
servitute pereat sem-
piterna.



HIERONYMUS

Magno Oratori Romane.

Argumentum Epistolæ.

Ruffinus subornarat magnum quendam
Oratorem Romanum, qui quereret ab Hieronymo,
cur literis Ecclesiasticis admisceret
literas Ethnicorum, & sacra profanis
contaminaret. Huic rationem reddit,
ostenditque quatenus id liceat, & quorum
exemplo id faciat.

Sebesium nostrum tuis monitis profecisse, non tam epistolâ tua, quam ipsius pœnitudine didicimus. Et mirum in modum plus correptus placuit, quam errans læserat. Certaverunt inter se indulgentia Parentis, & filii pietas, dum alter præteriorum non meminit, alter in futurum quoque officia pollicetur. Unde & mutuo nobis, tibique gaudendum est; quia nos filium recepimus, tu discipulum comprobasti. Quod autem queris in calce epistolæ tuę, cur in opusculis nostris sœcularium literarum interdum ponamus exempla, & candorem Ecclesiæ Ethnicorum sordibus polluamus? Responsum breviter habeto. Nunquam hoc quereres, nisi te totum Tullius possideret, si Scripturas sanctas legeres, si interpretes earum, omisso (a) Volcatio, evolveres. Quis enim nesciat,

&

(a) Volcat comment. scripsit in Ciceronem.

& in Moysè, & in Prophetarum volumini-
bus quædam assumpta de Gentilium libris,
& Salomonem Philosophis Tyri & nonnul-
la proposuisse, & aliqua respondisse? Un-
de in exordio Proverbiorum commonet, ut
intelligamus sermones prudentiæ, versu-
tiasque verborum, parabolas, & obscurum
sermonem, dicta sapientium, & ænigmata,
quæ propriè Dialecticorum, & Philosopho-
rum sunt. Sed & Paulus Apostolus Epime-
nidis Poëtæ abusus versiculo est, scribens
ad Titum: *Cretenses semper mendaces, ma-
la bestiæ, ventres pigri.* Cujus heroici hemis-
tichium posteà Callimachus usurpavit. Nec
mirum, si apud Latinos metrum non servet
ad verbum expressa translatio, cùm Home-
rus eadem lingua versus in prossam vix co-
hæreat. In alia quòque Epistola Menandri
ponit senarium: *Corrumpunt enim mores
bonos colloquia mala.* Et apud Athenienses in
Martis curia disputans, Aratum testem vo-
cat: *Ipsius enim & genus sumus: quod
est clausula versus heroici.* Ac, nè parum
hoc esset, ductor Christiani exercitus, &
Orator invictus, pro Christo causam agens,
etiam inscriptionem (b) fortuitam arte tor-
quet in argumentum fidei. Didicerat enim
à vero David, extorquere de manibus hos-
tium gladium, & Goliæ superbissimi ca-
put proprio mucrone truncare. Legerat in
Deuteronomio Domini voce præceptum,
mulieris captivæ radēdum caput, supercilia,
om-

(b) Quia invenerat Athenis Aram inscrip-
tam: Ignote Deo,

omnes pilos, & ungues corporis amputandos, & sic eam habendam in conjugio. Quid ergo mirum, si & ego sapientiam sœcularem, propter eloquii venustatem, & membrorum pulchritudinem, de ancilla, atque captiva Israelitidem facere cupio, & si quidquid in ea mortuum est idololatriæ, voluptatis, erroris, libidinum, vel præcido, vel rado, & mixtos purissimo corpori vernalulos ex ea genero Domino Sabaoth? Labor meus in familiam Christi proficit; stuprum in alienam, auget numerum conservorum. Osee accepit uxorem fornicariam Gomer, filiam Debelaïm, & nascitur ei de meretrice filius Jezrael, qui vocatur semen Dei. Isaias novacula acuta barbam, & crura radit peccantium: & Ezechiel in typo fornicantis Jerusalēm tondet cæsariem suam, ut quidquid in ea absque sensu, & vita est, auferatur. Cyprianus, vir eloquentia pollens, & martyrio, Firmiano narrante mordetur, cur adversus Demetrianum scribens, testimoniis usus sit Prophetarum, & Apostolorum, quæ ille ficta, & commentitia esse dicebat, & non potius Philosphorum, & Poëtarum, quorum auctoritati, ut Ethnicus, contraire non poterat. Scripsierunt contra nos Celsus, atque Porphyrius: priori Origenes, alteri Methodius, Eusebius, & Appollinaris fortissimè responderunt. Quorum Origenes octo scripsit libros: Methodius usque ad decem millia procedit versuum: Eusebius, & Appollinaris viginti quinque, & trigesinta

ginta volumina condiderunt. Lege eos, & invenies nos comparatione eorum imperitissimos, post tanti temporis otium, vix quasi per somnium, quod pueri didicimus, recordari. Julianus Augustus septem libros in expeditione Parthica adversum Christum evomuit, & juxta fabulas Poëtarum, suo se ense laceravit. Si contra hunc scribere tentavero, puto interdices mihi, nè rabidum canem, Philosophorum, & Stoicorum doctrinis, id est, Herculis clava repercutiam: quāmquam Nazarenum nostrum, & ut ipse solebat dicere Galileum, statim in prælio senserit, & mercedem linguae putidisimæ contumeliis perfossus acceperit. Josephus antiquitatem approbans Judaici Populi, duos libros scripsit contra Appionem Alexandrinum Grammaticum, & tanta sæcularium profert testimonia, ut mihi miraculum subeat, quomodo vir Hebreus, & ab infantia sacris literis cruditus, cunctam Græcorum bibliothecam evolverit. Quid loquar de Philone, quem vel alterum, vel secundum Judæum Platonem Critici pronunciant? Curram per singulos. Quadratus Apostolorum discipulus, & Atheniensis Pontifex Ecclesiæ, nonnè Adriano Principi, Eleusinæ sacra invisenti, librum pro nostra Religione tradidit? Et tantæ admirationi omnibus fuit, ut persecutionem gravissimam illius excellens sedaret ingenium. Aristides Philosophus, vir eloquentissimus, eidem Principi apologeticum pro Christianis obtulit contextum

Philosophorum sententiis. Quem imitatus postea Justinus, & ipse Philosophus, Antonino Pio, & filiis ejus, Senatuique librum contra Gentiles tradidit, defendens ignominiam Crucis, & Resurrectionem Christi tota prædicans libertate. Quid loquar de Melitone Sardensi Episcopo? Quid de Apollinario Hierapolitaæ Ecclesiæ Sacerdote, Dionysioque Corinthiorum Episcopo? Et Tatiano, & Bardesane, & Hierenço, Photini Martyris successore: qui Origenis hærescon singularum venena, ex quibus Philosophorum fontibus emanarint, multis voluminibus explicarunt? Pantænus Stoicę sectę Philosophus, ob præcipue eruditionis gloriam, à Demetrio Alexandrię Episcopo missus est in Indiam, ut Christum apud Brachmanas, & illius gentis Philosophos prædicaret. Clemens Alexandrinę Ecclesię Presbyter, vir meo iudicio omnium eruditissimus, octo scripsit Stromatum libros, & totidem (*a*) *Hypotipajeon*, & alium contra gentes, pædagogi quoque tria volumina. Quid in illis indoc-tum, imò quid non è media Philosophia est? Hunc imitatus Origenes, decem scripsit Stromateas, Christianorum, & Philosophorum inter se sententias comparans, & omnia nostrę Religionis dogmata de Platone, & Aristotele, Numenio, Cornutoque confirmans. Scripsit & Malciades contra Gentes volumen egregium. Hippolitus quoque, & Apollonius, Romanæ urbis

(a) *Id est, expositionem.*

Urbis Senatores, propria opuscula condiderunt. Extant & Julii Africani libri, qui temporum scripsit historias: & Theodori, qui posteà Gregorius appellatus est, viri Apostolicorum signorum, atque virtutum: & Dionysii Alexandrini Episcopi: Anatolii quoque Laodicenæ Ecclesiæ Sacerdotis: necnon Presbyterorum Pamphilii, Pierii, Luciani, Malchionis, Eusebii Cæsariensis Episcopi, & Eustachii Antiocheni, & Athanasii Alexandrini: Eusebii quoque Emisseni, & Triphili Cyprii, & Asterii Scythopolytæ, & Serapionis Confessoris: Titi quoque Bostrensis Episcopi, Cappadocumque Basilii, Grægorii, & Amphirochii: qui omnes in tantum Philosophorum doctrinis, atque sententiis suos refaciunt libros, ut nescias, quid in illis primum admirari debeas, eruditionem saeculi, an scientiam Scripturarum. Veniam ad Latinos. Quid Tertuliano eruditius, quid acutius? Apologeticus ejus, & contra gentes libri, cunctam saeculi continent disciplinam. Minutius Fœlix Causidicus Romani fori, in libro, cui titulus Octavius est, & in altero contra Mathematicos (sicutamen inscriptio non mentitur auctorem) quid Gentilium scripturarum dimisit intactum? Septem libros adversus gentes Arnobius edidit, totidemque discipulus ejus Lactantius, qui de ira quoque, & officio Dei duo volumina condidit: quos si legere volueris, dialogorum Ciceronis in eis *epitomen* reperies. Victorino Martyri

in libris suis, licet desit eruditio; tam non deest eruditionis voluntas. Cyprianus quod idola Dii non sint, qua brevitas qua historiarum omnium scientia, quorum verborum, & sensuam splendore perstinxit? Hilarius meorum Confessor temporum, & Episcopus, duodecim Quintilia libros & stylo imitatus est, & numero: bivique libello, quem scripsit contra Diolorum Medicum, quid in literis possit, ostendit. Juvencus Presbyter sub Constantino historiam Domini Salvatoris versibus explicavit: nec pertinuit Euangelii maiestatem sub metri leges mittere. De cætē vel mortuis, vel viventibus taceo: quorū in scriptis suis & vires manifestae sunt, voluntas. Nec statim prava opinione fallaris, contra gentes hoc esse licitum, in aliis disputationibus dissimulandum: quia omnes penè omnium libri, exceptis iis, quæcum Epicuro literas non edidicerunt, editionis, doctrinæque plenissimi sunt. Quāmquam ego illud magis reor, quod diligenti venit in mentem, non te ignore, quod semper à doctis viris usurpatum est; sed per te mihi proponi ab alio questionem, qui forte propter amorem historiarum Sallustii, Calphurnius cognomen to Lanarius sit. Cui quæso, ut suadeas, nè vescientium dentibus edentulus invideat, & oculos caprearum talpa contemnat. Dives (ut cernis) ad disputandum materia: sed jam epistolaris angustia finienda est.

HIERONYMUS

Ad Augustinum.

Argumentum Epistolæ.

Excusat se Hieronymus, quod nondum responderit, adhortans Augustinum ad misericordium amorem, nonnihil quarens de Rusfini adversus se debacchatione.

IN ipso profectionis articulo sancti filii nostri Asterii Hypodiaconi, necessarii mei, Beatitudinis tuæ literæ ad me pervenerunt, quibus satisfacis, te contra parvitatem meam librum Romam non misisse. Hoc nec ego factum audieram: sed epistolæ cujusdam, quasi ad me scriptæ, per fratrem nostrum Syfniuum Diaconum huc exemplaria pervenerunt, in qua hortaris me, ut palinodiam super quodam Apostoli capitulo canam, & imiter Stesichorum, inter vituperationem, & laudes Helenæ fluuantem, ut qui detrahendo oculos perdiderat, laudando reperit. Ego simpliciter fateor dignationi tuæ, licet stylus (*a*) Epickeremata tua mihi viderentur; tamen non temerè exemplaribus literarum credendum, putavi: nè forte, me respondentे, Iesus justè expostulares, quod probare ante debuisse, tuum esse sermonem, & sic rescribere. Accessit ad moram sanctæ,

L 2.

&c.

(*a*) Aggressiones.

& venerabilis Paulæ longa infirmitas. Dum
enim languenti multo tempore assidemus
penè epistolæ tuæ, vel ejus, qui sub tu-
nomine scripsérat, oblii sumus, memo-
ries illius versiculi: *Musica in luctu impa-*
rina narratio. Itaque, si tua est epistola
apertè scribe, vel mitte exemplaria verio-
ra, ut absque ullo rancore stomachi i-
Scripturarum disputatione versemur, &
vel nostrum emendemus errorem, vel alium
frustrà reprehendisse, doceamus. Absit au-
tem à me, ut quidquam de libris tuæ Bea-
titudinis attingere audeam: sufficit enim
mihi probare mea, & aliena non carperet.
Caterium optimè novit prudentia tua
unumquemque in suo sensu abundare: &
puerilis esse jaetantia, quod olim adoles-
centuli facere consueverant, accusando
illustres viros suo nomini famam quære-
re. Nec tam stultus sum, ut diversitate ex-
planationum tuarum me ledi putem: quia
nec tu læderis, si nos contraria senserimus.
Sed illa est vera inter amicos reprehensio,
si nostram peram non videntes, aliorum (jux-
ta Persium) manticam consideremus. Su-
perest, ut diligas diligentem te, & in Scrip-
tarum campo juvenis senem non provo-
ces. Nos nostra habuimus tempora, & cu-
currimus, quantum potuimus: nunc te cur-
rente, & longa spatia transmeante, nobis
debetur otium: simulque (ut cum honore
tuo, & venia dixerim) nè solus tibi de Poë-
tis aliquid proposuisse videaris, memento
Daretis, & Entili, & vulgaris proverbi,
quod

quòd *bos lassus fortius figat pedem*. Tristes hæc dictavimus: utinam mereremur complexus tuos, & collatione mutua, vel doceremus aliqua, vel disceremus. Misit mihi temeritate solita maledicta sua Calphurnius, cognomento Lanarius, quæ ad Africam quoque studio ejus didici pervenire. Ad quæ breviter ex parte respondi, & libelli ejus vobis misi exemplaria, latius opus, cùm opportunum fuerit, primo quoque missurus tempore: in quo illud cavi, nè in quoquam existimationem læderem Christianam; sed tantum ut delirantis, imperitique mendacium, ac vecordiam confutarem. Memento mei, sancte, & venerabilis Papa: vide, quantum te diligam, ut ne provocatus quidem voluerim responde-re: nec crederem, tuum esse, quod in altero forte reprehenderem. Frater communis suppliciter te salutat.

HIERONYMUS

Augustino.

Argumentum Epistolæ.

Paulus Orosius in fine historia testatur, sibi cum Hieronymo fuisse colloquium: libros duos, alterum de origine animæ, alterum de loco explicando ex epistolis Jacobi probat. Ceterum excusat se, quod non responderit.

Vix honorabilem, fratrem meum, filium dignationis tux Orosiū Presbyterum,

& sui merito, & te jubente, suscepi. Sed
incidit tempus difficilimum, quando mihi
tacere melius fuit, quam loqui, ita ut nos-
tra studia cessarent, & juxta Appinum, ca-
nina exerceretur facundia. Itaque duobus
libellis tuis, quos meo nomini dedicasti,
eruditissimis, & omni eloquentiae splendo-
re fulgentibus, ad tempus respondere non
potui. Non quod quidquam in illis repre-
hendendum putem: sed quia, juxta Apos-
tolum, unusquisque in suo sensu abundet,
alius quidem sic, alius autem sic. Certè
quidquid dici potuit, & sublimi ingenio
de Scripturarum sanctorum hauriri fon-
tibus, à te positum, atque dissertum est.
Sed quæso Reverentiam tuam, parumper
patiari, metuum laudare ingenium. Nos
enim inter nos eruditionis causa differi-
mus: cæterum æmuli, & maximè hæreti-
ci, si diversas inter nos sententias vide-
rint, de animi calumniabuntur rancore
descendere. Mihi autem decretum est, te
amare, te suspicere, colere, mirari, tua-
que dicta quasi mea defendere. Certè &
in dialogo, quem nuper edidi, tuæ Beati-
tudinis, ut dignum fuerat, recordatus
sum: magisque denius operam, ut per-
niciofissima hæresis de Ecclesiis auferatur,
quæ semper simulat pœnitentiam, ut do-
cendi in Ecclesiis habeat facultatem: nè, si
aperta se luce prodiderit, foras expulsa mori-
riatur. Sanctæ, ac venerabiles filiæ tuæ,
Eustochium, & Paula, & genere suo, &
exhortatione tua dignæ gradiuntur, spe-

cia-

cialiterque salutant Beatitudinem tuam, omnis quoque fraternitas, que nobiscum Domino Salvatori servire conatur. Sanctum Presbyterum Firmum anno praeterito, ob rem earum, Ravennam, & inde Africam, Siciliamque direximus, quem putamus jam in Africę partibus commorari. Santos tuo adhaerentes lateri, ut meo obsequio salutes, precor. Literas quoque meas ad sanctum Presbyterum Firmum direxi: que si ad te venerint, ei dirigere non graveris. In columem te, & mei memorem Christus Dominus custodiat, Domine vere sancte, & Beatisime Papa. Grandem Latini sermonis in ista Provincia notiorum patimur penuriam: & idcirco praeceptis tuis parere non possumus, maximè in editione Septuaginta, que asteriscis, veribusque distincta est. Pleraque enim prioris laboris ob fraudem cuiusdam amisimus.

HIERONYMUS

Augustino.

Argumentum Epistolæ.

Resalutat Augustinum, excusans, quod liberius responderit, & rursus de cucurbita meminit, hortans, ut super hac re sua legit commentarii, & tandem, ut omissis contentiosis questionibus, versentur in campo Sacrarum Scripturarum.

Cum à sancto fratre nostro Firmino sollicitè quererem, quid ageres, sospitem te

latus audivi. Rursum, cùm tuas literas,
 non dico sperarem, sed exigerem nescien-
 te te ex Africa proscutum se esse dixit. Ita-
 que reddo tibi per eum salutationis offi-
 cia, qui te unico amore complectitur: si-
 mulque obsecro, ut ignoscas pudori meo,
 quòd diu ut rescriberem præcipienti nega-
 re non potui: nec ego tibi, sed causa cau-
 se respondit. Et, si culpa est respondisse,
 quæso, ut patienter audias: multò major
 est provocasse. Sed faceſſant iſtiusmodi que-
 rimonię: ſit inter nos pura germanitas, &
 deinceps, non quæſtionum, ſed charitatis
 ad nos ſcripta mittamus. Sancti fratres, qui
 nobifcum Domino ſerviunt, affatim te fa-
 lutant. Sanctos, qui tecum Christi leve
 trahunt jugum, præcipue ſanctum, & fuſ-
 piciendum Papam Alipium, ut meo no-
 mine ſalutes, precor. Incolumem te, &
 memorem mei Christus Deus noſter tuea-
 tur omnipotens. Domine verè sancte, & bea-
 tissime Papa. Si legisti librum explanatio-
 num in Jonam, puto, quòd ridiculam cu-
 curbitæ non recipias quæſtionem. Sin au-
 tem amicus, qui me primus gladio pe-
 tiit, stylo repulſus eſt, ſit humanitatis tuę,
 atque iuſtitiae accuſantem reprehendere,
 non respondentem. In Scripturarum, fa-
 placet, campo ſinè noſtro invi-
 cem dolore iuda-
 mus.

* * *

HIERONYMUS

Bonafō.

Argumentum Epistolæ.

Bonasum obtrectatorem quempiam ridet, qui, quod Hieronymus in suis libris adversus vitia scripsérat, ad suam contumeliam pretinere putabat.

Medici, quos vocant Chirurgos, crudelis putantur, & miseri sunt. An non est miseria, alienis non dolere vulneribus, & mortuas carnes inclemēti secare ferro? Non horriore curantem, quod horrēt ipse, qui patitur, & inimicum putari? Ita se natura habet, ut amara sit veritas, blanda vitia existimentur. Isaias, in exemplum captivitatis futuræ, nudus non erubescit incedere. Jeremias de media Ierusalem ad Euphratem fluvium Mesopotamiae mittitur, ut inter inimicas gentes, ubi est Affyrius, & Castra sunt Chaldæorum, ponat (*a*) *Perizoma* corruptendum. Ezechiel, stercore primum humano, deinde bubulo, panem de omni semente conspersum edere jubetur, & uxor interitum siccis oculis videt. Amos de Samaria pellitur. Cur quæso? Nempe ideo, quia Chirurgi spirituales, secantes vitia peccatorum, ad pœnitentiam cohortabantur. Paulus Apostolus: Inimicus (*inquit*) vobis (*a*) *Lumbare.* factus

factus sum, verum dicens. Et quia Salvatoris dura videbantur eloquia, plurimi discipulorum retrorsum abierunt. Unde non mirum est, si & nos ipsi vitiis detrahentes, offendimus plurimos. Disposui nasum secare fœtem: timeat, qui strumosus est. Volo corniculæ detrahere garnienti: rancidulam se intelligat cornix. Nunquid unus in urbe Romana est, qui habeat truncas in honesto vulnere nares? Nunquid solus Bonafus Segestanus cava verba, & in modum vesicularum tumentia, buccis trutinatur inflatis? Dico, quodam scelere, perjurio, falsitate ad dignitatem, nescio quam, pervenisse: quid ad te, qui te intelligis innocentem? Rideo advocationem, qui patrono egeat: & quadrante dignam eloquentiam naœ subsanno: quid ad te, qui disertus es? Volo in nummarios invehi Sacerdotes: tu, qui dives non es, quid irasceris? Clausum cupio suis ignibus ardere Vulcanum: nunquid hospes ejus es, aut vicinus, quod à delubris Idoli niteris incendia submoveare? Placet mihi de larvis, de bubone, de noctua, de Niliacis ridere portentis: quidquid dictum fuerit, in te dictum putas: In quodcumque vitium styli mei mucro contorquetur, te clamitas designari. Conferta manu in jus vocas, & satyricum Scriptorem in prosa stultè arguis. An ideo tibi bellus videris, quia fausto vocaris nomine? Quasi non & lucus ideo dicatur, quod minimè luceat: & Parce, quod nequam

parcant: & Eunienides furiæ, quòd non
sint benignæ: & vulgò Ætiopes vocentur
argentei. Quòdsi in descriptione fœdo-
rum semper irasceris, jam tibi cum Per-
fio cantabo:

*Optent te generum Rex, & Regina: puella
Te rapiant: quidquid calcaveris, hoc rosa fiat.*

Dabo tamen consilium, quibus abscon-
ditis, possis pulchrior apparere. Nasus non
videatur in facie: sermo non sonet ad lo-
quendum: atque ita & formosus, & diser-
tur videri poteris.

DIVI HIERONYMI

In Pentateuchum Moysis prefatio.

Argumentum Epistole.

*Prefatio in Pentateuchum, qua reddit ra-
tionem, quo consilio, post editionem Septua-
ginta, Vetus Testamentum ex Hebraorum
volaminibus latinè verterit.*

DEsiderii mei desideratas accepi episto-
las, qui quodam præfigio futuro-
rum cum Daniele fortitus est nomen ob-
secrantis, ut translatum in Latinam lin-
guam de Hebræo sermone, Pentateu-
chum, nostrorum auribus traderem:
Periculofum opus certè, & obtrectato-
rum meorum latratibus patens: qui
me asserunt, in Septuaginta Interpretum
sigillationem, nova pro veteribus cedere,
ita

ita ingenium, quasi vinum probantes: cùm ego sæpiissimè testatus sim, me pro virili portione in Tabernaculo Dei offerre, quæ possim, nec opes alterius aliorum paupertate fœdari: quod ut auderem, Origenis me studium provocavit, qui editioni antiquæ translationem Theodosianis miscuit, asterisco, & obelo opus omne distinguens; dum aut illucescere facit, quæ minus antè fuerant, aut superflua quæque jugulat, & confodit, maximè quæ Euangelistarum, & Apostolorum auctoritas promulgavit. In quibus multa de Veteri Testamento legimus, quæ in nostris codicibus non habentur, ut est illud: Ex Ægypto vocavi filium meum. Et: Quoniam Nazaræus vocabitur: Et: Videbunt in quem compunixerunt. Et: Flumina de ventre ejus fluent aquæ vivæ. Et: Quæ nec oculus vidit, nec auris audivit, nec in cor hominis ascenderunt, quæ præparavit Deus diligentibus se. Et alia multa, quæ proprium (a) *Syntagma* desiderant. Interrogemus ergo eos, ubi hæc scripta sint? Et eum dicere non potuerint, de libris Hebraicis proferamus. Primum testimonium est in Osea, secundum in Isaia, tertium in Zcharia, quartum in Proverbiis: quintum æquè in Isaia: quod multi ignorantes, apochryphorum deliramenta sequantur, & (b) Hiberas nenia libris authenticis præferunt. Causas erroris non est meum expōnere.

(a) *Id est, volumen.* (b) *id est, portentosas nugas, quod Hiberos magica miracula narrarentur.*

nere. Judei prudenti factum dicunt esse consilio, ne Ptolomaeus, unius Dei cultor, etiam apud Hebreos duplicem Divinitatem deprehenderet. Quod maximè idcirco faciebant, quia in Platonis dogma cadere videbatur. Denique, ubicumque sacramentum aliquid Scriptura testatur de Patre, & Filio, & Spiritu Sancto, aut aliter interpretati sunt, aut omnino tacuerunt, ut & Regi satisfacerent, & arcanum fidei non vulgarent. Et nescio quis primus Auctor, Septuaginta cellulas Alexandriæ mendacio suo extruxerit, quibus divisi, eadem scriptitarint: cum Aristeas, ejusdem Ptolomæi (*a*) *hyperaspistes*, & multo post tempore Josephus, nihil tale retulerint; sed in una Basilica congregatos, contulisse scribant, non prophetasse. Aliud est enim Vatem, aliud est esse interpretem. Ibi spiritus ventura predicit, hic eruditio, & verborum copia, ea, que intelligit, transfert. Nisi forte putandus est Tullius *Oeconomicum* Xenophontis, & Platonis *Protogoram*, & Demosthenis pro Cresiphonte orationem afflatus rhetorico spiritu transkulisse: aut aliter de eisdem libris per Septuaginta Interpretes, aliter per Apostolos Spiritus Sanctus testimonia texuit: ut, quod illi tacuerunt, hi scriptum esse mentiti sint. Quid igitur? Damnamus veteres? Minime: sed post prioram studia in domo Domini, quod possumus, laboramus. Illi interpretati sunt ante adventum Christi,

Christi , & quod nesciebant , dubiis pro-
 pulere sententiis : nos verò , post Passio-
 nem , & Resurrectionem ejus , non tam
 prophetiam , quām historiam scribimus :
 aliter enim audita , aliter visa narran-
 tur . Quod melius intelligimus , melius
 & proferimus . Audi igitur , æmule , ob-
 trectator , ausculta . Non damno , non re-
 prchendo Septuaginta , sed confidenter
 cunctis illis Apostolos præfero : per isto-
 rum os mihi Christus sonat , quos ante
 Prophetas inter spiritualia charismata po-
 sitos lego , in quibus ultimum penè gradum
 interpretes tenent . Quid livore torqueris ?
 Quid imperitorum animos contra me con-
 citas ? Sicubi in translatione tibi videor er-
 rare , interroga Hebræos : diversarum ur-
 bium Magistros consule . Quod illi ha-
 bent de Christo , tui codices non ha-
 bent . Aliud est , si contra se posteà ab
 Apostolis usurpata testimonia probave-
 runt , & emendatoria sunt exemplaria La-
 tina , quām Græca , & Græca , quām He-
 braica . Verūm hæc contra invidos . Nunc
 te precor , Desideri charissime , ut me , quia
 tantum opus subire fecisti , & à Genesi exor-
 dium capere , orationibus juves , quo pos-
 sim eodem spiritu , quo scripti sunt
 libri , in Latinum eos tran-
 ferre sermo-
 nem .



HIERONYMUS

*Ad Pammachium, de optimo genere
interpretandi.*

Argumentum Epistolæ.

Ruffinus subornarat Palladium quemdam Galatam adversus Hieronymum, qui ilius interpretationem calumniaretur. Hujus calumniam refellit, explicans officium veri interpretis. Imitatus est autem titulum Ciceronis de optimo genere dicendi.

PAULUS Apostolus, presente Rege Agrippa, de criminibus responsurus, quod posset intelligere qui auditurus erat, securus de causæ victoria, statim in principio sibi gratulatur, dicens: De omnibus, quibus accusor à Judæis, & Rex Agrippa, existimo me beatum, cum apud te sim hodie defendendus, qui præcipue nosti cunctas, quæ in Judæis sunt, consuetudines, & quæstiones. Legerat enim illud Isaix: Beatus, qui in aures loquitur audientis; & noverat, tantum oratoris verba proficere quantum Judicis prudentia cognovisset. Unde & ego beatum me in hoc dumtaxat negotio judico, quod apud eruditas aures imperite linguae responsurus sum: que objicit mihi vel ignorantia, vel mendaciū; si aut nescivi alienas literas verè interpretari, aut nolui: quorum alterum error, alterū crimen est. Ac, nō for-

forsitan accusator meus facilitate, quæ cuncta loquitur, & impunitate, qua sibi licere omnia putat, me quòque apud vos argueret, ut Papam Epiphanius criminatus est, hanc epistolam misi, quæ te, & per te alios, qui nos amare dignantur, rei ordinem doceat. Ante hoc fermè biennium, miserat Joanni Episcopo supradictus Papa Epiphanius literas, arguens eum in quibusdam dogmatibus, & posteà clementer ad pœnitentiam provocans. Harum exemplaria certatim Palestinę rapiebantur, vel ob Auctoris meritum, vel ob elegantiam scriptio-nis. Erat in Monasterio nostro vir apud suos haud ignobilis, Eusebius Cremonensis: qui, cùm hæc Epistola per multorum ora volitaret, & mirarentur eam, pro doctrina, & puritate sermonis, docti pariter, & indocti, cœpit à me obnixè petere, ut sibi eam in Latinum verterem, & propter intelligendi facilitatem, apertius explicarem, Græci enim eloquii penitus ignarus erat. Feci quod voluit, accitoque notario, raptim, celeriterque dictavi: ex latere in pagina breviter annotans, quem intrinsecus sensum singula capitula continerent: siquidem, & hoc ut sibi soli facerem oppido flagitârat: postulavique ab eo mutuò, ut domi haberet exemplar, nec facile in vulgus proderet. Res ita anno, & sex mensibus transiit, donec supradicta interpre-tatio de scriniis ejus novo (a) præstigio

Je-

(a) *Præstigium vocat, artem miram, que oculis illudit.*

Jerosolymam commigravit. Nam quidam Pseudomonachus, vel accepta pecunia, ut perspicue intelli^ri datur, vel gratuita malitia, ut incasum corruptor nititur persuadere, compilatis chartis ejus, & sumptibus, Judas factus est proditor, deditque adversariis latrandi contra me occasionem, ut inter imperitos concionentur me falsarium, me verbum non expressisse de verbo: pro honorabili dixisse charissimum; & maligna interpretatione, quod nefas dictu sit: *Reverendum auribus omnium, doluisse transferre.* Hæc, & istiusmodi nūgæ crimina mea sunt. Ac primùm, antequām de translatione respondeam, volo interrogare eos, qui malitiam prudential vocant: Unde apud vos exemplar epistolæ? Quis dedit? Qua fronte proferitis, quod scelere redemistis? Quid apud homines tutum erit, si ne parietibus quidem, & scriniis nostra possumus secreta celare? Si ante tribunalia Judicūm hoc vobis crimen impingerem, reos legibus subjugarem, que etiam pro utilitatibus fisci noxiis delatoribus pœnas statuunt, & cùm suscipiant proditionem, damnant proditorem: lucrum videlicet placet, voluntas displicet. Dudum Esychium, virum Consularem, contra quem Patriarcha Gamaliel gravissimas exercuit inimicitias, Theodosius Princeps capite damnavit, quod solicitato notario, chartas illius invaserat. Legimus in veteribus historiis, Ludimagistrum, qui Faliscorum liberos pro-

prodiderat, vincitum pueris traditum, & ad eos, quos prodebat, remissum, nec scelerat populum Romanum suscepisse victoriam. Pyrrhum Epirotarum Regem, cum in castris ex vulnere curaretur, Medici sui proditione interfici, nefas duxit Fabricius: quin potius vincitum remisit ad Dominum, ut scelus nec in adversario comprobaret. Quod leges publicae, quod hostes tueruntur, quod inter bella, & gladios sanctum est; hoc nobis inter Monachos, & Sacerdotes Christi intutum fuit: & audet quidam ex eis, adducto supercilio, & concrepantibus digitis, eructare, & dicere: Quid enim, si redemit, si sollicitavit? Fecit, quod sibi profuit. Mira sceleris defensio! Quasi non & latrones, & fures, & piratae faciant, quod sibi predest. Certè Annas, & Caiphas seducentes insælicem Judam, fecerunt, quod sibi utile existimabant. Volo in chartulis meis quaslibet inceptias scribere, commentari de Scripturis, remordere lèdentes, digerere stomachum, in locis me exercere communibus, & quasi linitas ad expugnandum sagittas reponere: quamdiu non profero cogitata, maledicta, non criminata sunt, imone maledicta quidem, quæ aures publicæ nesciant. Tu corrumpas servulos, solicites clientes, & ut in fabulis legitimus, auro ad Danaem penetres, dissimulatoque quod feceris, me falsarium voces: cum multò pejus crimen accusando in te confitearis, quam in me arguis. Alius te

hæreticum, alius te insimulat dogmatum
 perversem; taces ipse, respondere non
 audes: interpretem laceras, de syllabis
 calumniaris, & totam defensionem tui pu-
 tas, si tacenti detrahas. Finge in transfe-
 rendo vel errasse, vel intermisso me quid-
 piam: hic totius negotii tui cardo versa-
 tur, hæc tua est defensio. Num idcirco tu
 non es hæreticus, si ego malus interpres sim?
 Non hoc dico, quod te hæreticum nove-
 rim; sciat ille, qui accusavit: neverit ille,
 qui scripsit: sed quod stultissimum sit, ac-
 cusatum ab alio, alium criminari, & con-
 fesso undique corpore, è dormientis vulnere
 solatum quærere. Hactenus locutus sum,
 quasi aliquid de epistola commutaverim, &
 simplex translatio possit errorē habere, non
 crimē. Nunc vero, cum ipsa epistola doceat,
 nihil mutatū esse de sensu, nec res additas,
 nec aliquod dogma consuetum, faciunt, nō
 intelligendo, ut nihil intelligent; & dum
 alienam imperitiam volunt coarguere, suam
 produnt. Ego enim non solum fateor, sed
 libera voce profiteor, me in interpretatione
 Græcorum, absque Scripturis Sanctis, ubi &
 verborum ordo, & mysterium est, non verbū
 è verbo, sed sensum exprimere de sensu. Ha-
 beoque hujus rei Magistrum Tullium,
 qui Protagoram Platonis, Oeconomicum
 Xenophontis, & Aeschinoris, ac Demosthe-
 nis duas contra se orationes pulcherrimas
 translatis. Quanta in illis prætermiserit,
 quanta addiderit, quanta mutaverit, ut pro-
 prietas alterius lingue suis proprietatibus

explicaret, non est hujus temporis dicere; sufficit mihi ipsius translatoris auctoritas, qui ita in prologo earumdem orationum locutus est: Putavi mihi suscipiendum laborem utilem studiosis, mihi quidem ipsi non necessarium: converti enim ex Atticis duorum eloquentissimorum nobilissimas orationes, inter seque contrarias, Æscihinis, & Demosthenis: nec converti ut interpres, sed ut orator, sententiis iisdem, & earum formis, tam figuris, quam verbis ad nostram consuetudinem aptis. In quibus non verbum pro verbo necessè habui reddere, sed genus omne verborum, vimque servavi. Non enim me annumerare ea lectori putavi oportere, sed tanquam appendere. Rursum in calce sermonis: Quorum ego (ait) orationes, si, ut spero, ita expressero, virtutibus utens illorum omnibus, id est, sententiis, & earum figuris, & rerum ordine; verba sequens, catenus, ut ea non abhorreant à more nostro. Quę si è Gręcis omnia conversa non erunt, tamen ut generis ejusdem sint, elaboravimus. Sed & Horatius, vir acutus, & doctus, hoc idem in arte Poëtica eruditio interpreti præcipit: *Nec verbum verbo curabis reddere fidus interpres.* Terentius Menandrum, Plautus, & Cæcilius veteres comicos interpretati sunt. Nunquid harent in verbis, ac non decorem magis, & elegantiam in translatione conservant, quam veritatem interpretationis? Hanc eruditum (a) Kacocilian nuncupant. (a) *Perversam imitationem.* Un-

Unde ego doctus à talibus, ante annos citer viginti, & simili tunc quòque errore deceptus, certè hoc mihi à vobis objiciendum nesciens, cùm Eusebii Cæsariensis *Chronicon* in Latinum verterem, tali inter cætera usus sum præfatione: Difficile est, alienas lineas in sequentem, non alius cubi excidere; & arduum, ut, quæ in alia lingua bene dicta sunt, eundem decorem conservent. Significatum est aliquid unius verbi proprietate; non habeo meum, quo id efferam; & dum quero implere sententiam, longo ambitu vix brevis viæ spatiæ consumo. Accedunt hyperbatorum anfractus, dissimilitudines casuum, varietates figurarum: ipsum postremo suum, & (ut ita dicam) vernaculum linguæ genus. Si ad verbum interpretor, absurdè resonant; si ob necessitatem aliquid in ordine, vel in sermone mutavero, ab interpretis videbor officio recessisse. Et post multa, quæ nunc prosequi otiosum est, etiam hoc addidi: Quòd sicui non videtur lingue gratia in interpretatione mutari, Homerum ad verbum exprimat in Latinum. Plus aliquid dicam: eundem sua in lingua profè verbis interpretetur; videbis ordinem ridiculum, & Poëtam eloquentissimum vix loquentem. Verum nè meorum scriptorum parva sit auctoritas, quāmquam hoc tantum probare voluerim, me semper ab adolescentia, non verba, sed sententias transculisse) qualis super hoc genere præfatiuncula sit, in libro, quo Beati Antonii vita des-

describitur, ipsius lectione cognosce. Ex alia in aliam linguam expressa ad verbum translatio sensum operit, & veluti lœta gramina sata, strangulat: dum enim casibus, & figuris servit oratio, quod brevi poterat indicare sermone, longo ambitu circumacta vix explicat. Hoc igitur ego vitans, ita Beatum Antonium, te petente, transposui, ut nihil desit ex sensu, cum aliquid desit ex verbis. Alii syllabas auctorantur, & literas; tu quære sententias. Dies me deficiet, si omnium, qui ad sensum interpretati sunt, testimonia replicavero. Sufficit in praesenti nominasse Hilarium Confessorem, qui Homilias in Job, & in Psalmos tractatus plurimos in latinum vertit è Græco, nec (a) assedit literæ dormianti, & putida rusticorum interpretatione se torsit; sed quasi captivos sensus in suam linguam victoris jure transposuit. Nec hoc mirum in cæteris, sæculi videlicet, aut Ecclesiæ viris; cum Septuaginta interpretes, & Euangelistæ, atque Apostoli idem in sacris voluminibus fecerint. Legimus in Marco dicentem Dominum: *Tabitha cumi,* statimq; subiectum est: Quod interpretatur: Puella, tibi dico, surge. Arguatur Euangelista mendacii, quare addiderit, tibi dico, cum in Hebreo tantum sit: Puella, surge. Sed ut *Emphaticoteron* faceret, & sensum vocantis, atque imperantis exprimeret, addidit: tibi dico. Rursum in Matthæo, redditis à proditore Juda triginta argenteis, &

(a) Assidet, qui non audeat digredi. empto.

empto ex eis agro figuli scribitur; Tunc impletum est, quod scriptum est per Jeremiam Prophetam, dicentem, & acceperunt triginta argenteos, pretium appretiati, quod appretiaverunt à filiis Isiae, & derunt eos in agrum figuli, sicut constituit mihi Dominus. Hoc in Jeremia penitus non invenitur; sed in Zacharia, aliis multò verbis, ac toto ordine discrepante. Vulgata quippe editio ita se habet. Et dicam ad eos: Si bonum est coram vobis, date mercedem mihi, aut renuite, & appende-
runt mercedem meam triginta argenteos. Dixitque Dominus ad me: Pone illos in conflatorium, & considera si probatum sit, sicut probatus sum ab eis. Et tuli triginta argenteos, & misi eos in domo Domini in conflatorium, quantum distet ab Euangeliæ testimonio Septuaginta translatio, perspicuum est. Sed & in Hebreo cùm sensus idem sit, verba præpostera sunt, & penè diversa. Et dixi, inquit, ad eos. Si bo-
num est in oculis vestris, afferte mercedem meam, & si non, quiescite: Et appenderunt mercedem meam triginta argenteos. Et dixit Dominus ad me: Projice illud ad statuarium, decorum pretium, quo appre-
tiatus sum ab eis. Et tuli triginta argen-
teos, & projeci eos in domo Domini ad sta-
tuarium. Accusent Apostolum falsitatis, quod nec cum Hebraico, nec cum Septua-
ginta congruat translatoribus, & quod his majus est, erret in nomine, pro Zacha-
ria quippe, Jeremiam posuit. Sed absit

hoc

hoc de pedissequo Christi dicere, cui curæ
 fuit non verba, & syllabas aucupari, sed
 sentias dogmatum ponere. Veniamus
 ad aliud ejusdem Zachariæ testimonium,
 quod Joannes Euangelista assumit juxta
 Hebraicam veritatem: Videbunt in quem
 compunixerunt: pro quo in Septuaginta
 legimus: *Et aspicient ad me, pro his, quæ
 illuserunt, sive insultaverunt.* Discrepat
 Euangelistæ Septuaginta interpretum, no-
 traque translatio: & tamen sermonum va-
 rietas spiritus unitate concordat. In Mat-
 theo quòque legimus Dominum prædi-
 centem Apostolis fugam, & hoc ipsum
 Zachariæ testimonio confirmantem. Scrip-
 tum est, ait, Percutiam Pastorem, & dis-
 pergentur oves. At in Septuaginta, & in
 Hebræo multò aliter est: non enim ex per-
 sona Dei dicitur, ut Euangelista vult, sed
 ex Prophetæ, Deum Patrem rogantis:
 Percute Pastorem, & dispergentur oves.
 In hoc, ut arbitror, loco, juxta quorum-
 dam prudentiam, Euangelista piaculi reus
 est, quod ausus fit Prophetæ verba ad Dei
 referre personam. Scribit supradictus Euan-
 gelista: ad Angeli monitum tulisse Joseph
 Parvulum, & Matrem ejus, & intrasse in
 Ægyptum, ibique mansisse usque ad obi-
 tum Herodis, ut impleretur, quod dictum
 est à Domino per Prophetam: Ex Ægyp-
 to vocavi filium meum. Hoc nostri codi-
 ces non habent, sed in Oseæ juxta Habrai-
 cam scribitur veritatem: *Quia puer Israël
 est, & dilexi eum, & ex Ægypto vocavi
 filium*

filium meum. Pro quo, & in eodem loco Septuaginta transtulerunt: Quia parvulus est Israël, & dilexi eum, & ex Ægypto vocavi filios ejus. Non omnino repudiandi sunt, quia istum locum, qui ad Christi maximè pertinet Sacramentum, aliter transtulerunt? An danda potius veniam, ut hominibus, juxta Jacobi sententiam dicentis: Multa peccamus omnes? & si quis in verbo non offendit, iste perfectus est vir, & potest refrænare omne corpus? Illud verò, quod in eodem Euangelista scribitur: Et veniens habitavit in civitate, quæ dicitur Nazareth, ut impleretur, quod dictum est per Prophetas, quia Nazaræus vocabitur. Respondeant (*a*) *Lugodndali*, & fastidiosi æstimatores omnium tractatorum, ubi legerint, discantque in Isaia positum: Nam in eo loco, ubi nos legimus, atque transtulimus: Exiet virga de radice Jesse, & flos de radice ejus ascendet, in Hebreo, juxta linguę illius idioma, ita scriptum est: Exiet virga de radice Jesse, & Nazaræus de radice ejus crescat. Cur hoc omiserunt Septuaginta, si non licet transferre verbum pro verbo? Sacrilegium est, vel celasse, vel ignorasse mysterium. Transeamus ad cætera: neque enim epistolæ brevitas patitur diutiùs singulis immorari. Idem Matthæus loquitur: Hoc autem totum factum est, ut completeretur, quod dictum est à Domino per Prophetam dicentem: Ecce Virgo in ute-
(a) Sermonis Artifices.

nomen ejus Emmanuel. Quod Septuaginta transtulerunt: Ecce Virgo in utero accipiet, & pariet Filium, & vocabitis nomen ejus Emmanuel. Si verba calumniantur, utique non est idem, habebit, & accipiet; neque vocabunt, & vocabitis. Porro, in Hebreo legimus ita scriptum: Ecce Virgo concipiet, & pariet Filium, & vocabit nomen ejus Emmanuel. Non Achaz, qui arguebatur infidelitatis, non Judæi, qui erant Dominum negaturi: sed vocabit, inquit, ipsa, quæ concipiet, ipsa Virgo, quæ pariet. In eodem Euangelista legimus, Herodem ad adventum Magorum fuisse turbatum, Scribisque, & Sacerdotibus congregatis, sciscitatum ab eis, ubi Christus nasceretur; illosque respondisse, in Bethlehem Judæ; sic enim scriptum est in Propheta: Et tu Bethlehem terra Juda, nequam minima es in Ducibus Juda: ex te enim egredietur Dux, qui regat populum meum Israël. Hoc exemplum in vulgata editione sic fertur: Et tu Bethlehem domus Ephrata modicus es, ut sis in milibus Juda: de te mihi egredietur, ut sit Princeps in Israël. Quanta sit inter Matthæum, & Septuaginta verborum, ordinisque discordia, magis admiraberis, si Hebraicum videoas, in quo ita scriptum est: Et tu Bethlehem Ephrata, parvulus es in millibus Juda: ex te mihi egredietur, qui sit Dominator in Israël. Considera gradatim, quæ ab Euangelista sint posita: Et tu Bethlehem terra Juda. Pro terra Juda,

In Hebraico habet Ephrata; in Septuaginta dēmus Ephrata; & pro nequāquam minima es in Ducibus Juda. In Septuaginta legitur: Modicus es, ut sis in millibus Juda; in Hebreo: Parvulus es in millibus Juda, sensusque contrarius est, Septuaginta sibi in hoc dumtaxat loco, & Hebraico concordante. Euangelista enim dixit, quod non sit parvulus in Ducibus Juda, cūm ē regione sit positum: parvulus quidem es, & modicus; sed tamen de te mihi parvulo, & modico egredietur Dux in Israēl, secundūm illud Apostoli: Elegit infirma Mundi Deus, ut confundat fortia. Porrò quod sequitur, qui regat, vel qui pascat populum meum Israēl; aliter in Propheta esse, perspicuum est. Hęc replico, non ut Euangelistas arguam falsitatis (hoc quippe imperium est Celsi, Porfirii, Juliani) sed ut reprehensores meos arguam imperitix, & impetrem ab eis veniam, ut concedant mihi in simplici epistola, quod in Scripturis Sanctis, velint, nolint, Apostolis concessuri sunt. Marcus discipulus Petri, ita suum orditur Euangeliū: Principium Euangeliī Jesu Christi, sicut scriptum est in Isaia Propheta: Ecce ego mitto Angelū meum ante faciem tuam, qui præparabit viam tuā ante te. Vox clamantis in deserto: parate viam Domini, rectas facite semitas ejus. Hoc exemplum ex duobus Prophetis compositum est, de Malachia videlicet, & Isaia: nam primum, quod dicitur: Ecce ego mitto Angelum meum ante faciem tuam, qui præparabit viam tuam

ante te, in Malachiæ fine scriptum est. Se-
quens autem, quod infertur: Vox claman-
tis in deserto, &c. in Isaia legimus. Et
quomodo Marcus statim in principio vo-
luminis sui posuit: Sicut scriptum est in
Isaia Propheta: Ecce ego mitto Ange-
lum meum: quod non scribitur in Isaia,
ut diximus, sed in Malachia novissimo
duodecim Prophetarum? Solvat hanc que-
stiunculam imperita præsumptio, & ego
erroris veniam deprecabor. Idem Marcus
inducit ad Pharisaeos Salvatorem loquen-
tem: Nunquam legistis, quid fecerit
David, quando necessitatem habuit, & esu-
ravit ipse, & socii ejus, quomodo ingre-
fas domum Dei, sub Abiathar Pontifice,
& panes propositionis comedit, quibus
non licebat vesci, nisi solis Sacerdotibus?
Legamus Samuelem, sive (ut in commu-
ni titulo habetur) Regnorum libros, ibi-
que reperiemus, non Abiathar scriptum
esse, sed Abimelech Pontificem, qui pos-
te à Doëc, cum cæteris Sacerdotibus, Saul
jubente, percussus est. Pergamus ad Apos-
tolum Paulum. Scribit ad Corinthios: Si
enim cognovissent Dominum gloriae, nun-
quam crucifixissent. Sed sicut scriptum est:
Quod oculus non vidit, nec auris audi-
vit, nec in cor hominis ascendit, quæ pre-
paravit Deus diligentibus se. Solent in hoc
loco apochryphorum quidam deliramenta
se fari, & dicere, quòd de Apocalypsi
Eliæ testimonium sumptum sit, cùm in
Isaia juxta Hebraicum ita legatur: A fœculo
non.

non audierunt, nec auribus perceperunt: oculus non vidit: Deus absque te, quæ preparasti expectantibus te. Hoc Septuaginta multò aliter transtulerunt: à sæculo non audivimus, neque oculi nostri viderunt Deum absque te: & opera tua vera, & facies expectantibus te misericordiam. Intelligimus, unde sumptum sit testimonium, & tamen Apostolus non verbum expressit è verbo, sed *paraphrasticos*, eundem sensum aliis sermonibus indicavit. In epistola ad Romanos idem Apostolus Paulus, exemplum de Isaia sumens; Ecce, inquit, ponam in Sion lapidem offensionis, & petram scandali. Discordat à translatione veteri, & tamen cum Hebraica veritate concordat; in Septuaginta enim contrarius sensus est: Non ut lapidi offensionis occurretis, neque ut petre ruinæ: cùm Apostolus quòque Petrus Hebræis, Pauloque consentiens, ita posuerit: Incredulis autem lapis offensionis, & petra scandali. Ex quibus universis perspicuum est, Apostolos, & Euangelistas, in interpretatione veterum Scripturarum, sensum quæsiſſe, non verba, nec magnopere de ordine, sermonibusque curaſſe, dum intelle&tui res pateret. Lucas, vir Apostolicus, & Euangelista, scribit Stephanum, primum Christi Martyrem, in Iudaica concione narrantem: In Septuaginta quinque animabus descendit Jacob in Egyptum, & defunctus est ipse, & Patres nostri translati sunt in Sichem, & positi

fuit in sepulchro, quod emit Abraham pretio argenti à filiis Emor Patris Sichem. Hic locus in Genesi multò aliter inveniatur, quòd scilicet Abraham emerit ab Ephron Etheo filio Seor, juxta Hebron quadringentis dragmis argenti speluncam duplificem, & agrum circa eam, sepelieritque in ea Saram uxorem suam. Atque in eodem legimus libro, posteà revertentem de Mesopotamia Jacob cum uxoribus, & filiis suis, posuisse Tabernaculum ante Salem urbem Sichimorum, quæ est in terra Chanaam, & habitasse ibi, & emissæ partem agri, in quo habebat tentoria, ab Emor Patre Sichem centum agnis, & statuisse ibi Altare, & invocasse ibi Deum Israël. Abraham non emit specum ab Emor Patre Sichem, sed ab Ephron filio Seor, nec sepultus est in Sichem, sed in Hebron, quæ corruptè dicitur Arboch. Duodecim autem Patriarchæ non sunt sepulti in Arboch, sed in Sichem, qui ager non est emptus ab Abraham, sed à Jacob. Differo solutionem & istius quæstiunculæ, ut obtrectatores mei querant, & intelligant, non verba in Scripturis consideranda, sed sensus. Vigesimi primi psalmi, juxta Hebriæos, id ipsum exordium est, quòd Dominus locutus est in Cruce: *Eli, Eli, lamma zaba-thani?* quod interpretatur: Deus meus, Deus meus, quare me dereliquisti? Redcant rationem, cur Septuaginta translatores interposuerint: *Respice in me?* Ita enim verterunt: *Deus, Deus meus, respice in me,*

me, quare me dereliquisti? Respondebunt utique, nihil damni in sensu esse, si duo verba sint addita. Audiant & à me, non periclitari Ecclesiarum statum, si celeritate dictandi, aliqua verba dimiserim. Longum est nunc evolvere, quanta Septuaginta de suo addiderint, quanta dimiserint, quæ in exemplaribus Ecclesiæ, obelis, asteriscisque distincta sunt. Illud enim, quod legimus in Isaia: Beatus, qui habet semen in Sion, & domesticos in Jerusalem: solent Hebræi deridere, cum audierint. Neenon in Amos, post descriptiōnem luxuriæ: Stantia putaverunt hæc, & non fagientia. Revera sensus Rheticus, & declamatio Tulliana. Sed quid faciemus ad authenticos libros, in quibus hec non feruntur ad scripta, & cætera his similia, quæ si proferre nitamur, infinitis libris opus est? Porro, quanta dimiserint, vel asterisci testes (ut dixi) sunt, vel nostra interpretatio, si à diligentí lectore translationi veteri conferatur. Et tamen vires Septuaginta editio obtinuit in Ecclesiis, vel quia prima est, & ante Christi facta adventum, vel quia ab Apostolis, in quibus tamen ab Hebraico non discrepat usurpata Aquila autem proselytus, & contentiosus interpres, qui non solum verba, sed & ethymologias verborum transferre conatus est, jure projicitur à nobis. Quis enim pro frumento, & vino, & oleo, possit vel legere, vel intelligere *fusionem*, *pomationemque*, & *splendentiam*? Atqui non solum Hebræi

habent (*a*) *arthra*, sed ille (*b*) *Kacocilios*, qui syllabas interpretatur, & literas, ut dicat, (*c*) *Sei ei tonourenon Keysci ei tingin*, quod Latina lingua omnino non recipit: cuius rei exemplum nos ex nostro sermone capere possumus. Quanta enim apud Græcos bene dicuntur, quæ, si ad verbum transferamus, in Latino non resonant; & è regione, quæ apud nos placent, si vertantur juxta ordinem, apud illos displicebunt? Sed ut infinita præteream, & ostendam tibi, vir omnium nobilium Christianissime, & Christianorum nobilissime, cuiusmodi falsitatis me in epistole translatione reprehendant, ipsius epistolæ ponam cum Greco sermone principium, ut ex uno crimine intelligantur & cætera: *Edeigar īmas, agapite, miti oī sei ton cliron pherestai.* Quod me ita, vertisse memini: Oportebat, nos, dilectissime, Clericatus honore non abuti in superbiam. Ecce, inquiunt, in uno versiculo quanta mendacia. Primum *Agapitos* dilectus est, non dilectissimus: deinde *oī sei* existimatio dicitur, non superbia: non enim dixit *oidimati*; sed *oī sei*, quorum alterum tumorem, alterum arbitrium sonat. Totumque, quod sequitur, Clericatus honore non abuti in superbiam, tuum est. Quid agis, ò columen literarum, & nostrorum temporum

(*a*)


(*a*) *Id est, articulos.* (*b*) *Ille indoctus affectator fidelis interpretationis.* (*c*) *Concute Cœlum, concute terram.*

(a) Aristarche, qui de universis Scriptoribus sententiam feras? Ergo frustra tanto tempore studuimus, & sèpè manum ferulæ subduximus. Egredientes de portu, statim impeginus. Igitur, quia & errasse humanum est, & confiteri errorem, prudentis; tu quicumque reprehensor es, tu me obsecro, emenda præceptor, & verbum de verbo exprime. Debueras, inquit, dicere: Oportebat enim, nos dilecte, non existimatione Clericorum ferri. Hæc est Plautina eloquentia, hic lepos Atticus, & Musarum, ut dicunt eloquio comparandus. Completur in me tritum vulgi sermonem proverbium: Oleum perdit, & impensas, qui bovem mittit ad ceroma. Hæc non est illius culpa, cuius sub persona aliis agit tragœdiam, sed (b) Ruffini, & Melaniæ magistrorum ejus, qui illum magna mercede nihil scire docuerunt. Nec reprehendo in quolibet Christiano sermonis imperitiam; atque utinam Socratum illud haberemus: Scio, quod nescio; & alterius Sapientis: (c) Te ipsum intellige. Venerationi mihi semper fuit non verbosa rusticitas, sed sancta simplicitas. Qui in sermone imitari se dicit Apostolos, prius imitetur virtutes in vita illorum. In

lo-

(a) *Hic Aristarchus Homeri Rapsodias rededit in ordinem: unde censores alienorum operum Aristarchi dicuntur.* (b) *Allusit ad colorem: mellam enim Græce nigrum: & Ruffinus à colore dictus videtur.* (c) *Chilenis dictum.*

loquendo simplicitatem excusabit sanc-
timoniae magnitudo, & syllogismos A-
ristotelis, contortaque Chrysippi acumi-
na resurgens mortuus confutabit. Cæte-
rūm ridiculum, si quis ē nobis manens
inter Cræsi opes, & Sardanapali delicias,
de fola rusticitate se jaetet: quasi onines
latrones, & diversorum criminum rei di-
ferti sint; & cruentos gladios, Philosopher-
rum voluminibus, ac non arborum trun-
cis occulant. Excessi mensuram epistolæ,
sed non excessi doloris modum. Num qui
falsarius vocor, & inter muliercularum
radios, & textrina dilanior, contentus sum
crimen abnuere, non referre. Unde arbi-
trio tuo cuncta permitto, ut legas ipsam
epistolam, tam Græcam, quam Latinam:
& illico intelliges accusatorum meorum
nærias, & probrosas querelas. Porro mi-
hi sufficit amicum intruxisse charissi-
mum, & in cellula latitantem diem tan-
tum expectare judicii. Optoque, si fieri
potest, & si adversarii sciverint, commen-
tarios potius Scripturarum, quam De-
mosthenis, & Tullii Philippi-
cas tibi scri-
bere.



HIERONYMUS

Marcellæ.

Argumentum Epistolæ.


Respondet iis, qui obtrectabant, quod de Græcis, & Hebreis literis quadam jam recepta mutasset, immodicam in Hieronymo doctrinam calumniantes, quasi sola inscitia Christianum efficiat.

Post priorem epistolam, in qua de Hebreis verbis pauca perstrinxeram, ad me repente perlatum est, quosdam homunculos mihi studiosè detrahere, cur adversum auctoritatem veterum, & totius Mundi opinionem, aliqua in Euangeliiis emendare tentaverim. Quos ego, cum possem meo jure contemnere (asino quippe lyra superflue canit) tamen, ne nos superibizet, ut facere solent, arguant, ita responsum habeant: Non adeò me hebetis fuisse cordis, & tam crassę rusticitatis (quam illi solam pro sanctitate habent, pescatorum se discipulos afferentes, quasi idcirco sancti sint, si nihil scierint) ut aliquid de Dominicis verbis, aut corrigendum putavemus, aut non divinitus inspiratum. Sed Latinorum codicum vitiositatem, quæ ex diversitate librorum omnium comprobatur, ad Græcam originem, unde & ipsi translatæ non denegant, voluisse revocare.

Qui-

Quibus si displicet fontis unda purissimi
cœnosos rivulos bibant, & diligentiam,
qua avium sylvas, & concharum gurgi-
tes norunt, in Scripturis legendis abji-
ciant; sintque in hac re tantum simplices,
ut Christi verba existiment rusticana, in
quibus pertanta jam sæcula tantorum in-
genia sudaverunt, ut rationem verbi unius
cujuſque magis opinati sint, quam ex-
presserint. Apostolum arguant imperitiæ,
qui ob multas literas insanire dicebatur.
Scio te, cum ista legeris, rugare frontem,
& libertatem meam rursum seminarium
timere rixarum, ac meam, si fieri potest,
os digito velle comprimere, nè audeam di-
cere, quæ alii facere non erubescunt. Ro-
go, quid à nobis liberè dictum est: Nun-
quid in lancibus Idola cœlata descripsi?
Nunquid inter epulas Christianas, virgi-
nalibus oculis baccarum, satyrorumque
complexus innexui? Aut umquam ali-
quem amarior sermo pulsavit? Nunquid
ex mendicis divites fieri doluimus? Nun-
quid reprehendi hæreditarias sepulturas?
Unum miser locutus, quod Virgines sæ-
pius deberent cum mulieribus esse, quam
cum masculis, totius oculos Urbis offendit,
cunctorum digitis nector. Multiplica-
ti sunt super capillos capitis mei, qui ode-
runt me gratis, & factus sum eis in para-
bolam: & tu putas aliquid deinceps me
locuturum? Verum nè Flaccus de nobis
rideat: *Amphora cœpit institui, currente ro-
sa, cur urceus exiit?* Revertimur ad nostros,

bipedes asellos, & illorum in aure buc-
cina magis, quam cithara concrepamus.
Illi legant, spe gaudentes, tempori ser-
vientes: nos legamus, spe gaudentes. Do-
mino servientes. Illi adversus Presbyte-
rum accusationem omniō putent reci-
piendam: nos legamus: Adversus Presby-
terum accusantem omnino nē receperis,
nisi sub duobus, aut tribus testibus: pec-
cantes autem coram omnibus argue. Il-
lis placeat humanus sermo, & omni ac-
ceptione dignus; nos cum Gracis, id est,
cum Apostolo, qui Gr̄ecē locutus est, er-
remus: Fidelis sermo, & omni acceptio-
ne dignus. Ad extremum illi gaudeant
Gallicis cantheriis: nos solutus vinculis,
& in Salvatoriis ministerium preparatus,
Zachariæ asellus ille delebet: qui post-
quam Domino terga prebuit, cœpit Isaię
consonare vaticinio: Beatus, qui semi-
nat secūs omnem aquam, ubi
bos, & asinus
calcant.



HIERONYMUS

Paulino.

Argumentum Epistolæ.

Ethnicorum sapientium, & Ecclesiasticorum exemplis provocat ad studium literarum, præcipue sacrarum, & in his quantum sit difficultatis ostendit. Deinde ceu mundum quemdam Divina Scriptura exponit oculis, ac veluti per transennam ostendit, quæ magis inflammet ad hujus studium, singulos ejus libros, Auctores, & argumenta, elogiis quibusdam breviter commendans.

Frater Ambrosius tua mihi munuscula perferens detulit & suavissimas literas, quæ à principio amicitarum fidem probatax jam fidei, & veteris amicitiae præferebant. Vera enim illa necessitudo est, & Christi glutino copulata, quam non utilitas rei familiaris, non præsentia tantum corporum, non subdola, & palpans adulatio; sed Dei timor, & Divinarum Scripturarum studia conciliant. Legimus in veteribus historiis, quosdam lustrâsse Provincias, novos adiisse populos, maria transisse, ut eos, quos ex libris noverant, coram quoque viderent. Sic Pythagoras Memphis Vates, sic Plato Ægyptum, & Architam Tarentinum, eamque oram Italiæ, quæ quondam magna Græcia dicebatur, labioriosissime

riosissimè peragravit; ut, qui Athenis Magister erat, & potens, cujusque doctrinam Academiq; gymnasia personabant, fieret peregrinus, atque discipulus, malens aliena verecundè discere, quām sua impudenter ingerere. Denique, dum literas, quasi toto fugiens orbe persequitur, captus à Pyratis, atque venundatus, etiam tyranno crudelissimo paruit, captivus, vincitus, & servus tamen, quia Philosophus, major emente se fuit. Ad Titum Livium, lacteo eloquentiæ fonte manantem, de ultimis Hispaniæ, Galliarumque finibus quosdam venisse nobiles legimus: & quos ad contemplationem sui Roma non traxerat, unius hominis fama perduxit. Habuit illa ætas inauditum omnibus saeculis, celebrandumque miraculum, ut tantam urbem ingressi, aliud extra urbem quærerent. Apollonius, sive ille Magus (ut vulgus loquitur) sive Philosophus (ut Pythagorici tradunt) intravit Persas, pertransivit Caucasum, Albanos, Scythas, Massagetas, opulentissima Indiæ Regna penetravit, & ad extremum, latissimo Phison amne transmisso, pervenit ad Brachmanas, ut Hiarcham in throno sedentem aureo, & de Tantali fonte potantem interpaucos discipulos, de natura, de motibus siderum, ac dierum cursu audiret docentem. Inde per elamitas, Babylonios, Chaldaeos, Medos, Assyrios, Parthos, Syros, Phœnices, Arabes, Palæstinos, reversus Alexandriam, perrexit Æthiopiam, ut Gymnosophistas, & famosissimam Solis mensam

videret in fabulo. Invenit ille vir ubique,
quod disceret, & semper proficiens, sem-
per se melior fieret. Scripsit super hoc ple-
nissimè octo voluminibus Philostratus.
Quid loquar de sæculi hominibus? Cùm
Apostolus Paulus, vas electionis, & Ma-
gister Gentium, qui de conscientia tanti
in se hospitis loquebatur: An experimen-
tum quæratis ejus, qui in me loquitur,
Christus? Post Dafnascum, Arabiamque
Iustratam, ascenderit Jerosolymam, ut
videret Petrum, & manferit apud eum
diebus quindecim. Hoc enim mysterio heb-
domadis, & ogdoadis, futurus Gentium
Prædicator instruendus erat. Rursumque,
post annos quatuordecim, assumpto Bar-
naba, & Tito, exposuerit Apostolis Euan-
gelium, nè fortè in vacuum curreret, aut
cucurisset, habet enim nescio quid laten-
tis energiæ viva vox, & in aures discipu-
li de auctoris ore transfusa fortius sonat.
Unde & Æschines, cùm Rhodi exularet,
& legeretur illa Demosthenis oratio, quam
adversus eum habuerat, mirantibus cunc-
tis, atque laudantibus, suspirans ait: Quid
si ipsam audissetis bestiam sua verba re-
sonantem? Hæc non dico, quòd sit in me
aliquid tale, quod vel possis, vel velis
discere: sed quòd ardor tuus, ac discendi
studium, etiam absque nobis per se proba-
ri debeat. Ingenium docile, & sinè docto-
re laudabile est. Non quid invenias, sed
quid queras, consideramus. Mollis cera,
& ad formandum facilis, etiamsi artificis,

& plastræ cesserent manus , tanien virtute totum est, quidquid esse potest. Paulus Apostolus ad pedes Gamalielis legem Moysi , & Prophetas didicisse se gloriatur, ut armatus spiritualibus telis , posteà diceret confidenter: Arma enim militiæ nostriæ non carnalia sunt , sed potentia Deo , ad destructionem munitionum, consilia destruentes , & omnem altitudinem extollentem se adversus scientiam Dei , & captivantes omnem intellectum, ad obediendum Christo, & subjugare parati cunctam inobedientiam. Ad Timotheum scribit ab infantia sacris literis eruditum, & hortatur ad studium lectionis, nè negligat gratiam, quæ data sit ei per impositionem manuum Presbyteri. Tito præcipit , ut inter cæteras virtutes Episcopi , quem brevi sermone depinxit , scientiam quoque in eo eligit Scripturarum. Obtinentem (inquit) eum , qui secundum doctrinam est , fidellem sermonem : ut potens sit exhortari in doctrina sana , & contradicentes revincere : sancta quippe rusticitas solùm sibi profest, & quantum ædificat ex vitæ merito Ecclesiam Christi , tantum nocet , si destruentibus non resistat. Aggæus Propheta, imò per Aggæum Dominus , interroga , ait, Sacerdotes legem. In tantum Sacerdotis officium est, interrogatum respondere de lege. Et in Deuteronomio legimus : Interroga Patrem tuum, & annuntiabit tibi, seniores tuos , & dicent tibi. In Psalmo quoque centesimo decimo octavo : Cantabiles

tabiles mihi erant justificationes tuę in loco peregrinationis meae. Et in descriptione justi viri, cùm eum David arbori vittæ, quæ est in Paradiſo, compararet, inter cæteras virtutes, & hoc intulit: In lege Domini voluntas ejus, & in lege ejus meditabitur die, ac nocte. Daniel in fine sacratissimæ visionis, Justos (ait) fulgere sicut stellas, & intelligentes (hoc est doctos) quasi firmamentum. Vides quantum inter se distent justa rusticitas, & docta justitia? Alii stellis, alii Cœlo comparantur: quāmquam juxta Hebraicam veritatem, utrumque de cruditis possit intelligi; ita enim apud eos legimus: Qui autem docti fuerint, fulgebunt quasi splendor firmamenti: & qui ad justitiam erudiunt multos, quasi stellæ in perpetuas æternitates. Cur dicitur Paulus Apostolus vas electionis? Nempe, quia vas Legis, & Sanctorum Scripturarum armarium est. Pharisei stupent ad Doctrinam Domini, & mirantur in Petro, & Jeanne quomodo legem sciant, cùm literas non didicerint. Quidquid enim aliis exercitatio, & quotidiana in lege meditatio tribuere solet, illis Spiritus Sanctus fuggerebat. Erant juxta quod scriptum est (*a*) *Theodidacti*. Duodecim annos Salvator impleverat, & in Templo senes de quæstionibus Legis interrogans magis docet, dum prudenter interrogat. Nisi forte rusticum Petrum,

(a) *id est dociles Deo,*

trum, rusticum dicimus Joannem, quo-
 rum uterque dicere poterat: Etsi imperi-
 tus sermone, non tamen scientia. Joan-
 nes rusticus, piscator indoctus? Et unde
 vox illa, obsecro: In principio erat Ver-
 bum, & Verbum erat apud Deum, & Deus
 erat Verbum? *Logos* enim Grecè multa sig-
 nificat: nam & Verbum est, & ratio, &
 supputatio, & causa uniuscujusque rei, per
 quam sunt singula, quæ subsistunt. Quæ
 universa recte intelligimus in Christo. Hoc
 doctus Plato nescivit, hoc Demosthenes
 eloquens ignoravit. Perdam, inquit, sa-
 pientiam sapientum, & prudentiam pru-
 dentum reprobabo. Vera sapientia perdet
 fallam sapientiam: & quāmquam stultitia
 predicationis in Cruce sit, tamen Paulus
 sapientiam loquitur inter perfectos. Sa-
 pientiam autem non seculi hujus, nec Prin-
 cipium istius seculi, qui destruuntur: sed
 loquitur Dei sapientiam in mysterio abs-
 conditam, quam prædestinavit Deus ante
 secula. Dei sapientia Christus est, Chris-
 tus enim Dei virtus, & Dei sapientia. Hæc
 sapientia in mysterio abscondita est, de qua
 noni Psalmi titulus prenotatur, pro occul-
 tis filii, in quo sunt omnes thesauri sapien-
 tiæ, & scientiæ absconditi: & qui in myste-
 rio absconditus erat, prædestinatus est ante
 secula. Prædestinatus autem, & præfigura-
 tus in lege, & Prophetis. Unde & Prophetæ
 appellabantur Videntes, quia videbant
 eum, quem cæteri non videbant. Abraham
 vidi diem ejus, & letatus est. Aperiebantur

Cœs.

Cœli Ezechieli, qui populo peccatori clauserant. Revela (inquit David) oculos meos, & considerabo mirabilia de lege tua. Lex enim spiritualis est, & revelatione opus est, ut intelligatur, ac revelata facie Dei gloriam contemplemur. Liber in Apocalypsi septē sigillis signatus ostenditur: quem si dederis homini scienti literas, ut legat, respondebit tibi: Non possum, signatus est enim. Quanti hodie putant, se nōesse literas, & tenent signatum librum, nec aperire possunt, nisi ille rese-raverit, qui habet clavem David, qui aperit, & nemo claudit; claudit, & nemo aperit? In Actibus Apostolorum sanctus Eunuchus imò vir (sic enim eum Scriptura cognominat) cùm legeret Isaiam, interrogatus à Philippo: Putasne intelligis, quæ legis? Respondit: Quomodo possum, nisi aliquis me docuerit? Ego (ut de me loquar interim) nec sanctior sum hoc Eunuculo, nec studiosior: qui de Æthiopia, id est, de extremis Mundi finibus venit ad Templum, reliquit aulam regiam, & tantus amator Legis, Divinitque scientiæ fuit, ut etiam in vehiculo sacras literas legeret: & tamen, cùm librum teneret, & verba Domini cogitatione conciperet, linguâ volveret, labiis personaret, ignorabat eum, quem in libro nesciens venerabatur. Venit Philippus, ostendit ei Jesum, qui clausus latebat in litera. O mira doctoris virtus! Eādem horâ credit Eunuchus, baptizatur, & fidelis, & sanctus factus est, ac de discipulo Magister: plus in deserto fonte Ecclesiæ,

clesiae, quām in aurato Synagogæ tem-
plo reperit. Hæc à me breviter perstricta
sunt (neque enim epistolaris angustia eva-
gari longius patiebatur) ut intelligeres,
te in Scripturis Sanctis sine prævio, &
monstrante semitam non posse ingredi. Ta-
ceo de Grammaticis, Rhetoribus, Philo-
sophis, Geometris, Dialecticis, Musicis,
Astronomis, Astrologis, Medicis, quo-
rum scientia mortalibus vel utilissima est,
& in tres partes scinditur, scilicet, De-
cretum, Rationem, & Experientiam. Ad
minores artes veniam, & quæ non tam
linguâ, quām manu administrantur. Agri-
colæ, cementarii, fabri metallorum, lig-
norumve cæsores, lanarii quòque, & ful-
lones, & ceteri, qui variam supellesti-
lém, & vilia opuscula fabricantur, abs-
que doctore non possunt esse, quod cu-
piunt. Quod Medicorum est, promit-
tunt Medici: tractant fabrilia fabri. Sola
Scripturarum ars est, quam sibi omnes
passim vindicant. Scribimus indocti, doc-
tique poëmata passim. Hanc garrula anus,
hanc delirus senex, hanc sophista verbo-
sus, hanc universi præsumunt, lacerant,
docent, antequām discant. Alii adducto
superilio grandia verba trutinantes, in-
ter mulierculas de sacris literis philo-
phantur. Alii discunt (proh pudor!) à
fœminis, quod viros doceant: & nè pa-
rum hoc sit, quadam facilitate verborum,
imò audaciâ, edisserunt aliis, quod ipſi
non intelligunt. Taceo de mei similibus,
qui

qui si fortè ad Scripturas Sanctas, post sacerdotiales literas, venerint, & sermone composite aurem populi mulserint, quidquid dixerint, hoc legem Dei putant; nec sci-
re dignantur, quid Prophetæ, quid Apostoli senserint: sed ad sensum suum incongrua aptant testimonia: quasi grande sit, & non vitiosissimum docendi genus, depravare sententias, & ad voluntatem suam Scripturam trahere repugnantem. Quasi non legerimus Homerocentonas, & Virgiliocentonas: ac non sic etiam Maronem sinè Christo possimus dicere Christianum, quia scripsit:

*Jam redit & Virgo, redeunt Saturnia
Regna:*

Jam nova progenies Cælo demittitur alto.

Et Patrem loquentem ad filium:

*Nate, meæ vires, mea magna potentia
solus.*

Et post verba Salvatoris in Cruce:

*Talia perstabant memorans, fixusque ma-
nebat.*

Puerilia sunt hæc, & circulatorum ludo similia, docere quod ignores, imò (ut cum stomacho loquar) ne hoc quidem scire, quod nescias. Videlicet manifestissima est Genesis, in qua de natura Mundi, de exordio generis humani, de divisione terræ, de confusione linguarum, & descensione usque ad Aegyptum scribitur Hebræorum. Patet Exodus

dus cum decem plagis, cum Decalogo, cum mysticis, Divinisque præceptis. In promptu est Leviticus liber, in quo singula Sacrificia, imò singulæ penè syllabæ, & vestes Aaron, & totus ordo Leviticus spirant cœlestia Sacra menta. Numeri verò, nonnè totius Arithmeticæ, & Prophetiarum Balzam, & quadraginta duarum per eremum mansionem mysteria continent? Deuteronomium quòque secunda lex, & Euangelicæ legis præfiguratio, nonnè sic ea habet, quæ priora sunt, ut tamen nova sint omnia de veteribus? Hucusque Moyses, hucusque Pentateuchus: quibus quinque verbis loqui se velle Apostolus in Ecclesia gloriatur. Job exemplar patientiæ, quæ non mysteria suo sermone complectitur? Prosa incipit, versu labitur, pedestri sermone finitur: omnesque leges Dialecticæ propositione, assumptione, confirmatione, conclusione determinat. Singula in eo verba plena sunt sensibus. Et (ut de ceteris si leam) resurrectionem corporum sic prophetat, ut nullus de ea vel manifestius, vel cautius scripsiterit. Scio (inquit) quod Redemptor meus vivit, & in novissimo die de terra resurrecturus sum: & rursum circumdabor pelle mea, & in carne mea videbo Deum. Quem visurus sum ego ipse, & oculi mei conspecturi sunt, & non aliud: reposita est hæc spes mea in sinu meo. Veniam ad Jesum Nave, typum Domini non solum gestis, sed etiam nomine. Transit Jordanem, hostium Regna subvertit, dividit

ter,

terram victori populo, & per singulas us-
bes, vicos, montes, flumina, torrentes
atque confinia, Ecclesiæ Cœlestisque Je-
rusalem spiritualia Regna describit. In Ju-
dicum libro quot Principes populi, tot fi-
guræ sunt. Ruth Moabitæ Isaïæ exple-
vaticinium, dicentis: Emitte agnum, Do-
mine, dominatorem terræ, de petra deser-
ti ad montem filiæ Sion. Samuel in He-
mortuo, & in occiso Saul, veterem legem
abolitam monstrat. Porrò in Sadoch, at-
que David, novi Sacerdotii, novique Im-
perii sacramenta testatur. Malachim, ita
est, Regum tertius, & quartus liber à Sa-
lomone, usque ad Jechoniam, & à Jero-
boam filio Nabat, usque ad Osee, qui
ductus est in Assyrios, Regnum Juda, &
Regnum describit Israël. Si historiam re-
picias, verba simplicia sunt. Si in lite-
ris sensum latentem inspexeris, Ecclesia
paucitas, & hæreticorum contra Ecclesiam
bella narrantur. Duodecim Prophetæ in
unius voluminis angustia coarctati, mul-
tò aliud, quām sonant in litera, prefigu-
rant. Osee crebrò nominat Ephraim, Sa-
mariam, Joseph, Jesraël, & uxorem forni-
cariam, & fornicationis filios, & adulte-
ram cubiculo clausam mariti, multo tem-
pore sedere viduam, & sub veste lugu-
bri, viri ad se redditum præstolari. Johel
filius Phatuel describit terram duodecim
Tribuum, eruca, bricho, locusta, rubigi-
ne vastante corruptam, & post eversio-
nem prioris populi, effusum iri Spiritum

Sanc-

Sanctum super servos Dei, & ancillas, id est, super centum viginti credentium nomina, qui effundendus erat in cœnaculo Sion: qui centum viginti, ab uno usque ad quindecim paulatim, & per incrementa surgentes, quindecim graduum numerum efficiunt, qui in Psalterio mysticè continentur. Amos, pastor, & rusticus, & ruborum mora distingens, paucis verbis explicari non potest. Quis enim dignè exprimat tria, aut quatuor scelera Damasci, Gazæ, & Tyri, & Idumeæ, & filiorum Ammon, & Moab: & in septimo, octavo que gradu Judeæ, & Israël? Hic loquitur ad vaccas pinguis, quæ sunt in monte Samariæ, & ruituram domum majorem, minoremque testatur. Ipse cernit fiduciem locustæ, & stantem Dominum super murum litum, vel adamantinum, & unicinum pomorum, attrahentem supplicia peccatoribus, & famem in terram: non famem panis, nec sitim aquæ, sed audienti verbum Dei. Abdias, qui interpretatur servus Domini, pertonat contra Edon, sanguineum, terrenumque hominem: fratris quoque Jacob semper æmulum hasta percutitur spirituali. Jonas, columba pulcherrima, naufragio suo passionem Domini præfigurans, Mundum ad pœnitentiam revocans, & sub nomine Ninive salutem Gentibus nuntiat. Michæas de Morasthi, cohæres Christi, vastationem annuntiat filiis latronis, & obsidionem ponit contra eam, quia maxillam percusserit judicis Israël. Nahum,

confortator orbis, incipiat civitatem sanguinum, & post eversionem illius loquitur: Ecce super montes pedes euangelizantis, & annuntiantis pacem. Habacuch locator fortis, & rigidus, stat super custodiā suam, & figit gradum super munitiōnem, ut Christum in Cruce contempletur, & dicat: Operuit Cœlos gloria ejus, & laudis ejus plena est terra: splendor ejus ut lumen, cornua in manibus ejus, ibi absconditā est fortitudo ejus. Sophonias, speculator, & arcanorum Domini cognitor, audit clamorem à porta piscium, & ejulatum à secunda, & contritionem à collibus. Indicit quōque ululatum habitatoribus Pilæ: quia conticuit omnis populus Chanaam: disperierunt universi, qui involuti erant argenteo. Aggæus festivus, & latus, qui seminavit in lachrymis, ut in gaudio meteret, destrūctum Templum redificat, Dominumque Patrem inducit loquentem: Adhuc enim modicum, & ego commovebo Cœlum, & Terram, & Mare, & aridam. Et movebo omnes Gentes, & veniet desideratus cunctis Gentibus. Zacharias memor Domini sui, multiplex in prophetia, Jesum vestibus fôrdidis indutum, & lapidem oculorum septem, candelabrumque aureum, cum totidem lucernis, quot oculis, duas quōque olivas à sinistris lampadis cernit, & dextris; ut post equos varios, & rufos, & albos, & nigros, dissipatas quadrigas ex Ephraim, & equum de Jerusalem, pauperem Regem yaticinetur, & prædicet, sedentem

Super pullum filium asinæ subjugalis. Malachias apertè , & in fine omnium Prophetarum , de adjectione Israël , & vocatione Gentium : Non est mihi (ait) voluntas in vobis , dicit Dominus exercituum , & munus non suscipiam de manu vestra: ab ortu enim Solis, usque ad occasum, magnum est nomen meum in Gentibus : & in omni loco sacrificatur , & offertur nomini meo oblatio munda. Isaïam , Jeremiam , Ezechielem , & Danielem , quis possit vel intelligere , vel exponere ? Quorum primus non prophetiam mihi videtur texere ; sed Euangeliū. Secundus virgam nuceam , & ollam succensam à facie Aquilonis , & pardum spoliatum suis coloribus , & quadruplex diversis metris negetit alphabetum. Tertius principia , & finem tantis habet obscuritatibus involuta , ut apud Hebræos istæ partes cum exordio Genesios ante annos triginta non legantur. Quartus verò , qui & extremus inter quatuor Prophetas , temporum conscius , & totius Mundi Philohistor , lapidem præscissum de monte sine manibus , & Regna omnia subvertentem claro sermone pronuntiat. David , Simonides noster , Prindarus , & Alcæus , Flaccus quoque Catullus , & Serenus , Christum lyra personat , & in decachordo psalterio ab inferis excitat resurgentem. Salomon , pacificus , & amabilis Domini , mores corrigit , naturam docet , Ecclesiam jungit , & Christum , sanctorumque nuptiarum dulce canit

epithalamium. Esther in Ecclesiæ typo populum liberat de periculo, & interfecto Aman, qui interpretatur iniquitas, partes convivii, & diem celebrem mittit in posteros. Paralipomenon liber, id est, instrumenti veteris epitome, tantus, ac talis est, ut absque illo, si quis scientiam Scripturarum sibi voluerit arrogare, se ipsum irrideat. Per singula quippe nomina juncturasque verborum, & pretermissæ in Regnum Libris tanguntur historiæ, & innumerabiles explicantur Euangelii quæstiones. Esdras, & Neemias, adjutor videlicet, & consolator à Domino, in unum volumen coarctantur: instaurant templum, muros extruunt civitatis, omnisque illa turba populi redeuntis in Patriam, & descriptio Sacerdotum, Levitarum, Israëlis, proselytorum, ac per singulas familias murorum, ac currium opera divisa, aliud in cortice præferunt, aliud retinent in medulla.

Cernis, me Scripturarum amore rapsum, excessisse modum epistole; & tamen non impletisse, quod volui. Audivimus tantum, quid nosse, quid cupere debeamus, ut & nos quoque possimus dicere: Concupivit anima mea desiderare justificationes tuas in omni tempore. Cæterum Socraticum illud impletur in nobis: Hoc tantum scio, quod nescio. Tangam & novum breviter Testamentum. Matthæus, Marcus, Lucas, & Joannes, quadriga Domini, & verum Cherubim, quod interpretatur Scientiarum multitudo, per totum corpus occupati

lati sunt, scintillæ emicant, discurrunt fulgura, pedes habent rectos, & in sublime tendentes, terga pennata, & ubique volitantes. Tenent se mutuò, sibiique perplexi sunt, & quasi rota in rota volvuntur, & pergit, quocumque eos flatus Sancti Spiritus perduxerit. Paulus Apostolus ad septem Ecclesiás scribit: octava enim ad Hebreos à plerisque extra numerum ponitur. Timotheum instruit, ac Titum, Philemonem pro (a) fugitivo famulo deprecatur: super quo tacere melius puto, quam paucā scribere. Actus Apostolorum nudam quidem sonare videtur historiam, & nascentis Ecclesiæ infantiā texere. Sed, si noverimus, scriptorem eorum, Lucam esse medicum, cuius laus est in Euangeliō, animadvertemus, pariter omnia verba illius animæ languentis esse medicinam. Petrus, Jacobus, Joannes, & Judas Apostoli, septem epistolas ediderunt, tam mysticas, quam succinctas, & breves pariter, & longas; breves in verbis, longas in sententiis, ut rarus sit, qui non in earum lectione cœcutiat. Apocalypsis Joannis tot habet Sacra menta, quot verba. Parum dixi pro merito voluminis. Laus omnis inferior est. In verbis singulis multiplices latent intelligentiae. O te, frater charissime, inter hęc vivere, ista meditari, nihil aliud nosse, nihil querere. Nonnè tibi videatur jam hic in terris Regni Cœlestis habitaculum? Nolo offendaris in Scripturis sanctis simplicitate, & quasi vilitate verbo-

rum: quę vel vitio interpretum, vel de
 industria sic prolata sunt, ut rusticam con-
 cionem facilius instruerent, & in una, ea-
 demque sententia aliter doctus, aliter au-
 diret indoctus. Non sum tam petulans, &
 hebes, ut hæc me nōsse pollicear, & eo-
 rum fructus in terra capere, quorum ra-
 dices in Cœlo fixæ sunt: sed velle fateor.
 Sedenti me præfero, Magistrum renuens,
 comitem spondeo. Petenti datur, pulsanti
 aperitur, quærens invenit. Discamus in
 terris, quorum nobis scientia perseveret
 in Cœlo. Obviis te manibus excipiam: &
 (ut ineptè aliquid, ac de Hermagoræ tu-
 miditate effutiam) quidquid quæsiēris,
 tecum scire conabor. Habes hic amantis-
 simum tui fratrem Eusebium, qui literarum
 tuarum mihi gratiam duplicavit, referens
 honestatem morum tuorum, contemptum
 sæculi, fidem amicitiae, amorem Christi.
 Nam prudentiam, & eloquii venustatem,
 etiam absque illo ipsa epistola præferebat.
 Festina, quæso te, & hærentis in salo na-
 viculę funem magis præcide, quam fol-
 ve. Nemo renunciaturus sæculo, bene
 potest vendere, quæ contempsit, ut ven-
 deret. Quidquid in sumptus de tuo tu-
 leris, pro lucro computa. Antiquum dic-
 tum est: Avaro tam deest quod habet, quam
 quod non habet. Credenti totus Mundus di-
 vitiarum est: infidelis etiam obolo indiget.
 Sic vivanius, tanquam nihil habentes, &
 omnia possidentes. Viētus, & vestitus divi-
 tię Christianos sum sunt. Si habes in potestate

rem tuam , vende : si non habes projice :
 Tollenti tunicam , & pallium relinquendū est. Scilicet , nisi tu semper recras-
 tinaans , & diem de die trahens , cautē,
 & pedetentim tuas possesiunctas ven-
 dideris , non habet Christus , unde alat
 pauperes suos. Totum Deo dedit , qui se
 ipsum obtulit. Apostoli navem tantū ,
 & retia reliquerunt. Vidua duo æra mi-
 sit in gazophylacium , & præfertur Crœsi
 divitiis. Facile contemnit omnia ,
 qui se semper cogitat esse
 moriturum.

HIERONYMUS

DE

VITA PAULI EREMITÆ.

Argumentum Epistolæ.

*De ortu , vita , & obitu Pauli , primi , ut
 putant , Eremitæ , & quomodo fuerit
 sepultus à D. Antonio Monacho : tanta
 erat in exemplaribus varietas , ut appa-
 reat , Hieronymum sapius idem argumen-
 tum aliis tractasse verbis , aut alium exer-
 cenda copia causâ hoc fecisse. Videtur &
 hoc Hieronymus exercitandi ingenii causâ
 lusisse.*

*I*n ter multos sæpè dubitatum est , à quo
 potissimum Monachorū eremus habita-
 ri cœpta sit. Quidā enim , altius repetētes , à

Beato Elia, & Joanne sumpsere principium: quorum & Elias plus nobis videtur Propheta fuisse, quam Monachus; & Joannes ante prophetare cœpisse, quam natus est. Alii autem (in quam opinionem vulgus omne consentit) afferunt, Antonium hujus propositi fuisse caput: quod ex parte verum est: non enim tam ipse ante omnes fuit, quam ab eo omnium incitata sunt studia. Amathas verò, & Macarius, discipuli Antonii, quorum superior Magistri corpus sepelivit, etiam nunc affirmant, Paulum quendam Thebæum principem istius rei fuisse: quod non tam nomine, quam opinione nos quoque comprobamus. Nonnulli & hæc, & alia, prout voluntas tulit, jaetitant: subterraneo specu crinitum calcaneo tenus hominem fuisse; & multa, quæ persequi otiosum est, incredibilia fingentes. Quorum, quia impudens mendacium fuit, nè refellenda quidem sententia videtur, Igitur, quia de Antonio tam Græco, quam Romano stylo diligenter traditum est, pauca de Pauli principio, & fine scribere disposui, magis quia res omissa fuit, quam fretus ingenio. Quomodo autem in media ætate vixerit, & quas Satanæ pertulerit insidias, nulli hominum compertum habetur. Sub Decio, & Valeriano persecutoribus, quo tempore Cornelius Romæ, & Cyprianus Carthagine, stœlici crux damnati sunt, multas apud Ægyptum, & Thebaidam Ecclesias tempestas læva populata est. Votū tunc

tunc Christianis erat , pro Christi nomine gladio percuti. Verum hostis callidus tarda ad mortem supplicia conquirens , animas cupiebat jugulare, non corpora. Et ut ipse, qui ab eo passus est , Cyprianus ait, volentibus mori, non permittebatur occidi. Cujus ut crudelitas notior fiat, duo memoriae causâ exempla subjecimus. Perseverantem igitur in fide Martyrem, & inter equuleos, laminasque vietorem, jussit melle perungi, & sub ardentiissimo Sole , ligatis manibus post tergum resupinari : scilicet, ut muscarum aculeis cederet , qui ignitas fartagines ante superasset. Alium juvenili etate florentem, in amoenissimos hortulos precepit abduci: ibique inter lilia cendentia, & rubentes rosas , cum leni juxta murmure aquarum serperet rivus , & molli sibilo arborum folia ventus perstringeret, super extractum plumis lectum resupinari: & ne se inde posset excutere , blandis serico nexibus irretitum relinqu. Quò , cum , redentibus cunctis, meretrix speciosa venisset, cœpit delicatis stringere colla complexibus: & quod dictu quoque scelus est, manibus attrectare virilia, ut corpore in libidinem concitato, se vietrix impudica superjaceret. Quid ageret miles Christi, & quò se verteret, nesciebat: quem tormenta non vicerant, superabat voluptas. Tandem cœlitus inspiratus, præcisam morfu linguam in osculantis se faciem expuit, ac sic libidinis sensum succedens doloris magnitudo superavit. Per idem ergo tempus , quo talia

gerebantur, apud inferiorem Thebaidam, cum sorore jam viro tradita, post mortem amborum Parentum, in hereditate locupleti Paulus relictus est annorum circiter quindecim, litteris tam Gr̄c̄is, quam Ægyptiacis app̄imè eruditus, mansueti animi, Deum valde amans. Et cum persecutionis procella detonaret, in villam remotorem, & secretiorem secessit. Verum (a) *quid nō mortalia pectora cogis, Auri sacra famē?* Sororis maritus cœpit prodere velie, quem celare debuerat. Non illum uxoris lachrymæ, non communio sanguinis, non spectans cuncta ex alto Deus à scelere revocavit. Ad hæc instabat crudelitas, quæ pietatem videbatur imitari. Quod ubi prudenter adolescens intellectus, ad montium deserta confugiens, dum persecutio-
nis finem praestolatur, necessitatem in voluntatem vertit: ac paulatim progrediens, rursusque subsistens, atque hoc idem saepius faciens, tandem reperit saxeum mon-
tem, ad cuius radicem haud procul erat grandis spelunca, quæ lapide claudebatur. Quo remoto (ut est cupiditas homi-
num occulta cognoscere) avidius explora-
rans, animadvertisit intus grande vestibu-
lum, quod aperto desuper Cœlo, patu-
lis diffusa ramis vetus palma contexerat,
fontem lucidissimum ostendens, cuius ri-
vum tantummodò foras erumpentem, sta-
tim modico foramine, eadem, quæ ge-
nerat, aquas terra sorbebat. Erant præte-
reà

reâ per exesum montem haud pauca
habitacula, in quibus scabré jam incudes,
& mallei, quibus pecuniæ olim signatæ
visebantur. Hunc locum Ægyptiorum
literæ ferunt furtivæ monetæ officinam fu-
se, ea tempestate, qua Cleopatræ junctus
est Antonius. Igitur adamato (quasi quod
à Deo sibi offerretur) habitaculo, oni-
nem ibidem in orationibus, & solitudi-
ne duxit cætatem: cibum, & vestimen-
tum ei palma præbebat. Quod nè cui im-
possibile videatur, Jesum testor, & sanctos
Angelos ejus in ea eremi parte, quæ
juxta Syriam Saracenis jungitur, vidisse
me Monachos, de quibus unus per tri-
ginta annos clausus, hordeaceo pane, &
lutulentâ aqua vixit: alter in cisterna ve-
teri (quam gentili sermone Syri cubam
vocant) quinque caricis per singulos dies
sustentabatur. Hæc igitur incredibilia esse
videbuntur his, qui non crediderint: quia
omnia possibilia sunt credentibus. Sed, ut
ad id redeam, unde digressus sum, cùm
jam centum & tredecim annos Beatus
Paulus vitam Cœlestem ageret in ter-
ris, & nonagenarius in alia solitudine
Antonius moraretur (ut ipse afferere sole-
bat) hæc in mentem ejus cogitatio incidit,
nullum ultra se perfectum Monachum in
eremo confedisse. At illi per noctem quies-
centi revelatum est, esse aliud ulterius mul-
tò se meliorem, ad quem visendum debe-
ret proficiisci. Illicò, erumpente luce vene-
rabilis senex infirmos artus baculo regente

sustentans, cœpit ire velle, quò nesciebat. Et jam media dies, coquente desuper Sole, seruebat: nec tamen à cœpto itinere abducatur, dicens: Credo in Deum meum, quòd servum suum, quem mihi promisit, ostendet. Nec plura his, conspicit hominem equo mixtum, cui opinio Poëtarum Hippocentauro vocabulum indidit. Quo viso, salutaris impressione signi armat frontem, & Heustu, inquit, quanam in parte hīc servus Dei habitat? At ille barbarum nescio quid infrendens, & frangens potius verba, quam proloquens, inter horrēntia ora senis blandum quæsivit alloquium, & dextrę protensione manus cupitum indicat iter: & sic patentes campos volucri transmittens fuga, ex oculis mirantis evanuit. Verūm hēc utrūm Diabolus ad terrendum eum simulaverit, an (ut solet) eremus monstruosorum animalium ferax, istam quoque gignat bestiam, incertum habemus. Stupens itaque Antonius, & de eo, quod viderat, secum volvens, ulterius progreditur. Nec mora inter saxifragam convallem haud grandem homunculum videt, aduncis naribus, fronte cornibus asperata, cujus extrema pars corporis in caprarum pedes desinebat. Infractusque & hoc Antonius spectaculo, scutum fidei, & loricam spei, ut bonus præliator, arripuit. Nihilominus memoratum animal, palmarum fructus eidem ad viaticum, quasi pacis obsides, afferebat. Quo cognito, gradum pressit Antonius, & quisnam esset

interrogans, hoc ab eo responsum accepit: Mortalis ego sunt, & unus ex accolis eremii, quos vario delusa errore Gentilitas, Faunos, Satyrosque, & Incubos vocans, colit. Legatione fungor gregis mei: precamur, ut pro nobis communem Deum depreceris, quem pro salute Mundi venisse cognovimus, & in universam terram exiit sonus ejus. Talia eo loquente, longevus viator ubertim faciem lachrymis rigabat, quas magnitudo lætitiae indices cordis effuderat. Gaudebat quippe de Christi gloria, & de interitu Satanæ: simulque admirans, quod ejus posset intelligere sermonem, & baculo humum percutiens, ajebat: Væ tibi, Alexandria, quæ pro Deo portenta veneraris: vae tibi, civitas meretrix, in quam totius orbis Dæmonia confluxere! Quid nunc dictura es? Bestiæ Christum loquuntur, & tu pro Deo portenta veneraris. Necdum verba compleverat, & quasi pennigero volatu petulcum animal aufugit. Hoc, nè cuiquam ob incredulitatem scrupulum moveat, sub Rege Constantino, universo Mundo teste, defenditur: nam Alexandriam istiusmodi homo vivus perductus, magnum populo spectaculum præbuit; & posteà cadaver exanime, nè calore æstatis dissiparetur, sale infuso, Antiochiam, ut ab Imperatore videretur, allatum est. Sed ut propositum persequar, Antonius cœptam Regionem pergebat, ferarum tantum, & bubalorum vestigia intuens; & eremi latam vastitatem. Quid ageret, quo-

verteret gradum nesciebat. Jam altera effluxerat dies: restabat unum, ut deserire à Christo non posse consideret. Pernox secundas in oratione exegit tenebras, & dubia adhuc luce, procul intuetur lupam, sitis ardoribus anhelantem, ad radicem montis irrepere. Quam fecutus oculis, & juxta speluncam, cum fera abiisset, accedens, intro cœpit aspicere, nihil curiositate proficiente, tenebris arcentibus visum. Verum, ut Scriptura ait, perfecta dilectio foras mittit timorem: suspenso gradu, & anhelitu temperato, callidus explorator ingressus, ac paulatim progrediens, saepiusque subsistens, sonum aure captabat. Tandem per cœcæ noctis horrorem procul lumen intuitus, dum avidius properat, offenso in lapidem pede, strepitum concitavit: post cuius sonitum, beatus Paulus, ostium, quod patebat, occludens, serà obfirmavit. Tunc verò Antonius præ foribus corruens, usque ad sextam, & eo amplius, horam, aditum precabatur, dicens: Qui sim, unde, vel cur veniam, nōsti. Scio me non mereri conspectum tuum: tamen, nisi videro, non recedam. Qui bestias recipis, hominem cur repellis? Quæsivi, & inveni: pulso, ut aperiatur. Quod si non impetro, hic moriar ante possest tuos: certè sepelies vel meum cadaver,

(a) Talia perstabat memorans, fixusque manebat. Ad quem responsum paucis ita cedidit heros: Nemo sic petit, ut mine-

tur: nemo cum lachrymis injuriam, vel calumniam facit. Miraris, si non recipiam, cum moriturus adveneris? Sic aridens Paulus patefecit ingressum. Quod aperto, dum in mutuos miscentur amplectus propriis se salutavere nominibus: gratia Domino in commune referuntur. Ecce post sanctum osculum, residens Paulus cum Antonio, ita exorsus est: En, quem tanto labore quæsisti, putridis senectute membris operit inculta canities. Eni vides hominem, pulverem mox futurum. Verum, quia charitas omnia sustinet, narra mihi, quæso, quomodo se habeat humanum genus: an in antiquis urbibus nova testa confurgant: quo Mundus regatur imperio: an supersint aliqui, qui Dæmonum errore rapiantur. Inter has sermocinationes suspiciunt alitem corvum in ramo arboris consedisse, qui inde leniter subvolans, integrum panem ante mirantium ora depositus. Post cuius abscessum: Eia (inquit Paulus) Dominus nobis prandium misit, verè pius, verè misericors. Sexaginta jam anni sunt, quod accipio dimidii semper panis fragmentum: verum adventum tuum militibus suis Christus duplicavit annonam. Igitur, Domino gratiarum actione celebrata, super vitrei marginem fontis iterque condit. Hic verò, quis frangeret panem oborta contentio, penè diem duxit in vesperum: Paulus more cogebat hospitii: Antonius jure refellebat ætatis. Tandem consilium fuit, ut apprehenso è regione pane, dum

ad se quisque nititur, pars cuique sua remaneret in manibus. Dehinc paululum aquæ in fonte prono ore libaverunt : & immolantes Deo sacrificium laudis, noctem transegere vigiliis. Cumque jam esset terræ redditus dies, beatus Paulus ad Antonium sic locutus est : Olim te, frater, in istis Regionibus habitare sciebam : olim te conservum meum mihi promiserat Deus. Sed quia jani dormitionis meæ tempus advenit, & quod semper cupiebam, dissolvi, & esse cum Christo, peracto cursu, supervenient mihi corona justitiae : tu missus es à Domino, qui humo corpusculum meum tegas, imò terræ terram reddas. His Antonius auditis : flens, & gemens, nè se desereret, atque ut comitem talis itineris acciperet, precabatur. Et ille : Non debes (inquit) querere, quæ tua sunt, sed quæ aliena : expedit quidem tibi, sarcina carnis abjecta, Agnum sequi ; sed & cæteris expedit fratribus, ut tuo adhuc instituantur exemplo. Quamobrem, quæso, perge, nisi molestum est, & pallium, quod sibi Athanasius Episcopus dedit, ad involvendum corpusculum meum defer. Hoc autem beatus Paulus rogavit, non quod magnoperè curaret, utrum teatum putreficeret cadaver, an nudum : quippe qui tandem temporis spatio contextis palmarum foliis vestiebatur : sed, ut à se recedenti mœror suæ mortis levaretur. Stupefactus ergo Antonius, quod de Athanasio, & pallio ejus audierat ; quasi Christum in Paulo videntis,

dens, & in pectore ejus Deum venerans, plena
trà respondere nihil ausus est: sed cum si-
lentio lachrymans, osculatis ejus oculis,
manibusque, ad Monasterium, quod pos-
teà à Saracenis occupatum est, regredie-
batur. Neque verò gressus sequebantur
animum: sed quāmvis corpus inane jeju-
niis, seniles etiam anni fregerant: tamen
animo vincebat ætatem. Tandem fatiga-
tus, & anhelus, ad habitaculum suum, con-
fecto itinere, pervenit. Cui cùm duo dis-
cipuli, qui ei longo jam tempore ministra-
re consueverant, occurrisserent, dicentes:
Ubi tamdiu moratus es, Pater? Respon-
dit: Væ mihi peccatori, qui falsi Mona-
chi nomen fero! Vidi Eliam, vidi Joan-
nem in deserto, & verè vidi Paulum in Pa-
radiso. Et sic ore comprepresso, & manu ver-
berans pectus, ex cellula pallium protulit.
Rogantibusque discipulis, ut pleniū, quid-
nam rei esset, exponeret, ait, tempus tacen-
di, & tempus loquendi. Tunc egressus fo-
rás, & ne modicum quidem cibi sumens,
per viam, qua venerat, regressus est, illum
sitiens, illum videre desiderans, illum ocu-
lis, ac mente contemplans. Timebat enim,
quod evenit, nè, se absente, Christo debi-
tum spiritum redderet. Cùmque jam dies
alia illuxisset, & trium horarum spatio viam
remcavisset, vedit inter Angelorum cater-
vas, inter Prophetarum, & Apostolorum
choros, niveo candore Paulum fulgentem
in sublime concendere. Et statim in fa-
ciem suam procidens, fabulum capiti

superjaciebat : ploransque , & ejulans aje-
bat : Cur me , Paule , dimittis ? Cur in-
salutatus abis ? Tam tardè notus , tam ci-
tò recedis ? Referebat posteà beatus An-
tonius , tanta se velocitate , quod reli-
quum erat vix cucurisse , ut instar avis
per volasset . Nec immeritò : nam introgres-
sus speluncam , vidit genibus complica-
tis , erecta cervice , extensisque in altum
manibus , corpus examine . Ac primum &
ipse , vivere eum credens , pariter orabat .
Postquam verò nulla , ut solebat , suspiria
precantis audivit , in flebile osculum ruens ,
intellexit , quòd etiam cadaver Sancti Deum
(cui omnia vivunt) officioso gestu preca-
batur . Igitur obvoluto , & prolatò foras
corpoie , hymnos quoque , & psalmos de
Christianā traditione decantans , contrista-
batur Antonius , quòd sarculum , quo ter-
ram foderet , non haberet : fluctuansque
vario mentis æstu , & secum multa repu-
rans , dicebat : Si ad Monasterium rever-
tar , tridui iter est : si hic maneam , nihil
ultrà proficiam . Moriar ergo , ut dignum
est , & juxta bellatorem tuum , Christe ,
ruens , extremum halitum fundam . Talia
eo animo volente , ecce duo leones ex
interioris cremi parte currentes , volanti-
bas per colla jubis , ferebantur : quibus
aspectis primò exhorruit : rufusque ad
Deum referens mentem , quasi columbas
videret , mansit intrepidus . Et illi quidem
directo cursu ad cadaver beati senis sub-
siterunt , adulantibusque caudis circa ejus

pedes accubuere, fremitu ingenti rugientes, prorsus ut intelligeret eos plangere, quo modo poterant. Deinde haud procul cœperunt humum pedibus scalpere, arenamque certatim egerentes, unius hominis capacem locum foderunt: ac statim, quasi mercedem pro opere postulantes, cum motu aurium, cervice dejecta, ad Antonium perrexerunt, manus ejus, pendentes lingentes. At ille animadvertisit, benedictionem eos à se precari. Nec mora, in laudationem Christi effusus, quod muta quoque animalia Deum esse sentirent, ait: Domine, sine cuius nutu nec folium arboris defluit, nec unus passerum ad terram cadit, da illis sicut tu scis. Et manu annuens eis, ut abirent, imperavit. Cumque illi recessissent, sancti corporis onere seniles curvavit humeros, & deposito eo in fossam, desuper humum congregans, tumulum ex more composuit. Postquam autem alia dies illuxit, ne quid plus hæres ex intestati bonis non possideret, tunicam ejus sibi vindicavit, quam in sportarum modum de palmæ foliis ipse sibi contexuerat. Ac sic ad Monasterium reversus, discipulis cuncta ex ordine replicavit: diebusque solemnibus, Paschæ, & Pentecostes, semper Pauli tunica vestitus est. Libet in fine opusculi eos interrogare, qui sua patrimonia ignorant, qui domos marmoribus vestiunt, qui uno filo villarum insuant pretia: huic seni nudo quid umquam defuit?

Vos gemmâ bibitis : ille naturæ concavis
 manibus satisfecit. Vos in tunicis aurum
 texitis : ille ne vilissimum quidem indu-
 mentum habuit mancipii vestri. Sed è
 contrario illi quidem pauperculo paradi-
 sus patet : vos auratos gehenna suscipiet.
Ille vestem Christi, nudus licet, tamen ser-
 vavit : vos vestiti sericis indumentum
Christi perdidistis. Paulus vilissimo pul-
 vere coopertus jacet, resurrecturus in
 gloriam : vos operosa saxis sepulchra
 premunt, cum vestris opibus arsuros. Par-
 cite, quæso, vobis : parcite saltèm divi-
 tiis, quas amatis. Cur & mortuos vestros
 auratis obvolvitis vestibus? Cur ambitio
 inter luçus, lachrymasque non cessat? An
 cadavera divitum nisi in serico putresce-
 re nesciunt? Obscro, quicumque hæc
 legis, ut Hieronymi peccatoris memine-
 ris: cui si Dominus optionem daret, mul-
 tò magis eligeret tunicam Pauli
 cum meritis ejus, quam
 Regum purpuram
 cum pœnis
 suis.



HIERONYMUS

Paulino Antiochenæ urbis Episcopo.

Argumentum Epistolæ.

Purgatoria est hæc epistola, quod non scribas exactius.

Voce me provocas ad scribendum, terres eloquentiâ, & in epistolari stilo propè Tullium repræsentas. Quod quereris, me parvas, & incomptas literulas mittere, non venit de incuria, sed de timore tui: nè verbosius ad te loquens, plura reprehendenda transmittam. Et navigandi tempore tot à me simul epistolæ flagitantur, ut, si cuncta ad singulos velim scribere, occurrere nequeam. Unde accidit, ut amissa compositione verborum, & scribentium solicitudine, dictem, quidquid in buccam venerit, & amicum te tantum meorum dictorum, non judicem, considerem. Et scis ipse, non bene fieri, quod occupato animo fiat. Pileolum texturâ breve, charitate latissimum, senili capiti confovendo, libenter accepi, & munere, & muneris Auctore laxatus.

EPISTOLA
HIERONYMUS

Desiderio.

Argumentum Epistolæ.

Desiderium, & Serenillam sororem, à quibus literas acceperat, ex nominum etymologię ducto initio, commendat & quod ad sancta loca, suum implentes propositum, accedant, hortatur: & cur suorum operum interea nihil illis mittat, rationem reddit.

Lepto sermone dignationis tuæ, quem mihi non opinanti tua benevolentia tribuit, gavisus quidem sum testimonio honesti, & eloquentis viri: sed in memet reversus, fatis dolui, indignum tantis laudibus, atque præconio opprimi me potius, quam levari. Scis enim, dogma nostrum humilitatis tenere vexillum, & per ima gradientes ad summa nos scandere. Quotus igitur ego, vel quantus sum, ut eruditæ vocis merear testimonium? Ut mihi ab eo palma eloquentiæ deferatur, qui, scribendo dissertissimè, deterruit, nè scriberem? Verumtamen audendum est, ut Charitas, quæ non quærit, quæ sua sunt, sed quæ proximi, reddat salutationis officia, quoniam locum implere non valet præceptoris. Gratulor tibi, & sanctæ, atque venerabili sorori tuæ Serenille, quæ(a) ferony-

mos,

(a) *Id est, ferens nomen sibi conveniens.*

mos, calcatis fluctibus saeculi, ad Christi tranquilla pervenit: quamquam hoc nominis vaticinio in te praedestinatum sit. Legimus enim, sanctum quoque Danielem appellatum desideriorum virum, & amicum Dei, quia mysteria ejus scire desideravit. Itaque quod venerabilis Paula me est deprecata, ut facerem, sponte facio: hortorque vos, & precor per Domini charitatem, ut nobis vestros tribuatis aspectus, & per occasionem sanctorum locorum tanto nos dicitis munere: Certè, si consortia nostra displicerint, adorasse ubi steterunt pedes Domini, pars fidei est, & quasi recentia nativitatis, & Crucis, ac passionis vidisse vestigia. Opusculorum meorum, quia plurima evolaverunt de nidulo suo, & temeratio editionis honore vulgata sunt, nihil misi, ne eadem forsitan mitterem, quæ habebas. Quòd si exemplaria libuerit mutuari, vel à Sancta Marcella, quæ manet in Aventino, vel à Lot temporis nostri, Domnione, viro Sanctissimo, accipere poteris. Ego autem, operiens presentiam tuam, aut totum tibi dabo, cum adfueris, aut, si hoc aliquæ impedierint difficultates, quecumque præceperis, libens mittam. Scripsi librum de illustribus viris, ab Apostolis, usque ad nostram etatem, imitatus Tranquillum, Græcumque Apollonium: & post catalogum plurimorum, me quoque in calce voluminis, quasi abortivum, & minimum omnium Christianorum, posui: ubi mihi necesse fuit, usque ad decimum

quar-

quartum annum Theodosii Principis, quæ
scripserim, breviter annotare. Quem librum
cùm à supradictis sumpteris, quidquid de
indice minus habueris, paulatim scribi fa-
ciam, si volueris.

HIERONYMUS

De vita Malchi Captivi Monachi.

Argumentum Epistolæ.

*M*alchi, ex Maronia Syriae vico orti, vitam
& captivitatem describit: ut post solita-
rium, & celebrem Monachum, alium op-
pressum, & exagitatum ante oculos lec-
toribus ponat.

Qui navalí prælio dimicaturi sunt, anté
in portu, & in tranquillo mari flec-
tunt gubernacula, remos trahunt, ferreas
manus, & uncos præparant, dispositum-
que per tabulata Militem, pendente gra-
du, & labente vestigio, stare firmiter con-
tuescunt: ut quod in simulachro pugnè di-
dicerint, in vero certamine non perhorre-
cant. Ita & ego, qui diu tacui (silere quip-
pe me facit, cui meus sermo supplicium
est) prius exerceri cupio in parvo opere, &
veluti quamdam rubiginem linguæ abster-
gere, ut venire possim ad latiorem histo-
riam. Scribere enim disposui (si tamen vi-
tam Dominus dederit, & si vituperatores
mei saltēm fugientem me, & inclusum
per-

prosequi desierint) ab adventu Salvatoris, usque ad nostram ætatem, id est, ab Apostolis, usque ad nostri temporis fæcem, quomodo, & per quos Christi Ecclesia nata sit, & adulta, persecutionibus creverit, martyriis coronata sit: & postquam ad Christianos Principes venit potentiam quidem, & divitiis major; sed virtutibus minor facta sit. Verum hæc alias: nunc, quod imminet, explicemus. Maronia triginta fermè millibus ab Antiochia urbe Syriæ, haud grandis ad Orientem distat viculus. Hic post multos vel Dominos, vel Patronos, dum ego adolescentulus morarer in Syria, ad Papæ Evagrii necessarii mei possessionem devolutus est: quem idcirco nominavi, ut ostenderem, unde nōsem, quod scripturus sum. Erat igitur illic quidam senex nomine Malchus, quem nos Latinè Regem possumus dicere, Syrus natione, & lingua:anus quòque in ejus contubernio, valde decrepita, & jam morti proxima videbatur: tam studiosè ambo Religiosi, & sic Ecclesiæ limen terentes, ut Zachariam, & Elizabeth de Euangelio crederes, nisi quod Joannes in medio non erat. De his cùm curiosè ab accolis quærerem, quænam esset eorum copula, matrimonii, sanguinis, an spiritus: omnes voce consona Sanctos, & Deo placitos, & mira nescio quæ respondebant. Quia cupiditate ille etus, adortus sum hominem, & curiosius sciscitus rerum fidem, hæc ab eo accepi. Ego, inquit, mi nate, Marionaci agelli colonus, solus Parentibus sui. Qui

cum me, quasi stirpem generis sui, & hæredem familiæ suæ, ad nuptias cogerent, Monachū potius me velle esse respondi. Quantis Pater minis, quantis Mater blanditiis persecuti sint, ut pudicitiam proderem, hæc res sola indicio est, quod & domum, & Parentes fugi. Et quia ad Orientem ire non poteram propter vicinam Perfidem, & Romanorum militum custodiam, ad Occidentem verti pedes, pauxillulum nescio quid portans viatici, quod me ab inopia tantum defensaret. Quid multa? Perveni tandem ad eremum Chalcidos, quæ inter Immam, & Eßam magis ad austrum sita est. Ibi reperiis Monachis, eorum me magisterio tradi- di, manuum labore vietum queritans, lasciviamque carnis refrænans jejuniis. Post multos annos. incidit mihi desiderium, ut ad patriam pergerem: ut dum adhuc vive- ret Mater (jam enim Patrem mortuum au- diēram) solarer viduitatem ejus: & exinde venundata possesiuncula, partem eroga- rem pauperibus, partem Monasterio con- stituerem, (quid erubesco confiteri infide- litatem meam?) partem in sumptuum meoium solatia reservarem. Clamare cœ- pit Abbas meus, Diaboli esse tentationem, & sub honestæ rei occasione latere antiqui hostis insidias. Hoc esse, reverti canem ad vomitum suum: sic multos Monacho- rum esse deceptos: nusquam Diabolum aperta fronte se prodere. Proponebat mihi exempla de Scripturis plurima: inter quæ illud, quod initio Adam quoque, &

Evam spe divinitatis supplantaverit. Et
 cum persuadere non posset, provolutis
 genibus obsecrabat, ne se desererem, nec
 me perderem: nec aratrum tenens, post
 terguni respicerem. Vae misero mihi: vici
 monitorem pessimâ victoriâ, putans, illum
 non meam salutem, sed suum solatum
 querere. Prosecutus ergo me de Monaste-
 rio, quasi funus efferret, & ad extremum
 vale dicens: Video, ait, te, fili, Satane
 cauterio notatum: non quero causas, ex-
 cuses non recipio. Ovis, quæ de ovili
 egreditur, lupi statim morsibus patet. De
 Beria ad Essam pergentibus vicina est pu-
 blico itineri solitudo, per quam Saraceni
 incertis sedibus huc, atque illuc semper
 vagantur. Quæ suspicio frequentiam in il-
 lis locis viatorum congregat, ut immi-
 nens periculum auxilio mutuo decline-
 tur. Erant in comitatu meo viri, femi-
 nae, senes, juvenes, parvuli, numero
 circiter septuaginta. Et ecce subito equo-
 rum, camelorumque sessores Ismaelitæ
 irrunnt, crinitis, vittatisque capitibus,
 ac seminudo corpore, pallia, & latae ca-
 ligas trahentes, pendebant ex humero
 pharetræ, laxos arcus vibrantes, hastilia
 longa portabant: non enim ad pugnan-
 dum; sed ad prædam venerant. Rapi-
 mur, dispergimur, in diversa trahimur.
 Ego enim longo postliminio heredita-
 riis possessor, & serô mei consilii pœ-
 nitens, cum altera muliercula in uius
 heri servitutem sortitus venio. Ducimur,

imò portamur sublimes in camelis, & per vastam eremum, semper ruinam timentes, hæremus potius, quam sedemus. Carnes semicrudè cibus, & lac camelorum potus erat. Tandem, grandi amne transmissō, per venimus ad interiorem solitudinem, ubi dominam, liberosque ex more gentis adorare iussi, cervices flebitimus. Hic, quasi clausus carcere, mutato habitu, id est, nudus ambulare disco: nam aëris quoque intemperies, nihil aliud, præter pudenda, velari patiebatur. Traduntur mihi pascendæ oves: & in malorum comparatione hoc fruor solatio, quod dominos meos, & conservos rarius video. Videbar mihi aliquid habere Sancti Jacob: recordabar Moysi: qui & ipso in eremo quondam fuere pastores. Vescabar recenti caseo, & lacte: orabam iugiter: canebam Psalmos, quos in Monasterio didiceram: delebat me captivitas mea. Agebam Dei judicio gratias, quod Monachum, quem in patria fueram perditurus, in eremo inveneram. O nihil unquam tutum apud Diabolum! O multiplices, & ineffabiles ejus infidiae! Sic quoque latenter me invenit invidia. Dominus videns, gregem suum crescere, nihilque in me deprehendens fraudulentiae (sciebam enim, Apostolum præcepisse, dominis sic, quasi Deo, fideliter serviendum) & volens me remunerari, quo fidum sibi magis faceret, tradidit mihi illam conservam meam, aliquando captivam. Et, cum ego refutarem, diceremque, me Christianum, nec

licere mihi uxorem viventis mariti accipere (siquidem captus nobiscum vir ejus, ab alio Domino fuerat abductus) rursus ferus ille, & implacabilis, in furorem versus, evaginato me cœpit petere gladio: & nisi confestim brachia tendens mulierem præoccupasse, illico fudisset sanguinem. Jam igitur venerat tenebrosior solito, & mihi nimium matura nox. Duco in speluncam semirutam novam conjugem, & pronubante nobis mœstitia, uterque detestamur alterum, nec fatemur. Tunc verè sensi captivitatem meam, postratusque humili Monachum cœpi plangere, quem perdebam, dicens: Huccine miser servatus sum? Ad hoc mea scelera perduxerunt, ut, incandescente jam capite, virgo maritus fierem? Quid prodest Parentes, patriam, rem familiarem contempsisse pro Domino, si hoc facio, quod nè facerem, illa contempsi? Nisi quòd fortè propterea hęc sustineo, quia patriam desideravi. Quid agimus, anima? Perimus, an vicimus? Exspectamus manum Domini, an proprio mucrone confodimur? Verte in te gladium: tua magis mors timenda est, quam corporis: habet & servata pudicitia suum martyrium: jaceat infespultus Christi testis in eremo: ipse mihi ero persecutor, & martyr. Sic fatus, eduxi in tenebris quoque micantem gladium, &, acumine contra me verso: Vale, inquam, infelix mulier: habeto me martyrem potius, quam mariam. Tunc illa pedibus meis provoluta,

precor te, inquit, per Jesum Christum, & per hujus horæ necessitatem adjuro, ne effundas sanguinem tuum in crimen meum: vel, si mori placet, in me primùm verte mucronem: sic nobis potius conjungamur. Etiam si vir meus ad me rediret, servarem castitatem, quam me captivitas docuit, vel interirem potius, quam perderem. Cur moveris, nè mihi jungaris? Ego moverer, si mihi jungi velles. Habeto me conjugem pudicitiæ, & magis animæ copulam amato, quam corporis. Sperent Domini mari- tum, Christus neverit fratrem. Facile suadebimus nuptias, cum nos viderint sic amare. Fateor, inquit, obstupui: & admiratus virtutem fœminæ, conjugem plus amavi: nunquam tamen illius nudum corpus intuitus sum: nunquam ejus carnem attigi, timens in pace perdere, quod in prælio servaveram. Transcunt in tali matrimonio dies plurimi: amabiliores nos Dominis fecerant nuptiæ. Nulla fugæ suspicio, interdum & mense toto aberam fidus gregis pastor per solitudinem. Post grande intervallum, dum solus in eremo sedeo, & præter Cœlum, terramque nihil video, cœpi tecum tacitus volvere, & inter multa, contubernii quoque Monachorum recordari, maximèque vultum Patris mei, qui me eruditèrat, tenuerat, perdideratque. Sicque cogitans, aspicio, formicarum gregem angusto calle servere, ferre onera majora, quam corpora. Alię herbarum quædam semina forcipe oris trahebant: alię egerebant humum

humum de foveis, & aquarum meatus ageribus excludebant. Illæ, venturæ hyemis memores, nè madefacta humus in herbam horrea verteret, illata semina præcidebant. Hę luctu celebri corpora defuncta depor tabant. Quodque magis mirum est, in tan to agmine egrediens non obstabat intranti, quin potius, si quam vidissent sub falso, & onere concidisse, suppositis humeris adjuvabant. Quid multa? Pulchrum mihi spectaculum dies illa tribuit. Unde recordatus Salomonis, ad formicarum solertiam nos mittentis, & pigras mentes tali exemplo suscitantis, cœpi tædere captivitatis, & Monasterii cellulas querere, ac formicarum illarum similitudinem desiderare, ubi laboratur in medium: cùmque nihil cujusquam proprium sit, omnium omnia sunt. Regresso ad cubile occurrit mulier: tristitiam animi dissimulare non potui. Rogat, cur exanimatus sim: audit causas: hortatur fugam: peto silentii fidem: non aspernatur: & jugi susurro inter spem, & metum medii fluctuamus. Erant mihi in grege duo hirci miræ magnitudinis: quibus occisis, utres facio, eorumque carnes viatico præparo. Et primo vespere, putantibus nos Dominis secretò cubitare, invadimus iter, utres, & partes carnium portantes. Cùmque pervenissemus ad fluvium (nam decem millibus aberat) inflatis, consensisque utribus, aquis nos credimus, paulatim pedibus subremigantes: ut deorsum nos flumine deserente, & multò

longius, quam concenderamus, in alteram nos exponente ripam, vestigium sequentes perderent. Sed inter haec madefactæ carnes, & ex parte lapsæ, vix tridui cibum pollicebantur. Bibimus usque ad sa-
cietatem, futuræ nos siti piæparantes: cur-
rimus: post tergum semper aspicimus: &
magis noctibus provehimur, quam diebus,
vel propter insidias latè vagantium Sar-
acenorum, vel propter ardorem Solis ni-
mium. Pavesco miser etiam referens: et si
tota mente securus, toto tamen corpore
perhorresco. Post diem verò tertium, du-
bio prospetū procul aspicimus, duos ca-
melis insidentes venire concitos: statimi-
que mens, mali præsaga, putare cœpit
Dominum, meditari mortem, Solem cer-
nere nigrescentem. Dumque timemus, &
vestigiis nos proditos per arenas intelligi-
mus, offertur ad dexteram specus, longè
sub terram penetrans. Igitur timentes ve-
nenata animalia, (nam solent viperæ, re-
guli, & scorpiones, cæteraque hujuscemo-
di, fervorem Solis declinantia, umbram pe-
tere) intravimus quidem speluncam; sed
statim in ipso introitu sinistre nos foveæ
credimus, nequàquam ultia progredien-
tes, nè dum mortem fugimus, incurramus
in mortem: illudque nobiscum reputan-
tes, si juvat Dominus miseros, habemus
salutem; si despicit peccatores, habemus
sepulchrum. Quid putas fuisse nobis ani-
mi, quid terroris, cùm ante specum haud
procul starent Dominus, & conservus; &
vesti-

vestigio indice, jam ad latebras pervenissent? O multò gravior expectata, quām illata mors! Rursus cum timore, & labore lingua balbutit: &, quasi clamante domino, mutire non audeo. Mittit servum, ut nos de specu trahat: ipse camelos tenet, &, evaginato gladio, nostrum spectat adventum. Interea, intuis ferè vel quatuor cubitis introgresso famulo, nobis ex occulto tergum ejus videntibus (nam oculorum istiusmodi natura est, ut post Solem umbram intrantibus cæca sint omnia) vox per antrum sonat. Exite fulciferi, exite morituri. Quid statis? Quid moramini? Exite: Dominus vocat, patienter expectat. Adhuc loquebatur, & ecce per tenebras aspicimus, leænam invasisse hominem, & gutture suffocatum, cruentum intrò trahere. Jesu bone, quid tunc terroris nobis, quid gaudii fuit? Spectabamus, domino nesciente, hostem nostrum perire: qui cùm videret, illum moras facere, suspicatus est, duos uni resistere. Sed iram differre non valens, sicut tenebat gladium, ad speluncam venit, & furore rabido servi increpans uocordiam, prius à fera est tentus, quām ad nostras latebras perveniret. Qui sunt, qui hoc crederent, ut ante os nostrum bestia pro nobis dimicaret? Sublato autem illo metu, similis ante oculos nostros versabatur interitus: nisi quod tutius erat, rabiem Leonis, quām iram hominis sustinere. Pavemus intrinsecus, & ne movere quidem nos ausi, præstolabamur eventum rei, inter tanta pericula, pudicitia

tantum conscientiam pro muro septi. Leæna, insidias cavens, & visam esse se sentiens, apprehensos mordicus catulos effert, nobisque cedit hospitium. Neque tamen sati creduli statim crumpimus: sed expectantes diu, & egredi cogitantes illius nobis semper figurabamus occursum. Sublato ergo horrore, & alia transacta die, egredimur ad vesperam, vidimusque camelos, quos ob nimiam velocitatem dromedarios vocant, præteritos cibos in ore volvere, & in alvum missos iterum retrahere. Quibus ascensis, & novâ sitarciâ, id est, annonâ refocillati, decima tandem die ad Romana per desertum castra venimus. Oblatique Tribuno, rem ordine pandimus: inde transmissi ad Sabinum Mesopotamię ducem, camelorum pretium accepimus. Et quia jam Abbas ille meus dormierat in Domino, ad hęc delatus loca me Monachis reddo, hanc tradō virginibus, diligens eam ut sororem, non tamen ei me credens ut sorori. Hęc mihi senex Malchus adolescentulo retulit. Hęc ego vobis narravi senex, & castis historiam castitatis expono: virgines castitatem custodire exhortor. Vos narrate posteris: ut sciant inter gladios, & inter deserta, & bestias, pudicitiam nunquam esse captivam: & homiem Christo deditum posse mori, non posse superari.



HIERONYMUS

AD EUSTOCHIUM,
DE CUSTODIA
VIRGINITATIS.

Argumentum Epistolæ.

Eustochium ex omnibus Paulæ liberis sola perpetuam virginitatem est amplexa, sa- laque Matri Bethlehem demigranti comes fuit. Sub hujus persona, quoniam apud Romanos prima nobilitatis fuit, virgines omnes docet, quomodo sit vivendum.

Audi, filia, & vide, & inclina aurem tuam, & obliviscere populum tuum, & domum Patris tui, & concupiscet Rex decorem tuum, in quadragesimo quarto Psalmo Deus ad animam loquitur huma- nam; ut secundum exemplum Abrahæ, exiens de terra sua, & de cognatione sua, relinquat Chaldeos, qui quasi dæmonia interpretantur, & habitet in regione viven- tium, quam alibi Propheta suspirat, di- cens: Credo videre bona Domini in ter- ra viventium. Verum non sufficit tibi exire de terra tua, nisi oblidiscaris po- puli tui, & domus Patris tui; ut, carne con- tempta, sponsi jungaris amplexibus: (a) Nè

O 6

ref-

(a) Allusio ad historiam Loth fugientis & Godemæ.

324. DE CUSTODIA

respexeris (inquit) retrò, nec steteris in omni circà regione; sed in monte salvum te fac, nè forte comprehendendaris. Non expedit, apprehenso aratro, respicere post tergum, nec de agro reverti domum, nec post Christi tunicam, ad tollendum aliud vestimentum, tecto descendere. Grande miraculum: Pater filiam cohortatur, nè meminerit Patris sui. Vos de Patre Diabolo estis, & desideria Patris vestri vultis facere, dicitur ad Judæos. Et alibi: Qui facit peccatum, de Diabolo est. Tali primum Parente generati, nigri sumus; & post pœnitentiam, ne cum culmine virtutis ascenso, dicimus: Nigra sum, sed speciosa, filiæ Jerusalem; exivi de domo infantiæ meæ, oblita sum Patris mei, renascor in Christo: Quid pro hoc mercedis accipio? Sequitur: Et concupiscet Rex decorem tuum. Hoc ergo illud magnum est sacramentum: propter hoc relinquet homo Patrem, & Matrem, & adhærebit uxori suę, & erunt ambo, jam non (ut ibi) in una carne, sed in uno spiritu. Non est sponsus tuus arrogans, non superbus, Æthiopisam duxit uxorem. Statim ut volueris sapientiam audire veri Salomonis, & ad eum veneris, confitebitur tibi cuncta, quæ novit, & inducet te Rex in cubiculum suum, & mirum in modum colore mutato, sermo tibi ille conveniet: Quę est ista, quę ascendit dealbata? Hæc idcirco, domina mi Eustochium, scribo (dominam quippe vocare debo sponsam Domini mei) ut ex ipso principio lectionis

agnosceres, non me nunc laudem virginitatis esse dicturum, quam probasti optimam, & consecuta es: nec enumeraturum molestias nuptiarum, quomodo uterus intumescat, infans vagiat, cruciet pellex, dominus cura solicitet, & omnia, que putantur bona mors extrema praecidat: habent enim & maritatæ ordinem suum, honorabiles nuptias, & cubile immaculatum. Sed ut intelligeres, tibi exeunti de Sodoma timendum esse Lot uxoris exemplum; nulla est enim in hoc libello adulatio, adulator quippe blandus inimicus est. Nulla erit Rhetorici pompa sermonis, quæ te etiam inter Angelos statuat, & beatitudine virginitatis exposita, Mundum subjiciat pedibus tuis. Nolo tibi venire superbiam de proposito, sed timorem. Onusta incedis auro: latro tibi vitandus est. Stadium est hec vita mortalibus, hic contendimus, ut alibi coronemur. Nemo inter serpentes, & scorpiones securus ingreditur. Et inebriatus est, inquit Dominus, gladius meus in Cœlo; & tu pacem arbitraris in terra, quæ tribulos generat, & spinas, quam serpens comedit? Non est nobis colluctatio adversus carnem, & sanguinem; sed adversus principatus, & potestates hujus Mundi, & harum tenebrarum, adversus spiritualia nequitia in Cœlestibus. Magnis inimicorum circumdamur agminibus, hostium plena sunt omnia. Caro fragilis, & cinis futura post modicum, pugnat sola cum pluribus. Cum autem fuerit dissoluta, & venerit

Princeps Mundi hujus, & invenerit in ea ni-
hil, tunc secura audies per Prophetā: Non ti-
mebis à timore nocturno: à sagitta volante
per diem, à negotio perambulante in tene-
bris, ab incursō, & Demonio meridiano. Ca-
dent à latere tuo mille, & decem millia à
dextris tuis: ad te autem non appropinqua-
bunt. Quòd si eorum te multitudo turbā-
verit, & ad singula incitamenta vitiorum
cōperis cōstūare, & dixerit tibi cogitatio
tua, quid faciemus? Respondebit tibi He-
līscus: Noli timere, quia plures nobiscum
sunt, quam cum illis: & orabit, & dicet:
Domine, aperi oculos puellę tuę, ut videat:
& apertis oculis, videbis igneum currum,
qui te ad exemplum Elię in astra sustollat;
& tunc lęta cantabis: Anima nostra sicut
passer erepta est de laqueo venantium;
Jaqueus contritus est, & nos liberati su-
mus. Quamdiu hoc fragili corpore de-
tinemur, quamdiu habemus thesaurum
istum in vasis fūtilibus, & concupiscit
spiritus adversus carnem, & caro adver-
sus spiritum, nulla est certa victoria. Ad-
versarius noster Diabolus, tanquam leo ru-
giens, aliquem devorare quærens, circumvit.
Posuisti (ait David) tenebras, & facta est
nox: in ipsa pertransibunt omnes bestiæ fil-
ię: catuli leonum rugientes ut rapiant, &
quærant à Deo escam sibi. Non quærit Dia-
bolus homines infideles, non eos, qui foris
sunt, & quorum carnes Rex Affyrius in ol-
la succedit: de Ecclesia Christi rapere fes-
tinat, Escę ejus, secundūm Habacuc, electæ
sunt.

sunt. Job subvertere cupit, & devorato Ju-
da, ad cribandos Apostolos expetit potesta-
tem. Non venit Salvator pacem mittere su-
per terram, sed gladiū. Cecidit Lucifer, qui
manē oriebatur: & ille, qui in Paradiso de-
liciarū nutritus est, meruit audire: Si exal-
tatus fueris ut aquila, inde detrahā te,
dicit Dñus. dixerat enim in corde suo: Su-
per sydera Cœli ponam sedem meam, & ero
similis Altissimo. Unde quotidie ad eos, qui
per scalam Jacob somniantis descendunt,
loquitur Deus: Ego dixi, Dii estis, & filii
Altissimi omnes. Vos autem sicut homines
moriemini, & tanquam unus de Principi-
bus cadetis. Cecidit enim primus Diabo-
lus, & cùm stet Deus in Synagoga Deorum,
in medio autem Deos discernat: Apostolus
eis, qui Dii esse desinunt, scribit: Ubi enim
in vobis sunt dissensiones, & æmulationes,
nonne homines estis, & secundum hominem
ambulatis? Si Apostolus, vas electionis, &
separatus in Euangeliū Christi, ob carnis
aculeos, & incentiva vitiorum, reprimit
corpus suum, & servituti subjicit, nè aliis
prædicans, ipse reprobus inveniatur, & ta-
men videt aliam legem in membris suis re-
pugnantē legi mentis suę, & captivū se in le-
gē duci peccati: si post nuditatē, jejunia, fa-
mes, carcerē, flagella, supplicia, in semetipsū
reversus exclamat: Infelix ego homo, quis
me liberabit de corpore mortis hujus, tu te
putas securā esse debere? Cave, queso, ne quā-
do de te dicat Deus: Virgo Israël cecidit, &
nō est, qui fuscitet eā. Audēter loquar: cùm
omnia

omnia possit Deus, suscitare virginem nos potest post ruinam. Valet quidem liberare de pœna; sed non vult coronare corruptam. Timeamus illam prophetiam, nè in nobis etiam compleatur: Virgines bonæ deficient. Observa quid dicat, & Virgines bonæ deficient: quia sunt & Virgines malæ. Qui viderit (inquit) mulierem ad concupiscendam eam, jam mœchatus est eam in corde suo: perit ergo & mente virginitas. Ista sunt viigines malæ, virgines carne, non spiritu, virgines stultæ, quæ oleum non habentes excluduntur à Sponso. Si autem illæ, quæ virgines sunt, ob alias tamen culpas, virginitate corporum non salvantur; quid fiet illis, quæ prostituerunt membra Christi, & mutaverunt Templum Sancti Spiritus in lupanar? Illico audient: Descende, sede in terra, virgo filia Babylonis, sede in terra: non est solium filiæ Chaldæorum, non vocaberis ultrà mollis, & delicata: accipe molam, mole farinam: discooperi velamen tuum, denuda crura, transi flumina, revelabitur ignominia tua, apparebunt opprobria tua. Et hoc post Dei Filii thalamos, post oscula fratruelis, & sponsi, illa, de qua quondam sermo Propheticus concinebat: Astigit Regina à dextris tuis in vestitu deaurato, circumdata varietate: nudabitur, & posteriora ejus ponentur in faciem ipsius. Sedebit ad aquas solitudinis, posito vase, & divaricabit pedes suos omni transeungi, & usque ad verticem polluetur. Rectius fuerat hominis subiisse

subiisse conjugium , ambulâsse per plana,
 quâm ad altiora tendentem in profundum
 Inferni cadere. Nè fiat , obsecro, civitas
 meretrix fidelis Sion : nè post Trinitatis
 hospitium, ibi Dæmones saltent , & Sirenæ
 nidifcent , & hericii. Non solvatur fascia
 pectoralis , sed statim ut libido titillaverit
 sensum , ac blandum voluptatis incendium
 dulci nos calore perfuderit, crumpamus in
 vocem : Dominus auxiliator meus, non ti-
 mebo quid faciat mihi caro. Et cùm paulu-
 lum interior homo inter vitia, atque virtu-
 tes cœperit fluctuare , dico : Quare tristis
 es , anima mea , & quare conturbas me ?
 Spera in Deo , quia confitebor illi, salutare
 vultus mei , & Deus meus. Nolo sinas co-
 gitationem crescere : nihil in te Babylo-
 nium , nihil confusionis adolescat. Dum
 parvus est hostis , interface: nequitia, nè zi-
 zania crescant , elidatur in semine. Audi
 Psalmistam dicentem : Filia Babylonis mi-
 sera, beatus, qui retribuet tibi retributio-
 nem tuam, quam retribuisti nobis : Beatus,
 qui tenebit , & allidet parvulos tuos ad
 petram. Quia enim impossibile est, in sen-
 sum hominis non irruere innatum medul-
 larum calorem, ille laudatur , ille prædi-
 catur beatus, qui ut cœperit cogitare for-
 dida , statim interficit cogitatus , & alli-
 dit ad petram : petra autem Christus est.
 O quoties ego ipse in cremo constitutus,&
 in illa vasta solitudine, quæ exusta Solis ar-
 doribus, horridum Monachis præstat habi-
 taculum , putabam , me Romanis interesse

deliciis! Sedebā solus, qui amaritudine repletus eram. Horrebant facco mēbra deformia, & squalida cutis situm Æthiopicæ carnis obduxerat. Quotidie lachrymæ, quotidie gemitus, & si quando repugnantem somnus imminens oppresisset, nuda humo vix ossa hærentia collidebam. De cibis verò, & potutacco, cùm etiam languentes Monachi aquâ frigidâ utantur, & coctum aliquid accepisse, luxuria sit. Ille igitur ego, qui ob gehennæ metū tali me carcere ipse damnaveram, scorpionum tantum socius, & ferarum, sæpè choris intereram puellarum. Pallebant ora jejuniis, & mens desideriis cœtuabat in frigido corpore, & ante hominem sua jam carne præmortuum, sola libidinum incendia bullicabant. Itaque omni auxilio destitutus, ad Jesu jacebā pedes, rigabam lachrymis, crine tergebam, & repugnantem carnem hebdomadarum inediâ subjugabam. Non erubescō confiteri infelicitatis meæ miseriā: quin potius plango, me nō esse, quod fuerim. Memini, me clamantē diem crebrō junxisse cum nocte, nec prius à pectoris cessasse verberibus, quām rediret, Dño. increpante, trāquilitas. Ipsam quōq̄ cellulam meam, quasi cogitationum mearum consciā, peritimescebam. Et mihi met iratus, & rigidus, solus deserta penetrabam. Sicubi concava vallium, aspera montium, rupium prærupta cernebam, ibi meæ orationis locus, ibi illud miserrimæ carnis ergastulum; & ut ipse mihi testis est Dominus, post multas lachrymas, post Cœlo inhærentes oculos, non nunquām

videbar mihi interesse agminibus Angelorum: & letus, gaudensque cantabam: Post te in odorem unguentorum tuorum curremus. Si autem hoc sustinent illi, qui exeso corpore, solis cogitationibus oppugnantur; quid patitur puella, quæ deliciis fruatur? Nempe illud Apostoli: Vivens mortua est. Si quid itaque in me potest esse consilii, si experto creditur; hoc primum moneo, hoc obtestor, ut Sponsa Christi vinum fugiat pro veneno. Hæc adversus adolescentiam prima arma sunt Dœmonum. Non sic avaritia quatit, inflat superbia, delecat ambitio. Facile aliis caremus vitiis: hic hostis nobis inclusus est. Quocunque pergimus, nobiscum portamus inimicum. Vinum, & adolescentia duplex incendium voluptatis est. Quid oleum flammæ adjicimus? Quid ardenti corpusculo fomenta ignium ministramus? Paulus ad Timotheum, jam noli (inquit) aquam bibere, sed vino modico utere, propter stomachum tuum, & frequentes tuas infirmitates. Vide, quibus causis vini potio concedatur; ut ex hoc stomachi dolor, & frequens medeatur infirmitas. Et nè nobis forsitan de ægrotationibus blandiremur, modicum præcipit esse sumendum, medici potius consilio, quam Apostoli (licet Apostolus sit medicus spiritualis) & nè Timotheus imbecillitate supervatus, Euāgelii prædicandi non posset implere discursus. Alioquin se dixisse meminerat: Vīnū, in quo est luxuria: Et: Bonum est homini vīnū non bibere, & carnē non manducare.

Noè vinum babit, & inebriatus est. Post diluvium , rudi adhue sæculo , & tunc primum plantatâ vineâ , inebriare vinum forsitan nesciebat. Et ut intelligas Scripturæ in omnibus sacramentum , margaritum quippe est sermo Dei , & ex omni parte furari potest, post ebrietatem nudatio fœrorum subsecuta est , libido juncta luxuriæ. Priùs enim venter extenditur , & sic cætera membra concitantur. Manducavit enim populus, & babit, & surrexerunt ludere. Loth, amicus Dei , in monte salvatus , & de tot millibus populi solus justus inventus , inebriatur à filiabus suis : & licet illæ putarent genus hominum defecisse, & hoc faciem liberorum magis desiderio, quam libidinis : tamen sciebant , virum justum hoc nisi ebrium non esse facturum. Denique, quid fecerit, ignoravit : & quamquam voluptas non sit in criminе , tamen error in culpa est. Inde nascuntur Moabite, & Ammonitæ, inimici Israël, qui usque ad quartam & decimam progeniem , & usque in æternum, non ingrediuntur in Ecclesiam Dei. Elias cum Jezabel fugeret, & sub querku jacere lassus, veniente ad se Angelo suscitatur , & dicitur ei: Surge , & manduca. Respexit, & ecce ad caput ejus panis collyrida, & vas aquæ. Revera poterat Deus conditum ei merum mittere, & electos cibos, & carnes contusione mutatas. Hælisæus filios Prophetarum invitat ad prandium , herbis agrestibus eos alens , consonum prandientium audit clamorem : Mors in olla. Homo Dei

Dei non iratus est eos: laetioris enim mensæ consuetudinem non habebat; sed farinâ de super jactâ, amaritudinem dulcoravit; eadem spiritus virtute, qua Moyses mutaverat amaram in dulcedinem. Nec non & illos, qui ad eum comprehendendum venerant, oculis pariter, ac mente cæcatos, cum in Samariam nescios induxit, quibus eos epulis refici imperaverit, auscultat. Pone eis (inquit) panem, & aquam: manducent, & bibant, & remittantur ad Dominum suum. Potuit & Danieli de Regiis ferulis opulentior mensa transferri: sed Habeac ei mesorum prandium portat, arbitror rusticum. Ideoque & desideriorum vir appellatus est, quia panem desiderii non manducavit, & vinum concupiscentiae non bilit. Innumerabilia sunt de Scripturis Divina responsa, quæ gulam damnent, & simplices cibos probent. Verum quia non est propositum de jejunis disputatione, & universa exequi sui, & tituli, & voluminis; hæc sufficiant pauca de plurimis. Alioquin ad exemplum horum poteris tibi ipsa colligere, quomodo primus de Paradiso homo, ventri magis obediens, quam Deo, in hanc lachrymarum dejectus est vallem: & ipsum Dominum Satanas fame tentaverit in deserto: & Apostolus clamitet: Escæ ventri, & venter escis: Deus autem hunc, & illas destruet. Et de luxuriosis, quorum Deus venter est: id enim colit unusquisque, quod diligit: Ex quo sollicitè providendum est, ut quos saturitas de Paradiso expulit, reducat

esu-

esuries. Quòd si volueris respondere, n
 nobili stirpe generatam, semper in deli-
 ciis, semper in plumis, non posse à vino, &
 esculentioribus cibis abstinere, nec his le-
 gibus vivere districtius, respondebo: Vivit
 ergo lege tua, quæ Dei non potes: Non
 quòd Deus universitatis Creator, & Domi-
 nus, intestinorum nostrorum rugitu, &
 inanitate ventris, pulmonisque delecta-
 tur ardore; sed quòd aliter pudicitia tu-
 ta esse non possit. Job Deo charus, & tes-
 timonio ipsius immaculatus, & sim-
 plex, audi, quid de Diabolo suspicetur:
 Virtus ejus in lumbis, & potestas ejus in
 umbilico. Honestè viri, mulierisque geni-
 talia, immutatis sunt appellata nomini-
 bus. Unde & de lumbis David super sedem
 ejus promittitur esse sessurus. Et septuaginta
 quinque animæ introierunt in Ægyptum,
 quæ exierunt de fœmore Jacob. At
 postquam colluctante Domino, latitudo
 fœmoris ejus emarcuit, à liberorum ope-
 re cessavit. Et qui Pascha facturus est, ac-
 cinctis, mortificatisque lumbis, facere præ-
 cipitur. Et ad Job dicit Deus: Accinge,
 sicut vir, lumbos tuos: & Joannes zona
 pellicea cingitur circa lumbos suos. Et
 Apostoli jubentur accinctis lumbis Euangeli-
 li tenere lucernas. Ad Jerusalem verò,
 quæ respersa sanguine in campo invenitur
 erroris, in Ezechiele dicitur: Non est præ-
 cisus umbilicus tuus. Omnis igitur adver-
 sus viros Diaboli virtus in lumbis est. Om-
 nias in umbilico contra fœminas fortitudo.

Vis scire ita esse, ut dicimus? Accipe exempla: Sampson leone fortior, & saxo durior, qui & unus, & nudus mille persecutus est armatos, in Dalilæ mollescit amplexibus. David secundum cor Domini electus, & qui venturum Christum sancto sæpè ore canta- verat, postquam deambulans super tectum domus suæ, Bethsabeæ captus est nuditate, adulterio junxit homicidium. Ubi & illud breviter attende, quod nullus sit etiam in domo tutus aspectus. Quapropter ad Domi- num pœnitens loquitur: Tibi soli peccavi, & malū coram te feci: Rex enim erat, alium non timebat. Salomon, per quem cecinit ip- sa sapientia, qui disputavit à cedro Libani usque ad hyssopum, quæ exit per parietem, recessit à Domino, quia amator mulierum fuit. Et ne quis sibi de sanguinis propinquitate consideret, in illicitum Thamar sororis Ammon frater exarsit incedium. Pudet dice- re, quot quotidie virgines ruant, quantas de suo gremio Mater perdat Ecclesia, super quæ sydera inimicus superbus ponat thronum suū, quod petras excavet, & habitet coluber in foraminibus earum. Videas plerasque vi- duas, antequam nuptas, infœlicem conscienciam mentita tantum veste protegere. Quas nisi tumor uteri, & infantium prodiderit va- gitus, sanctas, & castas se esse gloriantur, & erecta cervice, & ludentibus pedibus ince- dunt. Aliæ verò sterilitatem præbant, & nec- dum sati hominis homicidiu faciunt. Non nullæ, cum se senserint concepisse de scelere, abortii venena meditantur, & frequenter etiā ipse cōmortu, trium criminū reg, ad inferos

perducuntur, homicidæ sui, Christi adulteræ, neandum nati filii parricidæ. Istæ sunt quæ solent dicere: Omnia munda mundis: sufficit mihi conscientia mea: commundum desiderat Deus. Cur me abstineam à cibis, quos creavit Deus ad utendum? Et si quando festivæ, & lepidæ volunt videri, ubi se mero ingurgitaverint ebrietati sacrilegium copulantes, ajunt Absit, ut ego me à Christi sanguine abstineam. Et quam viderint pallentem, atque tristem, miseram, & Manichæam vocant. Et consequenter: Tali enim proposito jejunium hæresis est. Hæ sunt, quæ per publicum notabiliter incedunt, & furtivis oculorum nutibus, adolescentium greges post se trahunt, quæ semper audiunt per Prophetam: Facies meretricis facta est tibi, impudorata es tu. Purpura tantum in veste tenuis, & laxius, ut crines decidunt, ligatum caput: foccus vilius, per humeros hyacintina læna forte volitans; succinctæ manicæ brachis adhærentes, & solutis genibus fractus incessus: hæc est apud illas tota virginitas, habeant istæ hujusmodi lraudatores suos, ut sub virginali nomine lucrosius pereant; libenter talibus non placeamus. Pudet dicere, proh nefas! Triste, sed verum est: Unde in Ecclesiæ Agapetarum pestis introiit? Unde sine nuptiis aliud nomen uxorum? Imo, unde novum concubinarum genus? Plus inferam: Unde meretrices univiræ? Eadem domo, uno cubiculo, sæpè uno tenentur & lectulo: & sus-

suspiciosos nos vocant , si aliquid existimamus. Frater fororem virginem deserit , cœlibem spernit virgo germanum , fratrem querit extraneum; & cum in eodem proposito se esse simulent , quærunt alienorum spirituale solatium , ut domi habeant carnale commercium. Istiusmodi homines Salomon in proverbiis spernit , dicens : Alligabit quis in sinu ignem , & vestimenta ejus non comburentur ? Aut ambulabit super carbones ignis , & pedes illius non ardebunt ? Explosis igitur , & exterminatis his , quæ nolunt esse virgines , sed videri , nunc ad te mihi omnis dirigatur oratio , quæ quantò prima Romanæ urbis virgo nobilis esse cœpisti , tantò tibi amplius laborandum est : nè & præsentibus bonis careas , & futuris. Et quidem molestias nuptiarum , & incerta conjugii domestico exemplo didicisti , cum soror tua Blæfilla , ætate major , sed proposito minor , post acceptum maritum septimo mense viduata est. O infelix humana conditio , & futuri nescia ! Et virginitatis coronam , & nuptiarum perdidit voluptatem. Et quamquam secundum pudicitie gradum teneat viduitas ; tamen quas illam per momenta sustinere existimas cruces , spectantem quotidie in forore , quod ipsa perdiderit ; & cum difficilius experta careat voluptate , minorem continentiae habere mercedem ? Sit tamen & illa secura , & gaudens. Centesimus , & sexagesimus fiuetus de uno sunt semine castitatis. Nolo habeas consortium matronarum : nolo ad

nobilium domos accedas : nolo te frequenter videre, quod contemnens, virgo esse voluisti. Sic sibi solent applaudere mulierculæ de judicibus viris, & in aliqua positis dignitate. Si ad Imperatoris uxorem concurrit ambitio salutantium, cur tu facis injuriam viro tuo? Ad hominis conjugem, Dei sponsa, quid properas? Disce in hac parte superbiam sanctam, scito, te illis esse meliorem. Neque verò earum tantum te capio declinare congressus, quæ maritorum inflantur honoribus, quas Eunuchorum greges sepiunt, & in quarum vestibus attenuata in filum auri metalla texuntur ; sed etiam eas fuge, quas viduas necessitas fecit, non voluntas : non quod mortem optaverint maritorum, sed quod datam occasionem pudicitiae non libenter acceperint. Nunc verò tantum veste mutata pristina, non mutatur ambitio. Præcedit caveas (*a*) basternarum ordo semivirorum, & rubentibus buccis, cutis farta distenditur, ut eas putas maritos non amisisse ; sed quærere. Plena adulatoribus domus, plena convivis, Clerici ipsi, quos & magisterio esse opportuerat, pariter & timori, osculantur capita matronarum, & extenta manu, ut benedicere eos putas velle, si nescias, pretia accipiunt salutandi. Illæ interim, quæ Sacerdotes suo viderint indigere præsidio, eriguntur in superbiam, & quia maritorum expertæ dominatum, viduitatis præferunt libertatem,

castæ

(*a*) Basternas dixit delicatas lecticas, quibus opulentè matroya deferebantur.

castæ vocantur, & Nonnæ, & post cœnam
 dubiam, Apostolos somniant. Sint tibi so-
 ciç, quas jejunia tenuant, quibus pallor in
 facie est, quas & çtas probavit, & vita, que
 quotidie in cordibus suis canunt: Ubi pas-
 cis, ubi cubas in meridie? Quæ ex affectu
 dicunt: Cupio dissolvi, & esse cum Christo.
 Esto subiecta Parentibus; imitare sponsum
 eum. Rarus sit egressus in publicum: Mar-
 tyres tibi querantur in cubiculo tuo. Nun-
 quam causa deerit procedendi, si semper,
 quando necessè est, processura sis. Sit tibi
 moderatus cibus, & nunquam venter exple-
 tus. Plures quippe sunt, quæ cum vino sint
 sobriæ, ciborum largitate sunt ebriç. Ad
 orationem tibi nocte surgenti non indi-
 gestio ruetum faciat, sed inanitas. Cre-
 briùs lege, disce quamplurima. Tenenti
 codicem somnus obrepat, & cadentem fa-
 ciem pagina sancta suscipiat. Sint tibi quo-
 tidiana jejunia, & refectione satietatem fu-
 giens. Nihil prodest biduo, triduoque
 transmissio, vacum portare ventrem, si pa-
 riter obruatur, si compensetur saturitate
 jejuniū. Illico mens repleta torpescit, &
 irrigata humus spinas libidinum germinat.
 Si quando senseris, exteriorem hominem
 florem adolescentiæ suspirare; & accepto
 cibo, cum te in lectulo compositam, dul-
 cis libidinum pompa concusserit, arripe-
 scutum fidei, in quo ignitè Diaboli extin-
 guuntur sagittæ: Omnes adulterantes, qua-
 si clibanus corda eorum. At tu Christi comi-
 tata vestigiis, & sermonibus ejus intēta, dicit

Nonnè cor nostrum ardens erat in via, cùm
aperiret nobis Iesu Scripturas? Et illud:
Ignitum eloquium tuum, & servus tuus
dilexit illud. Difficile est, humanam ani-
mam aliquid non amare, & necesse est, ut
in quoscumque mens nostra trahatur affec-
tus. Carnis amor spiritus amore superatur.
Desiderium desiderio restringitur. Quid-
quid inde minuitur, hinc crescit. Quin po-
tiū semper ingemina, & dico super lec-
tulum tuum: In noctibus quæsivi, quem
dilexit anima mea. Mortificate ergo (in-
quit Apostolus) membra vestra, quæ sunt
super terram. Unde & ipse postea confiden-
ter ajebat: Vivo autem: jam non ego, vivit
vero in me Christus. Qui mortificat mem-
bra sua, & in imagine perambulat, non ti-
met dicere: Factus sum sicut uter in pruina.
Quidquid enim in me fuit humoris libidi-
nis, excoctum est, & infumata sunt in je-
junio genua mea, & oblitus sum mandu-
care panem meum. A voce gemitus mei ad-
hæserunt ossa mea carni meæ. Esto cicada
noctium, Lava per singulas noctes lectum
tuum, lachrymis tuis stratum tuum riga.
Vigila, & esto sicut passer in solitudine,
psalle spiritu, psalle & tensu. Benedic, ani-
ma mea, Dominum, & nè obliviscaris retrí-
butiones ejus, qui propitiatur cunctis ini-
quitatibus tuis, qui sanat omnes infirmita-
tes tuas, & redimit de corruptione vitam
tuam. Et quis nostrum ex corde dicere po-
test: Quia cinerem tanquam panem mandu-
cabam, & potionem meam cum fletu misce-
bam?

bam? An non flendum est, non gemendum,
 cùm me rursus serpens invitat ad illicitos
 cibos? Cùm de paradiſo virginitatis ejec-
 tum, tunicis vult vestire pelliceis, quas Elias
 ad paradisum rediens, projecit in terram?
 Quid mihi, & voluptati, quæ brevi perit?
 Quid cum hoc dulci, & mortifero carmine
 Sirenarum? Nollo te illi subjacere senten-
 tiæ, qua in hominem est illata damnatio: In
 doloribus, & anxietatibus paries. Mulieris
 lex ista est, non mea. Et ad virum conversio
 tua. Sic conversio illius ad maritum, quæ
 virum non habet Christū. Et ad extremum:
 Morte morieris. Finis iste conjugii meum
 propositum sínè sexu est. Habeant nuptæ
 suum tempus, & titulum: mihi virginitas in
 Maria dedicatur, & Christo. Dicat aliquis:
 Et audes nuptiis detrahere, quæ à Deo bene-
 dictæ sunt? Non est detrahere nuptiis, cùm
 illis virginitas antefertur. Nemo malum bo-
 no comparat. Glorientur & nuptæ, cùm à vir-
 ginibus sint secundæ. Crescite(ait) & multi-
 plicamini, & replete terrā. Crescat, & multi-
 plicetur ille, qui impleturus est terrā. Tuum
 agmen in Cœlis est: Crescite, & multiplica-
 mini. Hoc expletur edictum postParadisum,
 & nuditatem, & ficūs folia, auspicantia pru-
 riginem nuptiarum. Nubat, & nubatur ille,
 qui in sudore faciei comedit panem suum,
 cui terra tribulos, & spinas generat, & cujus
 herba sentibus suffocatur. Meum semen
 cenaria fruge fœcundum est. Non om-
 nes capiunt verbum Dei, sed hi, quibus da-
 tum est. Alium Eunuchum necessitas faciat,

42. DE CUSTODIA

me voluntas. Tempus amplexandi , & tempus abstinendi à complexibus : tempus mitiendi lapides , & tempus colligendi. Postquam de duritia nationum generati sunt filii Abrahæ , cœperunt sancti lapides volvi super terram. Pertranseunt quippe Mundi istius tuibines , & in curru Dei rotarum celeritate volvuntur. Consuant tunicas , qui inconsutam de sursum tunicam perdidерunt , quos vagitus delectant infantium in ipso lucis exordio fletu lugentium , quod nati sunt. Eva in Paradiſo virgo fuit , post pelliceas tunicas , initium sumpſit nuptiarum : tua regio Paradiſus est. Serva , quod nata es , & dic : Revertere , anima mea , in requiem tuam. Et ut scias , virginitatem esse naturæ , nuptias post delictum : virgo nascitur , caro de nuptiis , in fructu redens , quod in radice perdiderat. Exiet virga de radice Jesse , & flos de radice ejus ascendet. Virga Mater est Domini simplex , pura , syncera ; nullo extrinsecus germine cohærente , & ad similitudinem Dei unione fœcunda. Virgæ flos Christus est , dicens : Ego flos campi , & lily convallium. Qui & in alio loco lapis prædicatur abscissus de monte finè manibus , significante Propheta , Virginem nasciturum esse de Virgine. Manus quippe accipiuntur pro opere nuptiarum : ut ibi : Sinistra ejus sub capite meo , & dextra illius amplexabitur me. In hujus sensus congruit voluntatem etiam illud , quod animalia quæ in arcam Noë bina inducuntur , immunda sunt ; impar enim numerus

rus est Mundus. Et Moyses, & Jesus Nave
nudis in sanctam terram pedibus jubentur
incedere. Et Discipuli sine calceamentorum
onere, & vinculis pellum, ad prædicatio-
nem novi Euangeli destinantur. Et milites,
vestimentis Jesu sorte divisis, caligas non
habuerunt, quas tollerent. Nec enim poterat
habere Dominus, quod prohibuerat servis.
Laudo nuptias, laudo conjugium, sed quia
mihi virgines generant; lego de spinis ro-
sam, de terra aurum, de concha margari-
tam. Numquid qui arat, tota die arabit?
Nonne & laboris sui fruge lætabitur?
Plus honorantur nuptiae, quando, quod de
illis nascitur, plus amatur. Quid invides,
Mater, filiae? Tuo lacte nutrita est, tuis edu-
cata visceribus: in tuo adolevit sinu: tu illam
virginem sedula pietate servasti. Indignaris,
quod noluit militis esse uxor, sed Regis?
Grande tibi beneficium prestitit; socrus Dei
esse cœpisti. De virginibus (inquit Aposto-
lus) præceptum Domini non habeo. Cur?
Quia & ipse, ut esset virgo, non fuit im-
perii, sed propriæ voluntatis. Neque enim
audiendi sunt, qui eum uxorem habuisse
configunt: cum de continentia differens,
& suadens perpetuam castitatem, intulerit:
Volo autem, omnes esse sicut me ipsum. Et
infra: Dico autem innuptis, & viduis: Bo-
num est illis, si sic permaneant, sicut & ego.
Et in alio loco: Numquid non habemus
potestatem circumducendi mulieres, si-
cuit & cæteri Apostoli? Quarè ergo non
habet Domini de virginitate præceptum?

Quia majoris est mercedis , quod non cogitur , & offertur: quia si fuisset virginitas imperata, nuptię videbantur ablatae : & duriſſimum erat, contra naturam cogere. Angelorumque vitam ab hominibus extorque-re, & id quodam modo damnare, quod conditum est. Alia fuit in veteri lege fœlicitas: ibi dicitur: Beatus, qui habet semen in Sion, & domesticos in Jerusalem. Et : Maledicta sterilis, quæ non pariebat. Et: Filii tui sicut novellę olivarum in circuitu mensæ tuæ. Et : Repromissio divitiarum. Et : Non erit firmus in Tribubus tuis. Nunc Eunuchiſ dicitur: Nè te lignum arbitrieris aridum. Habes locum pro filiis , & filiabus in Cœlestibus sempiternum. Nunc benedicuntur pauperes. Lazarus diviti præsertur in pur-pura. Nunc, qui infirmus est , fortior est. Vacuus erat orbis , & ut de typicis taceam, sola erat benedictio liberorum. Propterea & Abraham jam senex Cethuræ copulatur; & Jacob mandragoris redimitur. Et conclusam vulvam, in Ecclesiæ figuram, Rachel conqueritur. Paulatim verò increscente se-ge, messor immisſus est. Virgo Elias, Eli-sæus virgo , virgines multi filii Prophetarum, Jeremię dicitur: Et tu nè accipias uxorem. Sanctificatus in utero , captivitate propinquæ uxorem prohibetur accipere. Aliis verbis id ipsum Apostolus loquitur: Existimo hoc bonum esse propter instantem necessitatem , quoniam bonum est homini sic esse. Quæ est ista necessitas, quæ auferet gaudia nuptiarum ? Tempus breviatum est:

est: Reliquum est, ut & qui habent uxores, sint quasi non habeant. In proximo est Nabuchodonosor. Promovit se leo de cubili suo. Quò mihi superbissimo Regi servitūra conjugia? Quò parvulos, quos Propheta complorat, dicens: Adhæsit lingua lactantis ad faucem ipsius in siti. Parvuli postulaverunt panem, & qui frangeret eis non erat. Inveniebatur ergo, ut diximus, in viris tantum hoc continentiae bonum, & in doloribus jugiter Eva parturiebat. Postquam verò virgo concepit in utero, & peperit nobis puerum, cuius Principatus in humeros ejus, Deum fortē, Patrem futuri saeculi, soluta maledictio est. Mors per Eam, vita per Mariam. Ideoque, & ditius virginitatis donum fluxit in fœminas, quia cœpit à fœmina. Statim ut Filius Dei ingressus est super terram, novam sibi familiam instituit; ut, qui ab Angelis adorabatur in Cœlo, haberet Angelos & in terra. Tunc Holofernis caput Judith continens amputavit: tunc Aman, qui interpretatur iniquitas, suo combustus est igni: tunc Jacobus, & Joannes, relieto Patre, reti, navicula, secuti sunt Salvatorem; affectum sanguinis, & vincula saeculi, & curam domus pariter relinquentes. Tunc primum auditum est: Qui vult venire post me, abneget semetipsum, & tollat Crucem suam, & sequatur me. Nemo enim miles cum uxore pergit ad prælium. Discipulo ad sepulturam Patris ire cupienti, non permititur. Vulpes foveas habent, & volucres Cœli

nidos, ubi requiescant: Filius autem hominis non habet, ubi caput suum reclinet. Nè forsitan contristeris, si angustè manseris. Qui sinè uxore est, sollicitus est, quæ Domini sunt, quomodò placeat Domino, qui autem cum uxore est, quæ solicitus est sunt Mundi, quomodò placeat uxori. Divisa est mulier, & virgo. Quæ non est nupta, cogitat, quæ sunt Domini, ut sit sancta corpore, & spiritu. Nam quæ nupta est, cogitat, quæ sunt Mundi, quomodò placeat viro. Quantas molestias habeant nuptiæ, & quot solicitudinibus vinciantur, in eo libro, quem adversus Helvidium de Beatæ Mariæ perpetua virginitate edidimus, puto breviter expressum; nunc eadem replicare perlongum est. Et si cui placet, de illo potest haurire fonticulo. Verum nè penitus videar omisisse, nunc dicam, quod cùni Apostolus sinè intermissione orare nos jubeat, & qui in conjugio debitum solvit, orare non possit, aut oramus semper, & virgines sumus; aut orare desinimus, ut conjugio serviamus. Et si nupserit (inquit) virgo, non peccat; tribulacionem tamen carnes habebunt hujusmodi. Et in principio libelli præfatus sum, me de angustiis nuptiarum, aut nihil oninino, aut pauca dicturum: & nunc eadem admoneo, ut si tibi placet scire, quot molestiis virgo libera, quot uxor astricta sit, legas Tertullianum ad amicum Philosophum scribentem, & de virginitate alios libellos, & beati Cypriani volumen egregium, & Papæ Damasi super hac re versu, prosa que composta,

sita, & Ambrosii nostri, quę nuper scripsit
 ad foro:em opuscula; in quibus tanto se ef-
 fudit eloquio, ut quidquid ad laudes vir-
 ginum pertinet, exquisierit, expesserit, or-
 dinarit. Nobis diverso tramite incedendum.
 Virginitatem non tantum efferimus, sed
 servamus. Nec sufficit scire, quod bonum
 est: nisi custodiatur attentius, quod electum
 est: quia illud judicii est, hoc laboris: & il-
 lud commune cum pluribus, hoc cum pau-
 cis. Qui perseveraverit (inquit) usque in
 finem, hic salvus erit. Et: Multi vocati;
 pauci verò electi. Itaque obtestor te coram
 Deo, & Christo Jesu, & electis Angelis
 ejus, nè vasa Templi Domini, quę solis Sa-
 credotibus videre concessum est, facile in
 publicum proferas, nè sacrarium Dei quis-
 quam prophanus aspiciat. Oza arcam,
 quam non licebat tangere, attingens, subi-
 ta morte postratus est. Nec enim vas au-
 reum, & argenteum tam charum Deo fuit,
 quam templum corporis virginalis. Præ-
 cessit umbra, nunc veritas est. Tu quidem
 simpliciter loqueris, & ignotos quoque
 blanda non despicias; sed aliter vident im-
 pudici oculi. Non nōrunt aēimæ pulchri-
 tudinem considerare, sed corporum. Eze-
 chias thesaurum Dei monstrat Assyriis, sed
 Assyrii non debuerunt videre, quod cupe-
 rent. Denique frequentibus bellis Judæa
 convulsa, vasa primū Domini capta, at-
 que translata sunt inter epulas, & concubi-
 nrum greges, quia palma vitiorum est
 honesta polluere, Baltasar potat in phialis.

Nè

Nè declines aurem tuam in verba malitiæ: sæpè enim indecens aliquid loquentes, tentant mentis arbitrium. Si libenter audias, virgo, quod dicitur, si ad ridicula quæque solvaris, quidquid dixeris, laudant; quidquid negaveris, negant: facetam vocant, & sanctam, & in qua nullus sit dolus: ecce verè ancilla Christi, dicentes: ecce tota simplicitas: Non ut illa horrida, turpis, rusticana, terribilis, & quæ ideò forsitan maritum non habuit, quia invenire non potuit. Naturali ducimur malo: adulatoribus nostris libentes favemus, & quamquam nos respondeamus indignos, & calidus rubor ora perfundat; attamen ad laudem suam intrinsecus anima lætatur. Sponsa Christi arca est Testamenti, intrinsecus, & extrinsecus deaurata, custos legis Domini. Sicut in illa nihil aliud fuit, nisi tabule Testamenti, ita & in te nullus sit extrinsecus cogitatus. Super hoc propitiatorium, quasi super Cherubim, sedere vult Dominus. Mitterit Discipulos suos, ut in te, sicut in pullo asinæ, sedeat, curis te secularibus solvat, ut paleas, & lateres Ægypti derelinquens, Moylen sequaris in eremo, & terram reprobmissionis introeras. Nemo sit, qui prohibeat, non Mater, non soror, non cognata, non germanus: Dominus te necessariam habet. Quod si voluerint impedire, timeant flagella Pharaonis; qui populum Dei ad colendum eum nolens dimittere, passus est ea, quæscripta sunt. Jesus ingressus in templum, ea, quæ templi non erant, projecit:

Deus

Deus enim zelotes est, & non vult, Patris domum fieri speluncam latronum. Alioquin, ubi æra numerantur, ubi sunt caveæ columbarum; simplicitas enecatur: ubi in pectore virginali sæcularium negotiorum cura æstuat, statim velum templi scinditur; sponsus consurgit iratus, & dicit. Relinquetur vobis domus vestra deserta. Lege Euangeliū, & vide, quomodo Maria ad pedes Domini sedens, Marthę studio præfertur. Et certè Martha sedulo hospitalitatis officio, Domino, atque Discipulis ejus convivium præparabat. Martha, inquit, Martha, sollicita es, & turbaris erga plurima: pauca autem necessaria sunt, aut unum: Maria bonam partem elegit, quæ non auferetur ab ea. Esto & tu Maria, cibis præferto doctrinam. Sorores tuæ cursitent, & quærant quomodo Christum hospitem suscipiant: tu semel seculi onere projecto, sede ad pedes Domini, & dic: Inveni eum, quem quæbat anima mea; tenebo eum, & non dimittam: & ille respondeat: Una est columba mea, perfecta mea, una est Matri tuæ, electa genitrici suæ, Cœlesti videlicet Jerusalem. Semper te cubiculi tui secreta custodiant, semper tecum sponsus ludat intrinsecus. Oras, loqueris ad sponsam; legis, ille tibi loquitur. Et cum te somnus oppresserit, veniet post parietem, & mittet manum suam per foramen, & tangat ventrem tuum. Et ex parte exerga consurges, & dices: Vulnerata charitate ego sum. Et rursus ab eo audies: Hortus conclusus, foror mea sponsa, hortus conclusus, fons

signatus. Cave nè domum exeras, & velis videre filias regionis alienæ, quāmvis fratres habeas Patriarchas, & Israël Parente lēteris. Dina egressa corrumpitur. Nolo te sponsum querere per plateas: nolo te circumire angulos civitatis. Dicas licet: Surgam, & circuibo civitatem, & in foro & in plateis quæram, quem dilexit anima mea, & interroges: Num, quem dilexit anima mea, vidistis? Nemo tibi respondere dignabitur. Sponsus in plateis non potest inveniri. Arcta, & angusta via est, quæ dicit ad vitam. Denique sequitur: Quæsivi eum, & non inveni; vocavi eum, & non respondit mihi. Atque utinam non invenisse sufficiat. Vulnerabis, nudaberis, & gemebunda narrabis: Invenierunt me custodes, qui circumdeunt civitatem, percusserunt me, & vulneraverunt me, tulerunt theristrum meum mihi. Si autem hoc exiens patitur illa, quæ dixerat: Ego dormio, & cor meum vigilat: Et: Fasiculus stactes fratribus meus mihi, in medio uberum meorum commorabitur; quid de nobis fiet, quæ adhuc adolescentulæ sumus? Quæ, sponsa intrante cum sponso, remanemus intrinsecus? Zelotypus est Jesus, non vult ab aliis videri faciem tuam. Excuses licet, atque causeris: Obducto velamine ora contexui, & quæsivi te ibi, & dixi: Annuntia mihi, quæ dilexit anima mea; ubi pascis, ubi cubas in meridie, nè quando efficiar sicut operta super greges sodaliū tuorum: indignabitur, timebit, & dicet: Si non cognoveris te ipsam, o pulchra inter mulie-

res, egredere in vestigiis gregum, & pas-
 ce hædos tuos in tabernaculis Pastorum :
 Si licet pulchra, & inter omnes mulieres
 species tua diligatur à sponso ; nisi te cog-
 noveris, & omni custodia servaveris cor-
 tuum, nisi oculos juvenum fugeris : egre-
 dieris de thalamo meo, & pasces hædos,
 qui statuti sunt à sinistris. Itaque, mi Euf-
 tochium filia, domina, conserva, germana
 (aliud enim ætatis, aliud meriti, aliud re-
 ligionis, hoc charitatis est nomen) audi
 Isaiam loquentem : Populus meus intra
 cubiculum tuum : claude ostium tuum :
 abscondere pessimum aliquantulum, do-
 nec transeat ira Domini : Foris vagentur
 virgines stultæ ; tu intrinsecus esto cum
 sponso : quia si ostium clauseris, & se-
 cundum Euangeli præceptum, in occul-
 to oraveris Patrem tuum, veniet, & pul-
 sabit, & dicet : Ecce ego sto ante januam,
 & pulso : si quis mihi aperuerit, introibo,
 & cœnabo cum eo, & ipse tecum. Et tu
 statim sollicita respondebis : Vox fratru-
 lis mei pulsantis, & dicentis : aperi mi-
 hi, foror mea, proxima mea, perfecta mea,
 columba mea. Necessè est, ut dicas : Despo-
 liavi me tunica, quomodo induam illam ?
 Lavi pedes meos, quomodo inquinabo eos ?
 Illico consurge, & aperi, nè te morante per-
 transeat, & posteà conqueraris, & dicas : Ape-
 rui ego fratrueli meo, fratruelis meus pertrá-
 sivit. Quid enim necessè est, ut cordis tui ostia
 clausa sint ? Spōso aperiatur Christo, claudatur
 Diabolo, secundū illud : Si spiritus potestatem

habentis ascenderit super te , nè dimiseris
locum tuum. Daniel in sublimi Cœnaculo
suo (neque enim manere poterat in humili) fenestras apertas ad Jerusalem habuit.
Et tu habeto apertas fenestras, sed unde lu-
men introeat , unde videas Civitatem Do-
mini. Nè aperias illas fenestras , de quibus
dicitur: intravit mors per fenestras nostras.
Illud quòque tibi vitandum est cautius, nè
inanis glorię ardore capiaris. Quomodò
(inquit Jesus) potestis credere gloriam ab
hominibus accipientes? Vide quale malum
sit, quod qui habuerit , non potest credere.
Nos verò dicamus : Quoniam gloriatio
mea tu es. Et : Qui gloriatur , in Domino
glorietur. Et : Si adhuc hominibus place-
rem, Christi servus non essem. Et: Mihi au-
tem absit gloriari , nisi in Cruce Domini
nostrri Jesu Christi , per quem mihi Mundus
crucifixus est , & ego Mundo. Et illud:
In te laudabimur tota die; in Domino lau-
dabitur anima mea. Cùm facis eleemosy-
nam, Deus solus videat: cùm jejunas , lata
fit facies tua. Vestis nec satis munda , nec
fordida , & nulla diversitate notabilis ; nè
ad te obviam prætereuntium turba confis-
tat , & digito monstreris. Frater est mor-
tuus, sororis est corpusculum deducendum:
cave nè, dum hæc sæpius facis , ipsa moria-
ris. Nec satis religiosa velis videri, nec plus
humilis, quām necesse est ; nè gloriam fu-
giendo queras. Plures enim paupertatis,
misericordię , atque jejunii arbitros decli-
nantes, hoc ipso cupiunt placere, quod pla-
cere

cere contemnunt, & mirum in modum laus, dum vitatur, appetitur. Ceteris perturbationibus, quibus hominis mens gaudet, ægredit, sperat, & metuit: pluies invenio extraneos. Hoc vitio pauci admodum sunt, qui caruerint: & ille est optimus, qui quasi in pulchro corpore rara naverum sorde respergitur. Neque vero moneo, ne de divitiis gloriari, ne de generis nobilitate te jaetes, ne te cæteris præferas. Scio humilitatem tuam, scio te ex affectu dicere: Domine, non est exaltatum cor meum, neque elati sunt oculi mei. Novi, & apud te, & apud Matrem tuam, superbiam, per quam Diabolus cecidit, penitus locum non habere: unde ad te super ea scribere superfluum sit; stultiissimum quippe est docere, quod noverit ille, quem doceas. Sed, ne hoc ipsum tibi jaëtantiam generet, quod sæculi-jaëtantiam contempsti; ne cogitatio tacita subrepat, ut, quia in auratis vestibus placere desisti, placere conueris in fôrdidis: & si quando in conventum fratrum veneris, vel sororum, humiliis sedreas, scabello te causeris indignam; vocem ex industria, quasi confectam jejunii, non tenues, & deficientis imitata gressum; humeris ne innitaris alterius. Sunt quippe nonnullæ exterminantes facies suas, ut appareant hominibus jejunantes, quæ statim ut aliquem viderint, ingemiscunt, demittunt supercilium, & operta facie vix unum oculum liberam ad videndum. Vestis palla, cingulum sacceum, & fôrdidis manibus, pedibusque; venter solus, quia videri non

non potest, æstuat cibo. His quotidie Psalmus ille canitur: Dominus dissipavit ossa hominum sibi placentium. Aliæ virili habitu, veste mutata, erubescunt esse, quod natæ sunt, crinem amputant, & impudenter erigunt facies eunuchinas. Sunt quæ ciliis vestiuntur, & cuculis fabrefactis, ut ad infantiam redeant, imitantur noctuas, & bubones. Sed nè tantum videar disputare de fœminis, viros quoque fuge, quos videris catenatos, quibus fœminei contra Apostolum crines, hircorum barba, nigrum pallium, & nudi in patientia frigoris pedes. Hæc omnia argumenta sunt Diaboli. Talem olim Antymum, talem nuper Sophronium Roma congreguit. Qui postquam nobilium introierunt domos, & deceperunt mulierculas oneratas peccatis, semper discentes, & nunquam ad scientiam veritatis pervenientes, tristitiam simulant, & quasi longa jejunia furtivis noctium cibis protrahunt. Pudet dicere reliqua, nè videar potius invehi, quam monere. Sunt alii (de mei ordinis hominibus loquor) qui ideo Presbyterium, & Diaconatum ambient, ut mulieres licentius videant. Omnis his cura de vestibus, si bene oleant, si pes laxa pelle non folleat: crines calamistri vestigio rotantur, digitæ de annulis radiant; & nè plantas humidior via spargat, vix imprimunt summa vestigia. Tales cum videris, sponsos magis existimato, quam Clericos. Quidam in hoc omni studio, vitamque perferunt, ut

matronarum nomina, domos, moresque cognoscant. Ex quibus unum, qui hujus artis est Princeps, breviter, strictimque describam, quod facilius, magistro cognito, discipulos recognoscas. Cum Sole festinus exsurgit; salutandi ei ordo disponitur, viarum compendia requiruntur, & penè usque ad cubicula dormientium senex importunus ingreditur. Si pulvillum viderit, sit mantile elegans, si aliquid domesticæ suppellestilis, laudat, miratur, attrebat, & se his indigere conquerens, non tam impetrat, quam extorquet, quia singulæ metuunt veredarium urbis offendere. Huic inimica castitas, inimica jejunia, prandium nidoribus probat, & altili *gerano pipis*, vulgo pipis nominatur. Os barbarum, & procax, & in convitia semper armatum. Quocumque te verteris, primus in facie est; quidquid novum insonuerit, aut auctor, aut exaggerator est famæ. Equi per horarum momenta mutantur, tam nitidi, tamque feroce, ut Thracii Regis illumputes esse germanum. Variis callidus hostis pugnat insidiis. Sapientior erat coluber omnibus bestiis, quas creaverat Dominus super terram. Unde & Apostolus: Non, inquit, ignoramus ejus astucias. Nec affectatæ sordes, nec exquisitæ munditiæ conveniunt Christiano. Si quid ignoras, si quid de Scripturis dubitas, interroga eum, quem vita commendat, excusat ætas, fama non reprobavit, qui possit dicere: Desponsavi enim vos uni viro,

virginem castam exhibere Christo. Aut, si non est, qui possit exponere, melius est aliquid nescire securè, quam cum periculo discere. Memento, quia in medio laqueorum ambulas, & multæ veteranae virginis castitatis indubitate, in ipso mortis limine coronam perdidere de manibus. Si que ancillulæ sunt comites propositi tui, nè erigaris adversus eas, nè infleris ut domina. Unum sponsum habere cœpisti, simul psallitis, Christi simul corpus accipitis, cur mensa diversa sit? Provocentur & aliqui honor virginum fit invitatio cæterarum. Quòd si aliquam senseris infirmiorem in fide, suscipe, consolare, blandire, & pudicitiam illius fac lucrum tuum. Si quæ simulat, fugiens servitutem; huic aperte Apostolum leges: Melius est nubere, quam uriri. Eas autem virginis, & viduas, quæ otiosæ, & curiosæ domos circumueunt matronarum, quæ rubore frontis abstricto, parasitos vincunt mimorum, quasi quasdam pestes abjice. Corrumpunt mores bonos confabulationes pessimæ. Nulla illis nisi ventris cura est, & quæ ventri sunt proxima. Iстiusmodи hortari solent, & dicere: Mi catella, rebus tuis utere: & vive, dum vivis: & numquid filiis tuis servas? Vixæ, atque lascivæ quidvis mali insinuant, ac ferreas quoque mentes ad delicias emolliunt. Et cum luxuriatæ fuerint, in Christo nubere volunt, habentes damnationem, quòd primam fidem irritam fecerunt. Nec tibi deserta multum velis videri, aut lyrici fef-

ativa carminis metro ludere. Non delumen matronarum salivam delicate se & teris, quæ nunc strictis dentibus, nunc labiis dissolutis balbutientem linguam in dimidiata verba moderantur rusticum putantes omne, quod nascitur. Adeò illis adulterium etiam lingue placet. Quæ enim communicatio luci ad tenebras? Qui consensus Christo cum Belial? Quid facit cum Psalmerio Horatius, cum Euangeliis Maro, cum Apostolis Cicero? Nonnè scandalizatur frater, si te viderit in idolio recumbentem? Et licet omnia munda mundis, & nihil rejiciendum, quod cum gratiarum actione percipitur; tamen simul bibere non debemus calicem Christi, & calicem Dæmoniorum. Referam tibi meæ infelicitatis historiam. Cum ante annos plurimos domo, Parentibus, sorore, cognatis, & (quod his difficilius est) consuetudine lautioris cibi propter Cœlorum me Regna castrasse, & Ierosolimam militatus pergerem; bibliotheca, quam mihi Romæ summo studio, ac labore confeceram, carere non poteram. Itaque miser ego lecturus Tullium jejunabam. Post noctium crebras vigilias, post lachrymas, quas mihi præteriorum recordatio peccatorum ex imis visceribus eruebat, Plautus famebatur in manus. Si quando in memetipsum reversus Prophetas legere cœpisse, sermo horrebat incultus; & quia lumen cœcis oculis non videbam, non oculorum putabam culpam esse, sed Solis. Dum ita me antiquus serpens illuderet,

deret, in media fermè Quadragesimam
 dullis infusa febris corpus invasit exha-
 tum, & sinè ulla requie (quod dictu quo
 que incredibile sit) sic infelicia membra de-
 pasta est, ut ossibus vix hæcerem. Interim
 parantur exequiæ; & vitalis animæ calo-
 coto frigescente jam corpore, in solo tan-
 tūm tepente pectusculo palpitabat. Cum
 subito raptus in spiritu ad tribunal judiciorum
 pertrahor: ubi tantum luminis, & tantum
 erat ex circumstantium claritate fulgoris;
 projectus in terram sursum aspicere no-
 auderē. Interrogatus de conditione, Chri-
 stianum me esse respondi. Et ille qui præ-
 debat: Mentiris (ait) Ciceronianus es, non
 Christianus; ubi enim thesaurus tuus, ibi
 cor tuum. Illico obmutui, & inter verbera
 (nam cædi me jussérat) conscientiæ mag-
 igne torquebar, illud mecum versiculus
 reputans: In Inferno autem quis confit-
 bitur tibi? Clamare autem corpori, & ejulari
 dicere: Misere mei, Domine, miserere. Ha-
 vox inter flagella resonabat. Tandem a
 Præsidentis genua provoluti, qui astiterant
 precabantur, ut veniam tribueret adolesce-
 tiæ, & errori locum pœnitentiæ commodi-
 ret: exacturus deinde cruciatum, si Gentilium
 literarum libros aliquando legíssimis
 Ego, qui in tanto constrictus articulis
 vellem etiam majora promittere, dejuri-
 re cœpi, & nomen ejus ostentans, dicere:
 Domine, si umquam habuero codices fa-
 culares, si legero, te negavi. In hæc sacra
 menti verba dimissus, revertor ad superos

& mirantibus cunctis oculos aperio tanto
lachrymarum imbre perfusos, ut etiam in-
credulis fidem facerem ex dolore. Nec ve-
rò sopor ille fuerat, aut vana somnia, qui-
bus scèpè deludimur: testis est tribunal il-
lud, ante quod jacui: testis judicium tris-
te, quod timui: ita mihi nunquam contin-
gat in talem incidere quæstionem. Liven-
tes fateor habuisse me scapulas, plagas sen-
sisse post somnum, & tanto dehinc studio
divina legisse, quanto non antè mortalia
legeram. Avaritiae tibi quòque vitandum
est malum, non ut aliena non appetas (hoc
enim & publicæ leges puniunt) sed quò
tua, quæ tibi sunt aliena, non serves. Si
in alieno (inquit) fideles non fuistis,
quod vestrum est, quis dabit vobis? Ali-
ena nobis auri, argenteique sunt pondera,
nostra possessio spiritualis est, de qua
alibi dicitur: Redemptio animæ viri pro-
priæ divitiæ. Nemo enim potest duobus
dominis servire: aut enim unum odiet, &
alterum amabit, aut unum patietur, &
alterum contemnet. Non potestis Deo ser-
vire, & mammonæ, id est, divitiis: nam
Gentili Syrorum lingua, mammona di-
vitiæ nuncupantur. Cogitatio vietūs spi-
næ sunt fidei, radix avaritiae, cura Gen-
tilium. At dicis: Puella sum delicata,
& quæ manibus meis laborare non pos-
sum: si ad senectam venero, si ægrotar-
e cepero, quis mei miserebitur? Au-
di Apostolis loquentem Jesum: Nè co-
gitetis in corde vestro, quid manducetis,

neque corpori vestro quid induamini. Non
nè anima plus est quām esca, & corpus plu
quām vestimentum? Respicite volatilia ce
li, quoniam non serunt, neque metunt, ne
que congregant in horrea, & Pater vestra
Cœlestis pascit illa. Si vestis defuerit, illi
proponantur: si esuriēris, audias: Beatos pa
peres, & esfuentes. Si aliquis te afflixerit
dolor, legito: Propter hoc complaceo mihi
in infirmitatibus meis, & datus est mihi
stimulus carnis meæ, Angelus Satanæ, qui
me colaphizet, nè extollar. Lætare in omni
bus judiciis Dei, exultaverunt enim filii
Iudei in omnibus judiciis tuis, Domine. Illi
tibi semper in ore vox resonet: Nudus exi
de utero Matris meæ, nudus revertar. Et
Nihil intulimus in hunc Mundum, neque
auferre quid possumus. At tunc plerasque
videas, armaria stipare vestibus, tunicas mu
tare quotidie, & tamen tineas non posse si
parare. Quæ religiosior fuerit, unum exte
rit vestimentum, & plenis arcis pannos tra
hit. Inficiuntur membranæ purpureo colo
re. Aurum liquefcit in literas, gemmis co
dices vestiuntur, & nudus ante fores carum
Christus emoritur. Cùm manum egent
porrexerint, buccinant; cùm ad agapen vo
caverint, præco conducitur. Vidi nupes
(nomen taceo, nè satyram putas) nobilissi
mam Romanorum mulierem in Basilica
Beati Petri, semiviris antecedentibus, pro
pria manu, quò religiosior putaretur, sin
gulos nummos dispertere pauperibus. In
terea (ut usu nôsse per facile est) anus que
dam

ðam annis, pannisque obsita , præcurrerit, ut
 alterum nummum acciperet, ad quam, cùm
 ordine pervenisset , pugnus porrigitur pro
 denario , & tanti criminis reus sanguis ef-
 funditur. Radix omnium malorum est ava-
 ritia; ideoque ab Apostolo Idolorum ser-
 vitus appellatur. Quære primum Regnum
 Dei, & hæc omnia apponentur tibi. Non
 occidet fame animam justam Dominus. Ju-
 nior fui , & senui , & non vidi justum de-
 relictum , neque semen ejus querens pa-
 nem. Elias corvis ministrantibus pascitur.
 Vidua Sareptana, ipsa cum filiis nocte mo-
 ritura , Prophetam pascit esuriens. Et mi-
 rum in modum capsace completo, qui alien-
 dus venerat , alit. Petrus Apostolus inquit:
 Argentum, & aurum non habeo : quod au-
 tem habeo , hoc tibi do. In nomine Domi-
 ni Jesu surge , & ambula. At nunc multi,
 licet sermone taceant , opere loquuntur:
 Fidem, & misericordiam non habeo ; quod
 autem habeo , argentum , & aurum , hoc
 tibi non do. Habentes autem viðum , &
 vestitum , his contenti simus. Audi Jacob,
 quid sua oratione postulet : Si fuerit Do-
 minus meus mecum , & servaverit me in
 via hac , per quam ego iter facio , & dede-
 rit mihi panem ad manducandum , & vesti-
 mentum ad vestiendum. Tantum necessa-
 ria deprecatus est, & post annos viginti di-
 ves dominus , & ditior Pater , ad terram
 revertitur Chanaam. Infinita de Scripturis
 exempla suppetunt , quæ avaritiam do-
 ceant esse fugiendam. Verum, quia nunc ex-

parte de ea dicitur, & suo (si Christus annuerit) volumini reservatur, quid ante non plures annos Nitriæ gestum sit, referemus. Quidam ex fratribus parcior magis, quam aviator, & nesciens triginta argenteis Dominum venditum, centum solidos, quos lina texendo acquisierat, moriens dereliquit. Initum est inter Monachos concilium (nam in eodem loco circiter quinque millia divisæ cellulæ habitabant) quid factò opus esset. Alii pauperibus distribuendos esse dicebant, alii dandos Ecclesiæ, nonnulli Parentibus remittendos. Macarius vero, & Pambo, & Isidorus, & ceteri, quos Patres vocant, sancto in eis loquente Spiritu, decreverunt, infodiendos esse cum codem, dicentes: Peccunia tua tecum sit in perditionem. Nec hoc crudeliter quisquam putet saeculum: tantus cunctos per totam Ægyptum terror invasit, ut unum solidum dimisisse, sit criminis. Et quoniam Monachorum fecimus mentionem, & te scio libenter audire, quæ sancta sunt; aurem paulisper accommoda. Tria sunt in Ægypto Monachorum genera: primum Cœnobitæ, quod illic Sauces gentili lingua vocant; nos in communi viventes, possumus appellare. Secundum Anachoretæ, qui soli habitant per deserta, & ab eo, quod procul ab hominibus recesserint, nuncupantur. Tertium genus est, quod Remoboth dicunt, deterrium, atque negleatum, & quod in nostra Provincia aut solum, aut primum est. Hi bini, vel terni, nec multò plures simul habitant, suo

arbitrata, ac ditione viventes, & de eo, quod laboraverint, in medium partes conferunt, ut habeant alimenta communia. Habitent autem quam plurimi in urbibus, & castellis: & quasi ars sit sancta, non vita, quidquid vendiderint, majoris est pretii. Inter hos sæpè sunt jurgia: quia, suo viventes cibo, non patiuntur se alieni esse subjectos. Revera solent certare jejuniis, & rem secreti victoriæ faciunt. Apud hos affectata sunt omnia, laxæ manicæ, caligæ follicantes, vestis crassior, crebra suspiria, visitatio virginum, detrac-tio Clericorum: & si quando dies festus venerit, saturantur ad vomitum. His igitur, quasi quibusdam pestibus exterminatis, veniamus ad eos, qui plures sunt, & in commune habitant, id est, quos vocari Cœnobitas diximus. Prima apud eos confederatio est, obedire majoribus, & quidquid jusserint, facere. Divisi sunt per Decurias, atque Centuriás, ita ut novem hominibus decimus præsit; & rursus decem præpositos sub se centesimus habeat. Manent separati, sed junctis cellulis. Usque ad horam, ut institutum est, nemo pergit ad alium, exceptis his Decanis, quos diximus; ut si cogitationibus forte quis fluctuat, illius consoletur alloquiis. Post horam nonam in commune concurritur, psalmi resonant, Scripturæ recitantur ex more. Et completis orationibus, cunctisque residentibus, medius, quem Patrem vocant,

incipit disputare. Quo loquente, tantum silentium fit, ut nemo alium respicere, nemo audeat excreare. Dicentis laus in fletu est audientium. Tacitæ volvuntur per ora Iachrymæ, & ne in singultus quidem erumpit dolor. Cum verò de Regno Christi, de futura Beatitudine, & de Gloria cœperit annuntiare ventura; videoas cunctos, moderato suspirio, & oculis ad Cœlum levatis intra se dicere: Quis dabit mihi pennas sicut columbae, & volabo, & requiescam? Post hæc concilium solvit, & unaqueque Decuria cum suo Parente pergit ad mensas, quibus per singulas hebdomadas vicissim ministrant. Nullus in cibo strepitus est: nemio comedens loquitur. Vivitur pane, leguminibus, & oleribus, quæ sale solo condiuntur. Vinum tantum senes accipiunt, quibus, & parvulis sæpè sit prandium, ut aliorum fessa sustentetur ætas, aliorum non frangatur incipiens. Dehinc consurgunt pariter, & hymno dicto, ad pœsepiam redeunt: ibi usque ad vesperam cum suis unusquisque loquitur, & dicit: Vidistis illum, & illum? Quanta in ipso sit gratia, quantum silentium, quam moderatus incessus? Si infirmum viderint, consolantur; si in Dei amore ferventem, cohortantur ad studium. Et quia nocte extra orationes publicas in suo cubili unusquisque vigilar, circumcunt cellulas singulorum, &, aure apposita, quid faciant, diligentes explorant. Quem tardiorem deprehenderint, non inciepant; sed dissimulato, quod nōrunt,

cum s^æpius visitant, & prius incipientes, provocant magis orare, quam cogunt. Opus diei statum est: quod decano redditum fertur ad cœconomum: qui & ipse per singulos menses Patri omnium cum magno tremore reddit rationem: à quo etiam cibi, cùm facti fuerint, prægustantur. Et, quia non licet dicere cuiquam: Tunicam, & sagum, textaque juncis strata non habeo, ille ita universa moderatur, ut nemo quid postulet, nemo non habeat. Si quis verò coepit ægrotare, transfertur ad exedram latiorēm; & tanto senum ministerio confovetur, ut nec delicias urbium, nec Matris querat affectum. Dominicis diebus orationi tantū, & lectiōnibus vacant: quod quidem, & omni tempore, completis opusculis, faciunt. Quotidie aliquid de Scripturis dicitur. Jejunium totius anni æquale est, exceptā Quadragesimā, in qua sola conceditur distictiūs vivere. A Pascha ad Pentecosten cœnæ mutantur in prandia, quo & traditioni Ecclesiasticæ satiis fiat, & ventrem cibo non onerent duplicato. Tales Philo, Platonici sermonis imitator, tales Josephus, Græcus Livius, in secunda Judæcæ captivitatis historia Eſſenos refert. Verum, quia nunc de virginibus scribens, penè superfluum de Monachis disputavi ad tertium genus veniam, quos Anachoretas vocant: qui & de Cœnobiis exeuntes, excepto pane, & sale, ad deserta nihil perferunt amplius. Hujus vitæ auctor Paulus, illustrator Antonius, &, ut ad superiora con-

566. DE CUSTODIA

scendam, Princeps Joannes Baptista fuit. Talem verò virum Jeremias quòque Prophetæ describit dicens: Bonum est viro, cùm portaverit jugum, ab adolescentia sua: se-debit solitarius, & tacebit, quoniam sustulit super se jugum, & dabit percutienti se maxillam. Saturabitur opprobriis, quia non in sempiternum abjiciet Dominus. Horum laborem, & conversationem in carne, non carnis, alio tempore, si volueris, explicabo. Nunc ad propositum redeam, quia de avaritia differens, ad Monachos veneram. Quorum tibi exemplum proponens, non dico aurum, atque argentum, & cæteras opes, sed ipsam terram, & Cœlum despicies, & Christo copulata cantabis: Pars mea Dominus. Post hæc, quāmquam Apostolus orare non semper jubeat, & Sanctis etiam ipse fit somnus oratio: tamen divisas orandi horas debemus habere; ut, si forte aliquo fuerimus opere detenti, ipsum nos ad officium tempus admoneat. Horam tertiam; sextam, nonam, diluculum quòque, & vesperam, nemo est, qui nesciat. Nec cibi sumantur, nisi oratione præmissa: nec recedatur à mensa, nisi referatur Creatori gratia. Noctibus bis, terque surgendum, revolvenda, quæ de Scripturis memoriter retinemus. Egredientes de hospitio armet oratio: regredientibus de platea oratio occurrat, antequām sessio: nec prius corpusculum requiescat, quām anima pascatur. Ad omnem aëtem, ad omnem incolum manus pingat Domini Crucem. Nulli de-

detrāhas , nec adversus filium Matris tuæ ponas scandalum. Tu quæ es , ut alienum servum judices ? Suo domino stat , aut cadit . Stabit autem : potens est enim Deus statuere illum . Nec , si biduo , triduoque jejunaveris , putas , te non jejunantibus esse meliorem . Tu jejunas , & iraferis ; ille comedit , & fronte blanditur . Tu vexationem mentis , & ventris esuriem rixando digeris ; ille moderatiūs alitur , & Deo gratias agit . Unde quotidie clamat Isaias : Non tale jejunium elegi , dicit Dominus . Et iterum ; In diebus jejuniorum vestrorum inveniuntur voluntates vestræ , & omnes , qui sub vestra potestate sunt , stimulatis . In judiciis , & litibus jejunatis , & percutitis pugnis humilem . Ut quid mihi jejunatis ? Quale illud potest esse jejunium , cuius iram non dicam , nox occupat , sed Luna integrum derelinquit ? Te ipsam considerans , noli in nalterius ruina , sed in tuo opere gloriari . Nec illarum tibi exempla proponas , quæ carnis curam facientes , possessionum redditus , & quotidianas domus impensas supputant . Neque enim undecim Apostoli Judæ proditione sunt fracti : nee , Phileto , & Alexandro facientibus naufragium , cæteri à cursu fidei substituerunt . Nec dicas : Illa , & illa suis rebus fruitur : honoratur ab hominibus : fratres ad eam conveniunt , & sorores . Nunquid ideo virgo esse desiit ? Primum dubium est , an virgo sit talis : non enim quomodo videt ho-

homo, videt Deus: homo videt in facie, Deus autem videt in corde. Dehinc, etiam si corpore virgo est, an spiritu virgo sit, nescio. Apostolus autem ita virginem definit, ut sit sancta corpore, & spiritu. Ad extremum habeat sibi gloriam suam. Vincat Pauli sententiam; deliciis fruatur, & vivat: nos meliorum exempla secemur. Propone tibi B. Mariam, quæ tantè extitit puritatis, ut Mater Domini esse mereretur. Ad quam cùm Angelus Gabriel in viri specie descendisset, dicens: Ave, gratiâ plena, Dominus tecum: consternata, & perterrita, respondere non potuit: nunquam enim à viro fuerat salutata. Denique nuntium discit, & loquitur: & quæ hominem formidabat, cum Angelo fabulatur intrepida. Potes & tu esse Mater Domini. Accipe tibi tomum magnum, & scribe in eo stylo hominis: velociter spolia detrahe, & postquam accesseris ad Prophetissam, & conceperis in utero, & peperis filium, dic: A timore tuo, Domine, concepimus, & doluimus, & peperimus spiritum salvationis tuę, quem facimus super terram. Tunc & filius tuus tibi respondebit, & dicet: Ecce Mater mea, & fratres mei. Et mirum in modum ille, quem in latitudine peccoris tui paulò antè descripseras, quem in uinitate cordis stylo signaveras, postquam spolia ex hostibus receperit, postquam denudaverit Principatus, & Potestates, & affixerit eas Crucis; conceptus adolescit: & major effectus sponsam te incipit habere de

Matre. Grandis labor, sed grande præmium,
esse quod Martyres, esse quod Apostoli, esse
quod Christus est. Quæ quidem universa
tunc profunt, cùm in Ecclesia fiunt, cùm in
una domo Pascha celebramus: si arcam in-
gredimur cum Noè, si pereunte Jericò,
Raab meretrix justificata nos continet. Cæ-
terum virgines, quales apud impurissimum
Manichæum esse dicuntur, scorta sunt
existimandæ, non virgines: si enim corpo-
ris earum auctor est Diabolus, quomodo
possunt honorare plasmationem hostis sui?
Sed, quia sciunt virginale vocabulum glo-
riosum, sub ovium pellibus lupos tegunt:
Christum mentitur Anti-Christus, & turpi-
tudinem vitæ falso nominis honore con-
vestiunt. Gaude, soror, gaude, filia, gau-
de, mi virgo, quia, quod aliæ simulant,
tu verè esse cœpisti. Hæc omnia, quæ di-
gesimus, dura videbuntur ei, quæ non
amat Christum. Qui autem omnem sæculi
pompam pro purgamento habuerit, & va-
na duxerit universa sub Sole, ut Christum
Iucrifaciat, qui commortuus est Domino
suo: & consurrexit, & crucifixit carnem
cum vitiis, & concupiscentiis, liberè pro-
clamabit: Quis nos separabit à charitate
Dei? An tribulatio, an angustia, an perse-
cutio, an fames, an nuditas, an periculum,
an gladius? Et iterum: Certus sum, quia
neque mors, neque vita, neque Angelus,
neque Principatus, neque Potestates, ne-
que instantia, neque futura, neque fortitu-
do, neque excelsum, neque profundum,

neque alia creatura poterit nos separare à charitate Dei , quæ est in Christo Iesu Dominu nostro. Dei Filius pro nostra salute hominis factus est filius: novem mensibus in utero , ut nascatur , expectat, fastidia sustinet , cruentus egreditur, pannis involvitur, blanditiis delinitur ; & ille pugillo Mundum includens, præsepis continetur angustiis. Taceo, quod usque ad triginta annos ignobilis , Parentum paupertate contentus est: verberatur , & tacet : crucifigitur , & pro crucifigentibus deprecatur. Quid igitur retribuam Domino pro omnibus, quæ retribuit mihi ? Calicem salutaris accipiam, & nomen Domini invocabo. Pretiosa est in conspectu Domini mors Sanctorum ejus. Hec est sola digna retributio, cum sanguis sanguine compensatur , & redempti cruore Christi, pro Redemptore libenter occumbimus. Quis Sanctorum sine certamine coronatus est ? Abel justus occiditur: Abraham uxorem periclitatur amittere. Et , nè in immensum volumen extendam , quære , & invenies singulos adversa perpeccios. Solus in deliciis Salomon fuit, & forsitan ideo corruit ; quem enim diligit Dominus, corripit : castigat autem omnem filium , quem recipit. Nonnè melius est, brevi tempore dimicare , ferre vallum, armata sumere , laceffere sub lorica, & poste a gaudere victorem; quam impatientiam unius horæ servire perpetuo ? Nihil amantibus durum est, nullus difficilis cupienti labor est. Respice, quanta Jacob pro Rachel pacta

uxore

uxore substituit. Et servivit (inquit Scriptura) Jacob pro Rachel annis septem; & erant in conspectu ejus quasi dies pauci: quoniam amabat illam. Unde & ipse posteā memorat: In die urebar æstu, & gelu nocte. Amemus & nos Christum, ejusque semper quæramus amplexus: & facile videretur omne difficultate. Brevia putabimus universa, quæ longa sunt: & jactulo illius vulnerati, per horarum momenta dicemus: Heu me, quia peregrinatio mea prolongata est à me! Non sunt enim condignæ passiones hujus temporis ad futuram gloriam, quæ revelabitur in nobis: quia tribulatio patientiam operatur, patientia autem probationē probatio autem spem, spes autem non confundit. Quando tibi grave videtur esse, quod sustines, Pauli secundam epistolam ad Corinthios lege: In laboribus plurimum, in carceribus abundantius, in plagiis supra modum, in mortibus frequenter. A Judæis quinques quadragenias, unâ minus, accepi: ter virgis cæsus sum, semel lapidatus sum, ter naufragium feci, nocte, & die in profundo Maris sui. In itineribus sepiùs, periculis fluminum, periculis latronum, periculis ex genere, periculis ex gentibus, periculis in civitate, periculis in deserto, periculis in Mari, periculis in falsis fratribus, in laboribus, in miseriis, in vigiliis multis, in fame, & siti, in jejuniis plurimis, in frigore, & nuditate. Quis nostrum saltēm minimam portionem de catalogo ha-

372: DE CUSTODIA

harum sibi potest vendicare virtutum? Ob quæ ille posteà confidenter ajebat: Cursum consummavi, fidem servavi: superest mihi corona justitiae, quam retribuet mihi in illa die Dominus justus judex. Si cibus insulso fuerit, contristamur: & putamus, Deo nos aliquod præstare beneficium: cùm aquarius vinum bibimus, calix frangitur, mensa subvertitur, verbera resonant, & aqua tepidior sanguine vindicatur. Regnum Cœlorum vim patitur, & violenti rapiunt illud. Nisi vim feceris, Cœlorum Regna non capies. Nisi pulsaveris importunè, panem non accipies sacramenti. An non tibi videatur violentia, cùm caro cupit esse, quod Deus est, & illuc, unde Angeli corruerunt, Angelos indicatura concendit? Egredere, quæso paulisper de carcere, & præsentis laboris ante oculos tuos tibi pingere mercedem, quam nec oculus vidi, nec auris audivit, nec in cor hominis ascendit. Qualis erit illa dies, cùm tibi Maria Mater Domini, choris occurret comitata virgineis? Cùm post rubrum Mare, submerso cum suo exercitu Pharaone, tympanum tenens, præcinet responsuris: Cantemus Domino, gloriouse enim honorificatus est; equum, & aescenforem projecit in Mare. Tunc Thecla in tuos læta volabit amplexus: tunc & ipse sponsus occurret, & dicet: Surge, veni, proxima mea, sponsa mea, columba mea: quia ecce hyems transivit, & pluvia abiit sibi. Tunc Angeli mirabuntur, & dicent: Quæ est ista prospiciens quasi diluculum, speciosa

ut

ut Luna, electa ut Sol? Videbunt te filiae,
 & laudabunt; Reginæ, & concubinæ præ-
 dicabunt. Hinc & aliis castitatis chorus
 occurret. Sara cum nuptis veniet, filia Pha-
 nuelis Anna cum viduis: erunt in diversis
 gregibus carnis, & spiritus Matres tuæ. Læ-
 tabitur illa, quod genuit: exultabit ista,
 quod docuit. Tunc verè super asinam Do-
 minus ascendet, & Cœlestem ingreditur Je-
 rusalem. Tunc parvuli, de quibus in Isaia
 Salvator effatur: Ecce ego, & pueri mei,
 quos mihi dedit Deus, palmas victoriae
 sublevantes, confono ore cantabunt: Osan-
 na in excelsis: benedictus, qui venit in no-
 mine Domini: osanna in excelsis. Tunc cen-
 tum quadraginta quatuor millia in con-
 spectu throni, & seniorum, tenebunt cytha-
 ras, & cantabunt canticum novum: & ne-
 mo poterit dicere canticum illud, nisi nu-
 merus definitus. Hi sunt (qui cum mulie-
 ribus se non coninquinaverunt): virgines
 enim permanserunt: hi sunt, qui sequun-
 tur agnum, quocumque vadit. Quotiescum-
 que te vana seculi delectoriter ambitio,
 quoties in Mundo aliquid videris glorio-
 sum, ad Paradisum mente transgredere, esse
 incipe, quod futura es, & audies à sponso
 tuo: Pone me sicut umbraculum in corde
 tuo, sicut signaculum in brachio tuo; &
 corpore pariter, ac mente munita clama-
 bis, & dices: Aquæ multæ non poterunt
 extinguere charitatem, & flumi-
 na non operient
 eam.

INDEX

EPISTOLARUM DIV. HIERONYMI,
quæ in hoc volumine continentur.

- A**d Heliodorū, de laude vitæ solitar. 1.
 Ad Nepotianum, de vita Clericorum. 14.
 Ad Rusticum Monachum, de forma viven-
 di. 36.
 Ad Florentium. 58.
 Ad eundem. 60.
 Ad Lætam, de institutione filię. 62.
 Ad Gaudentiu, de Pacatulę institutione. 78.
 Ad Paulinū, de institutione Monachi. 86.
 Ad Marcellam, de laudibus Asellæ. 98.
 Ad Asellam. 102.
 Ad Principiam virginem, Marcellæ epitaphium. 107.
 Ad Marcellam, quam invitat ad rus. 121.
 Ad Eustochium, de acceptis ab ea mu-
 nusculis. 125.
 Ad Marcellā, de acceptis munusculis. 127.
 Ad Paulom Concordiensem. 128.
 Ad Marcellā, de ægrotatione Bl̄fillæ. 131.
 Ad Paulam, super obitu Bl̄fillæ filię. 135.
 Ad Marcellam, de exitu Leæ. 150.
 Ad Pammachium, consolatio super obitu
 uxoris. 153.
 Ad Thedoram, epitaphium Lucinii Bœ-
 tici. 168.
 Ad Lucinium. 173.
 Ad Theophilum. 180.
 Ad Abigaum. 182.
 Ad Castrutium. 185.
 Ad

Ad Julianum.	188.
Ad Exuperantium, hortatoria.	200.
Ad Castorinam Materteram.	202.
Ad Julianum Diaconum.	204.
Ad Théodosium.	206.
Ad Virgines Hermonenses.	207.
Ad Ruffium.	209.
Ad Nitiam.	215.
Ad Chromatium.	216.
Ad Chrysogonum Monachum.	221.
Ad Antonium, de Modestia.	222.
Ad Demasum.	224.
Ad eundem.	228.
Ad Marcellam.	230.
Ad Alipium, & Augustinum.	232.
Ad Augustinum.	234.
Ad eundem.	235.
Ad Magnum oratorem Romanum.	236.
Ad Augustinum.	243.
Ad eundem.	245.
Ad eundem.	247.
Ad Bonafum.	248.
In Pentateuchum Moysi præfatio.	251.
Ad Pammachium, de optimo genere inter- pretandi.	255.
Ad Marcellam.	275.
Ad Paulinum.	278.
Vita Pauli Eremitæ.	295.
Ad Paulinum Episcopum.	309.
Ad Desiderium.	310.
Vita Malchi captivi Monachi.	312.
Ad Eustochium, de virginitatis custodia.	323.

SENENTIAE UTILISSIMÆ

selectæ ex Epistolis Divi Hieronymi.

Ex Epistola ad Heliodorum. Fol. 1.

1. **N**udos amat eremus.
2. **A**ffatim dives est, qui cum Christo pauper est.
3. Erras, frater, erras, si putas unquam Christianum persecutionem non pati.
4. Tunc maximè oppugnaris, si te oppugnari nescis.
5. Cur timido animo Christianus est?
6. Hæreditatem expectans sæculi, cohæres Christi esse non poteris.
7. Perfectus servus Christi nihil præter Christum habet, aut, si quid præter Christum habet, perfectus non est.
8. Qui dicit, se in Christum credere, debet, quomodo ille ambulavit, & ipse ambulare.
9. Ubi minus est, perfectum non potest dici.
10. Perfectum esse nolle, delinquere est.
11. Væ illi, qui acceptum talentum in sudario ligans, cæteris lucra facientibus, id tantum, quod acceperat, reservavit!
12. Dum tu ignavus negotiator denarium tenes, alterius locum, qui pecuniam dupicare poterat, occupasti.
13. Non facit Ecclesiastica dignitas Christianum.
14. Cui plus creditur, plus ab eo exigitur.
15. Pro Sacerdotis lapsu quis rogaturus est?
16. Quid

16. Quid agis, frater, in seculo, qui major es Mundo.
17. Delicatus es, frater, si & hic vis gaude-re cum saeculo, & postea regnare cum Christo.

Ex Epistola ad Nepotianum, Fol. 14.

1. Propterea Clerici vocantur, quia de sorte Domini sunt, vel quia ipse Dominus fors, id est, pars Clericorum est.
2. Qui vel ipse pars Domini est, vel Dominum partem habet, talem se exhibere debet, ut & ipse possideat Dominum, & possideatur ab eo.
3. Qui Dominum possidet, & cum Prophetam dicit: Pars mea Dominus, nihil extra Dominum habere potest; quod si quidam aliud habuerit praeter Dominum, pars ejus non erit Dominus.
4. Ignominia omnium Sacerdotum est, propriis studere divitiis.
5. Non confundant opera tua sermonem tuum.
6. Sacerdotis Christi os, manusque concordent.
7. Multò melius est è duobus imperfectis, iustitatem sanctam habere, quam eloquentiam peccatricem.
8. Cogitemus Crucem Christi, & divitias lutum putabimus.
9. Dum delicias secessamus, à Regno Cœlorum retrahimur.
10. Scito, quia per cuncta, que de aliis loqueris, tua conscientia iudicaris: & in his ipse apprehenderis, que in aliis arguebas,

xii. Ne-

378. TABULA SENTENT.

11. Nemo invito auditori libenter refert.
12. Discat detractor, dum te videt non libenter audire, non facilè detrahere.
13. Optimus dispensator est, qui nihil sibi reservat.

Ex Epistola ad Rusticum. Fol. 36.

1. **N**on est culpa Christiani nominis, si simulator Religionis in vitio sit.
2. Modicus, ac temperatus cibus & carni, & animæ utilis est.
3. Nulli parcas, ut soli animæ parcas.
4. Mihi oppidum carcer, & solitudo Paradisus est.
5. Iram vince patientiâ.
6. Ama scientiam Scripturarum, & carnis vitia non amabis.
7. Facito aliquid operis, ut te semper Diabolus inveniat occupatum.
8. Nisi oderimus malum, bonum amare non possumus.
9. Sicut, si sagitta contra duram materiam, nonnunquam in mittentē revertitur, illudque completur: Fæti sunt mihi in arcum pravum; ita detractor, cum tristem faciem viderit audientis, ne audientis quidem, sed obturantis aures suas, nè audiat judicium sanguinis, illico conticefcit, pallet vultus, hærent labia, saliva siccatur.
10. Utinam quòd renuntiemus sæculo, voluntas sit, non necessitas, & paupertas habeat expedita gloriâ, nō illata cruciatū.
11. Si habes substantiâ, vende, & da pauperibus; si non habes, grandi onere liberatus es.
12. Nudum Christum nudus sequere.

Ex

Ex Epistola ad Latam. Fol. 62.

1. **N**unquam est sera conversio; ne sci-
licet quis desperet.
2. Non sunt contemnenda quasi parva, sine
quibus magna constare non possunt.
3. Venena non dantur, nisi melle circumli-
ta: & vitiæ non decipiunt, nisi sub spe-
cie, umbraque virtutum.
4. Si tanti vitrum, quare non majoris sit
pretii margaritum?
5. Aequa gratia æquum habet laborem.

Ex Epistola ad Gaudentium. Fol. 78.

1. **U**t aqua in areola digitum sequitur
precedentem, ita etas mollis, & te-
nera in utramque partem flexibilis est, &
quocumque duxeris, trahitar.
2. Multitudo peccantium peccandi licen-
tiam subministrat.
3. Vivimus, quasi altera die morituri, &
ædificamus, quasi semper in hoc sæculo
victuri.
4. Auro parietes, auro laquearia, auro ful-
gent capita columnarum, & nudus, at-
que esuriens ante fores nostras Christus
in paupere moritur.
5. Necdum introitus, jam exitus: *Scilicet
de Mundo.*

Ex Epistola ad Paulinum. Fol. 86.

1. **P**lenus venter facile de jejuniis dis-
putat.

2. Non

480. TABULA SENTENT.

2. Non Jerosolymis fuisse, sed Jerosolymis
bene vixisse, laudandum est.
3. Singuli quique credentium, non loco-
rum diversitatibus, sed fidei merito pon-
derantur.
4. Verum Christi Templum anima cre-
dantis est, illam exorna, illam vesti, illi
offert donaria, in illa Christum suscipe.
5. Quæ utilitas est, parietes fulgere gem-
mis, & Christum in pauperie fame peri-
clitari?
6. Esse Christianum, grande est, non videri.
7. Nescio quomodo plus placent Mundo,
qui Christo displicant.
8. Capite quippe sano, omnes sensus vi-
gent.

Ex Epistola ad Principiam. Fol. 107.

1. **E** Rubescit, quamvis præclara, doctri-
na, quam propria reprehendit con-
scientia.
2. Frustrè ejus lingua prædicat paupertati-
tem, & docet elemosynas, qui Crœsi
divitiis tumet.

Ex Epistola ad Marcellam. Fol. 121.

1. **T**Ot habemus personarum similitu-
dines, quot peccata.
2. Adversarius quippe Christi est Anti-
Christus, cui præcepta displicant Christi.

Ex Epistola ad Pammachium. Fol. 153.

1. **Q**uid boni habeat sanitas, languor
ostendit.
2. Plus sentimus, quod habuimus, post-
quam haberé desivimus.

TABULA SENTENT. 381.

3. Ingenia liberaliter educata, facilitius verecundia, quam metus superat; & quos tormenta non vincunt, interdum vincit pudor.
4. Lucet margaritum in fôrdibus, & fulgor gemmæ purissimæ etiam in luto radiat.
5. Pars sacrilegii est, rem pauperum dare non pauperibus.
6. Tibi non sufficit opes contemnere, nisi Christum sequaris: Christum autem sequitur, qui peccata dimittit, & virtutum comes est,
7. Apostoli quantum ad divitias nihil, quantum ad voluntatem, totum Mundum pariter reliquerunt.
8. Si offeramus Christo opes cum anima nostra, libenter suscipiet; si autem, quæ foris sunt Deo, quæ intus sunt Diabolo demus, non est æqua partitio, & dicitur nobis: Nonnè, si rectè offeras, & non rectè dividas, peccasti?

Ex Epistola ad Lucinum. Fol. 173.

1. Cœpisse multorum est, ad culmen pervenisse paucorum.
2. Aurum deponere incipientium est, non perfectorum; se ipsum offerre Deo, proprie Christianorum est, & Apostolorum.
4. Dominus magis querit animas credentium, quam opes.

Ex Epistola ad Castrutum. Fol. 185.

1. Inimicis non res queritur, sed voluntas; quia alterum ab inimicis sèpè præbetur, alterum sola charitas tribuit.

2. Mag.

§ 82. TABULA SENTENT.

2. Magna ira est, quando peccantibus non
irascitur Deus. Non erudit Pater, nisi
quem amat; non corripit Magister disci-
pulum, nisi eum, quem ardenteris cer-
nit ingenii: Medicus, si cessaverit curare,
desperat.

Ex Epistola ad Iulianum. Fol. 138.

1. **T**E ipsum vult Dominus hostiam vi-
vam, placentem Deo, te, inquam,
non tua.
2. Felix, & omni dignus Beatitudine, quem
senectus Christo occupat servientem,
quem extrema dies Salvatori invenerit
militantem.
3. Difficile, imò impossibile est, ut præ-
sentibus quis, & futuris fruatur bonis;
ut & hic ventrem, & ibi mentem impleat;
ut de deliciis transeat ad delicias; ut in
utroque seculo primus sit; ut in Cœlo,
& in terra appareat gloriosus.
4. Et Sancti corruunt, si fuerint negligen-
tes, & peccatores pristinum recipiunt
gradum, si fortes fletibus abluant.
5. Multæ hominibꝫ viæ videntur justæ,
que postea reperiuntur pravæ. Et in testa-
ceis vasculis thesaurus sœpè reconditur.

Ex Epistola ad Ruffinum. Fol. 209.

1. **T**Une poteris laudare victoriam, cùm
laborem prælantis agnoveris.
2. Charitas non potest comparari: dilectio
precium non habet.

Ex Epistola ad Pammachium. Fol. 255.

1. Errasse humanum est, confiteri errorum prudentis.
2. Qui in sermone imitari se dicit Apostolos, prius imitetur virtutes in vita illorum.

Ex Epistola ad Paulinum. Fol. 278.

1. Vera illa necessitudo est, quam non utilitas rei familiaris, non subdola, & palpans adulatio, sed timor Dei, & Divinæ Scripturæ studia conciliant.
2. Sancta quippe rusticitas solum sibi proficit, & quantum ædificat ex vitæ merito Ecclesiam Christi, tantum nocet, si destruentibus non resistat.
3. Nemo renuntiaturus sæculo bene potest vendere quæ contempsit, ut venderet.
4. Totum dedit, qui se ipsum obtulit.
5. Facile contemnit omnia, qui semper cogitat moriturum.

Ex Epistola ad Eustochium. Fol. 323.

1. Adulator quippe blandus inimicus est.
2. Onusta incedis auro, latro tibi vitanus est.
3. Stadium est hæc vita mortalibus, hic contendimus.
4. Quādiū hoc fragili corpore detinemur, quādiū habemus thesaurū istum in vasis futilibus, & concupiscit spiritus adversus car-

584. TABULA SENTENT.

carnem, & caro adversùs spiritum, nulla
est certa victoria.

5. Dum parvus est hostis, interfice : nequi-
tia, nè zizania crescant, elidatur in se-
mine.

6. Vinum, & adolescentia duplex incen-
dium voluptatis.

7. Illico mens repleta torpe scit, & irrigata
humus spinas libidinum germinat.

8. Carnis amor spiritus amore superatur:
desiderium desiderio restringitur : quid
quid inde minuitur, hinc crescit.

9. Tua regio paradisus est.

10. Non sufficit scire, quod bonum est, nū
custodiatur attentiūs, quod perfectum
est : quia illud judicii est, hoc laboris
& illud commune cum pluribus, ho-
cum paucis.

11. Solus in deliciis Salomon fuit, & fort
ideò corruit.

12. Nihil amantibus durum est, nullus
difficilis sapienti labor est.

13. Nisi vim feceris, Cœlorum Regna non
cicies: nisi pulsaveris importunè, panem
non accicies sacramenti.

14. An nou tibi videtur violentia, cùm
caro cupit esse, quod Deus est : & illud,
unde Angeli corruerunt, Angelos judi-
catura conscendit?

F I N I S.

